



~~C 8077~~

Uc 9294

Biblioteka Jagiellońska



sidr0015456

Uc 9294

VICTOR & VICTVS
VINCENTIVS CORVINVS
GOSIEWSKI.

Supremus M. D. L. Thesaurarius & Campi Mar-
schalcus, Wielisensis, Punicensis, Marcoviensis,
Łozdżiciensis Capitaneus: Oeconomiarū Mohilo-
viensis, Graudētenfis, & Olitenfis Administrator,
repræsentatus,

A.

SAMVELE WESŁAWSKI
IOANNIS CASIMIRI Poloniae & Sveciae Regis
Notario M. D. L. & Cubiculario.
Tribuno Vpitenfi 1664.

atq;

Inter suas revolutiones
VICTRICIA & VICTA Regna POLONIAE,
LITVANIAE, MOSCHOVIAE
Nunc primum in lucem producuntur.

A.

MICHAELE WESŁAWSKI
Tribunida Vpitenfi Academico
Vilnensi, An: 1691.



Nulla me res delectat diu, quam mihi
uni sciturus sum. Seneca.



Illustrissimo & Excellentissimo D. Domino
IOSEPHO BOGVSLAO
SLVSKA

Castellano Vilnensi & Campi Marschalco M.D.L.
Pienianensi, Iezierzyscensi, Punienſi Capitaneo.
Nec non eiusdem lectissimæ Consorti,

Illustrissimæ & Excellentissimæ Domina
THERESSIÆ
GOSIEWSKA

Paterni Sægvinis, Magnanimitatis, Opû, Hæredi:
Coniugalis Thalami, & Honorum Sociæ.

R Edivivum VINCENTIVM CORVI-
NVM GOSIEWSKI, Supremum Thesau-
rarium & Campi Marschalcum Parentem
Vestrum veneremini Illustrissimi & Excellentissimi
Domini. Prodit ille in tacem, non tumuli squalore
deformis, (nam hunc vos omnem filiali obsequio amo-
vistis

vistis, quando dignum eius aternitate, dignum Vestrâ liberalitate perennaturi avioris monumentum ere perennius, in marmoreo tumulo excitâstis; sed illâ atate, illâ Martij vultûs Majestate, oculatis seræ posteritatis desiderijs se obijciens, quâ florentissimam VLADISLAI IV Aulam, ipse Aula decor, atate, moribus, opibus florentissimus, Dapifer M. D. L. incoluit.

Videre videmur Lituanum Achillem nostrum, fatis indomitum, Clypeo gladioq; potentem, hostilibus jugulis etiamnum incumbere, & per infensas Patriæ acies, per ignes & mille volantia tela ad Loïon, Trapien, Dimir, Pinsk, Mozyr, primùm Colonellum, deinde Generalem Artilleriæ volitare. Dum Kiovios arcus, pharetrasq; rebelles captivas tradit Dux RADIVILE Tibi.

Excubat etiamnum pro Patriæ integritate, immortalis pervigil famâ, illâq; prudentiâ, quâ decem millium Exercitum, omni fortunâ sibi fidum, proprio ere conscripsit: illâ fortitudine, quâ Victor ad Prostki, in Prussia, Lituania, Russia, Livonia, contra Moschos, Suecos, Brandenburgicos, Thesaurarius & Campi-Dux decertavit.

Mirabuntur frô ventura sæcula, infractam illam

lam Ducalis animi fortitudinem, quâ tot calamitates in Moschico carcere, grandi illo scilicet GORVINIANÆ magnanimitatis theatro, sustinuit. Adorabunt flexanimam inter arma & lituos, Imperatorii oris facundiam, vibratis in ferale Patriæ excidium ensibus imperantem, persuasissq; Moschis, Brandenburgico, Tartaris, & Kozacis, ad Bialocerkiviam fœderibus, immanem illam belli tempestatem (quæ universa Polonia supremum naufragium minabatur) avertentem. Sed quia magnæ Fortunæ, magna cognata est mutatio, & felicissimæ prosperitatis cursus, palmari plerûq; infortunio terminatur (nam Alexander, Germanicus, Annibal, veneno; Cyrus, Caesar, Pompejus, coede; Marius, Bellizarius egestate; Camillus & Africanus, ille Gallis devictis, hic triumphatâ Carthagine, Civium oppressi odijs, negaturi suos cineres ingrata Patria, voluntarium sibi indixerunt exilium) hic quoq; Victor, eandem victoriam subiit sortem, cùm legatio jure gentium sancta, cum libertate & Patriâ exisset, receptum in Patriam seditio militaris, vitâ; cui sedanda sese devoverat, illâ oppressus perijt tempestate.

VICTORIS & VICTI, par gloria, par
im

in Patriam studium; nam quemadmodum Victori propugnata Patria, sic victo precautionum missarum in Patriam, restincti militaris incendij, compositiq; Civilis belli, debetur palma: ut Victor & Victus, liber & Captivus, paribus encomijs, à sera celebretur posteritate.

Hiscè in Patriam meritis augustus, tot Civis, Muralib9, Obsidionalib9 coronis redimit9, hac gloriâ sublimis Illustrissim9 Pater Vester, etiamnû post fata superstes, Orbis universi aspectibus à Genitore meo, Illustrissimis Vestris Nominibus devinctissimo, proponitur. Tibi tamen imprimis presentatur, Lituanæ Marvors, Magne Castellane, & Campi Marschalce gloriosissime, qui filialis obsequij gloriam cum hereditate, & magistratu militari, in Te transcripsisti; Decora GOSIEVIANÆ Domûs Tuis, Tua GOSIEVIANIS conjungens. Communi plausu (Patrum memoria) uterq; Avus Vester, hinc ALEXANDER SŁVSZKA Palatinus Trocensis, inde ALEXANDER CORVINVS GOSIEWSKI, Palatinus Smolenscensis, Prorex Moschoria: uterq; Vester Patruelis, hinc SIGISMUNDVS SŁVSZKA, Supremus M. D. L. Vexillifer & Colonellus, inde

CHRI.

CHRISTOPHORVS GOSIEWSKI Palatinus Smolenscensis, in Galliam Legatus, pro liberando CASIMIRO Polon: Principe: hinc Parentes Vestri BOGVSŁAVS SŁVSZKA Curia Thesaurarius, inde VINCENTIVS CORVINVS GOSIEWSKI, Supremus Thesaurarius: hinc DOMINICVS SŁVSZKA Palatinus Polocensis, inde VINCENTIVS CAROLVS GOSIEWSKI posthumus, Fratres vestri, utriq; Domui gratulantur, Vos sociali junxisse foedere dextras, inq; commune decus, utriusq; Domûs ornamenta contulisse.

Damnaretur profecto non immerito Parens meus ingrati silentij à memori CORVINIANÆ virtutis posteritate, si hac, quæ Moscua triennio, & omnis fortuna comes, in Regia, in Castris Polonicis, Lituanicis, Moscoviticis, Kozaticis, Tartavicis; demum Regum Polonia IOANNIS CASIMIRI & IOANNIS III, ad Magnam Moschoria Principem ALEXIEM MICHAŁOWICZ, quinques Ablegatus; in Vkrainam quoq; & ad Tartarorum Principes ipse vidit, & quorum pars magna fuit, immemori tumulasset oblivione. Paucis enim natus est, qui populum suæ ætatis cogitat.

Ego

Ego alieni Operis Minister, dum Victorem & Vi-
ctum in lucem produco, Tuosq; Nomini inscribo, Tu
Parentem Tuum optimum venerare; Victori applau-
de, Victi inuictum animum mirare: eaq; humanita-
te, quâ Nomen & merita CORVINI prosequeris,
posthumum in lucem prodeuntem foveas. Authorem
quoq; & me Oratorem, Tuâ benevolentia prosequere.
At meo, quidquid studijs nunc excolitur, & dein-
ceps

Crescet in ingenio, serviet omne Tibi.

Illustrissimarum Excellentiarum Vestrarum

Humillimus Servus
MICHAEL WESEÅWSKI.
Tribunides Vpitensis
Academicus Vilnensis.

Epigramma

In opusculum SAMVBLIS W B S E A W.
SKI Tribani Vpitensis

Inuictus Patria obsequijs, senioq; laborem
Scribendi, multos vincis & historicos.
Victorem Victum scribis, vitamq; redonas,
Seraq; victurum vincere secula iubes.
Iam dele Victi probum, bona causa triumphat:
Inuictus calamo cepit hic esse Tuo.

STEPHANVS IOANNES SLIZIEN
Notarius Terrestris Ofzmianen:
Sac: R. M. Secr:

Eidem Authori.

Quem super aethereos fama sonus extulit axes,
Huic nihil infesta falx fera mortis obest
Insons funesto CORVINVS victima ferro
Concidit: immanis quid nocet iste furor?
Illum de tumulis altèq; latentibus umbris
Vindicat, & mundo sistit amica manus:

Hoc

*Hac duce per memores tendens in secula fastos
Non potuit vitâ nobiliore frui.*

Applausit Historiæ

MICHAEL à POTOK POTOCKI Castellani-
des Camenecensis, AA. LL. & Philosophiæ

Magister.

Eidem.

*Incolit æthereas sublimis gloria sedes,
Quò volucris pandit non nisi penna viam:
Hac tendens alijs CORVINVS non eget alis,
Quem tua W. S. E. A. V. I. penna sub æstra vehit.*

Accinuit.

PETRVS à POTOK POTOCKI

Castellanides Camenecensis,

Auditor Eloquentiæ

INDEX CAPITVM

quæ in hoc opere continentur.

- CAPVT I. VINCENTII CORVINI natales,
deinde res gesta, Belli Moschorvitici initia, Vilna
excidium. pag. 1.
- CAPVT II. Bellum Svecicum & Rakoteij contra
Polonos, Moschorum contra Svecos. pag. 15.
- CAPVT III. Bellum Moschorviticum recrude-
scit: & adversus conflictus in campis Wercen-
sibus. pag. 27.
- CAPVT IV. CORVINVS GOSIEWSKI vi-
ctus Moscuam deducitur, Moschorum ad Ko-
notopum clades. pag. 47.
- CAPVT V. Valida Moschorum expeditio & cla-
des ad Czudnoviâ, Rasiâ, Czereciâ pag. 114.
- CAPVT VI. Ingressus Legatorum Cesareorum
Moscuam; ubi Moschorum splendor describitur.
Præcautiones GOSIEVII in Patriam missæ.
Acta in Comitij Regni, super electione vi-
vente adhuc Rege instituenda, & super liber-
tate GOSIEVII pag. 172.
- (2) CAPVT

CAPVT VII. Clades Moschorum ad Kuszlik.
Confederatio Exercituum Regni, & M. D.
Lithuania. Occasio libertatis GOSIEVIANÆ

CAPVT VIII. CORVINVS Moscu liber in
Patriam recipitur. pag. 224.

CAPVT IX. VINCENTIVS CORVINVS
GOSIEWSKI seditioni militari sedanda
immiscetur, & interimitur. pag. 250.

CAPVT X. Captivati fontes, nexus militaris re-
solutus, deq. fontibus iudicium. pag. 324.

CAPVT XI. Elogium Historicum, Natales, ho-
nores, gesta in Patria & extra illam, calamita-
tes & obitum VINCENTII CORVINI
GOSIEWSKI complectens. pag. 338.

CAPVT XII. Corollarium Historia seu Ætas
Regnorum Polonia, M. D. Lithuania, &
Moschorum, per annos distincta. pag. 362.

In fine additur Processus Iudiciarius in causa
VINCENTII CORVINI
GOSIEWSKI. pag. 371.

(*)(*)(+)(*)(*)

CAPVT. I.

VINCENTII CORVINI Natales, deinde res gesta,
Belli Moschorum initia, Vilna excidium.

Rerum gestarum ærumnarumq; memoriam,
quamvis dulcem esse Sapiens iudicaverit, Senece,
nihilominus cum fuerit in fatis VIN-
CENTII CORVINI GOSIEWSKI, Magni Du-
catûs Lithuaniae Supremi Thesaurarij, & Campi
Ducis, tot trophæa, eventu atroci in Patria ter-
minâsse; acerbâ & prodigiosâ, orbis meritò iudica-
vit. Dulcem tamen fore, recognoscenti hoc
opus, minimè ambigo; cum duæ prævalidæ gen-
tes, non tam de Russiae integro imperio, & opi-
bus, quàm de origine tot bellorum Smolensco,
certantes, (utrâq; quindecennio depugnante, &
faciente iacturam, quâ Regna emissent) tot ho-
stium clades, tantæ bellorum moles, in uno Re-
gno recolendæ, sese simul obijciant. Seriem
rerum feliciter gestarum recensere esset animus;
nec enim deest materia scribendi, & virtus se-

A

pten-

ptennali antè hac bello Kozatico, multis prælijs exercitata, sese offerret uberrima: sed quandoquidem casus adversi virum probant, & post trophæa, perplexa fortuna

tot volvere casus,

Virgili

*Insignem pietate Virum, tot adire labores,
Impulit;*

hinc proindè ordiar factorum eius initium, unde difficillimis Patriæ nostræ temporibus, enituit in eo pro Patria, opum, libertatis, sanguinis, & vitæ prodigalitas. Nec te absterreat ô Lector, Carceris Moschovitici deformitas, immò parem trophæis æstimes, cum Magni BOHEMVNDI Antiochiæ Principis *a*, BALDVINI & GVIDONIS, Hierosolymorum Regum *a*, LVDOVICI Sancti *a*, PHILIPPI *a*, Galliæ Regum, Saracenicus *a*; RICARDI Angliæ *a*, FRANCISCI Galliæ *b*, Regum, Austriacus: VALENTINIANI Imperatoris *c* Persicus: LVDOVICI Cæsaris *d* Italicus: MAXIMILIANI Archiducis, SZVYSCHII Moschi *e* Polonicus: BALDVINI Imperatoris, Bulgaricus: ROMANI Imp: *f* Persic: IOAN-

a. Emilius de rebus

b. Spondanus. c. Baronius.

d. Sleidanus de monarchiis.

e. Pioschi.

IOANNIS *f* Galliæ, & DAVIDIS Scotiæ *f* Angliæ ³ *f. Degli*
glicus: FRIDERICI Austriæ, *d* Bavaricus: VICTIGIS *c* Belisarianus: atq; adeo ipsiusmet BE- *oni in*
LISARII *c* casus (ut omittam Syphaces, *g* Africanos *theatro*
filios, *g* Aristomenen *f* Philopomænen *Principum.*
g. Livius
g cæteraq; vetustatis vocabula) multis nominibus inter trophæa, victoriaq; promiscuè celebratur carcer.

CORVINIS Roma originem, Hungaria Regû progeniem, Lithuania Natales VINCENTIO contulêre. Quos Parentibus ALEXANDRO Palatino Smolen: Matre EVA PACOWNA fortitus, primam ætatem studijs Vilnæ, Viennæ, Romæ, indeq; redux in Aula VLADISLAI IV. excoluit. Hoc magno Rege vitâ functo, multiplicia bella Remp: excepêre. Quibus iam tunc septennio durantibus, magnitudo animi, & aviditas bellicæ gloriæ, in illo omnibus in Rep: tum maximè IOANNI CASIMIRO Pol: Regi probata extitit, postquam eius directione, Comitæ Regni Pol: Mq; D. L. continuata, electionem sui, Kozacis rebellibus ad Bialocerkwiam pacē

A2

per-

*Vincen-
tis Cor-
vini bel-
li & pa-
cis artibus Regi
Pol: cō-
medata.*

*Thesaurarius re-
muneratus.*

persuasam, ubiq; profusis opibus, Princeps vidit; facile in animum suum induxit, ut Tanto Viro Senatorium in Rep. Thesaurarii Supremi, demā- daret munus. Postquam ab eodem, proprio du- ctu ad Iрпиен decem millia Kozacorum deleta; ad Димир triginta millia profligata: alienis au- tem auspicijs ad Лоіow inter acerrimum belli certamen, glande icto & confosso iam equo, aci- em restitutam, primum victoriae momentum ad- ditū: ad Лоіow secundo, Mozyr, Bobroysk, Pinsk, operam navatam, ubiq; fortiter ac gloriosè, in- audisset, eundem militari destinabat imperio.

Cum emoriente interim publica Polonorum & Lithuanorum fortuna, multorum Poloniae Pro- cerum emoriebatur vita. Plurimos inter, supre- mum obierat diem IANVSSIVS KISZKA Pala- tinus Polocensis, Supremus Exercituum in Ma- gno Duct Lith: Generalis. Cuinam imperato- ria in exercitu demandaretur potestas, eò magis ambigebatur, quòd Resp: iam septennali bello cum Kozacis exacto, impendentis quoq; Moscho- vitici belli metu, laborabat. IANVSSIVS RA- DZIWIŁ

DZIWIŁ Palatinus Vilnensis hucusq; Campi Marschalcus: VINCENTIVS CORVINVS Su- premus Thesaurarius, officio idonei, bello ge- rendo pares habiti. Ille Supremus Exercituum Generalis, hic Campi Marschalcus renuntiatus, Magna quidem nomina, magnis Magistratibus de- stinatus, sed deerat robur, eos magistratus ca- pessentibus. Vires non adeò validæ à Rep: de- cretæ, quàm temporum ratio, ac hostis Moscho- via, viribus & numerosissimis copijs ferox, po- stulabat. Quindecim millia descripta in Lithua- nia censebantur, fortalitia longā pace collapsa, à Repub: nec restituta, nec provisā, Miles stipē- dia exposcebat, Resp: alieno ære laborabat. De- niq; non omnibus decus publicum curæ; plures tuta, pleriq; indicto bello, fugam non consilium arripiebant.

ALEXIVS MICHAŁOWICZ Magnus Mo- schoviae Princeps, contra Polonos & Lithuanos, diu meditatum bellum, non ultrā dilatorus: quā- quam vetustate pacis coalitas vires & audaciam apud se haberet, omnium tamen primum Kozacorum

Polonos.

*Tum
Campi-
dux.*

*Anno
1654.
M. Mo-
schoviae
Princeps
mores
contra
Polonos.*

*Appara-
tus belli*

Kozacorum rebellem insolentiam (quæ illâ tē-
pestate, parem se potentissimis Regnis, poten-
tiâ ferens; Turcis, Moschis, Suecis, Tartaris,
Transylvanis offerebat amicitiam) sibi in clien-
telam, & belli subsidium, assumpsit. Iuramen-
tum à *Bohdano Chmielnicki* quantocyus recepit:
Kioviæ, Nizyno, Pereaslaviæ, Czerniechoviæ,
alibiq; per Vkrainam, imposuit præsidia: Tre-
centa insuper millia Moschorum armavit. His
copijs per Vkrainam, Wołyniam, Severiam, Smo-
lensciam, Polociam, Vitebsciam, & Livoniam,
velut uno agmine, simul intulit bellum. *Ba-
silio Buturlin* cum 30000 Vkraina commis-
sit Polocia, Vitebscia, *Szeremethio* cum 30000
demandata. Mscislaviam, Orsam, belli Ducibus
Czerkascio, Odoienscio, Trubeccio, Dosgorukio centum
millia præmissa. Ipse Princeps residuus, Smolen-
scum (quod olim ereptum SIGISMUNDO
I Pol: Regi, iterum SIGISMUNDVS III
iam apprimè munitum, de integro Moscho-
viæ Imperio capto, adiunxit Lithuaniae, in-
gentis scilicet prædæ tenuem portionem, &
magni

magni posteris originem belli) cinxit obsidione.

Initia belli non infeliciter Lithuanis cesse-
runt, nam *Odoienski* Astrachaniæ Guberna-
tor, à *Gankoffio* castris exutus: ad Szkloviam cē-
tum millia Moschorum, à IANVSSIO RADZI-
WIŁ acie submota: reliquum belli cessit fortu-
næ Moschorum. Lithuanicæ copiae, ipsâ multi-
tudine hostium ad Szepielicæ oppressæ; fortali-
tia ope destituta, aut capta, aut dedita. Polo-
cia, Newel, Siebiez, Mohilow, Szklow, Homel,
deditionem paciscuntur. Dubrowna, Vitebscia,
inexpugnabiles quidem gerebant animos; ita ta-
men, ut Smolenscensium acerrimè sese tuentium,
circumspicerent exitum. Smolensco vi, assultu,
& metu tracto, & illæ deduntur. Duo restabant
per totam Russiam fortalitia: Bychovia, Wieli-
zya; quorum præsidarij mœnibus munitis, se-
ipfos in annos sequentes tutabantur.

At ubi belli exorti fama ad Regiam delata est,
IOANNES CASIMIRVS Pol: Rex, Grodnam
concessit: unde consilia Regni Mq; D.L. & arma
in hosticum expedit. Promotæ in utramq; Rus-
siam

*Initia
belli fan-
ta Lit-
uanis,
eventu
tristia.*

siam copiae, suppetiae Moschorum profligatae, Mohilovia cincta obsidione. Vbiq; irrita conatus: nam Mohilovia contra Lithuanos egregie defensa. In Vkraina verò mediâ hyeme STANISLAUS POTOCKI, GEORGIUS LVBOMIRSKI cum Polono exercitu adverso Marte, contra Moschos & Kozakos conflixerunt ad Držypole.

Anno.
Domini
1655.

Moschi
invenit
in Li-
thuaniam

At Moschoviam, quamvis hyeme, saevissima pestis pervagata est, praesentissimum Numinis vindicis telum; nihilominus primo vere à M. Moschoviae Principe non parabatur, sed iam gerebatur bellum; numerosissima Moschorum & Kozacorum agmina in Russiam albam effusa, Borysthenem, mox Berezynam superârunt. Anteibant 40000 Kozakorum, Ductore Zolotorenko Korsunensi, Ducenta millia Moschorum Equitum peditumq; ductu Czerkascij in Lithuaniam irrumpunt. Decem leucarum intervallo, omnium postremus cum robore belli, M. Princeps in utrâq; fortunam subsequebatur: ut sive vinceretur Czerkascius à Lithuanis, in expedito haberet integras copias: sive vinceret, dissipatos hostes in fugam, perse-

persequeretur. Viginti millia pedites Praetoriani, optimo ordine, triginta millia equites Moschi, exoticâ disciplinâ instructi, Custodes Corporis, Principem stipabant. Tanto apparatu ad Minscum, Osmianam, magnis quidem ausibus renitentem, imparem tamen, obruit Lithuaniam.

Lithuanis tantâ mole belli circumfessis, in socia Rep: Polona, (cuius causâ utrumq; bellum conflatum est) Polonis, iam Suetico & Moschovitico in Vkraina bello, implicitis, in Tartarorum Krymensium Hano spes erat: sed cunctis aliena pericula deferentibus, aut desiderio indigentium auxilij, tardius cuncta movebantur. Iam etenim Moschi, Smolenscensi, Vitebscensi, Novogrodensi, Seueriæ, Kioviæ, Czerniechoviæ, Braclaviæ, Palatinatibus, mirâ celeritate subactis, aut exustis, Vilnae imminebant.

Præda
Moschorum.

Vilna, vastitate, opulentiâ, commercijs, frequens, à Lithuanis, Polonis, Germanis, Italis, Russis, Scotis, Tartaris, Iudæis, latissimè colebatur: publicorum privatorumq; ædificiorum

Vilnae
excidium

culturâ, multa Europæa æquabat emporia: liberalitate in Divuos ac Delubra, cum pijsſimis certabat Regnis: optimarum artium cultrix, profanarum, in Septemtrione, domicilium. Sed quòd Sociorum & suæ antèhac potentiae præfideret, non situ aut munimentis, tuta mænia, (quæ ferociore animos facerent) habebat; idcirco Moschis minùs formidolosa habebatur. Vbi in conspectum Vilnæ ventum est; tot incultarum gentium vocibus, tot tormentorum ictibus, Vilna florentissima in excidium vocabatur. Tantâ barbarorum ferociâ, *Caput amplissimæ Ducatus petebatur, quo scilicet presso, levi negotio ipsum Lithuania Corpus opprimendum*, non vana conjectura erat. Pugna quidem in aditu fori à populo, vano impetu, non perseverantiâ commissa est: animo, arte belli, armis, impar vulgus cæditur, ac inde profugum, Viliæ vorticibus hauritur. Trucidati in Vrbe inermes armatiq; , fæminæ pariter ac viri. Quidquid intra & extra Urbem sancti amæniq; erat, incensum: residua diruta, nec tecta solum, sed etiam sepulchra. Sic n'l Divi-

Divini humane iuris, quidquam integrum, præ impotenti ira servatum: ut appareret, Vilnam petenti hosti, nil præter Vilnæ excidiû cordi fuisse. Generalissimi Lithuaniae, quanquâ cunctatione & viribus sese opponerent; tantæ nihilominus potentiae impares, desperatâ Vilnæ defensione, residuas copias ulterioribus casibus Reip: reservare, decreverunt. Iam etenim ex immani illo Kozatico bello, velut è semente quadam, Moschovitum, deinde Sueticum, erat exortum. *CAROLVS GVSTAVVS* Suec: Rex, bellum externum pro suo habendum ratus, accessit Moschorum fortunæ socius, inq; aliena victoria, hinc Maiorem Poloniam, Minorēq; deditam utramq; inde in Lithuania Samogitiâ, suam prædâ facit.

*Sueticū
bellum
oritur in
Polonia.*

Speçtatâ igitur ab adversa Viliæ parte, Urbis conflagratione, consumptis antiquissimis delubris, pacis diuturnæ, Regiæq; opulentiae ornamentis ab hoste direptis, pontis solummodò defenso aditu, in Samogitiam itum. Pars Lithuani exercitûs, seu Ducis Supremi exuens militare imperium, seu Suecorum in Samogitia e-

vitans protectionem, per Moschorum occurrētes acies, & crebros in campis Ponarenſibus cōſlictus, Caunam, inde Breſtiam, Duſtore CASIMIRO ZERONSKI, locum tenente GOSIE VII, euasere: ipſe fato, non conſilio, dum Moſchis cum Principe RADZIWIŁ, ad pontem reſiſtit, dum hoſtiles inſultus proſligat, pontēq; incendit, abreptus CORVINVS in Samogitiā: quandoquidem iter ſibi cum ZERONſCIO deſtinaverat; ſiſtere Moſchorum victorias; expedire conſilia, dum paria obijcere arma non licebat, habebat animum.

Dum verò deditā Suecis Samogitiā, ſolus ſu-
pereſſet, qui fidem ſuam ſcripto obligandam Sue-
cis negabat, liberi eius paſſus Areſto præpediti,
Suecorumq; Regi tradendus Captivus, (quamvis
non iure belli interceptus eſſet) à Suecis aſſu-
mitur. Cæterum Magnum *Gabrielem de la Gar-*
die Generaliſſimum Sueticum, ingenij ſui dex-
teritate & colloquijs, uſq; adeò conciliavit, ut
extra publicum odium, priuatim arctiſſimam om-
ni deinde vitā coluerint amicitiam. *Tantūm*
valuit,

valuit, vel apud hoſtes, Martia Fortitudo, ſimu-
latâ licet humanitate temperata.

Iam Captivus, M. Moſchoviæ Principem, Vil-
næ tunc degentem, clandeſtinâ interpellavit
legatione: quâ, ut ſiſteret Viſtricia arma; præ-
ferret ambigua amicitia Suetica, iam bellum contra
ſe, pro Samogitia & Lithuania, evidenter motienti;
Polonicam ſemper fidem, armis, veſtitu, linguâ, af-
finem: & quæ poſt ſera fata IOANNIS CASIMI-
RI, liberis votis Se, vel unumquemq; Liberorum ſu-
orum, Regem Polonia dictura foret. Iuncta verò
utrâq; Regia, quàm metuenda quibuſvis finitimis e-
vaderet, cum inde Mari Caſpio, Ponto Euxino, Se-
ptemtrionali, hinc ſinu Finnico & Baltico, termina-
retur imperium, perſuadebat. In cuius rei fidē
pacta conventa Suecorum cum Samogitis, (in
quibus Sueci pro vindicanda Lithuania & Ruſ-
ſia, ſuam contra Moſchos obligârunt operam)
transmiſit. *Servatur conſilio, quod peribat Marte.*
Nempe, tantūm valuit apud Magnum Moſch: Prī-
cipem, iuſta & grata oratio, ut clām datis COR-
VINO, firmatiſq; fæderibus, exceſſerit Lithua-
niā,

*Goffevig
belli in-
ter Mo-
ſchos &
Suecos
concita-
tor.*

niâ. Captâ interea Caunâ, Grodnâ, firmatisq; præfidijs, commiffæ acies cum *Vroffovio*, ad Breftiam & Wierzchovice, Duce PAVLO SAPIEHA Palatino Vitebscenfi: illa ceffit Lithuanis, hæc Mofchis: utrobiq; ftegit victoria penes pugnantes pro vita & desperatione. Anno autem fequenti Suecis per Livoniam, M. Mofch: Princeps, bellum indixit: Rigam ipfe numerosiffimis copijs cinxit obfidione: Duneburgum, Kokenhaufum viva vi, Derpatû per deditiorem accepit. In Lithuania verò, impositis loco opportuno præfidijs, Nobilitati in fua bona reditum proclamari iuffit; militiam fequi contra Suecum, feu in fuo, feu in Samogitico exercitu vellente: iura antiqua, libertatesq; coli permiffit. Ipsâ facilitate clementiæ, animos Lithuanorum conciliavit: fed hæc à Gubernatoribus Mofchis poftea Religio fracta eft: & tandem recrudescen-
tibus inter Principes odijs, cuius conditionis effent victi, fenfere. Querebantur quidem, non in fervitutem, fed in fidem M. Principis fe fe tradidiffe, fibi imperari quæ moris Patrij non fint;

*Eis con-
citatio-
nis fru-
ctus.*

fint; frustra demum ingemifcendo, parere Victori coacti. Sed hæc à Mofchis acta Anno fequenti.

C A P V T. II.

Bellum Sueticum & Rakotcij contra Polonos, Mofchorum contra Suecos.

CAROLVS GVSTAVVS postquam utramq; Poloniam, Pruffiam, Samogitiam, Mafoviam, rarâ quadam felicitate, anno elapfo obtinuiffet, inter prædas, CORVINVM Lithuaniae Thefaurarium, à Magno *de la Gardie* Sueciæ Thefaurario, Captivum accepit: ignarus, quantum fibi prædæ & thefauri foret per hunc decessurum, quamdiu apud fe Captivus viveret: nam præterquam quòd Mofchos armavit contra Livoniam, iam dum inter Suecos degit, Quar-
cianis militibus, (qui desperatis Poloniae rebus, cum KONIECPOLSCIO Vexillifero Regni, in partem Sueticam tranfierant) communicato cõfilio cum nonnullis Proceribus, reditum ad Re-

gem

*Anno
1656.
Circiter
Septem
Regitra
ditus.*

gem Pol: persuasit. Ibidem ut Sueco grataretur, ad porrigendum *CAROLO* supplicem libellum, exules Patriâq; extorres Lithuanos & Ruthenos permovit. Suecus verbotenus iuvit, bonis spoliatae Genti, solatium duntaxat praebebit: *quàmprimùm verò pacatâ Poloniâ, pro recuperandis Lithuania, Russiaq; Provincijs, omnes suas vires contra Moschoviam impensurum: Smolenscenses muros etiam in visceribus Moscuae se requisiturum, scripto exulibus dato firmiter promisit.* Rescriptum Sueticum *CORVINVS* M. Mosch: Principi, clam transmisit: *externo sanguine ulturus Patriae Nostrae clades, bellum in aetatem proximam Suecis insperatum conflavit.* Sueticus Legatus (dum id ipsum Moscuae ferocius urget) triennio instar Captivi haesit. Scilicet Suecorum sacrilegia, Moschi per omnia vindicarunt. Ita Superis res nostras versantibus: *hostis Lithuaniae alterum eiusdem premebat hostem, immaniūq; eladium vindicem egit, qui nil prater clades, Gentisq; universae excidium moliebatur.*

Horum inscius *CAROLVS*, fidelem *CORVINI*

VINI animum erga suum Principem, cumprimis carum habuit: magnitudinem verò animi scripto, super non innovandis rebus contra se, restringi voluit. Eum vicissim Regiomonti, in tutela Electoris Brandenburgici, vivere liberum permisit. Sed post lapsum surgente Polonorum fortunâ, in Sueciam ablegandus destinatur: porro è tutela Brandenburgici, quâ ratione Elbingam elici posset honestè, deliberatum. Pace partâ, cum solenni convivio Suecorum Rex *Bartholomaeus* exciperetur, Brandenburgicus, per Reginam Sueciae, de *CORVINO* sollicitatus. Re exploratâ *CORVINVS*, quandoquidem Suecus sibi non iure belli capto, sed intercepto promissi fidem violaret, vicissim suae libertatis iniuit rationes. Septem in comitatum assumptis, dissimulatâ personâ & habitu, in Poloniam direxit iter. Literis (quas Brandenburgicus Legato Polonico concesserat) passus exhibitis, ubiq; elusit praesidia. Tandem ad confinia Masoviae, (non sine graviori periculo à Masovitis, vestitum Sueticum abhorrentibus) deniq; Varsoviâ,

*In Sueciam
etiam de-
stinatus
elabitur.*

*In castra
R. per-
venit.*

18

magnis itineribus ad Regem liber evasit. Hic in acie formanda miram præstitit operam, similibus curis jam inde ab adolescentia imbutus; hinc in belli negotijs expeditus semper ac extemporeus. Verterat interea Fortuna rotam, Superisq; res Polonas jam pœnè collapsas erigentibus, humana quoq; non deerant consilia.

Iam Polonia Sueticam Protectionem detestata, protectores insuper Regno exactura, post Varecensem cladem Suecis illatam à STEPHANO CZARNECKI, Varsoviam cinxerat obsidione. PAVLVS SAPIEHA, primum inter confluentem Sanum & Vistulam, Regem Sueciæ cinxerat obsidione, deinde retrocedentis in Prussiam extrema carpebat agmina. Tandem Varsoviæ Lithuanas admovit copias. Crebris assultibus impares Sueci, pacti deditiōem, in manus CORVINI Urbem simul & Generalissimum *Wittembergium* captivum resignârunt. Obierat interea IANVSSIUS RADZIWIŁ Supremus Exercituum Dux. Lithuanorum Copiæ CASIMIRO LEONI SAPIEHA M. D. L.

Pro-

19

Procancellario, ac post eius præmaturum decessum, PAVLO SAPIEHA Palatino Vitebscensi adhæserē. Eius Ductu ad Brestiam & Wierzchovice cum Moschis iacta belli alea: ad Sanum Suecus conclusus: deniq; Varsovia cincta obsidione. Post reditum ex Prussia, ut PAVLVS SAPIEHA Supremus belli Dux, CORVINVS verò iterum Campi Marschalcus diceretur, vit authoritas Regis & Senatûs. Sic positis simultatibus privatis, communi animo consilioq; administrandâ Rempubicam susceperunt. Provinciae non permistæ Regionibus (ne inter Collegas plura quàm cum hoste contingerent certamina) sed diversæ decretæ. Supremus Dux Polonis assistere, CORVINVS cum mille equitibus Samogitiam Provinciam, sumere iussi.

*Paulus
Sapieha
Supre-
mus bel-
li Dux
declara-
tus.*

*In Sa-
mogitia
expedito*

Pultoviae, postquàm fama velocior, Sueticum excidit præsidium, de imminentibus Suecorum copijs adfertur nuntium. Primâ velitatione GOSIEVIANI superiores, sibi ominabantur victoriam, sed Dux ex captivo Sueco edoctus, illic Sueciæ Regem, Principem Brandenburgicum, omnesq;

C2

*Cum Re-
ge Succi
confligit*

omnesq; Generales, integrâ belli mole instare, casum flexit in consilium. Trecentorum Equitum manu, pernicibus equis obiectâ, reliquas cohortes arenosissimâ acie subduxit: eo consilio, ut si hostilis equitatus (equis plerumq; gravior, nec ad pugnam idoneis) se insequi destina- ret, arenoso fessus itinere, peditatu destitutus, facile profigeretur, aut sui subducerentur. Hac ratione hosti pugna simul & victoria eripitur. Succus præsentissimum telum sibi ereptum, ul- tro dimisit, nam insequi desistens, iter suum Varfaviam, (quo Poloniæ Rex numerosas Re- gni cõegit copias) direxit: dignitati namq; Vr- bis & opportunitati loci, id à Regibus datum est, ut de summa belli, in corde pacis decer- taretur.

Iam CORVINVS ad Narviam confederat, iamq; validi ad Varfaviam increbrescebant tormentorum ictus, cum Regiæ adferuntur li- teræ: *hostem instare, numerosas copias & vires quæ ad manum sunt, opponi & instrui oportere, eum rebus gerendis, ardentissimè expectari, denuntiant.* Sed

Sed quia præposterum suum adventum, aut ho- sti suam manum, post cladem Sociorum, impa- rem numero, post Victoriâ, inanem fore conij- ciebat, regredi Varfaviam neglexit. Seu for- tè dolor, in præsens civiliter habitus, memò- riâ valebat.

Postquàm ad Varfaviam, bello minùs prospe- ro decertatum est, consilia Lublini expedita, quâ ratione Sueticis armis obviam iretur. COR- VINVS huc adscitus, Succos per Poloniam urgendos, Brandenburgicum belli eius socium, ad tuenda propria avertendum, si CZARNEC- CIANVS miles cum Tartaris, in Marchiam Brandenburgicam excurreret: Prussiam verò Du- calem non meruisse, cur diriperetur, nec exa- sperandam bello: Magnum Moschoviæ Principē, Daniæ Regem, in unionem armorum invitân- dos censuit.

Moschoviticæ res CORVINO commissæ, Da- nicæ conficiendæ cæteris demandatæ. Cæte- rum saluberrima remedia, Polonis in vulnus abierunt: nam à privatis, opibus suis circa con- finia

*31. Julij
1636.
Post cla-
dem con-
silium.*

finia Marchiæ metuentibus, (Cancellario præfertim Regni) everfa. In Prussiam Brandenburgico subiectam cum Lithuanis irrumpere, sociosq; belli Tartaros secum ducere iussus CORVINVS, complures Regni cohortes eò pertraxit: Pro Lithuanicis Brestiæ PAVLVM SAPIEHA convenit; humaniterq; exceptus, auxiliares inde accepit copias,

Dum pariter Lithuani ac Tartari, CORVINVS & Zupankazyaga, in Borussorum conspirant cladē, cædib; & incendijs emensi Ducalem Prussiam, ad Prostki (ubi Brandenburgicus per Legatos, numerosas opposuit copias) pervenire. Primò intra vallum, præsidio limosi fluminis securi hostes, sese continebant: territi deinde, fugam parant: accensi aviditate certaminis Lithuani, Tartari prædæ, flumen quoq; & vallum superârunt: nec aliâ re quàm velocitate tuentes se hostes cædunt, tantâ prædæ & sanguinis satietate, ut è cæde superstites, postero die in proxima sylva supereffe passus sit CORVINVS, cladis & suæ Virtutis nuntios.

Castris

Castris direptis, & captivorum custodiâ suismet demandatâ, in hostilem agrum victores effunduntur, debellatum esse rati, si quàm pluri in illo pavore cæsi aut capti forent. Metus apud omnes valuit, ne Oppida deditionem recusarent, dedita incenderentur. Tandem ipsa prædæ sanguinisq; satietas, Tartaros placabiles effecit. primùm impetu acres, cunctatione languere, & in perfidiam mutari cæperunt, deniq; prædâ graves, Prussiâ excessere. Postea quàm Lithuanicæ quoq; Copiæ retroiissent iam impar viribus CORVINVS, impari conflictu, ad Filipoviam præmisso, in Samogitiam concessit. Iam Samogitæ servitutis impatientes, quàmvis nulla subsidia pro tunc adderent animos, Siculas vesperras celebrârunt. Velut è conducto, uno eodemq; die diversissimis locis, bacchantes adhuc Succii cædebantur, tantâ strage post edita ut residui cum facilè deleri possent, à Victorib; Rigam regredi cogerentur, mox à Moschis obsidendi. In ipso limine Samogitiæ, nova virtutis bellicæ oblata occasio, cum

Magnus

Vincen-
tius Cor-
vinus ad
Prostki
de Bran-
denbur-
gico Vi-
tor. 4
Octob.
1656.

Cæsi 879
ad Fili-
poviam.
21. Octob.
1656.

Magnus *de la Gardie* recentissimè Moschoviticâ solutus obsidione, Birzēnsibus mitteret succursum. ZERONSCIVS magnis itineribus ad Radziwiliszki affectus hostem, profligavit.

*Cassio
ad Radzi
wiliszki
12. Nov.
1656.*

In Samogitia mirum dictu, quantâ celeritate florentissimum decem millium exercitum, suo Nomini omni fortunâ fidum conscripsit: & quod magis mirêre, publico ærario pro tunc nullo, privatum patrimonium in fidem publicam erogavit. Omnium primùm, iniit cum Nobilitate rationes defensionis: Provinciæ arma & rectum ordinem providit, quod solum illis partibus defuit, cùm virtutis haud pœniteret. mansitq; media inter Moschorum, Suecorum, Pruthenorum arma, invincibilis. Vna eademq; hyems, conscribendo militi, & expeditioni bellicæ fuit. Birze, insigne Principum RADIVILIORVM fortalitium, à Suecis interceptum, obtinebatur. Ut ponerent arma, armamentarium, fortalitium apprimè munitum ac opportunum resignarent, valuit apud hostes VINCENTII Victoria.

Magnus

Magnus Moschoviæ Princeps, postquàm sibi minùs ex voto Rigensem solvisset obsidionem, Splendidam ad CORVINVM GOSIEWSKI, per *Artemium Serbetiewicz* tunc Dapiferum & Colonellem suum, expedit legationem. quâ se eius persuasione & consilio, ex hoste, Poloniæ Regi amicū, Suecis ex amico hostem professum, velle communibus armis Suecos urgere in Livonia, memorabat. Constare sibi insuper, equè auri ac armorum apud Lithuanos ad præsens incipiam; quam subleuare nitrato pulveri, armis, tormentis, & pecuniâ promittebat. De ulterioribus belli rationibus, se dedisse plenipotentiaris Athanasio Naszokin suo per Livoniam Gubernatori, cum quo communia esse arma, & consilia oportere, suadebat.

*Legatio
M.
Mosch.
Principis
ad
Gosiewi-
um.*

CORVINVS ut bello inter Moschos & Suecos, suâ operâ excitato lætatus erat, ita utrius gentis mallet esse Victoriā; quem à Balthico mari vicinū, imminere Lithuanis expediret, incertis adhuc Patriæ suæ viribus, fluctuabat animo. Moschorum dubia pax, nisi hanc peregrinum bellum sancivisset: sed posteaquàm Der-

D

patum,

patum, Dineburgum, Kokenhauzum, iam Moschorum iuris erat; Danorum Rex terrâ mariq; Suecis bellum indixit; Moschorum Magnus Princeps, aurum & arma suppeditare in commune bellum promisit; ex Polonia quoq; facilius Sueci, quam Moschi, belli artibus exigendi videbantur; ad fortunam Moschorum, Poloniæ Regno peropportunam, inclinavit. Iamq; Plenipotentiaris ab Aula instructus, æquè honorificam legationem ad M. Mosch: Principem per ZERONSCIVM instruxit. cuius ætate & personæ dignitate observatâ, verè de pace agi, Moschi sibi persuaferunt. Legatio honorificè Wiazmæ audita, promissa confirmata quidem, sed fato præpedita. Ipse CORVINVS ac Nasczokinus ad Kokenhauzum convenère, posthâc ultiores belli rationes, per internuntios collaturi.

CAPVT

CAPVT III.

Bellum Moschoviticum recrudesceit, & adversus Conflictus in campis Vercensibus.

Anno
1637. &
58.

Annus hic magnis nominibus, minimè favore. Arabilem sese exhibuit: nam Daniæ Rex, quavis emptâ pace, iterum per Suecos circūventus, & Kopenhagæ cinctus obsidione, opulentissimarum Provinciarum iacturâ redemit libertatem. Dux Curlandiæ IACOBVS, neutralitati præficens, oppressus, in Sueticum carcerem deductus est. Rakotzius suum interitum immediatè numerabit. Tot inter herodes CORVINVS GOSIEWSKI, huic anno suum carcerem acceptum referet.

Ad initium anni Curlandiæ Duce, Nittaviæ convento, reliquum hyemis ac ver, militi reficiendo impensum. Incunte Iunio magna nomina in sua Patria NICOLAVM PRAZMOWSKI, Regni, CHRISTOPHORVM PAC M. D. L. Cancellarios; CYPRIANVM BRZOSTO-

STOWSKI M. D. L. Referendarius, à Rege delegatos, Kieydanis excepit. Tantis hospitibus non verba sed rem monstrare parabat. Vbi iam bello gerendo matura adolevit æstas, provisâ ab averfa Livonia Samogitis securitate, motus è stativis ultra Chronum in Prussiam exercitus, pontem ad Srzednik superavit. Omnium primùm ad ripas Chroni, tanquam eodie cum hoste decernendum esset, miles in aciem productus instruitur: in ordines dispositus, perpetuò eidem ordini in repentinis casibus attendere iussus: in alas descriptæ cohortes, certo ordine, una antecedere peditum, altera claudere agmen, alternatim edoctæ. Equitatus veterum Polonorum induit disciplinam, Artiglieria exoticâ arte instructa: eius currus, equi, requisita, exquisitissimè provisâ: Officiales adesse ordinibus iussi: militi seu movenda, seu locanda essent castra, silentium indictum. Sociorum villæ ne diriperentur, per divisionem in Cohortes, & præscriptum Christiano more, provisum. Veterum Imperatorum bellicas artes imitatus,

*Gossevi-
us movet
in Prus-
siam.*

cum Lithuanam militiam, belli gloriâ nemini secundam, militari disciplinâ excoluit.

Bellum decretorium gerere animus erat; ad Wirzboloviam belli sedes destinata: castra bel-
lorum casibus obnoxia, munita. Quò facilius hostis ad pugnam elici posset, lixæ & calones (nam hâc ratione integritati exercitus providebatur, & si illi interissent, exiguum damnum: si integri ingens militiæ impedimentum) sub signa descripti, in Prussiam prædabundi dimissi. Hi celeritate, cædibus, & incendijs Regionem pervagati, intra triduum Regiomonti ostentatis incendijs, prædâ onusti revertuntur. Cruenti belli ostentatione, fracta Borussorum pertinacia est: ut ferri agiq; res suas viderunt, Legati Principis Brandenburgici, simul Baro de l'Isola Cæsareus mediator, in castra GOSIEVIANA delati, quàmvis ob Suecorum metum armistitium ferre se iactitassent, pacem attulère: quam postea Brandenburgicus cum CORVINO Vistaviæ congressi, dicto, scriptis, approbârunt, cò lætioribus animis, quia pacem prudentiâ firmârunt,

*Cruenti
belli ostē
tatione
pacem e-
vincit.*

*Legati-
ones.*

mârunt, quàm si bellum per acies confecissent. Legationes, Cæsarea, Moschovitica, Brâdenburgica, auditæ & expeditæ. Certè magnificū id erat CORVINO, tot Gentium Legatos, suam pacem amicitiamq; expetentium, venisse.

*Rakotzi.
urviçz.*

In Polonia crescentibus iam Provincijs, & latius Regis contra Suecos patefcente imperio, *Georgius Rakotzi* Transylvaniæ Princeps, inductus Suecorum persuasione, per se adortus est Rempub: (quæ ei liberis suffragijs, post sera fata Regnantis, ultrò offerebatur) suæ ditionis vi facere. Iamq; Cracoviæ, Varsaviæ, Brestiæ imposuerat præsidia: mox à socijs belli desertus, ipse Cracoviam & Varsaviam deseruit: Brestiam, MICHAELI PRINCIPI RADZIWIŁ coactus restituit. demùm per SAPIEHANOS & CZARNECCIANOS undiq; se profligante fortunâ, apud Polonos emptâ pace, ipse ægrè elapsus, suas copias Tartaris in prædam reliquit.

Pace partâ in Prussia, quòd alterum latus Samogitiæ ab adversa Livonia periclitaretur, CORVINVS magnis itineribus, prætergressus Samo-

Samogitiam, præter spem Livoniæ offensivum bellū intulit: atq; ad ripas Dunæ, ex adverso Kirchholmi confedit. Kirchholmum, omnium primum, occupatum, resectum. Interea dum in cohortes divisa navigia (ab *Athanasio Nasczokin* iam ante clàm destinata, nunc secundo flumine Kokenhanzo demissa) per vastum flumen transportant exercitum, propugnaculum Rigense irritò conatu attentatum: in penitiori Livonia, Volmiria deditione, Ronemburgum vi capitur. Rigam Moschorum armis attritam, tolerandæq; longæ expeditioni imparem, obsidere totis viribus erat animus, sed cùm pestilens lux in castris grassaretur, utendum recenti terrore ratus, ad occupandam Livoniam metum hostiū intendit. Illuc pergit non infesto in agros exercitu, ne spem deditis auferret, neq; remissâ curâ, gnarus facilem mutationibus gentem. Audacibus ceptis præter omnium expectationem, affuit fortuna. Signis collatis in media Livonia Colonello *Thol* superior fuit, & quidquid Rigam inter & Parnaviam bellicosum iacet,

*Gosiewski
bellū
mouet
in Livonia.*

cet, succubuit eius virtuti. Deditis nil detractum, quò promptius obsequium integri retinerent. Vende caput olim Proviaciæ, Armet, Rumbork, Helmeth, Felin, Treydan, Oberpal, Sasel, Lode, compluraq; alia castella capta; Revaliam excursionibus attigerunt; Parnavia cincta obsidione. Hæc valido munita præsidio, altiores gerebat animos; crebris equitum simul & peditum excursionibus, non tam pro libertate quàm pro Suecorum dominio decertabat. Cumq; aliquando prævalidi numero ferocius Sueci excurrissent, MICHAEL PAC irritato prælio sponte refugus, festinationem sequentium hostium elicit; iamq; longius à mænibus arte protractos, tantâ strage retrò compulit, ut hostium fugientium turbæ permixti nonnulli Lithuanorum, intra oppidum penetrârint. Cæteri intra portam excitato ab hoste incendio, victores mænibus exclusi.

Athanasius Nasczokin huius belli socius, iisdem diebus Mariæburgum Livonicum aggressus, apertâ vi capit. Creberrimas excursionibus Sue-

Parnaviam obsidet.

ticias, dum ad Parnaviam exagitat, assultumq; molitur CORVINVS, crebrius Regiæ adferuntur literæ, quibus ad congressum Procerum Varsoviæ pro 2. Febr: indictum ardentè evocabatur. tantumq; eius fuit desiderium, ut ob eius absentiam, ad 16. Febr: differretur indictio. Magnitudo rerum gestarum effecit, ut triumphanti similis Varsoviæ ingressus, rectâ ad osculum Regalis dextræ proficisceretur.

Varsoviæ commorante Duce, potestas belli Livonici penes ZERONSCIVM erat; qui mox mille equitum excursionem Sueticam profligavit; & vere imminente, (cùm in paludosam illam regionem, æstivoq; tempore nusquam perviam, non nisi hyems iter aperiat.) Oberpaliâ expugnatâ, in Lithuaniam, Victorem reduxit Exercitum.

Varsoviâ redux CORVINVS, maturâ æstate, iterum in Livoniam, ad solvendam Wolmariæ obsidionem, victrices nuper ibidem Copias movit, cùm *Georgius Dosgoruki* Moschorum Generalis, moram Legatorum à Rege Vilnam de-

B

stinato-

Anno 1658.

Varsoviæ evocatur.

Bellum Moscho-viticum post triennium crudescit Anno 1655.

stinatorum, graviter ferens, conceptum im-
 miti pectore furorem, in apertum bellum pro-
 trusit: Vilnâq; moto Exercitu, nec Caunæ diu
 moratus, demùm Vilix ponte superimposito,
 infectis armis Ducatum Samogitiæ ingressus, so-
 lo omnia æquabat, nil post se præter busta &
 funera, latissimamq; vastitatem relinquens: do-
 nec repentino fatalis sibi belli nuntio, primùm
 excitus CORVINVS, versâ deinde fronte, ma-
 gnâ celeritate advolat Kieydanos. Hic cæsis
 Moschis, ubi iam cum audacia crevisse hosti ne-
 gligentiam, ac effusos passim vagari perspexisset,
 decem cohortes alarias, ad consecrandos extra
 castra prædatores, emisit. Secuta consilium
 Ducis, militum Martia industria: divisiq; trifa-
 riam, qui dextrum iter petiverant, recens rever-
 sos, prædâq; opulenta onustos quingentos ho-
 stium, desperatâ magis, quàm forti defensione
 frustra renitentes, circumvenère. Trecenti
 alibi; diversis in locis complures obuij, excisi
 aut intercepti: quinq; ferè millium iacturâ per-
 solverunt Moschi suas per Samogitiam excursi-
 ones

*Moschi
 in Samo-
 gitia ex-
 cissi*

oncs Caunæ viginti millium exercitu potens,
 degebat *Dotgorukius*: *Michaël Wołynski* suus
 Collega, ab aduersa amnis parte, è Samogitia
 redux, castris decem millium positis, excubabat.
 Vsurus in suam fortunam cladibus Moschorum
 ZERONSCIVS, castra *Wołynscij* fortiter
 æquè ac generosè aggreditur. Hic fracti Mo-
 schi, cum nullo ordine, ad pontem vi compulsi,
 Lithuanorum se manibus eripere, amnemq; pro-
 miscuè tranare contendunt, pars Missilibus con-
 secta, pars fluminis vorticibus absorpta; re-
 liqui, quibus fatum fortuna protraxerat, ipsâ
 fugientium multitudine, pontisq; fracti ruinâ
 oppressi interiøre. Potiti victoriâ Lithuani,
 dum reliquos Moschos fato suorum superstites
 oppugnant, numerosior hostilis equitatus (pon-
 te unâ ferè horâ reparato) gravis esse Lithua-
 nis cepit. Adfuit suis CORVINVS: Moschos
 per cædes audaciùs & longiùs ad *Lopie* pro-
 gressos, iterum in fugam còegit.

Demptâ ferociâ, redijt Vilnam *Dotgorukius*.
 castra ad utramq; amnis ripam egregiè munit.

E2

Tan-

*Preliū
 Cannen-
 sc.*

*Congressus
 Legato-
 rum.*

Tandem Legati utriusq; Gentis, in campis Vilnensibus, pro pace fancienda, utriq; populo felici, convenêre. Generalissimi Lithuaniae, si-ve quod sexennali bello confecti essent, & pacis partæ gloriam sibi deberi censerent, si-ve quod Vilnam Regum & Legum Patriam oppressam, cuperent per se restitui, Legatorum munus obituri, Vilnam pervenêre: & quidem Palatinus Vilnensis, suis copijs præfidens, & victoriam & pacem sibi pollicebatur: COR VINVS cum præpotente populo, eâ potissimum tempestate, quâ Suetico bello Polonica vires distrahebantur, tutiora pacis media incertæ victoriæ præferenda suadebat. Placuit deinde colloquio tempus & locum destinare: prævio itaq; securitatis iuramento, non nisi trecentorum equitum numero ab utraq; Gente, sub ipsa Urbis mænia celebrandum edixit. Relicto deinde exercitu in Samogitia, mille ducentos equites, fide magis publicâ securus, pro sui præsidio, Werkos adduxit. His copijs in hostilē terrā, in Moschorum potestatem (quibus plerumq; ex
fortu-

fortuna pendet fides) in fidem inexpertam, pacis conficiendæ desiderio, sese commisit; *avida quippe est periculi virtus; & quò tendat, non quid passura sit cogitat: siquidem & quod passura est, Seneca. gloria pars est.*

Legati Moschovitici, opibus, potentiâ, rerû successu tumidi, primâ cæterisq; in posterum sessionibus intractabiles extiterant. Alterâ parte Viliæ, summotis pari spatio armatis, COR VINVS bellum moderatione animi compositurus, sub tentorio cum Moschis expetijt, institutq; colloquium. Verum ut de mandatis à Rege, de statu præsentis, deq; ablatorum restitutione, agi cæptum est; animi exasperati sunt. Intractabiles Moschos expertus, nihilominus præstolabatur Commissionis eventum. Deniq; cum iam nulla spes pacis superesset; *Dofgorukio* verò ab utrinq; Lithuanicis copijs circumfuso, necessitas armorum impendere manifestè videretur, Generalissimi Lithuaniae sibi invicem selaturos opem, quantum per flumen liceret, promittunt. Sed prudens Nostrorum consilium,
hostis

hostis celeritate prævenit.

Nam posteaquàm ei receptus nullus; nec uspiam sibi, hinc & inde circumfuso, nisi in certamine spem evadendi videret, pertinaciter de integro cepessit bellum; & vigesimâ primâ Octobris numerosas copias, silenti agmine, in campos Vereenses, noctu produxit. Hostem ubi adesse, ex stationibus attulere nuntij, ad arma conclamatum est: nec mora; signo dato, compositi ordinatq; in aciem ruunt GOSIEVIANI. Quamvis enim paucitas parùm tuta esset, nihilominus dum hostis cogeret, suorum probatæ fortitudini Dux confusus, armis decernendum, habendamq; eam fortunam, quam is dies dedisset, decrevit. *In loco necessitas, spes in Virtute, salus in victoria reposita.* Dextrum cornu ZERONSCIO commissum; levum LIPNICCIO datum: eques primùm levioris armaturæ conferit cum hoste manus, mox ubi maior vis hostium ingruit; quadraginta equites catafracti in confertissimos hostes, tanto ardore sunt inveci, ut duodecim signa Moschorum,

*Gossevis ad Werki sum Moschis con-
figit 21.
Octob.*

Livius

rum, in turpem coniecerint fugam. LIPNICCIUS eadem usus fortitudine & fortunâ, Moschorum legionem acie dimovit. BOGVSLAVS RVDOMINA, ALEXANDER MIRZYNSKI, ceteriq; suis cohortibus, singuli tantâ fortitudine, quod obvium & validû erat, hinc inde perfringunt, ut numerosissimis legionibus depulsis, in quinq; horas protraxerint certamen. Ipse Dux, illos fronte hilari, & animabat, & ad certamen medios inter hostes præibat; hos à certamine reduces, pro re fortiter gesta, gratus excipiebat; ignavos verbis castigabat: spem victoriæ suo exemplo, hostium ignaviâ, ostentabat. Non aliud sibi reliquum, quàm tenere libertatem, aut mori ante servitutem eligerent. Tandem *Dolgorukius* duas novas Prætorianas legiones pedittum, ultimû belli subsidium, in aciem substituit, postquàm omnes aliæ sunt submotæ. Fessi Lithuani, novâq; imminente acie nonnulli consternati, in fugam sese coniecerant, cæteri exemplum secuti. Ibi CORVINVS dum obcui-

obequitat suorum turmas, ut aut pudore, aut periculo suo, fugam silteret, à suis met deseritur: tandem nequicquam consternatorum permotis animis, ultimus equo effundit habenas. Sed iam circumfusus undiq; hostium alis, opprimitur, capiturq;. Vbi cognitus est, præ inopinato gaudio, & præ memoria pristinae eius fortunæ, pars ad *Dolgorukium* accurrunt, fusum Lithuanorum exercitum, GOSIEVIVM captum adduci nuntiant; pars captivum, lætum Moschoviæ spectaculum, exhibent.

Post certamen
horarum
capitur.

Postquàm teneri captivum GOSIEVIVM rumor attulit, id adeò cunctos hostes gestire fecit, ut *Dolgorukius* insolitâ contentus prædâ, signum receptui cani iusserit: captum adduci in castra cum esset nuntiatum, velut ad spectaculum triumphij, *Odoienscias*, *Szeremethius*, *Wotkinscius*, *Almazius*, Legati, obvij *Dolgorukio*, mutuis osculis sibi gratulati sunt victoriam. Stetere in armis Prætorianæ cohortes campo qui præiacet: ter exoneratæ in castello, campestres in castris machinæ: peditatus clam ex acie redux (quò

(quò numerosior ad farcinas ostentaretur) è vallo triplici sono, publicè victori applaudebat. Præcedebant vecti equis notabiliores captivi. pone & Ipse proprio adhuc insidens Turcico equo, iam incermis sequebatur Dux, demùm victor assistentibus Legatis, turbâq; militari circumfusus, castra ingreditur. E Prætoriano Ducali tentorio (ubi signa imperialia deponi, unde leges militi, pænæ & præmia decerni, & dicta promulgari est moris) prodijt Sacerdos, humeris sacrum vestitum, manu Iconem Tutelarem belli præferens; hanc victor equo delapsus, supplex veneratur: secuta in tentorio insulsa Hymni decantatio. Non defuit officio Palatinus Vilnësis: nam speculatorias primùm præmisit cohortes, deinde Ipse met accurrit: sed hostis præmunitis castris defensivè se gerens, elici prævallo non potuit; offensivè autem ad Werki urgens celeritatem conflictus.

Recensiti primùm captivi; exacta nox ad cōmunem focum: inquisitio habita: deducti in Urbem. Ipse CORVINVS firmissimo mille

F

Præ-

Victoris
& Victi
ingressus
in castra.

Prætorianorum præsidio, quaquaversus cinctus, intra castra Vnicus detentus: nonnisi altero die quaternos è captivis suo obsequio assuetos, obtinuit. Vfus equi, armorum, calami insuper ademptus: metuebat nimirum hostis, *ne in ipsis vinculis aliquid virtutis, animus libertati assuetus attemptaret.* Captus fatali malo Lithuanæ & furorum CORVINORVM detrimento, quando mox ab eius interitu, publicæ spes magnâ ex parte collapsæ sunt.

GOSIEVIANI Exercitus decus & imperium militare SAMVELI KOMOROWSKI delatum; mox eo, multis rebus contra Suecos & Moschos gestis, vitâ functo, singulari cum gloria atq; authoritate MICHAEL PAC idem obtinet.

Seu contentus suâ præda Moschus, seu quod in alieno solo nescijs iniquo, victoriam & hostem prosequi diffideret, post octiduum, iter Moscuam versus indixit: mota incensaq; castra vigesimâ nonâ Octobris. Præibat cis mænia Vilnæ, numerosissimus equitatus, nullo servato ordine:

Dolgorukin Moscuam movet.

ordine: non miles signis; non tribuni præstò aderant, sed quò quisq; & quàm longè à signis vellet, palabundus excurrerebat. Longè alia morum via peditatui. quippe servatis ordinibus sese extendebant agmina. Ex his mille Prætoriani, perpetuis excubijs destinati, vehiculo circumfusi, ad prima castra CORVINVM (qui non minore animo quàm necessitate temporum longinquum ingressus iter) deducebant. Iam castra in proximo nuntiabantur, cum inassueto clamore territi captivi, suspicabantur loco aliquo opportuno, Lithuanorum contra hostem ausus; sed à Moschis edocti, eam esse normam metandorum castrorum, ut unusquisq; miles, datâ suis mancipijs & aurigis tessera vocali, tamdiu inclamet, donec ij vicissim eandem tesseram inclamando, extra castra reperiantur. Magnū chaos implebat circumiacentes sylvas, cum more gentis triplicibus locata castris, multitudo illa vociferaretur. Hūc adfuere 1200. pedites Moschi, re fortiter gestâ, contra alam Lithuanicam ad Miedniki.

Ratio metandorum castrorum apud Moschos.

*Trepida
tio Mo-
schorum.*

Septimis castris ad Radoszkowice perventū, cum adfertur SAPIEHANOS non longē abesse, adoriendiq; hostem captare momenta. Hīc miles signis adstare, arma in promptu, expeditaq; habere iussus; sed quōd pleriq; prædandi causâ essent dilapsi, præsentes quoq; in alieno agro animis fracti, consternati incedebant. Noctu Tribuni ad Prætorium adesse iussu, imperium accepere, (quod nomine Magni Principis expediri solet) ut si compareret hostis, eques inter peditatum se reciperet, GOSIEVIUM quā arctissimè quidem teneret; at si firmior vis ingrueret, eum æquē ac alios captivos trucidaret; deniq; per sylvas olim impervias penetrare iussi, acie congregari prohibiti. Nec vanus erat Moschorū metus: quippe ALEXANDER POLVBINSKI Notarius Cæpestis cum duobus millibus Lithuanorum complures Moschos, licentiosius palantes, villasq; exurentes, diversis locis oppresserat, aggressurū Moschorum castra, sicubi rei ferendæ fortuna sese obijceret. Sed nondum fata Lithaniæ propities

*Potabin-
seius Mo-
schos in-
tercipit
predato-
res.*

pitios Nobis promebant successus: nam hostis, improbo labore superatis primū paludibus, mox difficillimo Smorodnâ, tandem Berezynâ, in campis Borissovien sibus extra omne periculū confedit. Hīc datâ militi per triduum quiete, castigatisq; ijs omnibus, qui signa in via deseruerant, multo maiori quā ante disordine, metu vacua Szkloviam promota castra. Szkloviae septem otio impensū dies, reficiendo militi longo viarum tractu fesso, seu reprimendis Lithuanis (qui non tam ullâ spe, quā impetu fortuito tracti, Vitebscum versūs excurrerant) sed eadē temeritate quā processum est in Russiam, à Generali Moschoviæ Sukino, Albâ Russiâ eiectionis signis, Smolenscum (quod & Dosgorukius iam penetraverat) 2dâ Decembris Sukinus victor ingressus.

*Dosgoru-
ki Boris-
sovia.*

*Szklo-
via.*

*Lithua-
ni profligati ad
Biejskoma-
mice.*

Smolensci totus Moschorum exercitus, manibus inclusus versabatur. Nobilitas Smolensciana iam edomita, victorum edocta mores, ad serviles operas à Moschis damnata, durius tractabatur: morerū insuper altitudo, crassities, am-
bitos,

*Smolen-
sci.*

bitus, excubiæ, securitatem undiq; præstabant. Lautius itaq; & liberiùs *Dolgorukius* indulgebat quieti, gloriosam suam ostentans Prædam: GOSIEVIVM conveniri à Nobilitate & civibus, captivos insuper omnes intra Oppidum pervagari permisit. Dum liberè parvagentur, quidam vigilum suorum, primùm securitate, tum viâ per muros exploratâ, noctu aufugit. Ea res tantam *Dolgorukio* excitavit bilem, ut ob contemptum Smolenscianæ munitionis, & suæ erga victos benevolentiae abusum, præter GOSIEVIVM omnes reliquos in publicum carcerem detrudi iusserit. Descripti, interq; latrones ac fures nocturnos conclusi, explebant in illis angustijs numerum personarum centum quingenta sex. GOSIEVIVS acerbissimè ferens suorum Concivium commilitonumq; calamitatem, non id magis Polonæ Gentis Captivis, quàm Victori fore erubescendum, *Dolgorukio* proponebat: si inter vexationes, contumelias, fatorem encarentur iure belli capti; quorû fors humana, æquè Nostris ac Moschorû dominatur rebus. Sed nihil apud hominem recentibus tumidû successibus effectû est.

Captivi
in publi-
cum car-
cerem de-
trusi.

CAPVT IV.

CORVINVS GOSIEWSKI Victus Moscuam de Anno
ducitur, Moschorum ad Konotopum Clades. 1699.

I Am fama Vercensis victoriæ, ad Magnum Moschoviæ Principem pervenerat; infessis enim hætenus vijs, cursoribus oppressis, plurimis militum anteire Exercitum cupientibus, captis, occisis, submersis, suspensa animo Moscuæ, de eventu rerum ad Vilnam gestarum, hucusq; tenebatur. Internuntius oblatâ Principis gratiâ *Dolgorukio*, attulit mandatum: ut quàmprimùm Moscuam cum Prætorio milite festinaret: equitatum in hyberna dimitteret. Simul premium victoriosi obsequij, quingentos aureos dono missos à Principe deprompsit, villamq; ducentorum iugerum attribuit. Ceterum gratiam, honores, fauores Principis, præsentî præstandos Moscuæ, pollicitus. Stando primùm, mox capite terram usq; attingendo, huiusmodi mandata Principis excipere, mos est. *Dolgorukius* usu receptam præstitit quidè submis-

Inter-
nuntius
M. Prin-
cipis.

Dolgorukius publicus & privatus hostis Gossio efficitur.

submissionem: sed cum multo maiora sibi deberi, spe præconcepisset, adit CORVINVM: pollicetur se Ei Patris loco Moscuæ futurum, libertatem acceleraturum, dummodò is coram Proceribus, deinde coram Principe sistendus, fateretur decem millia Suorum ad Verki fuisse profligata. Hæc cum magni spiritûs Vir non pateretur, scilicet Sibi Suæq; Genti fabulosam irrogari cladis & ignaviæ ignominiam, publicum privatumq; è *Dolgorukio* sibi effecit hostem. Persuasit quippe ne in conspectum Magni Principis admitteretur, ut durius tractaretur, arctè & contemptim exciperetur, inq; bellorum remedia reservaretur.

Iter Moscoviam.

Rebus pacatis, exercitus Smolensco reductus, velut relictâ sævitiâ ac licentiâ in hostico, incessit: nil gestum insolenter in via: nullas vidisses rapinas; ac si quæ contigissent, exactè iustitia administrata est. Digressi Smolensco, præterijmus Dorohobuż, Wiazmam, tandem Mozayscum; hîc ad arcem Ecclesiâ & miraculosâ Divi Nicolai Episcopi imagine sacram, tantiq; nomi-

nis

Mozaysk

nis ministram pervenimus. Castellum amœno colle situm, muro, turribus novem munitum, fluvio Moscuâ alluitur. Quotannis Magni Duces Templū hoc visitaturi, comitatī aliquot millibus equitum adibant. Imago ipsa est *di ville-uo*, auro, argento, lapidibus pretiosis splendida, mirā popularium colitur religione. Anno millesimo sexcentesimo decimo, quando auspicijs SIGISMUNDI III Poloniarum Regis à STANISLAO ZOŁKIEWSKI Exercituum Duce, fatale Moschoviæ bellum imminabat, Moschi post exactum tridui arctissimum ieiunium, hanc Imaginem secum in castra & aciem, devotè simul & honorificè, deportaverunt. Prælio, immo magno bello, ad Kluszynum victi, (quandoquidem tunc non de victoria, sed de fortuna & imperio totius Moschovitici Regni decertatum est) protrusam à se, allisamq; terræ Iconem, tanquam suas res deferentē, in prædam Polonis reliquerunt. Est enim Moschis etiamnum usitatum (dum quidpiam à Deo & Tutelaribus impetrare volunt) frequens accendere

G

Cultus imaginis apud Moscoviam.

lumen

lumen, inclinari poplite: si non impetrent, eandem Divi rerum suarum Tutelaris Iconem, quam paulò antè, adeò sublimi cultu, vocalibusq; supplicationibus poëne sub sidera efferebant, jam terræ allidere, aut ablegare in villam, ibiq; sine lumine & veneratione relinquere; nonnunquam in flumen, nonnunquam effossis oculis in angulū proijcere.

Necdum in via de superando Victi CORVINI animo desperabat *Dolgorukius*. Idcirco dū in villa Kubicńsko *Simeon Strefzuiow* Magni Ducis Avunculus, & *Michaël Dolgoruki*, gratulabundi ei occurrissent, integram noctem exegit insanā hilaritate: adhibito namq; ad cœnam (quæ in profundissimā noctem protracta est) CORVINO, inter crebras potationes vini adusti, interq; usitatos suæ genti saltus, serviliaq; Officialium exercitia, (nam eos iam in terram omnes procumbere, iam levare iubebat, suumq; fastum, magnificentiam, opes, fortitudinem, in sua Patria potentiam, deprædicabat:) nuperū iteravit postulatū. Sed metu carceris, & spe obtinen-

obtinendæ libertatis, potior fortiorq; erat, et si Captivo, Fama.

Diem Natalem Domini ritu veteri, celebrare Moschis placuit *Wiaziomæ*: locus hic distat ab Vrbe octo milliaribus. Sacerdos loci, quod integro biennio ob vini (ut aiebat) inopiam, sacra non celebrasset, iussu *Dolgorukij*, virgis (botagi dicuntur) cæsus, vinoq; auctus celebravit.

Eodem die *Dolgorukius* Moscuam profectus, ferâ iam nocte adiit Principem: ibiq; gratulatus ^{*Dolgorukius pri-*} gloriosam per se partam Prædam, pro cuius restituti- ^{*vatim salu-*} ^{*latat M.*} ^{*Ducem.*} one Polonos certò resignaturos tot Provincias, quot ipse Magnus Princeps resignandas decerneret, affirmabat: adduci nempe à se (aiebat) Virum Regibus *Vngaria* oriundum, (habent in suis Annalibus descriptum genus & gesta huius Domûs, ex occasione ALEXANDRI CORVINI GOSIEWSKI, quem Proregis officio, rei Moschoviticæ arbitrium obtinuisse, infra dicemus) eo Parente ortum, qui nomine SIGISMUNDI III, Imperium Moschoviticum, Proregis titulo administravit: illum Ducem, cuius Nomini, tantum potentissimi populi

tribuerint, ut Eius arbitrio pax Moschovitica, Brandenburgica, Suetica à Rege Polonia committeretur. Iam opibus in sua Patria, tantum Eum excellere iacebat, ut nemo Ei equiparari posset. Hunc solum copias decem millium, proprio ære contraxisse; suâ quoq; prudentiâ Victricia Moschorum arma in Lithuania stitisse ac deluisse: Moschos contra Suecos armasse: Suecos à Samogitia exegisse, Livoniam occupasse memorabat. Deniq; dum suum decus Victoriâq; extollit, quantum plurimum potest, addit gloriam Victo. *Tantum Virum quin Poloni avulsione suarum opum vindicaturi non essent, impossibile censebat.* (constans nimirum tunc erat apud Moschos opinio, neminem Nostrorum Ducum fortius & prudentius CORVINO, Poloni Nominis rem lapsam, adversus externos hostes fuisse defensurum) ipsam carceris acerbicatem Magnanimo Duce indignam, posse accelerare pacis tractatum. Hoc ni profuerit, exoluturum in carcere calamitates, quas perpeffa est olim sub eius Parente Moscua: maiorumq; manibus ab eius Patre casorum, parentaturum.

Nec in Vrbe Moscua ignobile erat
COR-
VINI

Consiliū
Dolgoru-
kij.

VINI Nomen. Iam Fama Eius, superato Bal-
thico mari, ultraiacentes etiam Regiones antè
impleverat; nec minor per amplissimas Russiæ
Regiones, longè illi in Moscuam prævolaverat.
Optabant videre universi Ducem, qui tot anno-
rum bella, Moschorum cladibus numeranda re-
liquit posteritati. Nota iam & Magno Principi
Moschoviæ magnitudo Eius & prudentia, cuius
tacitâ legatione persuasus, desperatissimis re-
bus Polonicis indulgit armistitium, Suecis indi-
xit bellam, ipsumq; honorificis, Kieydanis,
Wierzbołovix, Varfaviæq; interpellavit legati-
onibus. Nec tamen movit eum pristina fortu-
na Viri cū præfenti collata, aut recordatio fæde-
ris publicè ac privatim iuncti: sed facilè sibi à
Proceribus persuaderi passus ea, quæ suus Dol-
gorukius adferebat: sancitumq; illâ nocte, ut po-
stridiè huic magnificus, Victo informis pararetur
ingressus.

Regressus ab Vrbe in adjacentem villam, il-
lic postero die CORVINVM præstolabatur: sex-
tâ Ianuarij inde pompâ publicâ ad Castellum hæc
ordine

*Publicus
ingressus
Victoris
Moscu-
ani.*

53

ordine profectus est. Instabant dissonè tubas duodecim Moschi; ducenti Aulici Ducales splendè vestiti præcedebant: tum duodecim equi, aureis argenteisq; sellis instrati, ordine ducebantur. Hos subsequebatur victoris Ducis filius; deinceps amici affinesq;. Deniq; ipse Generalis medius inter suos Collegas, vestem auro intertextam indutus. Agmen claudebāt mille pedites ceruleo vestitu, aliiq; mille purpureo spectabiles, ab expeditione bellica reduces. Circumfusa spectantis populi multitudo viam publicam Twerensem, illuc de industria compulsam, implevit. Hâc pompâ Victor Urbem & Castellum invehens, post solennem Principi datam relationem, ad osculum manûs accessit; mansitq; in Regia, eo die ad Ducalem mensam adhibendus, ibidemq; poculum è manu Principis, aliaq; munera accepturus.

*Ingressus
Victoris
Hi.*

Paulò seriùs invehens CORVINVM, ante portam Kitayensem, carpento descenderet, monent. Præferiebantur signa captiva octo: Hussarorum hastæ duodecim; Ipse medius inter du-

os No-

54

os Nobiles Moschovitas cæteris captivis præibat; quorum singuli inter duos pedestres Moschos medij, in longum protenso ordine, ab utrinq; deducti. Ante Castellum caput detegere iussi, causantibus Moschis depictæ Divi Nicolai imagini in porta, cum honorè deberi. At Mendax Religio, per fastum Castello sui Principis, ab Exteris eâ reverentiâ exhiberi requirebat. Ingressus Urbē spectatē M Principe, totaq; eius Aulâ de fenestris Superioris fastigij, deductus in Cancellariam: vbi iam Generalissimus Trubecki, Chytrov, Almazius, cum præstolabantur. Assurgunt primùm prædicti Proceres: tum, ex mandato Magni Principis CARI, & Magni Ducis ALEXII MICHAËLOWICZ, totius Magnæ, Minoris, Albæ, Russiæ Monarchæ, aliorumq; multorum Regnorum Orientalium, Occidentalium, Septentrionalium Domini, Successoris, Hæredis, Principis &c. tribunal se conscendisse professi, confederunt. Captivum Hospitem, stantem respondere placuit.

Quæsitus omnium primùm:

Quantis viribus ultimo Prælio conflixerit?

Quanta

*Quanta vires residua Polonorum & Lithuanorum
super sint?*

Quis status belli Suetici in Polonia?

Cur Tractatus pacis non coaluerint?

*Quâ ratione demum pax coalitura sit. Foretne Resp:
Polona contenta restitutione ablatorum, quovsq; allui-
tur Berezyna aut Borysthenes?*

*Responsa
Gosiewij
in Can-
cellaria.*

Veritati congrua, forti suæ consentanea, Pa-
triæ proficua edidit responsa; ad postrema re-
spondit: non aliter pacem inter hæc duo potentissima
Regna coalituram, nisi omnium ablatorum, Captivo-
rumq; restitutione. Quod verò attinet ad Berezyna
aut Borysthenis terminos, dubias eas esse voces:
cùm Gens Polona post tot acerrima bella, suis viri-
bus iam sit restituta; qua quandoquidem bellis undiq;
conflictata, avelli sibi Provincias non patiebatur, nunc
resumptis viribus, nullatenus id ei posse persuaderi.
Quæsitus, quot Poloni cessuri essent Provincias, pro
Eius Personæ restitutione? Respondit: ne unum pal-
mum. Fecundam esse Viris Poloniam, nec pro mor-
talibus, immortalia Regna commutari debere. Mar-
murantibus Moschis, ac mendaciū suo idiomate
obiici-

obiicientibus, subiunxit illud Africani dictum:
*Si me bonum, aut bellicosum, aut si ita vultis, poten-
tem in Rep: mea Virum creditis, credite multos mei
similes in Polonia reperiri. Imminentia bella dabunt
documentum, non mecum Nomen Poloniae extinctum;
immo ex omni servitia fortunæ etiā me absente emerju-
rum.* Responsum hoc, non magnanimi sed su-
perbi spiritus, Moschi iudicârunt. Expedienda
quantocrys in Poloniam & Lithuaniam arma: Ca-
ptivum stringendum, carcere minuendos spiritus in-
domitæ Genti, palam proclamârunt. Iam densâ
nocte, raptim in Cancellaria digredientibus
cunctis, CORVINVS datur Artemio Serbeiewicz
ad hospitium deducendus: quem à Magno Duce
ad Eum obiisse legationem, memoravi. Vbi ad
Aulam, Sueticorum Legatorum detentione in-
signem, portæ Twerensi propinquam, iam pe-
ditatu & armis infessam, perventum est, infra
vnam horam (vti Moschi vocant) mensa Ma-
gni Principis adfertur: viginti quatuor patinæ
à singulis peditibus, vasa quoq; cum potu vario
à binis illata. Reliquos inter Captivos, libera-
H lissimè

lissimè victualium copia distributa.

*Alexius
Trube-
cki
150000
mouet in
Vkrainam.*

Nec dictis quàm factis ferocior *Trubeccius*, iam antè conscriptum validum exercitum centū quinquaginta millium, in *Vkrainam*, *Putiwliam* versus movit. Vtrò pleriq; Nobilitate insignes, authoritatem Ducis secuturi, Colonelliq; seu maiorem gratiam præmiūq; apud Principem aucupaturi; seu bellicæ gloriæ & prædæ cupidi, magnâ alacritate sub eius signa convolabant; quasi unusquisq; victor adducturus esset Captivos Generales. Passim iactabant, ignobiles & servituti nata mancipia, *Moscuæ* desides vivere: fortium virorum esse, extra patriam alieno vesci pane: palàm oppida prædæ & excidijs destinabant; nec redituros se in Patriam profitebantur, nî prius aut extremè domuissent, aut perpetuis excidijs delevissent *Vkrainensium* nomen.

In tanta ferocia, tentandi *CORVINI* non omīssa cura: negotium *Artemio* commissum.

*Aliud
Responsu
Gosievij.*

Is obtento apud Eum familiari colloquio, confidentiùs inquit: Num *Fortunam Moschorū* notam
orbi

orbi, potentiam formidabilem (scilicet præter præsidarios) centum millium peditum, ducentorum millium equitum, *Artiglieria* vim incomparabilem, retroactis annis toties productam, producendamq; *Poloni* non metuant? Persuaderet *CORVINVS* Patriotis: sanguinem Christianum sistant, *Victori* morem gerant, de eius manu, quatenus alluit *Berezyna*, accipiant. In maius detrimentum *Reipublicæ* olim cessuram pacem, quia seriùs conclusam, quàm poterat. Ad hæc *CORVINVS* avitam magnitudinem, etiam inter angustias fortunæ retinens: Quæ nuper in *Cancellaria* dixerat, non elati animi, aut fastūs fuisse verba, (cū non inscius esset præsentis *Suæ* sortis) sed veritati consentanea. Idem se nunc censere, respondit. Adiecit insuper. *Rempub: Polonam* hisce annis non tranquillo navigasse, sed iam decumanis procellis penè submersam, nunquam iniquis conditionibus acquiescisse. Quamdiu stabit *Nomen Polonum*, quantum virium *Polonis Lithuanisq;* supererit, restitutionem *Provinciarum bello avulsarum, & Captivorum*; ni pacis præfuerint media, per extrema belli discrimina attentaturos.

H2

Ina-

Commē-
tum Mo-
seborum.

Inassuetis Proceribus vera audire, ferox re-
sponsum visum est: idcō vt Principi persuade-
rent duriorē Eius tractationem, (cū per se
humanus & Clemens esset Princeps) admonue-
runt: ne CORVINVS simulato Excubito-
rum habitu, profugeret noctu, excubiasq; fal-
lcret: nec domi custodiendum, nec cuiquam cu-
stodiam Eius, tutō credi posse, suadent. Innu-
unt deinde nonnulli, esse locum extra muros ultra
flumen Moscuam, retrō palude circumfusus, egregiē
palis septum; intus ipsam domum enormiter crasso mu-
ro elaboratam, fornicibus depressis oclusam, fenestris
unū cubitum non excedentibus, cratibusq; ferreis cras-
sis ac densis munitam. Approbantibus cunctis con-
siliū in Senatu, hūc post septimum diem, loco
potius quā hominibus custodiendus deducitur.

Excubi-
arum ra-
tio,

Amoto Artemio homine civili, ac non ineru-
dito, suffectus Alexius Mesczeryn Colonellus,
homo per omnia crudus. Is sepimenta domūs
circūquaq; munivit; vigiles itidem, qui diu ex-
cubarent, octo disposuit: noctu verō duplica-
tos, super columnas accensis lampadibus in a-

FCJ

rea, excubare infomnes iussit. In foribus aperti
cubiculi GOSIEVIANI, perpetuum incen-
dit lumen; ipse ex opposito lectuli, vt moven-
tem sese, intueretur noctu, excubabat magis
quā dormiebat. Adstabant vigiles duo, quos
singulis ferē quadrantibus, expergefactus, ac-
cedere cum lumine ad lectulum inebat; inspi-
cereq; num non aufugisset, aut non avolasset
Captivus. Videns namq; lectioni continuō in-
tentum, cam de illo præconceperat opinionem
homo barbarus, quōd posset facilē arte magicā
avolare: idcirco & exiguas quasdam fissuras in
testudine, cæmento obstrui quā firmissimē
iussit. Accessus externorum, æquē advenis (ma-
gis tamen his) ac Moschis, perpetuō interdi-
ctus. Excubitoribus, si quis literas aut schedu-
las clām perferret, aut nova aliqua Captivis
communicaret, pœna suspendii, in porta eius-
dem domūs, edicta. Concaptivorum numerus
diminutus; dempti omnes, in vltiores aman-
dandi Regiones: ex omni numero viginti sibi
opportuniōres, deligere permissus. Extra por-
tam

tam domûs nemini unquam exire, ac ne rimari quidem licuit. Si quid emendum occurrebat, id alicui ex custodibus erat demandandum. Colonello excubanti, Centurio cum septuaginta peditibus adiectus. Cæterum ratio victûs liberaliter præscripta ex mandato Magni Principis: & si opus foret, auctio promissa. Per eosdem dies, venit Moscuam Regis Poloniæ Internuntius. Literarum quas attulit, hæc fuit summa: *Ex mandato Sacra Regiæ Maiestatis COSIEVIUM pro pace sancienda, Vilnam prævio utrinq; supra securitatem iuramento iussisse: eum postea contra Iura Gentium à Dolgorukio circum-ventum & captum esse. Restitui mandaret Magnus Dux Legatum, cuius munus Iura Gentium sanctum esse voluerunt. Ad has Moschi ferocius, dum adhuc Fortunam crederent sibi famulari, rescripserunt. Internuntius ne adire quidem CORVINUM permissus; literæ tamen Regiæ aliorumq; resignatæ, redditæ sunt.*

IOANNES CASIMIRVS D. G. Rex Pol: M.
Dux Lithu: Ruf: Pr: Samog; Mas: Liu: Smol:
Czer.

Regis
Poloniæ
Inter-
nuntius.

Czern; Nec non Sacc: Got: Wand: hæreditarius Rex.

Perillustri, Sincerè Nobis Dilecte. Quò magis probatâ Sinceritatis Vestrae in omni R. ip: obsequio experti sumus dexteritatem, eò acerbius presentem Eius acceptamus sortem. Nihilominus cum hac Divinis pareat edictis, (prout & Nosmet inter presentissima naufragia Omnipotēs protexit manus) huic Sinceritatis Vestrae casui poterit mederi Divina opitulatio. Quoad humana media; hæc omnia quotcūq; liberationi Sinceritatis Vestrae inservire videntur, cum DD. Consiliarijs non gravatim adhibemus. Inter quæ, cum Sinceritas Vestra Tractatus pacis esse efficacissimos iudicat; Nobis quoq; idem conjcet; sincerè cupimus sistere sanguinis Christiani profluvium; quod vindicabile Dei iudicium requirit. Utinam devò desiderijs Nostris, fallax fortuna, non refragetur solitâ pertinaciâ, sed potius in Christiana concordia, vires cum gloria utriusq; Gentis, adversus communes hostes convertere velit. Domestica res Sinceritatis Vestra, tum Consortis, Liberorumq; cura, acerbò carcere fractum non sollicitent, quandoquidem Illis non deerit in succursum Nostra

stra Patrocinatio. Omnibus item alijs Domesticis Sinceritatis Vestra, Paternā Nostram providentiam, ob respectum Sinceritatis Vestrae obligamus. Optimam interea Sinceritati Vestrae à Deo precamur valetudinem. Dabantur Varaviae VIII Dec. MDCLVIII. Regnorum Nostrorum XI Anno.

IOANNES CASIMIRVS REX.

Perill: VINCENTIO CORVINO

G O S I E W S K I

Supremo M. D. L. Thesaurario & Campi Marschalco &c. Sincerè Nobis Dilecto.

Cum eodem Internuntio spontè venerat ad obsequendum Hero suo vnus ex domesticis: qui non priùs admissus est, nisi praviâ inquisitione, num secretiores non adferret literas, & num aliquid clàm reconditi non apportaret. Vnicè namq; metuebat *Mitostanjsius* Supremus minister Moschoviae (vti postea innotuit) ne pro liberatione Captivi, submitterentur magicæ artes. Itaq; probè instructus, ducentos aureos, & literas à CHRISTOPHORO PAC M. D.

L. Can-

L. Cancellario deprompsit: quibus redditis, & ipse inter Captivos, more Captivorum vixit. Ducentorum aureorum medietate suo usui reservatâ, centum aureos inter Captivos in Vrbe adhuc degentes, per manus *Pristavorum* enlargitus est: namq; mille aureis secum adven-ctis, minùs metuebat extremæ egestatis casum. His peractis, *Alexius* denunciavit gratiam Magni Principis, licere Sibi scribere in Patriam literas, revisas tamen reddendas Internuntio, declaravit. Inter complures, Sacrae Regiæ Maiestatì per modum supplicis libelli eiusmodi transmissæ.

Serenissime ac Potentissime REX

Domine Dñe mi Clementissime.

Post submississimam Maiestatì Vestra gratiarum actionem, pro Regali & Clementissima compassione (quam super sortem meam præsentem, Clementer Sacra Regia Maieestas Vestra demonstrare dignata est) dum residuum factorum meorum Divino decreto subijcio, procido ante Thronum Sacrae Regiæ Maiestatìs, supplicando eidem, ne permittat mori Captivum il-

I

lum

lum subditum, qui pro afferendis in libertatem Pro-
vincijs Maieſtati Veſtra ſubiectis, factus ſum pra-
da: quiq; in præſenti etiam calamitate mea, (quantum
per iura moderna ſortis licet) pacis ſtudia, ſemper
alijs ſtudioſiſſimè promota, conſtanter proſequor.
Ad qua non obſcurè videtur inclinare Moſcobia, ſi
Sacra Regia Maieſtati Veſtra, magis Tanti Princi-
pis amicitiam, armorumq; Eius ſocietatem, quàm Re-
giones rebelles Kozacorum æſtimare placuerit. In
quantum verò pacis artes non ſucceſſerint, ſupplico,
ne alia eliberationis meæ media prætermittere digne-
tur, qua volenti non deerunt. Paterno Maieſtatis
Veſtra, dum me meoſq; reſiduos in Patria commen-
do reſpectui, pro cura mei humillimas rependo gra-
tias, petens à Divina Maieſtate, ut terrenas, Veſtra
Sacra Regia, & Careæ, Maieſtates, quàm celerri-
mè unitas concordia, firmet adverſus communes ho-
ſtes; imò ad maiorem hoſtium confuſionem, proferat
longè gloriam, corfirmet utriuſq; Solium: mihiq; con-
cedat, tandem cum debita gratiarum ætione, pro Pa-
terna ſolicitudine, ante Solium Regale procumbere,
Maieſtatis Veſtra deoſculari dexteram præſenti, quam
nunc

nunc venerabundâ deoſculor intentione.

Moscuæ

10 Febr: 1659.

Sacra Regiæ Maieſtatis Veſtræ,

Dñi Dñi mei Clementiſſimi

Humillimus & Obſequentiſſimus

Subditus ac Servitor

VINCENTIUS CORVINVS

G O S I E W S K I

Amovetur tandem Alexius, ſucceſſor datus Ste-
phanus Kukoninski Colonellus, Vir Civilis per
omnia. Is ab Alexio ſuapte naturâ ad crudeli-
tatem efformato, & Genti Noſtræ infenſiſ-
ſimo, moleſtias quasdas ad divexandos Captivos
inſtitutas amovit; reliquas tamen (deſuper Sibi
metuens) exerceri permittit; præſenti interea
miſerorū condolens calamitati, eos in ſpem me-
lioris fortunæ erigebat.

Athanaſius Naſczokin (quem arctam antè-
hâc cum C O R V I N O libero, colu-
iſſe amicitiam, tum iunctâ armorum ſocietate,
bello preſſiſſe Livoniam; deniq; tractandæ
pacis armorumq; cauſâ, utrumq; à Suo Principali
Plenipotentiarias obtinuiſſe, ſuperiùs innui)

A Na-
ſczokino
viſitatur

de consensu Magni Principis, visitaturus CORVINVM accessit: pollicitus literas & quaecunq; vellet Sibi, vel hinc ad Suos transmitti, fideliter se Kokenhauzo Livonico transmissurū. Quod & præstitit posterioribus annis bonâ fide, exhibuitq; non levia civilitatis indicia, in transmittendis incorruptè medicamentis, literis, & pecunia.

Eâdem hyeme, dum res Vkrainenses vrget *Trubeccius*, ex aliâ parte *Ioannes Chowanski* valido 40000 Moschorum Novogrodensium, Plescoviensium, Lucensium, Toropecensium exercitu, ingressus Lithuaniam, cum NICOLAO IV. DYCKI Equite Melitenſi in stagnis Miadzioſensibus glacie firmatis confligit. Trepidatum est primò in castris Moschorum, ipseq; numerosissimus aliàs illorum Equitatus facto congressu consternatus; cùm Lithuani quàmvis numero inferiores, (3000 censebantur) obfirmatis in omnem fortunam animis, in hostes irruerent. Verùm erexit dejectos in timorem Moschorum animos, pertinax adversus temera-

*Chowanski
confligit
cum
Lithuanis
& victoria.*

temerarios impetus peditatus, primosq; Lithuanorum cæde repressit: inde urgente iterum equitatu, in fugam effusi Lithuani, cædem suorum & Victoriam hosti reliquerunt. Addita cladi ingens hominum iactura, cùm glacie fractâ plurimi Lithuanorum mergerentur: cæsi, & aquis suffocati plurimi; captivi insuper 400 Moscuam missi. Inter quos CASIMIRVS PAC (iam nunc Episcopus Samogitiæ) HERONYMVS PAC Palatinides Trocensis, compluresq; alijs Avitâ Nobilitate & longo armorum usu insignes. Hæc Victoria ex mandato Magni Principis, denuntiata est CORVINO in Cancellaria: non quòd scire Eum vellent res gestas in Sua Patria, sed quia ad desperationem coactum, in Moschovia ritu Græco baptizandum, perpetuò vivere iuratū cuperent. Credunt enim Moschi, nullam aliam in terris gentem suâ, Christianum ritum religiosius colere: idcirco Græcos, Ruthenos, ipsos etiam Sacerdotes (quamvis utriq; eâdem origine profecti) ternâ submersione rebaptizant

zant. Id tamen ab Orientalibus Patriarchis Anno 1667 interdictum est. Baptismus verò, magis fit in vim iuramenti fidelitatis Magno Principi præstiti, non redeundi in Patriam; quàm Religionis. Brevi itaq; post Ioannes Zelabuski (recenter *Pristavus* constitutus) postquàm multa fastuosè simul & mendaciter de fortunato *Trubeceij* successu in *Vkraina*, iactitasset,

Gosievius a Moschis sollicitatus ad baptismum.

suasit GOSIEVIO, precibus aggredi Principem, ritu Moschorum baptizari; opibus auctum perpetuò in Moschorum remanere. Adducebat exempla multorum Moscuae Virorum. In premium abiurata fidei, nomine Principis pollicebatur palatium (quod ab obitu Ducis Nikitæ Romanov Patruisui, non inelegans in Urbe visitur) caterum posse illi opes magnas, stabilemq; honorem Moscuae contingere, si omissa longinquâ & serâ pacis spe, præsentem potentiorèq; sequeretur. Ad hæc CORVINVS: Sibi baptizato, illicitum esse mutare ritum, respondit. Deo ritu Romano; Regi naturâ & lege Patriâ, æquè secundis ac adversis Patria, Suisq; rebus, obstrictum Se esse. Exempla non damnavit quidem, sed nec

Responsu

sed nec laudavit. Palatio regali inhabitando, Se imparem censuit. Caterum Suâ Patriâ sorte (si quando eâ frui sinant *Superi*) opibusq; Se contentum esse. Demum si ita vellent Moschi, in carcere potius moriturum, quàm aliquid facturum Suâ Personâ indignum. Eiusmodi responso passi repulsam, firmum CORVINI animum, ampliùs non attentârunt.

Post quadriennale bellum, æquè Suecorum ac Moschorum animis, pacis subiit desiderium. Pro componendo Legatorum congressu, venit Moscuam Sueticus Ablegatus. Per se infensos Moschorum animos CORVINO, ad odia vulgi extendit, cum illum facem belli inter hæc duo Regna (quâ Suecorum in Moschos merita, sociæq; victoriæ, tum ferè octoginta annis culta amicitia conflagravit) indigitasset.

Iam dudum CORVINVS, anxius de successu Patriæ, omni rerum notitiâ destituebatur; cum præter opinionem diuturnis desiderijs favens occasio sese obtulit. Exenbitorum quispiam spe mercedis inde conquirenda, ad

Ablegatus Sueticus Moscuam.

Cladestini commercij literarum oblata occasio.

dæ, ad transferendas clàm schedulas, quòcun-
q; vellemus, suã offerebat operam. Res primo in-
tuitu visa (prout erat in re) plena periculi:
sed cùm homo promptus, versutus, insuper avarus
videretur, iuranti patrio more per oscu-
lum Crucis, terramq; voranti, datæ sunt lite-
ræ ad quosdam solâ famâ Nominis notos, sub-
scriptæ quoq; ignotis nominibus, transferendæ.
Altero die responsum attulit, monuitq; cir-
cumspectè hâc in re â Nobis agi oportere; in-
terim de sua fide benè probata nil essemus so-
liciti, se enim horrendâ chordarum inquisitio-
nem aliquoties sustinuisse, nec tamen verita-
tem Inquisitoribus aperuisse. Probavitq; di-
ctorum fidem; cùm se toto corpore diris pla-
gis lacerum ostendisset. Fideli huius viri ope-
râ longo tempore vñ sumus, donec alios quàm-
plurimos eiusdem ingenij servitores, tempora
& occasiones suggessissent: quorum obsequio
diversimodè, commercium literarium fovimus,
plurimas cautelas conquissivimus; omnia nova
ac consilia intima Moschorum exploravimus, in
Patriam

missimus, CORVINO informante, ac libera-
lissimè obsequium Tabellariorum remunerante.

Palmarum Dominica quantâ celebritate &
pompâ peragatur in Moschovitica Aula, scri-
psere varij. Motus desiderio CORVINVS
spectandæ Celebritatis, observandarumq; cere-
moniarum, per *Prištavos* â Magno Principe,
prodeundi in publicum facilè obtinuit faculta-
tem; cùm ipsimet Moschi, eo die splendidius
ornati ab Extraneis plerumq; ardentissimè vide-
ri perambiant. Ante Castellum vetustissimo
Sanctæ Trinitatis Templo subiecta planities,
implebatur egregio cultissimèq; vestito & ar-
mato peditatu Prætoriano. Is tunc residuus
in Vrbe constabat ferè duodecim millibus ho-
minum, cæteri cum *Trubeccio* castra secuti. Me-
diâ planitie exstat præaltum (unde iura ple-
bi dantur, unde plebs de bello generali incun-
do, aut quopiam nonnisi gravissimo negotio
consultitur) fastigium, è quadrato lapide. (*Eo-*
bne dicitur) Cooperiebatur eo die peristro-
matibus aureis, pavementum panno rubro; via

*Dominæ
ce Pal-
marum
celebri-
tas Mos-
choviti-
cæ*

Lobna

quæ ducit ad Castellum, panno versicolore. Post solennissimum in Vrbe campanarum sonum, progressus è Castello Clerus: humeris Sacras vestes, manibus Cruces & Imagines præferens, insulsum vociferans carmen. Sequebantur numerosi Proceres, omnes aureâ argenteâq; veste, plerumq; Persicâ induti. Princeps Coronâ (*Małamachowa* Moschis dicitur, quam creptam Babylone, dum illa per hydras, dracones, serpentesq; occuparetur, Constantinopolim, inde Moscuam à Græcis delatam fabulantur, aut credunt) redimitus; super vestem talarem gemmeū cingulo tenus pectorale: (*Pierśca* dicitur) tum Crucem adamantinam in pectore gerens, hinc à *Regulo Hruzdzinensi*, inde à *Czerkascio*, ad prædictam Ecclesiam deducitur. Sequitur numerosissimus Aulicorum Comitatus, gestientium tum Principi obsequi, tum à populo videri. Prodeunti Principi è porta, vniversus peditatus, populusq; tectis suspensus, inclinato ad terram usq; capite, exhibuit subiectionem. Breui interiectâ morâ, ab Ecclesia ad fasti-

fastigium *Zobne* progressi. Hinc inter cantus, duo Prælati pro adducendo asino, in castellum mittuntur: rami de arbore deiiciuntur, palmæ benedicuntur, distribuunturq;: stantibus circumcircâ suis locis, Proceribus, Officialibus, militiâ, populo, summo silentio & modestiâ. Post benedictionem palmarum, Coronatus Princeps, suo pollici sinistro habenas dependentes induit, medius inter Proceres, equum telâ involutum, asinum repræsentantem, anteiturus. Interea per absentiam Patriarchæ, *Metropolitæ Cruticensis*, aureum Archiepiscopalem habitum, tiaramq; indutus, prægrandem toto corpore ad partem obversus, conscendit equum. Solemnissimo campanarum exorto sono, populus sua capita, armaq; terræ allidit; nec prius erigit, nisi Princeps Castelli subeat portam. Tecto cuidam depressiori, cum *Pristarvis* Suisq; Concaptivis commodè superimpositus, pompam spectabat GOSIEVIVS: ad quem inter discedendum è fastigio, Princeps misit Colonelum *Artemium Serbievicz*: qui pro more Gentis

tis, titulis Magni Principis recensitis, eiusdem Nomine de successu valetudinis requisivit. Is honos habetur eo die, omnibus Externorum Principum Legatis, qui eadem formâ spectaculo facto, super tectum impositi adhiberi consueverunt. COR VIN VS Suxæ forti præsentis, idoneâ vsus inclinatione, *Virvere se incolumem, & liberaliter gratiâ Magni Principis haberi, respondit.* Neminem alloqui, à nemine salutare permissus, redijt domum. Quod verò Magni Principis Serenissimos oculos (Gentis id vocabulum est) eo die vidisset, mensâ Ducali, domum scilicet publicè allatâ, honoratus. Paschalis dies non ita solenni apparatu celebrata est: siquidem sequenti die, domum ligneam exstrui vidimus, mechanicaq; exerceri liberè, citra festi iniuriam: observavimus osculo sibi invicem, ovoq; paschali dato, ebrietate vulgi, tinnitu continuo campanarum, (nam cuivis mellepoto, quâcunq; libuerit diei vel noctis horâ, turres conscendere licitum per octiduum) quàm devotione hi dies notabiliores.

Pascha

Incunte

Incunte vere, visum est Moschorum Proceribus, amandandos esse flumine secundo Captivos, in remotissimas Regiones Kazaniæ, Sibiriae & Astrachaniæ. Porro adinventâ est hæc tanta exiliorum ratio, tum summo imperij augendi promovendiq; studio; tum his præcipuè de causis. *Primò.* Quia per impenetrabiles sylvas paludesq; inde Captivi nullam occasionem fugæ possunt arripere. *Secundò.* Hinc quoq; absq; vigilum continuo labore, & enervatione, securè & liberè vivunt. *Tertio.* Absq; erogatione Thesauri publici, domos & agros colunt, piscationes exercent, mercantur &c. nunc verò securi aliena subsidia in carcere expectant, sibi ignavi, fisco Principis graves. *Quarto.* Omnium verò maxima ratio est augendarum & excolendarum vastissimarum solitudinum Sibiriae, in quibus captivi plerumq; desperatione acti, ritu Moschovitico baptizantur, nunquam inde (quasi iuramento obligati) in Patriam redituri. Rarissimè videris fontes plecti, sed omne crimen Sibirienâ exilio, aut

ibidè

*Sibir
Regnum
exilis.*

ibidem labore continuo, erigendo muro, conquendo sali persolvitur. Hinc initio cuiusvis veris plerūq; ad duo vel tria fontium millia, secundo flumine in colonias deducuntur in agros captivos, subsidium adversus incolas rebelles, & imbuendis socijs ad officia legum. Huiusmodi coloniæ incultam olim Sibiriam, adeò frequentem effecerunt, ut anteferatur plurimis Moschoviæ Provincijs. Astrachania quoq; Principum Tartarorum quondam vile domicilium, Vrbi Moscuae amplitudine, opibus, commercijs, hominum frequentia, magnâ ex parte æquiparatur. Hoc anno 500 Polonæ Gentis Captivi, fontium verò Moschovitarum duo millia, Moscuae numerabantur in carceribus, Kazaniam deportandi. Præterea CORVINVS decem personas in solatium carceris deligere, cæteros à Se dimittere iussus. Quem omitti posse? quem deligi? dubius, neq; Sibi vitam tanti, si per iacturam sociorum servanda foret, per *Pristavos* supplicabat. Delectu Officialium, domesticorumq; habito, immemor Sui, etiam Chi-

*Decem
Consa-
ptivi re-
liti.*

Chirurgum proscripserat, nisi magnis tandem precibus effecisset, ut numerus residuorum, in univēsum duodecim personis augetetur.

Adiacebat eidem domui hortus nō inamænus, illuc ut liceret interdiu cum *Pristavis* spatiari, petiit; sed ut curas eius conquisitis molestijs auferent, utq; tolleretur ulterior petendi occasio, illico porta occlusa. Sic deinceps loco perangusto, humido, fætido inclusus, nullum aliud subsidium recentis auræ habebat, nisi quòd, super tectum ascensus, indeq; prospectus dissimularetur magis, quàm concederetur.

Inter quotidianas acerbitates, inassuetus malis animus, pro singulari solatio colebat reputabatq; clandestinum literarum commercium: cui augendo, modis adinveniendis, excubitoribus defraudandis, plurimæ impendebantur horæ, secreti vix duobus aut tribus conscijs. Accedebat non leve huius commercij adminiculū, quòd vigiles (qui plerūq; mechanica exercent) pannum, telam, pelles, venum apportare, & frequentius domum accedere (utpotè si-

*Clande-
stinum li-
terarum
commer-
cium.*

diffi-

fidissimi Principis) minùs vetarentur. Incunte
Iunio fidus ille Moschus, mercaturam simulat:
venales luporum pelles candidas adfert. Has
cùm emere recusaremus, laudat ille magis, at-
trectare extrà & intrà iubet; intus attrectanti,
de manu in manum dexterrimè inserit char-
tam, à PAVLO POTOCKI ibidem de-
gente, transmissam. Is similibus belli fati cor-
reptus, claritatem Generis, Moschoviticâ capti-
vitate involvi tantisper patiebatur: liberiùs ta-
men illuc commorando, integro triennio fovit
cum C O R V I N O literarum commercium.
Contenta hæc. *Benè speraret; Ablegatum Regi-
um Moscuam adventare: qui tractatum pacis, simul
& eius uti Legati restitutionem, sit promoturus,
nil certiùs. Moschos nunc à pace honesta non adeò
abhorrevit, cùm validissimas Trubeccij vires, exigua
Kozacorum manus inclusa Konotopi, quotidianis cla-
dibus remoratur.*

Ingens præterea incendium in Vrbe exor-
tum, multò maiorem calamitatem videbatur
prælagire; liquidem complurium Procerum o-
pulen.

*Paulus
Potocki
Palati-
nides
Brasta-
viensis.*

pulentas domos absumpsit, neq; ullâ ope ex-
stingui potuit, quàmvis focum improbo labore,
& ordine, omnis Prætorianus peditatus oppri-
mere conaretur. Ob crebriora incendia, inte-
grâ æstate singulæ domus, super tecta noctu
alunt excubias privatas; quæ aquam ibidem fæ-
tore incorruptam conservare tenentur. Ad si-
gnum campanarum (dando autem incendij si-
gno, non nisi tres in Castello destinatæ, Na-
bat, populari vocabulo dicuntur; quarum maxi-
ma eo ipso momento, quo oriebatur incendi-
um, fracta est) proripiunt sese omnes Colo-
nelli, Centuriones, Peditesq; fistulis aquæ at-
trahendæ & exonerandæ, vrnis, securibus, ar-
mati; vnaquæq; turma propriâ sibi tesserâ, cõ-
mitones convocando. Removetur populus ab
incendio, pars portandæ aquæ, suffocandoq;
igni, pars arcendis tectis incendio, pars fra-
ctis plurimis, quandoq; minùs obnoxijis incen-
dio aulis, rescindunt igni alimentum. Finito
incendio, notantur absentes, postridie hono-
rationes pœnâ carceris aut æris in vsum sui

*Moscuæ
incendia
■ ■ ■*

*Quali-
ter in oc-
dia oppri-
muntur
Moscuæ;*

Colonelli, castigantur: gregarij, quandoq; Centuriones etiam, corpore solvunt absentiae culpam. Praesentes omnes, ex cella Principis, vino adusto postridie tractantur. Hisce aliquot horis, ne se loco moveret CORVINVS, monitus ab accurrentibus *Pristavis*: ascendere nihilominus tectum permissus, vigiliis circumquaq; auctis & duplicatis.

Ex his fortuitis casibus, Gens incantationibus & veneficijs dedita, gravem sibi met praefagebat cladem, quae iam Deo vindice, Moschorum rebus maturefcebat.

Diebus sequentibus, inter simulata colloquia, conquisitis medijs, expiscabantur *Pristavi*, num CORVINO de adventu Ablegati Regij, aliquid constaret? Tum, quâ ratione pax coalescere posset? nutui magis quam verbis intenti, inquirebant. Vir per se sagacissimus & iam monitus nuper Centurionis periculo, nullam praesetulit notitiam: egitq; in similibus colloquiis exploratorem genij, morum, reruq; Moschoviticarum adeo sagacem, ut multa de præ-

praesenti statu, Pacis & Belli consiliis, suaq; libertate, per coniecturâ attingeret: quæ postmodum alienis literis, clam ei scriptis, ipsoq; eventu comprobata.

Regiae literæ quasi ex improvviso redditæ, hæc continebant: *Quamvis irriti conatus utriusq; Gentis evaserint, magisq; res dilationibus quam serio gesta, immo lus Gentium à parte Moschorum, in Persona VINCENTII CORVINI, sit violatum; nihilominus animum Suum, rebus adversis aequè ac secundis, à medijs iustæ pacis non abhorvere. Cuius constituenda causâ, Legatos Se ad confinia expedire velle. Magnus Dux vicissim, Suos expediret Plenipotentiarios. GOSIEVIVM pacis conficienda instrumentum, lute Gentium liberu, sisteret &c. Aliter nec pacem, nec tractatum preliminarium coalescere posse. &c.* Seu quod videntur Moschis literæ imperiosè scriptæ, seu inassueti Fortunæ malis, ad Konotopum exacerbati adverso successu, ferocissimè acceperunt Regias literas: *postulatorum superbiam Proceres increpabant: quasi cuiuspiam Regulo (ita per contemptu*

Regia li-
tera.

Fortu-
na inso-
lens.

83

temptum referebant G O S I E V I O) aut Du-
ci scriberet R E X; sic Magnus Princeps, iubetur
Legatos expedire, sistere G O S I E V I V M, quem
iure belli captum, seu detinere, seu liberum dimitte-
re placeret, à Suo dependet arbitrio. Quò quisq;
ferociùs contra Regem investus est, maiorem
inde spem gratiæ sibi pollicebatur. Rescri-
ptum Nomine Principis: Tractatum inchoare se,
nec posse nec velle, nisi Legati Polonici Moscuam
veniant. Moscuam, & non alium locum congressui
Legatorum utriusq; Gentis se designare: à conventu
alibi habendo, se abhorreere, utpotè impedimentis,
momenta suarum victoriarum, & sumptus distra-
hentibus. Idem ut literarum Nominisq; Sui authori-
tate persuaderet, admonitus C O R V I N V S, si
vellet pacē accelerari, quæ vnica Ei in Patriam &
pristinā libertatē, oclusas hactenus ianuas ape-
raret. Ablegatus Regius admissus ad C O R V I-
N V M, ac quamdiu vellet, permissus liberè in
conclavi colloqui; Regias quidem nullas, (quòd
exemplo præteriti Internuntij desperaretur ac-
cessus) Archiepiscopi tamen Gneznensis, alio-
rumq;

rumq; literas attulit.

84

Illustrissime & Excellentissime Dñe

Domine Frater Observandissime

*Quantumcunq; calamitatum, Illustrissimam Excel-
lentiam Vestram perpeti impulit bonitas DEI, id
non solum innato animo fortibus viris, sed etiam
uti bonus Catholicus dignetur perferre, eò animosius,
quia pro Rep. Manet recens memoria Illustrissimæ
Excellentiæ Vestræ aquæ apud Maiestates, ac in
Collegio Nostro, omnesq; bonos Cives, id sollicitè
suspirijs ingeminantes, ut quamprimùm restituat Il-
lustrissimam Excellentiam Vestram Nobis & Pa-
triæ. Quibus dum ardentissima mea adiungo vota,
semper maneo*

Varaviae 4. Iunij

Illustrissima Excellentia Vestræ
Frater Benevolus & Sor-

1659.

ditor Obsequentissimus
VENCESLAVS ALESZNO

Archiep: Gnez.

Responsum Archiepiscopo in hæc verba:

Illustrissime Celsissimeq; Princeps

Domine Dñe Colendissime.

*Quidquid in me Divina bonitas sancivit, & neces-
sitas*

fitas edocuit tolerare fortiter, (tum maximè ab Illustrissima Celsitudinis Vestra Religione firmatus) feram constanter, dummodò recens mei memoria non evanescat cum tempore, meiq; sit par merito cura. Cui operi quòd Illustrissima Celsitudo Vestra primam Suam in Rep: auctoritatem non gravatim applicare dignatur, dum humiles rependo gratias, eandem in excipiendis Ablegatis ad præliminaria tractanda, & dimittendis cum omni hospitalitatis & benevolentiae testimonio, ut non gravetur interponere, obnixè peto. Deniq; me in sinum, multoties probatè benevolentiae, Illustrissima Celsitudinis Vestra depono, maneoq; Moscuae 25 Iulij

1659.

Illustrissima Celsitudinis Vestra
Humilis Client & Servitor
Obsequentissimus
VINCENTIVS CORVINVS
GOSIEWSKI.

Complures alias in Poloniam deferendas literas publicè, privatim verò monita Patriæ salubria, ore tenus transmisit. Prandio Magni Ducis

Ducis exceptus, expeditus Ablegatus, dum se lentius ab Vrbe expedit, repentè ab accurrentibus trepidè *Pristavis* Moschis, quantocyus inter inire, Legatorum adventum accelerare, iubetur. Eodem die post solis occasum, apud **GOSIEVIVM** numerus consuetus excubiarum triplicatus, *Sentinella* duplicatæ. Insuper præter morem, terni excubitores tecta domûs singula conscendere, à *Pristavo* causante metum incendiij, iussi. Mercatores opificesq; ad portam domûs accedere, vigiles introire cubicula, cum Captivis privatim colloqui, insuper ipsi Captivi de publico statu belli *Vkrainensis* percontari vetiti. Moschus quidam, iam inde ab adolescentia miles, qui Martiam ætatem ad canos gravemq; senectam provexerat, nobis plus cæteris addictior, ex condictione victualia ferens, brevibus indicat stragem Moschorum inauditam ad *Konotopum*, *Trubecium* cum residuo perditatu periclitari. Generalem **GOSIEWSKI** arctius teneri, ob metum rerum novandarum inter populum, si fama rei gesta ad eum pervenerit. Eadem die

*Trepida
expeditio
Ablegati*

die alter Moschus dicta comprobavit literis, quas attulit à PAVLO POTOCKI, ocreis iniectas.

Obſidio Konotopi, Oppugnatio & clades Moschorum. Trubeccius (vti ſupra innui) validiſſimas Moſchorū Copias effuderat in confinia Vkrainæ. Kozacorū Generaliſſimus Ioannes Wybonſki, nuper in generalibus Regni Comitibus, ob reductos in obſequium Reip: Kozacos hucſq; rebelles, à Rege Poloniæ Senatorio honore, opibusq; Barenſis, Lubomlenſis, Czehrynſis, Præfecturarum cumulatus; ex rebelli, Regias partes tuebatur. Cùm verò ſe tanto apparatui Moſchorum imparem ad reſiſtendum iudicaret, Gregorium Vlanicki Colonellum Niżynenſem cum tribus Kozacorum millibus, in Oppido Konotopenti obſidendum, Moſchorum potentiæ obiecit. Ipſe ad Principem Tartarorum celerrimū expeditivē Nuntium, qui de hoſte edoceret, communemq; imploraret opem. Moſchis nil facilius viſum eſt, quàm Konotopi excidium: ſed primo alterove aſſultu fracti, temeritatem in conſilium commutârunt. Primum globorum pulvere

pulvere pyrio impletorum, incomparabilem vim iniiciunt: tum aſſultum generalem indicunt. Vlaniccus excuſſione factâ, poſtquàm ex Captivis intellexiſſet aſſultum inſtrui, pontem ſeris trajeci, militem continuas vigilias agere, vallū egregiè milite & armis impleri iubet. Moſchus poſſe ratus ancipiti tumultu, & nocte augente pavorem, memorabilem rem geri, profundâ nocte ponti peditatum immiſit. Iam Clerus Tutelares manu præferens leones, magnaq; pars peditum pontem ſubi erat, cùm dato ſigno in vallo, pons collabatur, peditatus ſimul & Clerus, hinc ruinâ opprimitur, inde in ſubitaneam cladem excuſſione compellitur. Auxerunt præſidarii in hoſte cladem; dum excitato lumine, quem quiſq; ſibi propoſuiſſet in ſoſſis, deſtinatis ictibus trajiceret. Cæteri diverſis locis, pari conſternatione & clade opreſſi, iacturâ aliquot millium hominum, ſactum perſolverunt.

Dum hæc ad Konotopum geruntur, Tartarorumq; HAN ſocios belli Kozacos periclitari

M. scho-
rum com-
fidi &
genera-
lis cla-
dea.

89

tari accepit, generali indictâ expeditione, mirâ celeritate centum millia Tartarorum, auxili-ares *Wyhomscio* suppetias adducit; iunctisq; lignis, tribus à Konotopo milliaribus castra locant. *Trubeccio* viribus & omni ferociâ supra modum elato (validus namq; equitatu, peditatu, & *Artiglieriâ*, quam Tartaros plusquam dici potest, metuere fama ferebat, aderat; Tartaris autem sola in equite vis) de adventu hostium non ingratus accidit rumor; proinde parte peditatûs intra vallam ad onera & currus relictâ, in aciem robur belli peditatum educit; primum omnium, equitatum totum castris productum, præcedere, ac hostem versûs tendere iubet. Octoginta millia equitum, Ducibus *Simeone Pożarski* & *Lwovio* superabant paludosum amnem, *Artiglieria* quinquaginta millium peditatu munita, frontem aciei obtentura, suâ mole gravis, lentius cum Generalissimo adventabat. Nec mora dimicandi facta est, cum *Trubeccio* & vires, & res secundis eventibus gestæ, parandæ gloriæ; *Wyhomscio* contrâ duplica-

90

plicatæ vires, spem & animos utrinq; erigerent. Primi Poloni, (quorum mille equites apud *Wyhomscium* stipendia merebantur) & *Kozaci* in frontem equitatûs, Tartari verò pars in frontem, pars hostium alas circumvecti, à lateribus hostem necdum aciem instruente in-vaserunt. Turbatis primùm, mox circumventis Moschorum ordinibus, non iam pugna, sed fuga & perennis clades secuta est. Omnium animis & equis ad superandam paludem retrò conversis, obiectu cadaverum fit angustior regressus, maiorq; cædes. *Pożarski* emeritus Dux, plurimis aliàs expeditionibus Tartaricis clarus, & *Lwovius* Campi Marschalcus, capti, ac dū verbis contra Victorem ferocius quam pro fortuna certant, interficiuntur. Colonelli, cæteri; Officiales equitû, pleriq; aut capti aut cæsi. Equitatus florentissimus per Smolensciam, Russiâ, Lithuaniam, Livoniam, quinquennio Victor circumductus, interiit. Captivorum tantus numerus, ut à singulis Victoribus terni quaternive traherentur: quotusquisq; reliquis inter

M2

cadave-

cadavera saucius, pavidam ægrè servabat animam. Peditatus non sine strage Suorum, cum *Trubeccio*, ægrè Victorem à cervicibus repressit. Hinc verò apparuit odio furoreque; duce pugnatum esse; cum post cruentam pugnam immanesque Moschorum cædes, cædibus superstitum insistere; nil opus Captivis, solam Gentis internecionem finem bello imposituram, *Han & Wyhowscius* edixissent. Tunc in amplissimum campum Captivos productos, iuxta deditos ac captos, nullo Nobilitatis aut ætatis intuitu, promiscuâ clade involvunt. Nemo ex Tartaris abducendi vivos in Tauricam, prædæque memor est, donec ad septuaginta millia cadaverum cupidus cruoris Furor, cædiumque avida crudelitas pervenit. Magna hæc inauditaque hoc sæculo clades minueret fidem, nisi pari numero, paribus armis, & æquâ spe pugnatum esset, nisi diminutæ Moschorum vires, & tot cadaveribus etiamnum spectandis operi campi, impletæ valles, grande memorabilis cladis documentum exhiberent posteritati. Certum est, Magnum Moschorum

schorum Principem nunquam posthæc tam numerosum, tamque validum reparasse robur. Hæc pugna maturum & longâ bellorum praxi probatum militiæ robur, hæc maturescentem in juventute Moschovitica exercitus florem evertit, & formidando Moschoviæ fato involvit. Intremuit Moschovia ad tantæ cladis nuntium, infausasque fortunæ vices non sine gravi doloris sensu excepit: ut quæ modò victricibus armis, aut deditione, integra Regna possederat, illa versâ fortunâ, hostile ferrum, infestis populationibus brevi per viscera sua grassaturum, expectaret. Magnus Princeps ad tam insperatum nuntium, capite fasciâ nigrâ obvoluto, cō. *Mor Principū italica* paruit in publico. Is Genti mos visitatus, scilicet calamitate publicâ, Supremum Caput affligi, demonstrare solitæ. Non iam Princeps ampliandi Imperij avidus, sed providus imminentium malorum, Urbis mænia (quæ immota aut modicè lacerata pax, tum perennis victoriarum successus, & virium confidentia firmabat) hucusque contempta, colerrimè reparari mandat

mandat, nec iam intentus (ut olim) Maieſtati, Ipſemet crebro, Procereſq; vili adſtant labori. Populi ex agris profugi, tam numeroſa ad Urbem confluebant agmina, ut Urbs capaciffima aliàs, hominum non caperet multitudinem: montium inſuper proſpectum pulverulentus àer, circumquàq; adimeret. Mæſtæ Urbis res, Principi in Regionem Wolgæ vicinas, centum leucas retrò Iaroſlaviam, apparabant iter: circumſpiciebat nihilominus, quò ſe tanta verteret fortuna, & num ſuus hoſtis, prouti vincere, Victoriâ demùm uti ſciret. Extrema dum metuit, dum Legatorum Poloniæ Regis adventum Moſcuam (prouti nuper denuntiaverat) totq; ſimul Viçtrices Copias in tempore validiores abnuit; magnis itineribus ire in Poloniam ſuum Ablegatum Ioannem Zelabuſki iubet. Quamvis Legationi ineunda Moſcuam Urbem, nuper Suis literis per Ablegatum Polonicum deſtinaverat, nihilominus perſpectâ difficultate, longinquitate loci, ſe Pacis ſemper cupidum, locum medium inter utramq; Regiam, Borifſoviam, & Miñſcum (distant hæc Oppi-

Inſignis
ars Mo-
ſchorum
in aver-
ſionis
Moſcuâ
Copia
Poloniis

Oppida ab Urbe Moſcua centum ſexaginta miliaribus) *designare, per ſuū Ablegatum denuntiat Re- gi.* Metus quidem id in hoſte extorſerat, ſed maius certè erat ſtudium, à viſceribus ſuæ Gentis, Legationem armatam, ſcilicet Legatorum, ſimul & tantorum Exercituum aſſiſtentiam, (præſertim quod alterâ parte Polonos & Lithuanos cum Legatis, quaſi ſponte iam nuper Moſcuam invitatos) hæc arte reprimendi, aliòquè avertendi. Iam edocti præſenti ſuo malo, fortunam belli æquè Suis ac Vicinorum rebus dominari, modeſtiores quàm antè, Regi Poloniæ ſcripſerunt literas.

Polonus curâ Suetici belli, Comitiorumq; implicatus, omnia ſua ad Pruffiam & Curlandiam converterat ſtudia: ideò nec tam repentinis Suis ſucceſſibus bello promovendis, adeſſe poterat; cùm inſuper domeſticis ſuis malis (nam miles etiam Ducum exiit imperium) diſtraheretur. HAN quoq; Krymenſium Regulus memorabili contentus victoriâ; perfractiſq; circa confinia Moſchoviæ munitionibus, numeroſiſſi-

Cur Po-
loni non
urgent
Victori-
am.

rosissimâ hominum abactâ prædâ, rediit in Tauricam. Rex quoq; Poloniæ IOANNES CASIMIRVS, nova & mira tunc circa electionem CONDÆI, se vivente instituendam, invitâ Rep: arripuit consilia, potius quàm belli promovendi.

Moschovia verò præsentissimo liberata naufragio, cæforum Nomina describi, funebres haberi honores; Ducem *Požarscium* (& ad caritatem suorum, & ut promptius pro Principe cæteri periculum adirent) in numerum Martyrum referri; vitam eius & *Canones* (ut illi vocant) conscribi, quò magis pateret omnibus Cæso præstitus honos, decrevit. In fontes verò cladisq; reos, ac inprimis *Trubeccium*, infallibili capitis poenâ animadvertendū destinavit. *Trubeccius* cum iam Moscuae publicè proditor audiret, dignitatem suæ excusationi addere, Moscuan reditum retardare, Tartaros causari; interea Procures prensare muneribus; & missis ad exuendam fidem, corruptoribus, Kozacos hostes emercari non desistebat.

Anti-

Požarscius in numerum Martyrum re-latus.

Antiquissimo: siquidem usu receptum erat in Moschovia, Duces belli percuti securi, si improspere eventu rem gesserunt: chordis cædè Gubernatores, si fame adacti, fortalitionum paciscuntur deditioem: si pavore & belli formidine, capitis, aut per conniventiam egregiè chordis cæsos exilio damnari. Iamq; senescentibus odiis, felix eventus publicarum rerum, lapsas res *Trubeccij* in Aula sublevavit: nam Kozacorum animi, Græcâ levitate rebelles & mutabiles vivere assueti, pulso *Wybowscio*, multis Polonorum trans Borysthenem hyber-

Hoc rerum successu, ac novis Copiis quingenta millium, intra trimestre conscriptis, iam animis elati Moschi, à pace penitus abhorrere, ceperunt. Mittitur in Poloniam Ablegatus *Sielimierski*: hic vltiores nectendo moras, obijcit iura Legationum violata in interceptiendis Moschoviticiis Legatis ad Kozacos dimissis, aliasq; causas non causas opponit, dum

N

remo-

Kozaci iterum transiunt ad Moschos.

remorari intendit Légatorum utriusq; Gentis congressum (quàmvis præteritus Ablegatus, fore in Novembri congressum, publicâ fide, & colloquio publicè instituto declaraverat) quò verò gravior foret in Polonia hospes, petiit à CORVINO, obtinuitq; Recommendatorias.

Vkrainâ in formam Provinciæ redactâ, Trubeccius in Urbem pervenit. Magnus Princeps adnitentibus Proceribus, honores Ei (scilicet quòd non desperaverit de Rep:) & præmia Victoribus dari solita decrevit. Reduci Aulicus comitatus extra Urbem occurrit, ac perhonorificè, utpote clarum bello paceq; Ducè, ad Castellum deduxit. Post resignatas Tutelares Imagines in manus Principis, humanissimè exceptus, arce Trubecko donatus, mensæq; Principis adhibitus. Quàmvis verò vix ipse cladi superstes, quòd in pretium iam occupatæ gloriæ ostentaret, non habebat, nisi salutem suam tot Suorum funeribus superstitem, triumpho adscripsisset; nihilominus signa viginti, totidemq; ferè Polonæ Gen. is Captivos, à Kov-

zacis

zacis Czernichoviæ, Percaflaviæ, Nizyni in hybernis oppressos, in illo suo triumpho duxit.

Solutis non vano timore Moschis, solutum est quoq; excubiarum circa CORVINVM studium: liberiùs itaq; ac liberaliùs, (nam augebatur ex variis locis) clandestinum tamen, commeabat literarum commercium. Raphano inclusam, alter butyro insertam, attulit chartam. *Rediisse ex Polonia Ablegatum Zelabuscium hominem ingratum, immemoremq; hinc sibi à CORVINO, illuc ab Eius Amicis præstitorum officiorum, novas excitare illi molestias, ciere bella, Moschorum animos accendere. Non longè abesse Regiù Ablegatù IOANNEM KORSACK Succamerariù Polocensem: Bychoriam quoq; per prodicionem cessisse Moschis. &c.* Eventus probavit fidem: redux enim ex Polonia, fabulosis narrationibus (inde sibi crescendi materiam, & quæstum aucupaturus) & ad placitum Gentis, assentationibus aures implevit, commemorando Poloniâ multiplici bello enervatam, Suetico penè infinito ob Colligationem Austriacam, implici-

N2

tam

*Reditus
Ablega-
ti ex Po-
lonia.*

tam: nullos in promptu haberi conscriptos Exercitus, nec posse conscribi: quàmvis Regnū bellis plenum sit, nihil tamen minùs quàm bellum cogitari: ante omnia quo maximè moveri credebat Moschorum animos, Remp: exhaustam, auri argentiq; defectu laborare. Deniq; Regem ætate, perenni; bellorum & curarum mole consumptum, non longævam trahere vitam: omnia in Polonia in Interregnum, in bella, in fatales ipsismet motus inclinare. Ex mandato Principis ad CORVINVM admissus, eadem miro fastu, mendax iactabat. Datā ei in Senatu fide, Magnus Dux, incunte hyeme Chovanfio cū Plefcoviensibus, Novogrodensibus, Lucensibus, Toropcensibus, Polocensibus Copiis, Lithuanicam expeditionem indixit, & quò alacrius in destinatum bellum, strenui Ducis animum impelleret, fex ē suo Prætorio peditatu Legiones prædictis Copiis adiunxit.

Appulit tandem Moscuam 20. Novemb. Regius Ablegatus. Is humaniùs quàm retrò alijs, ad Principem admissus, CORVINVM con-

venire

*Chovanfio
fatus in
Lithua
niā de-
stinatus
cum E.
exercitu.*

venire, Ei literas ē Patria quascunq; attulisset intactas, simul mille aureos consignare, ~~Reve-~~ *Regius*
~~rendam~~ Patrem *Ablega-* *tus.* *Samuelem Kuderon* (ki ē Societa-
te IESV (qui peragendis Sacris Moscuæ, vltro se ad carcerem, suamq; operam desponde-
rat) adducere cum sacro apparatu, aliâq; suppellectile adiecta permissus. Iam non exiguam manum, magni momenti Præcautionum in Poloniam mittendarum, integro hoc anno, hinc inde collegerat CORVINVS supra modum suspiciosam. Cui concederet deferendas? quavē ratione? apud Gentem (practicato aliàs exemplo) scripta Legatorum quandoq; vi scrutantem, non vanus subibat mētis. Vicit metum amor publici boni Patriæq; , nam (postquam per *Losonjium* Supremo Cancellario clavim Arithmeticam, clam transmississet) prædictas Præcautiones descriptas, in promptu haberi mandaverat. Iam nunc venienti Ablegato, inter officiosas salutationes ab vno familiarium in manus insertæ, Moschis inter salutandum nequiquant fraudem sentientibus. Id cum cessisset

*Corvinus
Præcau-
tiones
mittit
in Patri-
am.*

fisset ex voto, maioris momenti postmodum conscriptæ, iam discessuri Ablegati Filio, inter amplexus & mutua officia pari fraude & successu porrectæ. Nonnullas annectam.

Consiliorum Moschoriticorum hac meta est, ut Tartaros muneribus corruptos, à Societate belli Polonici avellant. Tum omnibus conversis in Vkrainam piribus, iuncti Tartaris & Kozacis, de summa rei decertare intendunt.

Novis Copijs coactis, consilijsq; depromptis, ablatorum restitutionem urgere; immo iam per Chovanscium residua eripere decreverunt.

Brevi expediendus in Lithuaniam Chovanscius, bello decernet, priusquam tractatus accelerabuntur; nec prius movebunt hinc Legati, quam de eius successu edocti, hic formarent Pacis conditiones.

Vobis itaq; expedit, Tartarorum firmare animos, & amicitiam: damna ab hostibus inferenda, celeritate antevertere.

Tartaros firmabit liberalitate & persuasiones: si cum hoste opulento pacisci noletis, nō stipendia eis numeraverit: si Tartarorum Kazanensium & Astrachanensium

Astrachanensium (quod unice Moschi metunt) libertatem proponetis. Expedit quoq; Tartaros de Commissione praeavere, ne sint suspecti tractatus Pacis inter Poloniam & Moschoriam, tanquam sibi praeiudicia futuri. Quam suspicionem in Tartaris excitare nituntur Moschi per suos Ablegatos, cetera largitionibus apud Tartaros perficere sperant.

De expediendo Ablegato quatuor septimanis deliberatum: Veteresne sumendi essent Spiritus? Consiliū an incerta belli Fortuna, Pacis consilia præferenda? Moschorum. Media via placuit. Literis quidem modestè scriptis, locum congressui Legatorum, non Moscuam, sed Borisloviam & Minscum destinarent, Chovanscio interim officium, non interrupto bello, continuisq; cladibus premendæ Lithuaniae, (cui tunc etiam Sueticum bellum gravi mole incubuit) impositum. Scriptis conformiter, initia tractatum, studio à Moschis ad mensem Aprilem distracta: sed Chovanscius primâ hyeme prætergressus Lithuaniam, Grodnâ per deditionem occupatâ, ibidem eâ quam faventior Fortuna belli concesserat quiete, ad corpora

corpora, reficienda, utebatur. Redux interim ab Aula Polonica *Sielwerstius*, cum officiosa salutatione invisit *Chowanseium*, collatisq; de statu Polonicarum & Sueticarum rerum conferendis, magnis itineribus Moscuam repetiit. Sed iam illa omnia, quæ *Chowanseio* communicaverat, dum Magno Principi communicanda parat, ab alio celeriori præventus obsequio, nota invenit; dumq; reversus in Patriam, affectus Principis, plaususq; populi præstolatur, citra spem improvidæ tarditatis pœnas accipit. Cum literis ex Patria missis, attulit CORVINO idē Ablegatus, duo affabre facta aurea horologia, nonnullaq; supellectilem. Munuscula non indigna Principe iudicans CORVINVS, ut Careus Marschalcus *Theodorus Rtiszew* vetus amicus, dignaretur suo Principi offerre, per *Pristavum* crebrius interpellabat. *Rtiszewius* nunc morbum, aliquando graviora Principis obsequia simulans, hoc genus officij detrectabat; tandem res patet facta à quibusdam Moschis addictioribus, per clandestinas schedulas

*Munera
Gossevij
sur non
accepta
sunt.*

inane

inanes esse, in offerendis Magno Principi muneribus, Eius conatus: quandoquidem Amicorum Principum munera, metu incantationum, diu sacris orationibus lustrantur, priusquam in manus Principis perveniant: exacerbatum carcere Captivum, eiusq; Amicos, ne simile quid moliantur, venire in suspicionem.

Annis ferè duobus aberat ab Vrbe NICON Moschoviæ Patriarcha. Iam nunc diuturni impatiens exilij, (quod sibi ultrò indixerat, fremente populo ob receptos in tutelam Principis, eius arbitrio, Polonorum rebelles Koscos: ob conflatum inde eius consilio bellum contra Polonum: ob exotica studia linguæ Latinæ, & in Ecclesiam tantum per eum introducendum) postquam ad instantiam Cleri & Procerum, nec Patriarchale Officium resignare vellet, nec alium sibi successorem substitui concederet, invitatus à Principe & Proceribus, hâc hyeme Moscuam redibat. Infensum sibi populum conciliaturus, simulat pietatem, exemplo Apostolico, cænâ appositâ viatorum pedes abluit, ac belli excitati reterquens in Principem

*Patriarcha in
Vrbem
reditus.*

O

pem

pem odia, quasi inscius rerum, inquit, num
 pax cum Polono coaluerit? Negantibus, altum
 ingemiscit: sanguinem Christianum, rem Sacram
 per ludibrium profundi, nec aliam tanti profluvij,
 quam Smolensci Urbis dubiam prostare mercedem,
 aut bello durissimo diu gesto, hoc unum acturam
 Moschorum, ut pacem impetret, aut redimat. Vno
 ferè momento plurimorum odiis obnoxius, de-
 fertur Concitator Seditionis. Princeps indi-
 gnatus, eadem ipsa nocte, Patriarcham ad su-
 um Monasterium, Hierosolyma nuncupatum, re-
 dire iubet; nō parcat, seditionis reum, ē Sena-
 tūs arbitrio puniendum edixit. Paret edicto
 Principis Patriarcha, Urbem vix ingressus, e-
 greditur, in edictum Monasterium se recipit, in
 eoq; septennale sustinet exilium. Anno dein-
 de millesimo sexcentesimo sexagesimo quarto,
 Magnus Dux indictā generali Synodo, Græco-
 rum, Moschovitarumq; Metropolitae, Episcopis,
 Abbatibus, ac universo Clero; tum Proceribus,
 populoq; in unum coacto, citatum Patriarcham
 amovere Officio, ceu hominem turbulentum,
 suisq;

*Iterum
 amanda-
 tur in e-
 xilium.*

suisq; rebus infensum, decrevit. Citatus; à
 Clero Moschovitico, utpote filijs suis spiritualibus;
 à Græcis, utpote pecuniā corruptis, se iudicari non pos-
 se, respondit. Solum Pontificem Romanum, Patrum
 Patrem, Sancta & incorrupta, nec venalis conscien-
 tia, (& ut eius verbis utar) cui non Græca ani-
 ma, super se habere potestatem, professus. Insu-
 per contra Synodum congregatam, prompsit
 anathema; idē etiam in ipsum Principem Autho-
 rem Synodi, Filios, totamq; Stirpem, (nō de-
 sisteret) Clerum, & populum, vibraturus. Mi-
 nantibus exilium Seleucense, respondit: se eti-
 am pro subeunda morte esse paratum. Hæreticum
 quidem Moschi tunc proclamârunt, sed metu
 excitandorum augendorumq; per cum motuum,
 quietum vivere ibidem permiserunt. Cū ve-
 rô non desisteret concitare odia, incompa-
 rabili sumptu Antiochenum, Alexandrinum, Pa-
 triarchas ab Oriente, Princeps evocari cura-
 vit. Hi convictum multorum criminum, Officio
 absolutum, in Monasterium ablegârunt Anno
 millesimo sexcentesimo sexagesimo septimo.
 O₂ Multa

Multā alia corrupta in illa Ecclesia, ab his Patriarchis, immutata, correctā, addita conformi doctrinæ SS. Patrum.

*Aliqua
de Reli-
gione &
de Riti-
bus Mo-
schorum.*

Siquidem pluribus iam antè locis rerum Sacrarum notitiam (ut nihil ad historiæ perfectionem desideraretur) posteritati relinquere allaboravi, nec id à Politico Scriptore censuram alienum, cum longè plures ante me idem fecisse inveniam: facturum me operæ pretium existimavi, si aliqua de Ritibus Moschorum extrinsecis, non ficta, sed quæ ipsemet in libris Moschoviticeis legi, quæq; inter Moschovitas degendo, primùm quadriennio Captivus: dein de quinquies Ablegatus Regum Poloniæ, IOANNIS CASIMIRI, & IOANNIS III ad Magnum Moschoviæ Principem, observavi, breviter attingerem.

*Origo
Religio-
nis.*

Inprimis notandū, perdifficile posse indagari genuinum Ritum, in libris mirum in modum fabulosis, quos tamen pertinacissimè tuentur, vocando *Pravida Otcom Sniatyeh*, id est Doctrinæ SS. Patrum. Certum est, circa Annum nō gente

gentesimum, per invectionem Nominis Christiani Kioviam, eiusdem cultum per universam Russiam latissimè propagatum. Baptizantur *Baptis-
mus* Moschi trinā immersione. Ruthenos omnes, & Clerum (scilicet qui Regi Poloniæ subsunt) hucusq; baptizabant, antequàm interdicto Patriarcharum Orientalium eiusmodi erronea baptismi iteratio inhiberetur.

Avulsionem suam ab Ecclesia Romana, ob *Diviso
Ecclesi-
arum* hanc causam firmissimè asseverant, quod quispiam *Kapernos* Papa Romanus raserit barbam. *Antonium* Metropolitam indignatum facinorosi Pontificio, Sacros veridicos libros lapidi molari superimpofuisse, quo consensu, per vastissima maria navigasse, ac tandem Nowagardiam appulisse. Septem Concilia & Pontifices Ro- *Concilia* manos illius ævi recognoscant & approbant, cætera detestantur & reiiciant.

Nullum, ne Græci quidem idiomatis, vel *Litera-
rum cult-
ura.* saltem Sclavonicum aut Ruthenicum exercitium literarum publicè colitur, æquè populus ac Clerus, Sacrarum profanarumq; artium m-
dist

dis, scire legere, sufficit Sacerdoti. Conciones, discursus, Controversias de fide, nullas audiveris. Archipresbyter Muromensis prædicationem Concionum inchoaverat: ob id facinus à Patriarcha percussus anathemate, & in Sibiriam exul cum sociis pulsus.

Conciones.

Sacerdotium.

Nullus Sacerdotio præbatur honos; immo convitijs, pugnis, & virgis passim in eos sævitur. Contigit (me præsentem Moscuæ) unū villanum Presbyterum profugisse; Sacris initiatum, post annos quatuor, suus herus diu quæsitum eum reperisset, dempto Sacerdotali pileo (nam eo tantum à vulgo discernuntur) agriculturæ applicuit. Nil ignobilius filiis Sacerdotum, qui nonnisi ad Ecclesiastica vel Cancellariæ munia applicantur. Mortuâ uxore, Sacerdos privatur Ecclesiastico beneficio, sed vel Monasticam, vel privatam vitam absq; Sacerdotio (veluti suspensus à Sacris) profiteri cogitur: innovare secunda vota matrimonij, nefas est. Monasticum institutum amplecti, absq; consensu Principis aut Potestatis non licet

Monachi.

cet: ex Nobilitate petentibus, assensus rarius conceditur, nisi cuipiam emerito, aut illi qui in extremo periculo valetudinis, sese voto obstrinxit. In tali casu uxor sua obligatur ad porrigendam novaculam, quâ sui mariti capillum radatur, quasi coniugali voto eum liberatura. *Thimothæus Wladyska* in tali casu Monasticam vitam, postea Episcopalem professus, propriam uxorem ipsemet elocavit. Monachi & Moniales claustro non continentur, sed vicissim sese adeunt, invisunt, morantur per aliquot dies & noctes. Carnium tamen esu perpetuò abstinere tenentur. Similiter sæculares, diebus ieiuniorum, etiam in periculo mortis, vesci carnibus prohibentur.

Cultus Sanctorum, mirum in modum apud illam Gentem viget, circa recentiorum delectum, & inquisitionem in vitam & miracula, nullus rigor: idcirco haud procul fabulis, plurimæ inveniuntur traditiones. Dicantur *Plescoviæ Dowmontō* miraculis claro, dari consuevisse à Civibus omni septimanâ novæ ocreæ, quam

Cultus SS.

quam cū neglexissent aliquando consuetudinem, prodiisse in publicum, obiurgatoq; populo, indixisse hostilitatem Polonorum, quæ brevi sub STEPHANO Rege Poloniæ secuta est. Ab eo custodiri & circumiri mænia, exesæ ocreæ, quàmvis mundæ indicabant.

*Traditi
ones va-
riæ,*

De Sergio, de Andrea Krycki trecentarum monialium violatore, lepidæ narrantur fabulæ. Polonos in oppugnatione Picczarenfis & Mozayscensis arcis, fingunt excæcatos, cū tamen Mozayscū, & ipsa Imago pervenerit per belli rationes in manus Polonorum. Ante quadagesimam observatur in tota Russia, octiduo ieiunium cum lacticiniis: eius originem hanc uniformiter nobis Russi referebant. Regulus quispiam Ircy, zelo Religionis ductus, conscripsit Epistolam ad omnes Principes terræ, quā persuadebat veri Dei cultum. Quod verò diffideret Legatos cum honore excipiendos, canem (cuius collo literas appendit) expedit. Tantus prædicator & Legatus à lupis discerpitur. Regulus tactus dolore, quod suus zelus absq;

absq; effectu evaserit, prædictum indixit ieiunium. Vocaturq; etiamnum in tota Russia *Ircy, con post.*

Tonitruī & fulminum originem, ex suis libris SS. Patrum, incognitam esse ferunt: cūquē vulgare Metheoricam rationem recensemus, illi demonstrabant, à Beatissima Virgine Matre Dei, quæsitum hac de re S. Ioannem, indixisse silentium digito ori appposito, nū vellet iterum Filium suum crucifigi. In cuius rei fidem, monstrant Icones S. Ioannis depictas, communiter digitum ori apponentis. Plura similia recensere, deq; fide controversias inducere, aut inquirere non mei officij iudico: cū & ipsi Moschi indignabundi nos audirent refragantes.

Omniū in bello cæforū, Dominicā Septuagesimæ legunt catalogum, acclamante populo *Wiecznaia pamet, Æterna memoria.* Ibidem elenchus legitur Proditorum suæ Patriæ, populo imprecante: *Bud pereklat, Sit maledictus.*

Eucharistiam consecrant in pane fermentato,
P popu.

populus sumit sub utraq; specie. Ieiunia hæc observant. *Primo*. Quadragesimale cæteris rigidius. *Secundo*. SS. Petri & Pauli, inchorando ab Octava Pentecostes. *Tertio*. Assumptionis, à die 1. Augusti. *Quarto*. Nativitatis Dominicæ, sex septimanarum.

Imaginum cultus, usq; adeò viget, ut à simplici populo, cultus Latriæ, soli Deo debitus, illis exhibeatur. Non prius ad ingressum hospiti porrigitur dextra, nisi triplici Crucis signo, & trinâ inclinatione Imagines adveniens veneretur. Credunt enim Iconibus maximè propinquare Deû, inde prospectare, precesq; mortaliû, à Deo vel Sanctis nusquam propius audiri.

Cæterum devotio tota consistit in campanarum tinnitu, vulgi verò continuâ inclinatione, signoq; Crucis: nullæ præterea memoriâ tenetur, nullæ typis vulgantur preces, ne oratio quidem Dominica in populo.

Energumeni primùm virgis cæduntur, deinde chordis: postremò si appareat malum non fingi, cum tota domo incenduntur.

Anti-

Antiquiori ætate, esus galli gallinacei prohibebatur, ideò, quòd more Bissurmanorû còpules simul alat uxores. NICON Patriarcha, eius esum indulgit: sed leporis (quem cani consimilem & cognatum censuit) & columbi (Spiritus S. repræsentantis) carnibus interdixit.

Saccharum lacte conditum esse censuit, idcirco ieiuniorum diebus saccharo interdicitur.

Vxores tres successivè alere vivas, liberum est, sed hæc lege, ut si prima & secunda & tertia displicuerit, in Monasterium ablegentur. Quarta, lege & pœnis negatur.

Moribundi radant capillos, induunt habitum Monasticum: hinc per octo dies non adhibentur ægris medicamenta; asserendo, illos iam esse ex numero Angelorum.

Mortuis, ab Episcopis aut Parochis dantur literæ passus, his verbis inscriptæ: *Ego N. Metropolitæ Civitatis N. significo, quòd hic NN. vixerit inter nos ut verus Christianus, & quanquàm commiserit aliqua peccata; nihilominus Confessione expiatus, absolutionem, & Sacram Communionem*

P2

acce-

Vxores.

Moribundi & mortui.

accepit. DEVM reveritus debito modo, & eius Sanctos. Ieiunabat & orabat iuxta præscriptum. Me quoq; Confessarium suum coluit, qui cum absolvi à peccatis. Idcirco do ei hæc literas passus, demonstrandas S. Petro Apostolorum Principi, & aliis Sanctis, ut sine impedimento, permittatur intrare per portam Gloria. Huiusmodi literæ, digitis mortui inferuntur. Purgatorium negant, sed locum quendam detentionis assignant *Mytarstwo*.

Hæc de Religione Moschorum extrinseca sufficiant. Internam, & quâ in re cum Romana dissideant, describant rerum Sacrarum periti.

C A P V T V.

Valida Moschorum expeditio & clades ad Czudnoviam, Biasiam, Czereiam

Anno
1660.

INfelix anni huius initium CORVINO dedit, inter nefastas numeranda, secunda Ianuarij diest; quâ scilicet, diuturno squalore carceris, innumerisq; afflicto ærumnis, extrema ferè incubuit ægrotudo; oppressura profecto,

etò, nisi in Virum incidisset, omnibus quæ ab adversa Fortuna immitti solent, fortiozem. I. Etò Paralyti, omnibusq; capto artubus, parum abfuit, quin dies illa suprema vitæ extiterit. Spectabat attonitus, subitaneam morbi gravitatem, adstans. *Prištavus*. Sed ut de periculo sui Captivi Cancellariam admoneret, (ne statim onem suam deseruisse iudicaretur) magis suo tergori, quàm Generalis Captivi vitæ metuens, persuadere sibi non potuit. Egrè nocte illâ insomni, omnibus sollicitis peractâ, postridie, nec simulatum, nec levem morbum manifestè videns, *Milostanscio* Supremo Statûs Ministro defert, communem Captivum extremè periclitari. Ingressurus viam universæ terræ, quiescebat; atq; iam supremas illum agentem curas, mæstus dolentium sociorum cætus circumstipabat, pressumq; corde dolorem parentibus iam ferè lacrymis testati, redeundi in charissimam Patriam, & in avitam libertatem, spes omnium, cum uno Duce extinguere, querantur; cum de adventu *Simeonis Stresniom* Avun.

*Goffevi-
us Para-
lysi con-
sistit.*

Nomine
Principis
salu-
tatur,
Avunculi Magni Principis nuntiatur: stipatus
honoratioribus sex Personis, domum & cubi-
culum ingreditur: levare lectulo, ad suam Le-
gationem excipiendam, iubet. Cum se non
posse levare diceret, surgere tamen oportere,
aiebat Legatus: tandem ex vultu decumbentis;
adstantiumq; mærore, cognita non vulgari æ-
gritudine; ex mandato Magni Principis ac Domi-
ni &c. &c. Se advenisse effatus, Eiusdem Nomi-
ne, ut valeret? ut viveret? requisivit. Eius men-
sam mox adferendam, Medicum adhibendum, denun-
tiavit. Actis gratiis pro Clementissima Saluta-
tione, spirare Se adhuc DEO volente, respon-
dit. Nec affligens moribundum importunis
colloquiis, discessit. Adferuntur deinde lon-
go ordine viginti quatuor patinæ, ex mensa
Magni Principis, popularium usu & condimen-
tis, ferculis liberaliter onustæ. Item duode-
cim vasa, diverso vino singula repleta, Hispa-
nico, Gallico, Rhenano, Medone vario, ace-
to, cerevisiâ, à milite portantur. Omnium po-
stremus, qui ardentissimè expectabatur, Medi-
cus

cus Andreas Engelhart, è Prussia oriundus, in
arte Medica apprimè versatus, adducitur,
Colloquium de statu valetudinis, præsentem In-
terprete, & Priſtaro, institutum. (Cremor
tartari, movit eis suspensionem colloquij de Tar-
tari) Medicamenta ex Pharmacopæo Ducali,
omniaq; requisita liberaliter promissa, dataq; .
Medicus per schedulas vocari, venireq; quoti-
es oporteret, iussus. Ab hinc in cubiculo non
Moschorum, sed familiarium Conceptorum,
perenni diu noctuq; insomni solitudine,
CORVINO invigilabatur. Unusquisq; Com-
militoni, Duci, Conceptoro, Domino, insomnes
continuifq; vigiliis ærumosas noctes perli-
bens impendebat. Cuius unius fato, omnium
in carcere foret extinguenda libertas. Affe-
ctio paralytica, operâ Medici submota est; ni-
hilominus maximè diurnam, exituq; ferè lethæ-
lem Scorbaticam læm contraxit, quæ quâvis
repetitis remediis domita videbatur, id tamen
solatium, plerumq; decem aut quindecim die-
rum spatium, terminabat.

Attri-

Attritis distractisq; variò Polonorum & Lithuanorum viribus, necdum confectâ cum Suecis Olivenſi pace, *Choromſcius* infesto exercitu Lithuaniam invaſit. Grodnâ, Lidâ, Słonimo, deditis, (quò magis ſecuros redderet hoſtes) armiftitium ſancivit. Proximis diebus, profectus magnis itineribus, ſamam & veſtigia caſtrorum ſequens, ALEXANDRVM POLVBINSKI multis expeditionibus bellicis, Victoriisq; Clariffimum aggreſſus, validâ manu repreſſit, ac retrò Bugum egit: MICHALEM OBVCHOWICZ & ipſum armis inſignem, ſuperatum, & captum Moſcuam miſit: OGINSKIVS cū parva manu ad Krynki (dum vanâ ſine viribus irâ, loco & armis diſſiti pugnant,) pariter ſuperatur. Vnâ celeritate & Copias Lithuanorum, recentis fæderis fide ſecuras, cepit; & Breſtiam, extemporaneis operibus vix dum munitam, iuſtoq; carentem præſidio, aggreſſus, apertâ vi occupavit. Oppido impoſitum præſidium, Civitas incenſa, præda quâquâverſus acta; villarum incendia, in profundâ

*Choromſcius
ſciſſus*

fundam Maſoviam prolata. Tandem Exercitui reditus Boriffoviam ac Miſcum verſus, (congreſſui Legatorum deſtinata Oppida) indiſtus, quò feliciorẽ pacem his ſucceſſibus elata, conficeret Moſchovia. Iam pridem gravi ſaucius curâ, Sux Domui, Pupillisq; metuebat CORVINVS, ne præſentibus malis, ipſâ celeritate (quâ tunc omnia geri, præveniriq; Tractatus ediſtum eſt) involve-
rentur. De ſerie rerum omnium, & quâ ratione, Sui evaſerint periculum, clam edoctus, remiſit ſolicitudinem.

Schedulæ huiusmodi crebrius, immo indices à plurimis Amicorum, (quos aut communis calamitas, aut ius hoſpitij conceſſi, è Moſchis, Germanis, Polonis, addiſtos fecerat) cæparum ſucco, aut citrorum ſcriptæ, illæ igni admotæ, hæ aquis immerſæ, aperiebant ſecretum. Porro quò ſecretius fraus occulta-
retur, aromata, ſericum, papyrus emenda aut empta involvebatur, hæc ratione Moſchis Priſtaris tot, ne ſuſpiciantibus quidem, iſthic ali-

*Choromſcius
ſciſſus Breſtiam
permetrat.*

*Clandestini
commercij
modi.*

Q

quid

*Natalis
Filij
M. Du-
cis, Si-
mcomis.*

quid subesse fraudis, latoribus primū pecuniā corruptis, publicē concredebantur perferendæ. Eā tempestate Magna Moschoviæ Ducissa Filiū SIMEONEM enixa est; qui postea magnæ fabulæ erit occasio, Anno millesimo sexcentesimo septuagesimo quarto. Post solennem campanarum sonum, (nam hæ solæ omnis publici gaudij, Victoriarum, Festivitatū, sunt indices) invisit GOSIEVIVM Secretarius Camerae Ducalis *Diamentius Baczmakow*; auream vestem, pileum è vulpe nigra præaltum indutus: *Magnum gaudium*, (cū crederemus Nos libertati asserendos) *Magno Principi ac Dño &c. &c. Filium natum, denuntiavit.* Vetusissimus mos Gentis, Cubicularios Principis, ad Exercitus, Legatos, Proceres, Civitates etiam remotissimas, hoc gaudium (ut ipsi vocant) denuntiatorios, amandare; illū donari. Postridie Proceres, Neonatæ Principum Soboli, affectus suos testaturi, magnifica pretio & splendore munera, ad conclave Principis ferunt, humaniterq; æquē ac liberaliter à Principe donan-

donantur. Cives, mercatores, tertiā die, suam quoq; in oblati muneribus proponunt subiectionem; sed indonati recedunt. SIMEON Princeps paulò post præproperis sublatus fatis, sequenti fabulæ dedit occasionem. Comparuit quidam in Vkraina iuvenis annorum ferè viginti, Nomen & Personam SIMEONIS usurpans, asserensq; , pio dolo unius famuli se preceptum crudelitati Novercæ, Procerumq; sibi quidpiam imperiosum, de eius indole, etiam in puero metuentium. Experti iam Moschi non sine gravi sua infelicitate, domesticisq; tumultibus, eiusmodi crevisse imposturas: quare ut malum in herba suffocarent, incomparabili sumptu effecerunt apud Kozacos, suosmet sequaces, ut personatus ille Princeps, Moscuam per eos deduceretur. Quò adductus, etiam manibus pedibusque præcis, constantissimè usurpabat sibi Principatum: ac inter eas affirmationes, capite truncatus, paleq; infixus est, vigesimā septimā Septēbris, Anno Millesimo sexcentesimo septuagesimo quarto. Pro

*Eiusdē
obitus.*

*Impositor
quis?*

documento referebat nonnulla arcana domestica Magni Principis: nec deerant in populo, qui illi suffragarentur. Sed *Artemon Serbetewicz*, iam nunc Supremus Minister Statûs, eum fuisse oriundum *Poltawâ* *Vkrainnicâ*; in spem verò excitandorum tumultum *Moscuæ*, (ad instar olim *Demetrii*) instructum fuisse hisce artibus à *Sienkone Razino* rebelli *Astrachanico*, retulit mihi; cum ibidem Nomine Serenissimi *IOANNIS III* Electi Regis *Poloniæ*, agerem Ablegatum; denuntiando Eius felicem Electionem, & urgendo contra *Turcas*, armorum coniunctionem. Constans tamen nunc inter *Moschos* fama esse dicitur, eum genuinum fuisse Principem *SIMEONEM*. Sed de his non controverto.

Anno recurrente instabat *Palmarû* Dominica: quominus pompæ Sacræ spectator *CORVINVS* in publicum prodiret, recentiq; annuatim frueretur aurâ, continua affectio valetudini adversa, vetabat. Maior suberat metus, ne *Moschi* eo viso, Medicis (nam & alter, *Leo Lacetini*)

Dominica Palmarum

Roma-

Romanus, superadditus) accessum interdicerent: nisi enim aliquis decumbat, infirmus non censetur. Vt verò *MICHAELI OBVCHOWICZ* recenter hospiti Captivo, cæterisq; Serenos Magni Principis oculos, intueri à longè liceret, per *Prixtavos* facile impetravit. Eadem pompâ, quâ anno elapso Festivitas celebrata; nisi quòd Ducales equi duo *Turcici*, ante egressum è Castello, præsentarentur. Cæterum peditum ac populi frequentiam longè præterito, hic annus inferior. Ad conspectum prodeuntis è Castello Principis, venerabûdi, more omnibus usitato, inclinavimus capita. In Castellum redeunte, deducti domum.

Quò celsius assurgeret, ante lapsum infollescens *Fortuna Chowanisci*, auctum esse viribus recenter, voluit Princeps: iterum enim quatuor suas *Prætorianas* Legiones; insuper *Generalem Zmiow* è tractu *Czerniechoviensi* & *Hölcsi* in castra eius delegavit: quâ re & exercitum ad maiora audenda, & eius animû excitavit. Ne *sciz* victoriæ ponere modû, cum iâ nil sibi crede-

ret

ret impervium, spe ingentis prædæ, Lachowicze SAPIEHANM, Nitswiesz RADIVI-LIANVM, fortalitia; utrumq; egregiè munitum, aggredi & expugnare statuit. Admotis propius castris in Novogrodensium Lithuanorum agrum, vicis & prædiis cladem, fortalitiis obsidionem intulit. Vtrobq; vallo deiectis Moschis, multisq; illatis cladibus hosti, egregiè propugnatum. Regij Legati per medios hostium cuneos, inter flammæ & cædes, Miniscum pervenêre. Moschovitici iam quidem Borissoviæ constiterunt; verùm secundis successibus intractabiles, (& quòd reliquam infallibilem victoriam *Chovanfcio* pollicerentur) Paschales ferias prætendentes, ad quindecim dies distraxerunt tractatum. Ac quò magis insolens eorum foret Legatio, Kozacos rebelles, in socios eius congressus, sibi adsciverunt. Dari insuper suo Principi titulos Albæ, Minoris, & totius Russiæ, ante Tractatum exigebant. Deniq; ne ab ipsis etiam Regiis Legatis (qui iure Gentium Sancti sunt) violandis, absti-

*Insolentia
archus
secundis.*

abstinere decrevit, Mosciæ secreto consilio. Indignum id Polono Nomine (ut in re erat) videbatur, suos rebelles (cùm res geritur inter pares Solio) de quibus lis agebatur, parem secum capeßere locum. Albæ, Minoris, totiusq; Russiæ, cuinam competerent tituli? vel præsentì Legatione, vel proximè instante bello concludendum. Hæc aliq; infinita protrahendo congressui, augendisq; per tot moras successibus *Chovanfcij* idonea, Moschorum Legati proponebant: *Chovanfcio* interea pacem artibus belli urgente. Sistere armorum cursum, accelerata pace satagebat CORVINVS Mosciæ: sed adeò intumuerant Moschorum animi, ut non erubescerent, per *Priæstares* dare responsum: nil Eum arma & pacem concernere, demptâ Legati & Ducis forte. Is demum annus Rempublicam, longo adversus Suecos bello, absolvit. Igitur detractis Moschoviæ, belli focus, in Polonia & Lithuania tanto fervore & furore contra Moschos bellum apparatur, ut suprema Moschoviæ iam propè adesse

*Ex secretis
to consilio.*

adesse fata, non vanis proclamaretur auguriis. Rex, indomita poene insolentiâ *Chowanscij* permotus, PAVLVM SAPIEHAM Lithuanicarû, STEPHANVM CZARNECKI Polonicarum Copiarû Ductorê, cōtra elatû recētibz trophæis hostem, expedit. Ad Polonkâ Regij Duces castra locârunt; quibus *Chowanscius* relicto in castris quinq; millium peditatu, cum illo suorum numero, plenus non spei, sed Victoriæ, obvi-
us processit. SAPIEHA & CZARNECCIVS, *non de libertate solû agi, sed totam Poloniam, Lithuaniam, Russiam, Victori prædam fore: par periculum Victis instare; neq; ullum effugium patere, & supremo sublato auxilio, supremo Patriam exponi excidio, illumq; diem servitutis aterna initium fore,* Militi proposuere. Deinde CZARNECCIVS omnes requisivit Copias, *num pro Patria fortiter agere, aut tutiora sequi vellent?* Cùm omnes se morituros in acie profiterentur, e-
quo & ipse descendit, & militem descendere iussit. Accensi non minùs in pugnam, quàm in Heroicam mortem stenuè subeundam (si ita
adver

adversa Fortunæ alea definiret,) militares ani-
mi, omnes primùm exemplo Ducum in genua *Chowansci*
provoluti; dictâq; oratione Dominicâ, alacres *ski profla-*
pro Gloria DEI, arma expediverunt. DEO *gatur.*
itaq; votis supplicum favente, acti hostium cu-
nei, submotæ acies, effusus in fugam hostilis
equitatus, peditatus in acie omnis deletus:
Campi Marschalcus *Simen Sczerbaty* vivus in
potestatem CZARNECCII devenit. Ipse
Chowanscius desperatâ defensione, citato cursu
castra sua vineasq; prætervectus, (peditatu so-
lû in castris residuo monito, ut sibi consule-
ret, quâ posset arte) plena omnis Fortunæ pu-
blicæ privatæq; Victori reliquit, ipse pernici
fugâ Polociam evasit.

Moschorum Legati, pacis belliq; *Chowanscij* *Legato-*
casus secuti, etiam fugam eius non deferentes, *rum præ-*
abiectis omnibus impedimentis, in fugam si- *ceps fuga*
mlem sese coniecerunt, compendiosis itineri-
bus Smolenscum delati, ibi primùm respirâ-
runt. Moscua (ubi acceptæ cladis fama per-
crebuit) trepidatum est. Magnus Princeps
R pullâ

Moscuæ
trepidat.
129.

129

pullâ fasciâ caput præcinctus, eam cladem peracerbè se ferre testatus. Cuncti de salute Moscuæ metuebant quidem, sed interstitiis locorum freti, spem interea reparandi belli resumebant. Smolensci Legatis vivere, ac si Polonica arma finibus imminerent, pacis media obicere, ac depromere, iniunctum.

In publico suæ Reipublicæ luctu, Senatus Moschoviticus, CORVINVM de secundis Patriæ successibus lætari non permisit: idcirco adhibitis numerosioribus excubiis; mercatorû, opificû, omniûq; exterorû accessû, excubitorum etiâ sine socio ingressum, ad interiora, & clandestina colloquia, arcenda edixit. Literas à CYPRIANO BRZOSTOWSKI M. D. L. Referendario, & pro tunc Plenipotentiaro Legato, CORVINO scriptas, (quòd continerent, quadringentorum Nostrorum Cataphractorum Equitum vi, omnes perfractas, submotasq; Moschorum acies) Princeps à se discerptas, in proprium abdidit sinum. Insolita excubiarum ratio, vigilantiaq; magnum a-

Liquid

130

liquid geri indicabat: res primùm inter additiores Nobis vigiles, paucis explorata, demùm per aliquot schedulas, plenè cognita. Dolebat quidem CORVINVS, câ victoriâ solutum pacis Tractatum, à quo Sua dependebat libertas, nihilominus privatam suam calamitatem, Regis Sui Gloriæ, communi Patriæ solatio, gratulabundus condonabat; præsertim cum perenni victoriarum cursu, (si Polonicæ Copiæ Vrbi admoventur) acceleratum iri suam eliberationem, non desperaret. Ab hinc tractabatur quasi civilius, nomenq; Legati Ei passim in Vrbe tribuebatur; sed cum Procerum animi flagrarent, & recenti in Polonos odio; & antiquo in CORVINVM, (quia post Vilnam captam, Hannibalem vincere prohibuit, ut nunc vinci posset) apud Principem falsò accusatus, ex delatione Alexij Trubecki, quasi per Urbem equitaret, arctioribus militum excubiis demandatus Captivus. Inquisitum seriò inter *Pristavos*; sed nil quo mēdadium confirmaretur, repertū. Porro ne fortè

2R

suum

Gosseuth
sensus in
ter has.

Livius.

Angu-
stia au-
gentur.

131

suum errorem *Pristavi*, militesq; mutuo con-
sensu occultâssent, sed spe suâ celerius præ-
venirentur, intempestâ nocte Supremus Secre-
tarius Cameræ Ducalis, ex improvise veniens,
excubias, & *Pristavorum* præsentiam scrutatus
est. Hoc periculo suo moniti *Pristavi*, ne un-
quem quidem à sua statione discedebant, cer-
tò aliàs poenam chordarum, more patrio, sub-
ituri. Authorem mendacijs non aliter insecta-
ri licuit, nisi ut aliam crescendi materiam
quæreret, si alienis criminibus apud Principem
crescere placeret.

Iamq; Gens illa, nata reparandis, restau-
randisq; bellis, è vastissimis illis Provinciis, co-
acto milite, replevit Exercitum; animumq; ad
tentandum de integro bellum concepit. Hinc
maius CORVINIangebatur in Vrbe odium,
& rursus dempto Legati, Captivi inditum No-
nem. Suscitaturus iterum belli incendium Ma-
gnus Princeps, Legatos Moscuam revocavit.

Basilius Borysowicz Szeremeth, in Collegas as-
sumpsit, Ducem & Castellannum *Szerbaty*, Ducē

Gre-

Moschi
reparat
vires &
odiam

132

Gregorium Kozłowski, & *Ioannem Akinfieion* coa-
ctisq; Copiis millium quinquaginta, expediti-
onem suscepit Kioviam; adiungitur eidem in
socium belli *Georgius Chmielnicki* (qui *Wybow-
sco*, unanimi Kozacorum Zaporozensium con-
sensu, admodum iuvenis suffectus, Moschorū
partes tuebatur) cum innumerabili Kozacorum
colluvie: tantis copiis satis validi, si simul in-
cubrissem; Borysthenem transfretare, Wolyni-
am opprimere, demum Cracoviam usq; pene-
trare iussi. In subsidium in tractu Czerniccho-
viensi, Generalis *Zmitow* cum quidam millibus
constitutus.

At parte aliâ Smolenscum & Mohiloviam
versus, cum quadraginta millibus *Dogorukius*
expeditus: lecti datiq; Collegæ duo: *Petrus Doł-
goruki*, *Osip Sukin*. *Strefszniow* cum hisce Copiis
præficiendus designaretur, æquè iussa Princi-
pis, ac incertam belli fortunam metuens, corporis
ægritudinem simulavit. *Chowauscius* nuperae
cladis, novo genere obsequij oblite-
randæ cupidus, in tractu Polocensi restaura-

bat

Validiss-
ma Mo-
schorum
expedi-
tio.

Szeremeth cum
10000.

Zmitow
1000.

Dogoruki
40000
in albam
Russiam
producit.

bat bellum.

Tot tantæq; Copiæ, è diversis diffitisq; partibus Polonum oppressuræ, invicem sibi opem ferre, vi ingruente iussæ. Consilio quanquam mirè perfectò, felix defuit eventus; nam discordes in Patria prædicti Duces, etiam in hostico minimè convenientes, animis secum, armis cum Hoste pugnabant. *Dolgorukius* ingenio violentus, obsequij impatiens, *Szeremetbio* subesse nolebat. *Chomanseius* Genus suum nobilius *Dolgorukio*, deprædicabat: proinde eius regimen detrectabat. Is vicissim bellicam experientiam, longo ac felici armorum usu probatam, gloriam regimenq; Supremum sibi vendicabat. Sic demum, cum singuli pugnant, universi vincuntur. Breviter res, Heroumq; gesta (quibus suum decus, posteritas & Annales, cuiq; pro merito rependunt) attingam. Quavis sat superq; virium, apud Moschos provisum erat, nihilominus mobiles ad superstitionem mentes, populorū cladibus anteaëtis percussæ, malè ominari audiebantur. Crebris quoq; prodi-

Livius

Prodigia

prodigiis cognitum est, mutationem rerum in deterius portendi: nam teterrima exorta in Vrbe tempestas, redeuntem in mænia pediatum, in flumen egit. In carcere GOSIÆVIANO, palos eadem vis ominosa prostravit. Velut prodigio territi, ruinam armato milite complent: trepidi ac semivestiti, ab Vrbe accurrunt *Prištavi*, num non arte Magicâ excitata fuerit tempestas? num non evolaverit suus Captivus? per rimas (ne nimium suspiciosi viderentur) inspiciunt. Crebriora insuper incendia, ac unum pyrii pulveris, magnâ hominum strage in Vrbe exortam; tantum valuerunt apud Gentem apprimè superstitiosam, ut ruinam Imperio, Exercitui excidium, palàm portenderet.

Dolgorukio, dū armantur Copiæ, (moris est nō per Generales conscribi Copias, sed iis conscriptis per Supremum Statūs Ministrum, præfici belli Duces) usu Patrio, frequenti Senatu, bellicū Imperiū denuntiatur: ibidē solenni epulo à Principe excipitur: deducitur inde ab amicis

Publica
expedi-
tio Do-
gorukij.

135

cis domum. Postridie ad osculum Ducalis dex-
træ, publicè accedit. Valdeienti datur Tute-
laris Imago. Prætorianus interea miles, belli
comes, in arce vino adusto ingurgitatur. Post-
quàm à Principe data est potestas abeundi, ex-
cedunt Castello, Vrbeq; aulici, amici, familia-
res splendidi inter lituos: tum rhedâ Ducali
Tutelaris Imago à Clero ad prima castra deve-
hitur. Iam ipsum Generalem tibicines, dein-
de equi, splendidissimis sellis instrati antece-
dunt. Demùm Generalis omnibus splendidior,
medius inter Collegas, & natalibus, famâq; in-
signes amicos (agmen claudente vili manci-
piorum servitio) profectus.

Omnium primus Szeremethius, Kioviæ valido
relictò præsidio, movit castra; iamq; Vkrainam
emenfus, Polonicis curribus ad Chmielnicum
post leve certamem potitur. Levi successu, æ-
quo insolentior, ac procacior factus, suo suo-
rumq; imminebat fato. Prævolabat interim
longo intervallo hostilia castra, nuntia immi-
nentium Polonæ Genti periculorum fama;
atque

136

atq; ut numerofo æquè ac potènti hosti, parè
opponerent manum, admonuit. Virtutem pro-
priam alienis quoq; viribus suffulturi Poloni,
Publico consensu, Tartaros firmissimo fædere
iam tunc per decennium Reipublicæ iunctos,
in huius belli societatem vocandos, decernunt.

STANISLAVS POTOCKI Palatinus
Cracoviensis, & Supremus Exercituum Regni
Dux, GEORGIVS LVBOMIRSKI
Supremus Marschalcus & Campi Dux Regni,
ad Tarnopoliam contractis Copiis, quindecim
ferè millium, moverunt. Adfuit haud inglori-
us auxiliator, numerofo cinctus equitatu Tar-
tarico, Nuradin Soltan, Polonæ Reipublicæ,
belloq; Christiano suas vires impensurus, dum
Christianum sanguinem, Moschi sine modo &
mensura indices profundunt ampliorem. Ad
Lubarum tandem heroicæ virtuti (cùm Mo-
schi numero, Polonus animo prævaleret) de-
signata arena, collata signa, nihilq; præter
continuas suorum cædes videbant Moschi,
qui Supremum iam ferè ictum minabantur Po-

Polonia
vires cõ-
tra Sze-
remethi-
um.

Tartari
auxilia-
res.

Prima
clades
Szereme-
thij ad
Lubarû.

S

loniæ

loniæ. Immani suorum clade *Szeremethius* compulsum in castra, Kioviam retrogredi statuit: sed cum Poloni & Tartari, publicas (quæ spes effugii supererat) obsiderent vias, à tergo præcis arboribus, per paludosam eremum apertâ sibi viâ, in Czudnovienses campos sibi fatales, effudit agmina; exitum belli renuens præstolari, quem sibi exitialem præciverat. Castris itaq; egregiè munitis, imminentem hyemem expectare placuit; donec brumalibus tempestatibus victi Poloni Tartariq;, solvere obsidionem cogerentur. Sed suis artibus involutus *Szeremeth*: nam Polono gladio ereptos, tanta invasit fames, ut iam equinis etiam carnibus non suppetentibus, imbelli fato vitamini numeri planè terminare cogerentur; aut annonæ & salis penuriâ extremè laborantes, passim intumescendo tabescerent. Cædibus insuper quotidianis, internisq; dissidiis cum Kozacis, adeo diminuebantur Copiæ, ut iam rescissione factâ, partem Castrorum mediam, deseruerint. Vna salus, avidissimè expectabatur, si

*Szeremethius
ob
sione.*

Georgi-

Georgius Chmielnicki Kozacorum Generalissimus, suorum armorum conjunctione, ipse periturus, perituris opem adferret. Is *Slobodisze* vix attigerat, iam *LVBOMIRSCIANÆ* succumbens virtuti: bello impar, pacis ac subiectionis perpetuæ, à *LVBOMIRSCIO* accepit conditiones. Ad Czudnoviam verò undiq; vigente & crescente ad supremam Victoriæ Gloriam studio fortissimorum Virorum, destitutus auxiliis, & consiliis *Szeremethius*, pactus deditionem. Armis, signis, tormentis, omniq; apparatu dedito, se, omnes Collegas, ac totum suum, viginti quinque millium adhuc residuum exercitum, (iam enim omnia sub manu Victoris erant) inaudito exemplo, Polonis obtulit in prædam. Tantam captivorum multitudinem, primum aspernati Victores, (quia trucidare deditos, sævum; tot verò custodiâ cingere, arduum) tum armis ademptis, pro restitutione *Vkrainæ* Provinciæ, eos commutari poscebant; & Moscho promittebant. Deniq; postquam Prædiali Kiovienses, se Ma-

*Chmiel-
nicki ut-
etur à
Lubomir
Joio.*

*Szeremethij
deditio.*

Si

gni

gni Moschoviæ Principis militiam sequi, Eiusque hæc in re, non *Szeremethij* parere mandatis: multos Moscuæ esse *Szeremethios*, respondissent; belli iure, eos Tartaris in servitium concesserunt. Tam opulentus, publicus, privatorumque apparatus, in deditionem acceptus est, ut tantæ Victoriæ gloriam exæquaret. Ipse Generalissimus *Szeremethius* in Tauricam deductus: mancipia illa tot dedita, Constantinopolim, à Tartaris venundata, maria ac terras Orientales impleverunt. *Szerbatius* apud POTOCCIVM; reliqui duo apud LVBO-MIRSCIVM, plerique apud alios diu Captivi, læti vixerunt; quod incolumes forent, Patriæque suæ reddendi, hostium beneficio. Ita seu malo, seu necessario facinore, diminuta viribus hostilis potentia: focique belli Tartari retenti in officio. Non solum in Polonia, quam in ancipiti bellorum positam, expediebat fuisse Religiosam, sed Romæ quoque Summi Pontificis iussu, per omnes Ecclesias, DEO Victoriarum Authori, supplicationes decretæ: appensa

pena per Ecclesias trophæa, Triumphus acti. Infelix tantâ clade *Szeremethius*, multo infelicior, è Taurica rediit; longè post, per tumultum Moscuæ interimendus.

Cæterum pervenerat ad Magnum Moschoviæ Principem, non fama solum, (plerumque velocior) sed Nuntii etiam, unus ex castris *Szeremethianis* profugus, acerrimæ obsidionis, mox alius deditionis, accurrere. Ad populum quidem, quàmvis fama factæ cladis suppresseretur, nihilominus mæstum quoddam Aulæ silentium, lugubri bello finem iam impositum, & tacita divinatio imminentium malorum, præsagebatur. Tandem ubi infelix belli eventus cunctis innotuit, desperatio sine spe aliunde reparandæ Victoriæ, sibi mentes. Omnium maxime CORVINVS eius nuntii esse inscius desiderabatur: aucti supra modum *Priktavi*; opifices, mercatores, Medici adempti; cladem celari manifestè innotebant. Postero die edictura fabulam schedula, per quendam Moschorum pileo præalto insuta adfertur. Obtulit

Moscuæ
acta.

inge-

ingenium Italus quidam ē Nostris: qui in præsentia Moschorum, per iocum indutus tunicam primū, mox pileum boni viri, à Moschis risu, à Nostris fictis verberibus affectus, in aream domumq; interiorē profugit. Vbi de promptā chartā, ē conclavi ad *Pristavos* effusē ridentes profugus, quæsitā levitate à Nostris cædebatur. Magna hæc & vix sperata victoria, tantō sublimiūs animum CORVINI in festivæ hilaritatis sudum erexit, quantō profundius in mærorem & desperationem, universam eū Principe Moschoviā depresserat. Proinde inter hilares gestientium Captivorum plausus, Eucharisticasq; DEO Victoriarum Domino preces, Hymnus Divi Ambrosij decantatus. Victoriā hanc, Cynosuram Sux felicitatis, universi cum CORVINO Captivi, unicē prædicabant; cuius beneficio post decumanos calamitatum fluctus, post tot ærumnas, gravesq; corporis ægritudines exantlatas, toties naufraga salus, & ipsā salute charior libertas, portum desideratæ felicitatis attingere videbatur; cū pro

pro unius Sui commutatione, pares quatuor, Moschorum Polonia Captivos teneret. Generales; ex alia parte *Dolgorukius* Lithuanicis armis, in similem cædem urgeri nuntiaretur.

Ad Basiā annem PAVLVVS SAPIEHA, & STEPHANVS CZARNECKI castra metati, avidē non tam hostem, quā nobilem prædam, *Dolgorukium* scilicet cum Exercitu, præstolabantur. Summæ spei bellum ornaturus, Ducisq; sui vindicaturus Captivitatem GOSIEVIANVS Exercitus, Ductore MICHAEL PAC, Castrorum Generali Metatore, quatuor millium numero, selecti Equitatus, in castra pervenit. Peditatus GOSIEVIANVS cum ZERONSCIO pro libertate Vilnæ, hostili præsidio vindicanda, decertabat. In campum Basiæ adiacentem; quem iam Polonus Lithuanusq; miles præoccupaverat, spe vanā Victoriæ inflatus advolat *Dolgorukius*, prædasq; male speratas, non belli rationes expendens, citra spem & metum fit Præda. Primo enim congressu, dextra castrorum eius Ala à CZARNECCIO

*Eodem
mense
Dolgoru-
kius ad
Basiā
prostratus.*

NECCIO, siniftra à PACIO (frontem aciei tenente SAPIEHA) cum incredibili cæde, campis submotæ. Ipse *Dofgorukius* dimisso equo, inter peditatum se coniecit. Verum neq; peditatus evasit excidij periculum, quàmvis obices in hunc usum è ligno adinventos, equiti obiecisset. Cladi *Szeremetbianæ*, intra unam alteramve horam, similis facta fuisset *Dofgorukij* cædes, nisi, iam perfracto à Nostreis peditatu, nox prælium & cædes diremisset. Festo tormentorum, lituorum, Hymniq; Sacri sono, in castris, DEO Victoriarum largitori, persolutæ gratiæ. Sed restabat adhuc pars magna belli *Dofgorukius*, & novus hostis *Chowanfcius*. Victoriæ prosequi Polonis (dum viribus & animis hoste sunt Superiores) constitutum: sed *Chowanfcius* parte aliâ, cum non contemnendis Copijs imminebat. Intempestâ igitur nocte, accensis ignibus, silenti agmine, castra Lithuanorum mota. Biduo *Dofgorukianus* miles castris prodire non ausus, quòd discessum Lithuanorum ignoraret; quo tandem cognito, festinatis itineri-

neribus *Mobiloviam* se recepit, illatamq; cum *Chowanfcius* immensi clade sibi, suoq; Exercitui ignominiam, commentitiâ velans iactantiâ, prælium fugâ Hostium terminatum, spargebat per populum *Chowanfcius*: interim tria millia selecti Equitis, Ductore *Toloczanow* Druckum præmisit. Hic cum primis Equitum excubiis non infeliciter congressus, Nostros in fugam agebat; cum citra utriusq; spem superveniente C Z A R-NECCIO, facilius, quàm sperabatur, certamen erat: nam primus impetus formidato aliis prælio, initium finemq; fecit. Muniêrat quidem in omnes casus belli, sua castra *Chowanfcius* ad Czereiam; sed dum nuntij cladis è tanto suorû numero, paucissimi redissent; castra, tormenta, currus, ac quidquid celeritatem fugæ retardare potuit, deseruit. Demùm à prosequente Victore, ac cædibus latè patentem viciniam implente evasit.

Szklovienfes, exacto Moschorum præsidio liberi; interea à Kozacis & Moschis obsidebantur. MICHAEL PAC opem & libertatem

Chowanfcius
se j clade
dei ad
Czereid.

Szklovienfes
ens solus
ta obside

tem, non ita iam pertinaci obsidione cinctis attulit; *Dolgorukio* ne se movente quidem mænibus Mohiloviæ, inde quinq; milliaribus distatæ.

*Polniam
ab omni
profligatus
ad
Dineburgum.*

Inter tot clades, succursus Vilnensibus Moschis parabatur Dineburgi in Livonia. Dum se itineri accingunt, MICHAEL PAC famam sui præveniens, advolat Dineburgum; levibus primùm irritamentis elicit hostem, tandem cum hoste effundente Copias millium septem in glaciẽ, configit, profligat, fractâq; glaciẽ in flumen demergit. Fatalis profectò hic annus Marti Moschovitico erat: nullum Lithuanie, Russiæq; campum ingressus, quem non profuso vastissimè cruore, & feræ posteritati spectandis suorum cadaveribus consignaret. Quot milites in aciem producti, tot in eadem funeribus parentatum; omnes quicunq; bello Martia olim dederunt Nomina, hoc anno fusi, victi, capti, submersi, deleti sunt; paucis profugis, paucis ipsâ morte graviolem Captivitatem subeuntibus. Truncata manibus, omnibusq; planè

nè viribus destitutâ Moschoviâ, adeò Moscuæ trepidatum, ut bello se victos, non præliis; a- *Quanto
trepidatio
Moscuæ.* Etum esse de imperio Moschorum (si profecturi forent Poloni, Lithuani, Tartari, Koza- ci, Victoriam) non dissimulanter proclamaretur. Res desperatæ, Principi Iaroslaviæ, aut Nizni Nowogrod ad ripas Wolgæ, apparabant regressum. Nullis in promptu Copiis, iam maturi autumnus, imminentisq; hyemis tempestates pro præsidio habebantur. Firmatis tamen glaciẽ viis, certò inde Poloni cum Tartaris, hinc Lithuani sperabantur: direptioni non defuturi Succus metuebantur: Supremum Regnorum exitium, populi Moschovitici rebellio, ob rem infelicitè gestam, ob bellum iniustè susceptum administratumq; timebatur. CORVINVS post innumeras Gentis utriusq; clades & funera, hoc unicum præstolabatur anxius, quò tandem poneret arce, Regnorum Fortunæ caput? quis suæ calamitatì exitus foret? *Gossens.* clandestinis sermonibus disserebat. Fax mentis honestæ gloria, Victoriosum illum & ad summa

summa natum animum adeo accendebat; ut levem carceris quietem, ipso carcere graviolem putaret, dum Patria in praelio periclitaretur.

Quanto flagrant pectora voto,

Optatas audire tubas, campique cruenta

Tempestate frui, truncisque immergere plantas.

Dolcebat, quod illud cruentum Bellonæ theatrum, magnorum eventuum Actor ingredi non posset, in quo perenni Gloriæ commodissima spectacula antiquus ille Tragædus Mars, & Fortuna Campi Domina proponeret: fortiora tamen solatia è sinu Reip: præstolabatur. Publicam fortunam Patriæ gratulatus, Sibi, cum ea ipsa gloria, quæ parta est, vivendum atque moriendum, (modò in Patria) exoptabat. At nec Moscuæ hoc rerum eventum ingloriam sibi posthac stationem pollicebatur, cum Paternum olim Gubernationis Moschoviticae decus, aut pacis conficiendæ opus, Sibi imminere speraret: etenim non pauci Moschi, literas securitatis, clam ab eo exposcebant: has negantem, Nomen & insignia foribus præfigenda petebant. Magni Nominis in Moschovia Senator,

tor, clam submisit schedam: quæ pecuniæ quantum vellet, se daturum pollicebatur: res Moschoviticas desperatas non obscure innuit: petiitque ut sui esset memor. Se ad Polonorum adventum, spondebat effecturum Moscuæ deditioem. Vicissim CORVINUS illi apud Aulam Polonicam, Præfecturam alicius Provincia Moschovitica, efficere recordatur.

Tot præliis in sua damna susceptis, ad mitiora consilia Aula Moschovitica compulsæ est. Nullam salutem bello, tot suorum funeribus edocta, spem totam vitæ in pace impetrata superare, manifestè advertit. Pax optima rerum universis proclamatur: Pacis Legati ad nutum Principis expediti esse iubentur: CORVINUS in remedium præsentium malorum reservatur. Fruitur iterum famam Sui, cum Nomen Legati, Captivo passim per Urbem tribuitur. Tum primum (tanquam id quoque honoris daretur) non ut prudentem tantum Virum, sed propè vatem omnium quæ recenter evenerunt, deprædicant; authores belli incusant, quandoquidem

*Quibus
mediis
obviatur.*

*Moscho-
væ sen-
tentiæ*

tam

tam diuturno bello, nil se præter infames clades qua-
suisse agnoscunt. De rationibus pacis cum Po-
lono & Scythia incundis, deliberatum in Sena-
tu. Restituendas Provincias Captivas, unanimi
consensu, decernant universi. *Simeon Stresziom*,
(quem nuper detrectasse bellicum imperium
memini) *Smolenscum belli Polonici prædam, etiam*
extremis Moscuæ malis retinendum, seu serio, seu
gratiæ Ducalis aucupandæ gratiâ, persuadebat.
Princeps, contractâ in eum fronte, sceptroq;
efferbuit. CORVINVM GOSIEWSKI,
suo colloquio, solum admittendum destinave-
rat; sed Procerum consiliis, colloquium dilatum
sensim cum metu evanuit. Quâ de re PO-
TOCCIVS uti antea præmonuerat, ita re-
centioribus his interpellavit: *Nihil tam muta-*
sioni obnoxium, quàm Moschorum aura. Ludi-
cra sollicitis fervet Respublica curis. Expertus &
ipse POTOCCIVS Moschorum sævitiam:
nam ob profligatos hostes à suo Patruo ad
Czudnoviam, in exilium pulsus est.

Post exhaustas Moschorum opes, post fra-
ctas

*Gosiewi-
us ad col-
loquium
M. Prin-
cipis de-
signatus.*

ctas undiq; vires, post ralas tot ingentes
Victorias, unum id ad Polonæ felicitatis co-
ronâ desiderabatur, ut quâ animorū consensione
bellum in hostico gesserunt, eadem, in visc-
eribus Patriæ, pacem colerent, & promoverent;
tantâq; Victoriâ uti scirent: sed Exercitus præ-
dam & præmia, quàm stipendia malebat. Dedu-
ctus in Patriam miles, tot clarus victoriis, tot
laureis insignis, atq; cò ferocior, villanisque gra-
vior; brevi, cum tenui Reipublicæ ærario se-
rius promuntur stipendia, Ducum exuit impe-
rium. *Sacri nexûs cognomen, impietati sum-*
ptum, sceleriq; nefando nomen erat virtus. Pri-
mum professi Regi fidem & obsequium, Pa-
triæ defensionem, Legibus æquitatem & iusti-
tiam, cunctis dulcedinem publicæ securitatis,
spem conservandæ, imò vindicandæ libertatis,
spondebant. At ubi armorum ius in suis ma-
nibus esse conspexerunt; Leges, quæ in pace
latæ sunt, armati abrogârunt: Patriæ defensio
in direptionem, Regalis Mensæ provisio, in lu-
xum conversa militarem. Cæterum nil sacrum
profa

*Reditus
Polono-
rum in
Patriam*

*Seditio
militum
nuncupa-
ta Sacro
nexu.*

*Swiato-
blim
zwiazek.*

profanumve inviolatum permansit: gliscebant
 diu non obscura animis seditio. Convulsâ de-
 niq; æquitate, violatis iuribus, excrevit Civi-
 um sædes, & exitium Regnorum Civile bellū,
 civiliaq; odia in plures annos. Quibus duran-
 tibus Patriæ malis,

Hæc quantum potuit terra pelagiq; parari,

Hoc, quem Civiles hausserunt sanguine dextra.

Quàmprimùm Moschi suis cladibus satisfac-
 tum Polono, Victoremq; in Patriam redire
 acceperunt, tum demùm supremam se adeptos
 rati Victoriā, (quòd imperium ab exitiosis
 belli facibus intactum servâssent) alta spira-
 re, ablatorum restitutionem nec nominare,
 externo metu vacui, novas vires colligere cœ-
 perunt. Tantis cladibus, cùm pares referri
 non possent, contra Captivos Polonos odia
 sumpserunt. CORVINVS non plùs di-
 gnitatis habiturus, nisi quòd unico perangusto
 cubiculo donandus foret, in publicum carce-
 rem à Proceribus destinatus. Res cùm ad
 Principem delata est; & mentes Procerum su-

biit

biit pudor, & mutua fors Captivis in Polonia
 subeunda, decreto Principis immutatum consi-
 lium. Edicto insuper cautum est, ne locus il-
 le, (uti cœperat) GOSIEVIANVS car-
 cer, appellaretur. Ad præscriptum Medico-
 rum, suppeditabantur ex Pharmacopolio Ducali
 omnia requisita: sed tanto tempore multa,
 variiq; generis vascula apportata congestaq;
 lædebant oculos *Pristavorum*, credentium uno
 haustu debere tot, tamq; varia exhaustiri me-
 dicamenta. *Morbum simulari, medicamenta inta-*
cta componi, Medicos crebrius adire ægrum, nec
quid exoticis linguis colloquantur, à se intelligi, ad
 Cancellariam deferunt. Hinc Medici prædi-
 cti, aditu prohibiti. Demùm evidenter cre-
 scente morbo, aliquis Medicus Moschus, (quē
 medendi peritum, ob egregiè multis ægris na-
 vatam operam, inter stabuli Ducalis mini-
 stros viliores connumeratum esse, *Pristavi* fe-
 rebant) ab iisdem *Pristavis* recommendatur.
 Abnuenti Medicum, eius peritiam, Medicamē-
 ta (nam aniles quoq; eius superstitiones, ali-

*Medici
 adempti.*

V

asq;

afq; nugae referebant) datus Samuel N. re-
center ex Anglia, per mercatores Moscuæ de-
gentes, evocatus. Hoc curatore, *Athanasius Na-*
sczokin transfretari fecit G O S I E V I O me-
dicamenta, Venetiis apud clarissimos Medicos
conquisita. Convocati omnes ad Cancellariam
Medici, fractisq; sigillis indagare iussi, *verane*
medicamenta, an quidpiam aliud (veneficia scili-
cet) includerentur? Medicamenta, probanti-
bus Medicis, integrè transmissa. Increbre-
scente famâ de Generalibus Regni Poloniae
Comitiis, Varaviae instituendis, *Zamiatnorum*
Ablegatus in Poloniam expeditus. Eodem
anno, ad Aulam Polonicam Galliae Regis Le-
gatus Ordinarius *Antonius de la Fmbres*, inter-
positione sui Principalis, acturus de compo-
nendis inter belligerantia Regna odiis, scri-
psit *Nasczokino* literas; quibus mediationis o-
peram offerebat. Sed *Nasczokinus* ne respon-
so quidem, Gallum est dignatus.

Quandoquidem permultis videri potest, res
fidem excedere, Moschorum Principatum, post
inau-

Ablega-
to in Po-
loniam.

Galliae
media-
tio con-
tempta.

inauditas hoc ævo clades, intra tres plerumq; *Status*
menses collegisse numerosos exercitus: sub- *Moscho-*
iungenda videtur brevis informatio de poten- *vise.*
tia, amplitudine, Gubernatione, & ratione
conscribendarum Copiarum in Moschovia.

Quando Australis & Septentrionalis Russia,
omnesq; illi Ducatus, (qui nunc in Univer-
sali Regni Poloniae, Magni Ducatus Lithua-
niae & Magni Ducatus Moschoviae compage
includuntur) Supremo Kioviae parebant Prin-
cipi; Moscuam quoq; tunc obscuram, Kiovi-
enses Principes subditam habuere. Postquam
verò *Svatoflaus* Kioviae Monarcha à G E D I-
M I N O M. Lith: Duce, exutus Imperio est,
Branscum in Severia, inde Wolodimiriam pro-
fugus, latè se regnare credebat, dum vixit se-
curus. Inde per successores, Regia Moscuam
trasflata, affinitatibus auctae opes, dotalesq; ad-
iuncti Ducatus: nihilominus graviolem, quàm
sub Lithuanis nacti sunt servitutem, quia Tar-
taris parere, tributaq; ferre cogebantur. I-
W A N W A S I L E W I C Z Moschoviae Dux

Origo.

*Vastitas
imperii.*

libertatem restituit, Tartaros oppressit, subiugatis Kazaniæ, Astrachaniæ, Sibiriae, Pleseoviæ, Novagardiæ, Rezaniae Regnis, opes & Imperium ad eam amplitudinem, quam nunc videmus, evexit. Quod tam latè extendi, quantum occupant Poloniæ, Germaniæ, Galliæ Regna, simul sumpta, non absimile est. Adeò vastum Imperium, Moscua quidem (uti naturà insolentior) à Magno Principe regitur, inhabitaturque: cæteræ Provinciæ per *Voievodas* (hi biennio exercent Gubernationem) administrantur. Per hos, quicquid Nomine Principis edicitur, mirâ promptitudine, imò crudeli obsequio paretur edictis.

*Principis
opus ab-
solutus.*

Moscuae Monarchicum Imperium est: pacis & belli, vitæ & mortis; Legum & regiminis potestas, penes Principem est. Consilia instituuntur quidem in Senatu; sed in his magis de modo rerum gerendarum adinveniendò, quàm (exempli causâ) de suscipiendo bello, ad mentem Principis consulitur. Non Rempublicam, non Nobilitatem, non populum, non Civita-

Civitates liberas, ad consilium isthuc advocari reperies, sed sufficit promulgatio edicti. Bellum si cum potente aliquo hoste, eventu anceps, sit suscipiendum; consulitur populus in foro publicè ex suggestu, (*Lobne* dicitur) ut in casu cladis acceptæ, culpa belli suscepti sit omnibus communis.

Senatorum ac Consiliariorum numerus, est ad placitam Principis. Communiter autem sunt *Consilia-rii*. *Dumnye Botary* triginta. *Okobniczye* viginti quatuor. *Dumnye Dvaranie* sex, *Dumnye Diaki* tres. Ab his omnia publica negotia, in diversis Cancellariis administrantur.

Sunt autem Cancellariæ triginta quatuor, *Cancellariae*. *Przykazy* nuncupantur.

Prima. *Taynyeh dzieł Przykaz*: estq; Cancellaria Principis Camerae, in qua secretissima quæq; excipiuntur & expediuntur negotia.

Secunda *Posolskoy Prykaz*; est Cancellaria, in qua omnia publica Legationum, fœderum, literarum, ad Externos expediuntur, & excipiuntur scripta, & colloquia Legatorum.

Tertia

Tertia. *Rozradnoy Prykaz*: Cancellaria bellica. Huc spectant expensæ belli, Copiæ, Captivi, &c.

Quarta. *Pomiestnoy Prykaz*. Cancellaria distributivæ iustitiæ; in qua distribuuntur ac conferuntur Privilegia, determinantur lites circa feuda.

Quinta. *Kazanskoy Prykaz*. Sexta. *Sibirskoy Prykaz*. In his Cancellariis tractantur ea, quæ spectant ad prædicta Regna. Insuper hic describuntur rationes fisci, & pellium ex Sibiria advectarum.

Septima. *Dvorovoy Prykaz*. Cancellaria mense Ducalis, quæ cellarij, & equorum provisionem concernit. Huc spectat Legatorum provisio.

Octava. *Innozemskoy Prykaz*. Cancellaria omnium causarum, quæ concernunt externos, Moscæ degentes.

Nona. *Rytsarskoy Prykaz*. Hic administratur Iustitia, promuntur stipendia equitatu, pro anno, triginta *Rubelli*: (nomen est monete) qui con-

conficiunt imperiales quinquaginta.

Decima. *Bolszoh Prychodu Prykaz*. Hic teloniorum ratio, pretium panis, ac vini instituitur. Hic solvuntur stipendia Officialibus.

Vndecima. *Sudnoy Wotodymirskoy Prykaz*. Procerum & vetustissimorum familiarium, forum competens.

Duodecima. *Sudnoy Moskovskoy Prykaz*. Nobilitatis Moscuanae forum.

Decima tertia. *Rozbaynoy Prykaz*. Forum in causis furti, latrociniorum. Vbi inquiritur per adhibitionem tormentorum: deniq; supplicij poena irrogatur.

Decima quarta. *Pusakarskoy Prykaz*. Huc spectant tormentorum & campanarum fusores: & omnes ii, quicunq; spectant Pacis & belli tempore ad *Artiglieriam*.

Decima quinta. *Iemskoy Prykaz*. Huc spectant omnes vectores publici.

Decima sexta. *Czolobitnoy Prykaz*. Huc spectant omnes supplices libelli.

Decima septima. *Ziemskoy Prykaz*. Forum omnium

mnium civium & mercatorum Urbis Moscuæ. Hæc Cancellaria exercet ius, in omnes domos & fundos, quicunq; emuntur & venduntur intra Civitatem. Hic annuum tributum persolvitur, concernens pontes, muros, portas, fortificationem Urbis.

Decima octava. *Chołopskoy Prykaz*. Hic describuntur contractus, atque in publica acta transferuntur, illorum, qui sponte vendunt aliis sua mancipia: vel qui testamento suorum Dominorum emancipati, alicui alteri mancipantur.

Decima nona. *Bolszoy Kažni Prykaz*. Hic conservantur telæ Persicæ, velamina, Sericum &c. aliæq; similes merces, quas consuevit Magnus Princeps, præmii loco, pro re, vel in bello, vel in Legatione benè gesta cōferre. Ibidē in fornicibus subterraneis conservatur incomparabilis thesaurus.

Vigesima. *Kazennoy Prykaz*. Forum Moschoviæ mercatorum.

Vigesima prima. *Monastyrski Prykaz*. Cancellaria

laria Monasteriorum.

Vigesima secunda. *Kamennoy Prykaz*. Cancellaria Architectonica.

Vigesima tertia. *Nowogrodzkaia Czetwert*. Cancellaria, ac depositorium auri, quod apportatur ē magna Nowagardia, & Nizni Nowograd.

Vigesima quarta. *Galickoy Prykaz*. Cancellaria, & depositorium tributi Provinciæ Galicensis.

Vigesima quinta. *Nowaia Czetwert*. Hic persolvitur tributum ex omnibus publicis tabernis. Ibidem iudicantur & castigantur aut poenā luctri, aut chordarum, aut postremò exilij, illi, qui clandestinè vendunt tabacum & vinū adustū.

Vigesima sexta. *Kostromskoy Prykaz*. Cancellaria, & depositorium tributi Kostromensis, Iaroslaviensis, adiacentiumq; Provinciarum.

Vigesima septima. *Vstiugskoy Prykaz*. Cancellaria, & depositorium tributi Vstiugiensis, Kolmogorodensis, & adiacentium.

Vigesima octava. *Zolotnoy Almaznoy Prykaz*. Cancellaria auri, argenti, gemmarum opificum.

W

Vigesi-

Vigesima nona. *Oruznoy Prykaz.* Hic conser-
vantur omnia arma Ducalis personæ: omnia itē
ornamenta equorum. Item armamentarium pu-
blicum. Habetur etiam hic Cancellaria omni-
um Officialium, qui prædictis præfunt orna-
mentis.

Trigesima. *Aptekarskoy Prykaz.* Pharmacopoli-
um Magni Principis. Hic obligantur unoquoq;
die Medici, Chirurghi, &c. comparere. Iurant
Medici super non adhibenda theriaca, idcō,
quod ex serpentibus & viperis eam confici in-
audiverint.

Trigesima prima. *Denizny Prykaz.* Cancellaria,
& iudicium omnium, qui spectant ad ins-
cudendæ monetæ. Illis verò, qui clancu-
lūm eam eudunt, plumbum liquefactum in os
infunditur.

Trigesima secunda. *Tamaznoy Prykaz.* Hic
notantur omnes merces: finito verò anno, is
qui præest, reddit teloniorum omnium rationē
in *Bolszoy Prykaz.*

Trigesima tertia. *Zboroy desiatny Prykaz.* Hic
spectat

spectant decimæ, seu tributum in usum belli
concessum.

Trigesima quarta. *Maſoy Rusi Prykaz.* Can-
cellaria *Vkrainæ* Provinciæ.

Trigesima quinta. *Zysknoy Prykaz.* Hic spe-
ctant causæ illæ, quæ prædictarum nullam
concernere videntur.

Singulæ prædictæ Cancellariæ, gubernantur
à singulis *Boiariis*, qui unoquoq; die obligantur
in sua Cancellaria, cum propriis ejus loci Se-
cretariis, sedere pro Tribunali, usq; ad meri-
diem.

Præterea Patriarchales Cancellariæ sunt tres.

Prima. *Rozrad.* Archivum omnium bono-
rum Ecclesiasticorum.

Secunda. *Gubnoy Prykaz.* Tribunal Patriar-
chale.

Tertia. *Kazennoy Prykaz,* Thesaurus & redi-
tus Patriarchales.

Leges nullæ habebantur scriptæ: idcirco
Anno millesimo sexcentesimo quadragesimo
tertio, ex mandato Magni Principis, pruden-

Leger
quando
condite.

tissimi quiq; habito congressu, scripserunt, approbataq; nonnulla decreta typis vulgârunt. Titulus libri talis: *Sobornye wlasenia*, id est Comititalia decreta. Iuxta quæ, hodie omnes causæ iudicantur & decernuntur Nomine Principis, absq; ulla appellatione & contradictione.

*Nervus
belli un-
de?*

Bellum ubi decretum est, titulo donationis, non tributis, indicitur tributum. Deinde edicitur, ut unusquisq; ex bonis suis, decimum v. g. publico obsequio sistat villanum. His præficiuntur Officiales Germani, Angli, Scoti, Sueci, qui ibidem merent stipendia. Prætereâ Clerus ac Monachi iuxta proportionem bonorum; peditû & equitû expediunt ad triginta millia. Ac in his villanis expediendis; Moscuamq; adducendis, minima mora (etiam iusta ex causa) severissimè castigatur. In tanta verò vastitate Imperii, (quod quidam falsò, esse vastissimas solitudines, asseverant) mirum dictu, quàm brevi tempore, & quàm numerosæ congregantur Copiæ.

Streloy.

Insuper Magnus Princeps alit in Vrbe Prætorianum peditatum Legionum viginti. Vocantur

cantur *Prykazy Streleckie*. Quæ legiones efficiunt ad minimum sedecim millia, & ampliùs. Illis stipendia rariùs, his verò Prætorianis, mensibus singulis sex numerantur. *Rubelli*, pro anno verò duodecim, id est viginti imperiales. Hic peditatus constat ex solis Moschis; sunt enim Personæ & Residentiæ Ducalis custodes. Filios Principis se appellant; excubant unoquoq; die mille, egregiè vestiti.

Prætorianus peditatus.

In aliis quàmplurimis Oppidis & Castellis, etiam Moscuæ vicinis, aluntur præsidia iuxta exigentiam. Omnia in genere Castella præsidialia numerantur ter mille. Ex his, cum opus est, ad repentinos casus, deducitur peditatus; suffecto illuc novo præsidio, ex rudiori milite.

Præsidia

Equitatûs conscribendi hæc ratio est.

Primò. Nobilitas omnis, (uti multis retrò annis, & millesimo sexcentesimo quinquagesimo quarto, quinto, sexto, practicatum est, quando Princeps in Persona bellum gessit) vel, si levior expeditio est, certarum Provinciaram, edi-

Equitatûs conscribendi ratio.

cto

Oto Magni Principis ad arma compellitur; singulis auxiliari stipendio, sex aut decem aureorum, ex ærario Principis plerumq; numerato.

Secundò. Præter Nobilitatem, ingentem vim equitum, exotico more stipendiariam instruxit modernus Princeps.

Tertiò. Proceres ex suis mancipiis (quæ numerosa alunt) sextum aut quintum, equo & armis instructos expediunt.

Quartò. Deniq; extremis malis suæ Patriæ, Anno millesimo sexcentesimo decimo tertio à Polonis subacti, hunc conscribendi militis modum invenerunt. Omnibus mancipiis (si ex voto navassent operâ, si Polonos exuissent Moschovitico dominatu) libertas servitio potior, ac cum suis Dominis coequatio promulgata est. Tantaq; vis ejus edicti erat, ut illi exilis fortunæ milites, nudi aggressi Kitaygrodam, Polonos inde excedere cogerint.

His modis Copiæ ducentorum millium equitum, peditum centum millium coactæ. Vno eodemque anno, diversissimis locis, contra Polonos, Lithuanos,

nos, Succos, Tartaros, Kozacos, Kosmykos, hocq; iam altero decennio, memorabile gestum bellum. Hisq; deletis, alios exercitus objecit Moschovia, simili modo conscriptos.

Equorum ferax quidem regio est, nihilominus pro commoditate publica & privata, singulis annis in Augusto, à Tartaris Kazanensibus, Astrachanensibus, Nahaiensibus, Czerkasis Czeremissis, Kalmykis, in maximo numero adducebantur venales equi. Anno millesimo sexcentesimo sexagesimo primo, triginta sex millia equorum venalium, in campis Moscuae subiacentibus, numerata. Munera Tartaris à Magno Principe data, utq; sequentibus annis numerosiores adessent, præmoniti Nundinæ hæc Tabula dicuntur.

Apparatum *Artiglieria*, (qualis nonnisi vi quadrum, aut potentiâ Turcicâ ad bella produci solet) breviter attingam. Ad oppugnandam Vilnam, Rigamq; viginti Canones & Colubrini immensi magnitudine, librarum nonaginta sex capaces: triginta Canones librarum quadra-

*Equorum
ingens
Copia.*

*Tabula
Artiglieria*

quadraginta octo: præterea librarum viginti quatuor; numero centum quinquaginta: item Campestrium tormentorum, vim incomparabilem, Magnus Princeps ex Moschovia secum adduxit. *Czerkascius* Suus Generalissimus ad oppugnandam Szklöviam, centum septuaginta tormenta adduxit Anno millesimo sexcentesimo sexagesimo quarto. Pulveris pyrii globorumque, semper par devehitur copia. Rigam censentur iniecti esse globi pulvere onusti quinque millia. Anno verò millesimo sexcentesimo nonagesimo, *Basilius Galiczyn* in Tauricam Chersonesum profectus, numero mille machinas bellicas circumduxit, præter innumerabilem vim peditum equitumque.

Fidem excedit narratio, quantæ opes Magni Principis in castra devehuntur. Præter supellectilem, certum est vehi maximam copiam victualium, piscium, farinae, salis, vini, omnis quidem generis, maximè verò adusti, quo ante assultum plebs militaris ingurgitari solet. Militi stipendia; Proceribus, Aulicis, Dapiferis, Colo-

Colonellis, ac omnibus his ad aulicum obsequium spectantibus, eodem more in castris, victualia & potabilia administrantur, quo Moscuae degente Principe. Notandum, Moscuae unoquoque die ex culina Magni Principis, expediri quatuor millia patinarum in usum Procerum, Officialium, Legatorum, Captivorum &c. Quantæ verò deportabantur pelles, pannus, sericum, pecunia, Imagines sacrae, cæteræque opes, longum esset enarrare singula.

Modus alendi peditatum.

Castra in casum cladis terna locant. Pro peditatu alendo in hostico, unusquisque eques tenetur tot mensuras siliginis contribuere ex præda pro mense, quot alit mancipia.

Pro alendis præfidiis ex toto Imperio collecta pecunia & annona, deportabatur Smo-
lenscum, Polociam, Mohiloviam, Vilnam, præfidiariis firmissimum adversus famem præsidium. Sola Astrachania pro triginta annis (quàmvis putridam aliquando) conservat annonam.

Cæterum equitatu minùs valent; peditatu Potentiores, in præfidiis insuperabiles. Gubernat

*Deditio
probrum
Familiae*

bernatores ob dedita Castella, capitis poenam subibant. Anno millesimo sexcentesimo decimo tertio, *Michâél Buturlin*, extremâ coactus fame, deditionem pactus; ob id Moscuae choridis caesus, ne exstaret impunitum deditionis exemplum. Ingens probrum totius Familiae, & perpetuum est, quemquam e suis deditionem Castellum alicuius fecisse. *Theodorus Wolski*, vi fœderum, & mandato expresso Magni Ducis, ad deditionem Bialae adigi non poterat, sed se ab Officio amoveri, aliumq; sibi substitui, per quem deditio fieret, postulavit: ne deditionis labes suae domui unquam irrogaretur.

*Duces
belli.*

Duces belli plerumq; timidi. Victoris gloria, tota Magni Ducis est: cladis illatae culpam, militiae Duces saepe immerita poenâ exolvunt. *Ita nimirum Manibus militum, sanguine litatur Ducum;* ita tumultus in populo contra Principem & Proceres, ob rem improspere gestam, ob bellum susceptum, ob amissos consanguineos, evitatur. Anno millesimo sexcentesimo trigesimo

simo secundo, *Michâél Schein* à VLADISLAO IV. victus ad Smolenscum, omnia Victoris Fortunae subiecit: ob id Moscuae redux, capite truncatus. Anno millesimo sexcentesimo quinquagesimo quinto *Boratynscius* Dux, ob non latas suppetias *Vrussorio*, virgis caesus, ante gradus Ducalis Palatii. *Vrussorius*, quod minus prosperè ad Brestiam decertasset, actus in exilium, *Szeremethius* ob sui, Copiarumq; deditionem, nonnisi post annos circiter viginti redemptus. Complura alia exempla in Annalibus eorum reperiuntur.

Populus usq; ad servitutem durè tractatur; adeò ut illi, qui ab hero caeditur, capitis tuendi causâ, non liceat manum opponere. Sorte vivendi vili contenti, delectantur plurimum potu vini adusti; & quidem simplicis: ut meritò unus ex comitatu Legatorum Hallsaticorum, Moschis obnixè petentibus ut illud biberent, subridens responderit: *addatur parum sulfuris, & fiet potus infernalis.*

Iustitia usq; ad superstitionem colitur rigidissime

diffimè, æquè in homines ac animantia. Campana, catus, & equus (quòd hic Legatū Angliæ excusserit fessorem) chordis cæsi, ac pro pleniori satisfactione, ex decreto Procerum, (non tam caritate Legati, quàm ficto officio) exules amandati.

Opes.

Gazophylacium Principum, sic describit Guaguinus ex Paulo Palezowski. Oculis nostris vidimus (Anno scilicet millesimo sexcentesimo nono) ingentes acervos auri & argenti: tinas argenteas; duodecim Apostolos aureos, opus solidum: icones, diademata, sceptrum, sedilia, maiestates. Demetrius epulas instruxit Palatino Sendomiriensi, super aureâ suppellectili copiosissimâ. Eadē ipsâ horâ Legatis Regis Poloniæ, centum quadraginta patinis aureis, epulas deportari fecit. Præterea adhibita vasa omnia aurea, quibus Proceres, Magnates, Aulici, Equites Poloni & Moschi tractabantur. Quâdam die, pro convivio Ducissæ MARINÆ MNISZKOWNA, sexcentæ aureæ patinæ allatae ex Thesauro, ad simplex mandatum Archy-
magy

magyri. Herbersteinus Legatus MAXIMILIANI Imperatoris scribit, se, præter aliam gazam, vidisse diadema, cui nec Imperatoris Romani, nec Regum Hispania, Vngaria, Gallia (qua omnia vidit) equiparari posset.

C A P V T VI.

Ingressus Legatorum Cesareorum Moscuam; ubi Moschorum splendor describitur. Precautiones GOSI EVII in Patriam missa. Acta in Comitibus Regni, super electione vivente adhuc Rege instituenda, & super libertate GOSI EVII.

Moschorū Generalissimi, & Zmiorvius, (quem *Anno 1661.* maximi belli, eundē & cladis consortē fuisse compertum est) armis, copiis, libertate, mulctati; hic insuper vitâ: nam dū Homliam in tractu Czerniechoviensi obsidet, à villano inter rudera delitescēte, glande trajcitur. Cumq; ita, quasi uno ictu omnes Moschorum Generales sublatis, solus Dosgorukius omnium Collegarum interitu felix, ob reliquias exercitus Moscuam reductas, elatior per ora vulgi ferebatur. Post
eius

Zmiorvius occiditur

Mobilis via Moschi cæci

ejus discessum Mohilovienses, per seditionem exciso Moschovitico præsidio, patefactis mœnib9 Regias Aquilas in viscera Civitatis susceperunt, nullum tamen acceptârunt præsidium: sed esse se, velle, & fore in posterum liberos, eoq; ipso felices, polliciti.

*Moschovitico
us ab-
olitus
Moschovitico
1658.*

Inter publicos suæ Patriæ applausus, lætus malis suis CORVINVS, hilariùs quàm retrò ferias Bacchanales fociis apparari iussit. Tunc primùm chorda musica, rudi artificio, magis ad repetendas xeteres hilaritates, quàm ad novam excitandam, elaborata ibidem, adhibita est. Præsenti bello, ingens numerus fidicinum commigraverat in Moschoviam. Res exotica & illicita visa est Patriarchæ; proindè unâ eademq; horâ, in tota Vrbe, à liçtoribus confracta omnia instrumenta, curribus sex extra flumē Mosquam exportata, in publico foro concremari fecit. Idem evenit moribus cultissimo Principi, *NIKITÆ ROMANOW* Patrueli Principis: quo absente, perfractæ fores, omniaq; peregrina palatij ornamenta cōvulsa, asportata, exusta

exusta. *Dolgorukins* solus, ex omnibus, suis meritis & naturâ insolentior, Patriarchales liçtores, domo suâ eiecit, dictitans: *se solus Magni Principis edictis vitam & sanguinem deberes imperium verò Patriarchale intra Aras & Clerum concludi; ad Procerum domos minimè extendi.* In Ecclesiis quoq; præter insulos cantores, nulla audiveris musica instrumenta: ad mentionem organi apud Psalmistam aiunt: *linguâ & guttur hoc nomine nuncupari.* Suspecta Moschis, ac iam conscia tot cladum, videbatur Nostra hilaritas: dum itaq; sensimus velle *Pristavos* ex hilarioribus hæc & illa sciscitari, de industria commixto simul, per medietatem vino Hispanico cum adusto, omnium primos sciscitatores obruimus: liberaliùs inde comessati, instituebamus colloquia.

Vigesimâ primâ Martij, nostræ ingens incendium exortum in Castello, granarium & officinas Palatio adjacentes, absumpsit. Vidisses multâ in Principem adulatione, *Dolgorukium*, compluresq; alios in sua Patria nobilitate insignes

*Incendium in
Castello.*

signes, scandere tecta, illaq; securibus evertere ac medias ædes præscindere. Orto incendio, Castellum ob metum seditionis, incendio quovis graviolem, occlusum: nec opprimendo igni quispiam alius, præter præsidium peditatum, intromissus. *Necesso est multos timeat, quem multi timent.*

Seneca

*Dominica
ca Palmarum.*

Repetita Dominica Palmarum solitâ pompâ; præterquàm quòd florentissimus ille peditatus diminutus, squalidus, longèq; impar illi, antea-ctorum annorum, sub signis appareret. Princeps per *Artemium Serbeiewicz*, **GOŚIEWIO** super tectum constituto, ut antea-ctis annis, transmittit salutem.

Nicolaum Schultyn, curâ suorum amicorum eliberandum, clam intelleximus: idcirco & ipse optimè informatus, schedulas in Patriam deportandas, inclusas libello, à **CORVINO** accepit, in quibus sequentia continebantur.

*Præca-
tiones in
Patriam
missæ.*

Post tot clades Moschis illatas, vim & imperium victis dedistis, dum exercitus vestri hostico abstinerunt: non pridem desperati, iam nunc altos gerunt

gerunt animos. Ablatarum Provinciarum restitutio post tot clades conclusa, iam nunc negatur.

Facilitatem Vestram in dimittendis captivis sue gentis, dum vident, facili negotio residuos sperant eliberandos: ipsimet in enecandis nostris obstinantur. Pertinaciter itaq; pro singulis captivis, singuli petendi & concedendi.

Nullis Moschorum promissis credite: nam omnia in elusionem & fraudem promittunt, non præstituri promissis fidem.

Quandoquidem impossibiles proponunt conditiones; obicienda impossibiles.

Ablegatis, de iure bona provisio competit: circumspectio verò ingens requiritur: nam vel explorandi gratiâ, vel temporis astivi distrabendi, ad Vos mittuntur. Eosdem expediri absq; morâ, opto: plurima namq; arcaniora, è Patria nostra pleriq; Ablegati attulerunt.

Proditores quoq; in Patria complures habetis, qui intima consilia Vestra, & vires descriptas, huc transmiserunt.

Hic pacem non intendunt. Tractatus ideo pro-

X

mittunt

mittunt, ut astatem spe pacis distrahant: hyeme & Vos & Tartaros redituros in Patriam, Kozacos verò ad se pertrahendos, sperant. Ex Anglia mercenarium militem praestolantur. Praevenienda omnia, & quàm celerrimè suppressenda.

Captivi totam Sibiriam, olim desertam, incolunt; nullatenus restituendi, nisi bello cogantur.

Quamdiu bellum non transferetis in hosticum, aut nullam, aut cum maximo Vestro detrimento, pacem sperate.

*Liberali-
tas Na-
gni Du-
cis.*

In gratiam Paschalis solennitatis, Magnus Princeps, per Secretarium suum Baczmakovi-um, munera misit G O S I E V I O: scilicet decem ulnas serici flavi, & quinquaginta Rubellos argenti, centum cupri. Cæteris Concaptivis omnibus, habito personarum respectu, liberalia dona data. Adjecta contra Gentem Polonam querela, quòd alieno à Christianitate more, Moschorum Gentis Captivos in Tauricam Chersonesum pro equis & arcubus venundare non erubescant, Suum Principem nihilominus, Christianis Captivis, (quàmvis in suo positam sit arbitrio) nolle repen-

rependere vicē; sed eos Christiano colere ritu, illisq; munera largiri, effatus.

Nuntiabatur iam magnā expectatione omnium, adventus Cæsareorum Legatorum, qui duobus acerbissima odia exercentibus Regnis, mediationem, pacemq; demum allaturi sperabantur. Quandoquidem publicarum, privatarumq; opum ostentatione, tum hominum multitudinem, hic dies à Moschis prædicabatur fore mirabilis: & C O R V I N V S ingressū spectare, recentiq; perfrui eura (semper aliàs inclusus suæ mansioni) cupiebat: & Moschi (qui plerumq; propria mirari, & præferre cunctis consueverunt) *Pristavi* non obscure gratiam spectandi impetrandam, ultrò innuebant. Nec difficulter impetrata. In Suburbium Twerense (hæc via pro triumphali habetur) ad Prætoriā domum & porticum superiorem cæteris altiorē, equo deductus cum suis Concaptivis, primum spectavit mirè amēnū illius Urbis, simulq; Castelli, hinc inde, fluviis irriguum, maximè opportunū, benèq; munitū, ac totā Vrbe eminentē

*Cæsarei
Legati
expecta-
tur Mo-
schi.*

litum. Spectabat deinceps multorum Procerum filios, sigillatim cum suo comitatu splendidè in campum, Vrbe excedentes. Ex villis Principis, sedecim (verius ego crediderim quatuor aut quinque;) equorum millia deducta dicebantur: qui fortunæ tenuioris ministris commodati. Iam verò, quibus & natalium splendor, & opum, maiorem copiam rerum supereditabat, ipsi auro aut argento intertextam Persicam vestem induti, torquati pectus, pileos gemmis splendidos gerebant. Zebellinæ Scythicæ pelles, vulgare quid cernebantur: generosissimi equi Turcici, Polonici, aureis, argenteisque; sellis Turcicâ opulentiâ instrati, infidebantur: sessoreque; vacui, ante signa ducebantur. Tum ingens mancipiorum famulitium, unumquodque; signum concomitabatur.

*Pompa
trium-
phalis.
Ordo
Aule
Moscho-
vitica.*

Omnibus in campo sub signa distributis, postquam Legatis dextræ datæ, rhedaque; Principis auro splendida: primus in Urbem sub signis sese infundebat ingens numerus famulitij & mancipiorum, quæ unusquisque; Procerum, suis armis,

armis, veste, & equis instructa, triginta aut quadraginta expediverat. *Dworonnye ludie dicuntur.*

Sequebantur Prætoriani pedites sexcenti vestem purpuream induti: omnes equis candidis vecti. *Strelezy.*

Hic locus datus est; qui vestium & equorum splendore pares cæteris, *Gostie* dicuntur.

Sequebantur sub suis signis, Ducalibus equis ignavissimè iniecti, abiectissimi Ministri Ducalium culinarum, braxatoriorum, cellariorum; pistores, ianitores &c. &c. *Kluczni Prosznye, & pochodownye stiepiennye, Laziebniczye, Skaterniczye, Storoży, Istopniki, Chlebniki, Sytniki, &c. Powary &c. ductores, illorumque; præcipui eminebant vestium cultu. Ingens hominum numerus.*

Equites Moschi mille, Germanico more, disciplinâ & ordine egregiè instructi, ab Officialibus Germanis docebantur. *Rytsary, Sokolniki.*

Avium venaticarum Præfecti quadraginta. Hi erant tunc in magno apud ALEXIVM Princi-

Principem obsequio; idcirco magnoperè apud Proceres æstimati, dabaturq; iis fides, quicquid Nomine Principis edicebant. *Sokolniki.*

Artemon Serbetienicz Colonellus (qui millesimo sexcentesimo septuagesimo quarto, Senatorium mutus adeptus, Supremi Ministri obibat officium) omni splendore vestium gemmarumque, Zebellinarum pellium, equorum elegantia, cultus ipse, ducebat cultiores Ministros Ducalis Equilis. Horum ordo non inlegans. Triplici ordine octodecim Equites vestem purpuream, pileos flavos induti equitabant: hos sequebantur octodecim equites, veste flava, pileis purpureis: totidem, veste rubra, pileo viridi; totidem veste viridi, pileo rubro: & sic deinceps longâ serie varij colores permixti.

Iam scribarum duo fere millia sub suis signis *Poddiaczye.*

Secretariorum aliquot centeni *Diaki.*

Longè cultiori apparatu, Nobilitas sub suis signis, *Dworzanie.*

Tum

Koniusby.

Tum atrienfes anlici, *Zyly.*

Nomine, non officio, Cubicularii Principis sub sex signis. *Strabozye.*

Dignitate, splendoreq; vestium insignes Mæfæ Ducalis Ministri fermè quadringenti, immensum clausisse videbantur agmen. *Stolniki.*

Post longum temporis & loci intervallum, sequebatur absq; signis, manipulus ferè quingentorum equitum; omnes, qui frontem vel medium, numerosi æquè ac splendidi comitatus occupaverant, vestium, equorum, gemmarum, fellarumq; splendore antecellens. Aurea aut argentea toga, communis omnium vestitus. Tinnitus verò bullarum, aut torquium, quos hætenus appendi est mos, tam numerosus validusq; erat, ut quid interim loquerentur, nec à circumfusa multitudine, nec à se invicem intelligi potuerint. Hi erant Camerarii, & Proceram Moschoviae Filij, Nobilissimi quiq; *Komnatnye* nuncupantur.

Komnatnye.

Supremo loco rhedâ Ducali, tanto apparatu dignâ, sexigis in Urbem vehabantur Sacrae Cæsa-

Cæsareæ Maieſtatis Legati Extraordinarij. ſcilicet A V G V S T I N V S Von M A Y - E R N, Sacr: Cæſar: Maieſt: Cameræ Conſiliarius, & H O R A T I V S G V I L I E L M V S C A L V V C C I, itidē S.C.M. Cameræ Cōſiliarij. Quorum comitatui aulico, dati equi candidi omnes. Duravit hic ingreſſus, à meridie ad profundioreſ ſolis occaſum, horis fermè ſeptem. Meo iudicio, ſi ē tanto numero, ſelectiores tantū ad ornandam ingreſſū illius celebri- tatem propoſiti fuiſſent, procul dubio ſpectan- tium maximo guſtu & applauſu, trium aut qua- tuor millium, incomparabili ſplendore & ma- gnificentia exhibuiſſent manum. Iam verò dum numeroſiſſimi videri ab Externis cupiunt, lixis & caloni- bus ſigna complent. Hinc exortâ ſub ipſum ingreſſum pluvia, pileos recondunt, non deferentes tamen ſigna, nec quopiam pallium ſubminiſtrante, nudo capite coacti excipere nimbum.

Princeps prætereuntem equitatum ſpectabat à Caſtello, medius inter Proceres: quorū Offi.

Officia recenſeo proprio ordine, Lectori Sta- tum ejus Aulæ, notum habere volenti. (Iarius

Diaki Dumnye. Supremi Secretarij & Cæce!

*Ordo Se-
natorius*

Dworzanie Dumnye. Senatores tertij Ordinis.

Kaznaczey. Theſaurarius. (ſectus.

Orużenniczey. Armorū perſonæ Ducalis Præ-
Krayczy. Inciſor.

Okolniczye. Senatores ſecundi ordinis.

Dumnye Boiare. Supremi Senatores.

Dworeckoy z putiom. Supremus Aulæ Mar-
ſchalcus.

Koniuſzy Oſudarſtwienny. Comes ſtabilis, ſeu Supremus Miniſter ſtatūs, aliàs Stabuli Ducalis Præfeſtus. Hic deficiente linea Ducali, ex vi ſui officij, erat primus Candidatus Monar- chiae. Hoc ſupremum officium vacat, ob metum Tyrannidis, (uti infra conſtabit) in Magnis Du- cibus Moſchoviae.

Peditatus intra Urbem manſit, incendi- j (verius ſeditionis, iam ingenti rabie in po- pulo gliſcentis, quæ demum anno ſequenti e- rupit) metu; ſed poſtridiè, dum omni civilitate

(quæ inter Austriacam & Moschoviticam Aulam sacrosanctè colitur) Legati ad osculum dextræ Magni Principis erant admittendi, in armis exhibitus. Populus quoq; ostentandæ frequentæ causâ, tam in Castellum, quàm extra compulsum. Austriacorum adventu, non revocati ad religionem animi, nec extinctæ inter Principes, bellorum faces: quum mediatores sibi non deessent; Moschi suum commodum metirentur: Polonus veterum bellorum causam Smolenscum, Severiamq; repeteret, mediationemq; omnem, præcipuè tunc Austriacam recusaret. Accuratissimè Moschi sciscitabantur, num aliqua notitia inter Legatos & CORVINVM, antèhâc non intercesserit? num hisce diebus clam Sibi salutem & literas non transmiserint? hinc Legatis nuntiabant, Eum adventare: interea vultum considerantes, quâ promptitudine, Hospitem falsò adventurum præstolarentur. Seu suapte prudentiâ, adversus Moschorum fraudulenta & suspiciosa ingenia instructi, seu jam à CORVINO præmoniti

moniti Austriaci, dolos *Pristavorum* eluserunt, simulandoq; ignorantiam Personæ, responderunt: *paratos se esse, ad excipiendos omnes, quâ par est humanitate, quicumq; sese invisere voluerint.* Multò verò post, injectâ ab Austriacis quâdam mentione GOSIEVII, orta est *Pristavis* suspicio. Actum ibidem inter Excubitores scrutinium, quinam Externi eo die, aut pridie illuc comparuerint? num schedulam aliquam non attulerint? dextrè tamen per ipsosmet Legatos, aversa est ab literarum latore culpa, in seniculum quendam, prorsus facti expertem: qui præstito juramento super facti ignorantia, liber à calumnia evasit. Iam CORVINVS secretiori charactere interpellaverat Legatos: à quibus vicissim, proprio, & Ducum Curlandiæ Nomine, multis nominibus commendatam receperat salutem. Ministri literis transferendis adhibiti excubitores, æquè apud CORVINVM ac apud Legatos invigilare alternatim soliti; scribendi modus primùm Arithmeticus, mox ceparû, vel citriorû succus ad secretum

Litera-
rum com-
mercium
inter Le-
gatos &
Caesari-
um.

187

tum caelandum inventus. Quâ ratione Sibi sa-
litem, & quicumq; occurrebât in Vrbe rumo-
res, ferè indies transmittébât: vocabulo quidem
impares, pari tamen forte & modo tractati,
fermè nostris se agnoverunt Austriaci æqua-
les, cùm se ligatos Legatos, familiari scripto
appellarent. De consensu Magni Principis,
amandabatur Cursor Austriacus Viennam, itu-
rus per Poloniam. Præmonitus à Legatis
CORVINVS de dandis clam literis, in Pa-
triam, certò & securè deportandis, hanc A-
rithmetico stylo scripsit schedulam, Supremo
Cancellario Magni Ducatûs Lithuaniae.

Præcau-
tiones in
Patriam

*Pacem Vobis proficiam, non nisi in hostico spe-
rate.*

*Accelerandum huc quàm maximè, quousq; ino-
pes consilij, ad seditionem pronos invenire potestis.*

*Si hac æstate finem bello non imponetis, vel nul-
lam, vel post multa tempora, pacem sperate.*

Tria hæc Regi suo, cautelæ loco transmiserat,
quæ si intercepta fuissent, Legati proditionis
suspicionem non evasissent.

187

Hoc

188

Hoc anno extremū obiit diem Georgianorum
Princeps, Moschis dicitur HRVZDZINSKI
CAR. Is ad littora Caspij maris beneficia-
rium à Magno Moschovix Principe acceperat
imperium. Vicissim Moscoviam mittere iussus fu-
um ex Fratre Nepotem, unâ cum Matre, vel
in spem imperij paterni. educandum, vel
pignoris loco habendum. Octavum iam supra
decimum annum Princeps ille attigerat. Di-
gnitas ejus Moscovæ non ultra titulos Regales
processit: in publico proximus lateri Magni
Principis assistebat; in conviviis ab eo instru-
ctis (nunquam enim Moschorum Principem
excipi convivio à subdito fas est) non inter
Procures, sed Regio more, proximus Ducali
mensæ assidebat, quasi vetustate dominij, &
spe imperij, post fata l sui patris obtinen-
di, ad id gloriæ culmen proveheretur. Omni-
um bellorum comes individuos Magno Duci ad-
erat, suam dignitatem in obsequio Maiestatis
collocans, ad quam spe ingenti affurgebat: non
quàm illi è suo sensu pendens libertas, pacis
an bel-

Hruz-
dzinski
rum Re-
gulus Mo-
scovæ.

an belli rationes sequeretur? arbitrium Principis pro lege erat: cæterum quò altiùs suapte naturâ in obsequium prono Moschovitico Exercitui, reverentiam sui imprimeret *Carewicz* H R V Z D Z I N S K I, Rcx sine populo, Dux sine Militibus, graves sed inanes titulos in castris præseferibat. Equi nusquam illi concessa facultas, sed quoties in publico comparendum erat, consulto Principe, Ducalis equus, aut carpentum (non inelegans tamen) H R V Z D Z I N I O, pro una aut altera hora commodabatur. Victualia & pecunia ex ærario Ducali hebdomadatim providebantur. Celsa alioqui, quia Ducali Solio vicina, ejus in Moschovia dignitas, non supra invidiam Procerum assurrexit: petebatur undiq; odiis & calumniis, hoc gravior omnibus, quò celsiùs iisdem eminere videbatur. Vix portas Moscæ, fama de obitu Patru sui attigerat, extemplò citra spem & quid ageretur ignarus, ad Castellum rapitur, (omnia enim agere ex improvviso & tumultuariè Moschi solent) in conspectum Principis adducitur, attol-

litur

litur Paternum ad fastigium, alienæ potentiae donum; beneficiarium accipit Regnum: iterq; in Hruzdîiniam cum Matre apparare iubetur. Decem millia *Rubellorum* cupri, & viginti quadragenæ Zebellinarum pellium, ei dono datæ. Ex semicaptivo iam Regulus, viâ publicâ, dives munerum, circumfusi populi plausibus superbus, domum honorificè deducitur. Vbi dū spem restituendi domini, & hætenus dubiè fluctuantia vota, servatâ Magni Ducis fide firmari gratulatur, anteq; discessum, numerosum ex amicis & sociis itineri suo describit comitatum; apud Senatum accusatur: illicò porta domûs excubitoribus firmatur, nemo admittitur, nec priùs remotæ excubiæ, quàm instructis in flumine navigiis, honorificè à Nobilitate Moschovitica, ad flumen deduci mandaretur. Quatuordecim navigiis maioribus, cum Matre sua; cidari conspicuo, & stipato famulitio Persarū more vestito, (quibus contermini sunt Georgiani) cum præsidario peditatu (nam Wolga latrociniiis Donensium, è Tanai, per paludes & cannas irrumpentiū

*Regulus
in Patriam
suam
destina-
tur.*

pentium obnoxius est) solvit è portu, in Occam, & Wolgam, ac usq; Astrachaniam appulit: inde mutato consilio, Moscoviam retractus, donec iterum expediretur in Patriam. Mater ejus discessura, per Medicum CORVINO ore tenùs transmisit salutem, distitans: Filij sui sortem, ejus Fortune esse consimilem: comprecata à Deo utriq; veram libertatem. Discessum ejus spectabamus de Supremo domùs fastigio.

Captivorum quispiam, abiturus liber in Poloniam, mendicans ad portam GOSIEVIA. NÆ domùs comparuit: ei schedula Arithmeticè scripta, (reddenda M. D. L. Supremo Cancellario) pani inclusa, porrecta; quæ has præcautiones continebat:

Præcautiones in Patriam missæ.

Carvete, Ne à bello desistatis.

Ne Moschi Captivi vendantur.

Ne fidem infide Genti præstetis.

Ablegatorum explorationes vitate.

Pacem si bonam vultis, in hostico querite.

Quosdam amicos nostros, sibi hîc non deesse scitote.

Aliud moltò prolixius scriptû, per portû Archàngeli

geli Dantiscum, & Varfaviam, eidem M. D. L. Cancellario, transmisit.

Duo sunt, quibus Moschorum salus in casu extremo, desperatisq; rebus nititur.

Primò Legatis mediationem offerentibus, sistere pericula, & obtinere desiderata sperant. Secundò. *Præcautiones alie.* Omnino sibi persuadent, bellum brumale Polonis ipsi brevi grave futurum; dum contra potentiores armis Polonos, pertinaci obstinatione certabunt Moschi: omnibus, quæ sua sunt, in arcibus conservatis, leve damnum in iactura pagorum habituri.

Utrumque serviet pro remedio.

Ad primum. Videntur quàm humanissimè excipiendi Legati omnium Principum: non neganda mediatio, servatis servandis, & provisâ prius per eosdem, ante præliminaria, recuperatione Captivorum, tanquàm primum experimentum fidei & valoris horum Mediatorum, & vera ad pacem propensionis Moschorum. Quâ in re, promissis minimè fident, donec effectivè restituantur: ostentare enim Captivos, non commutare, illis solenne est.

Ad secundum. Sic res gerenda, ut appareat
Aa Polonos

Polonos hic vivere velle, neq; ante confectam pacem, in suam Patriam redituros.

Cum Suecis & Tartaris, magno pretio pacem querunt, sperantq; venalem. Vos infinito prosequuntur odio, & magnâ vindictâ flagrant cupiditate. Hic omnem suam gloriam, & commoda, ignominia damnisq; Nostri aucturi, quicquid per Suecos illis demitur.

Adiuro Vos, ne hac, à me scripta vulgentur: meo alias, meorumq; interitu oblitteranda.

In Polonia generalia Comitata Regni, & M. D.L. indicta; IOANNES CASIMIRVS dum viribus ætateq; adhuc benè valeret, futuræ pacis, quietis, securitatis, providus; rebus Polonicis, præfertim iam nunc adversus Externos, bello florentibus, omnia ad avitam pacem per Electionem novi Regis, Se vivente instituendam reducere decrevit. Ingentem ergo ordinum frequentiam, ad Comitata collectam, eiusmodi allocutus est oratione.

Oratio
Regis
Polonia

Non dubito quin propositio mea (qua in partibus Comitatus, circa Electionem Me vivente instituta

instituendam, scripto Meo innotuit) admirationem aliquam in Vobis excitaverit, ex insolita ceteris Principibus condescensione; dum Me vivente liberis Vestris suffragiis, Electum cupiam videre Successorem, quem naturali serie relinquere, Fata invida Mibi denegârunt. Nec illud Mibi incertum est; rem adeo insperatam, variis sinistris interpretationibus obnoxiam esse; quas ut candida declaratione Mea extinguere, æquum videbatur, sermone publico pressas hactenus Regali pectore, Patria ferventissimas intentiones Meas depromere. Imprimis neminem velim existimare, Me de repente & inconsideratè id consilij arripuisse; etenim ab Anno millesimo sexcentesimo quinquagesimo quinto, post obitum ultimi Fratris Mei, ipsemet ætate gravis, extra spem prolis propagande, iamq; Supremus Domus Mea Hæres, considerabam, id à Me deberi huic Patriæ, ne post fata Mea, supremum illi fatum, cum inseparabili ruina incumberet. Sed ob emergentia indies nova bella, dilata necessaria proposita resumpsi, quamprimum Respublica à cladibus respirare capit.

Considerans itaq; iam ducentis annis ex linea Ma-

Aaz

terna

pro insti-
tuenda
Electio-
ne se vi-
vente q.
Iulij
1661.

terna: septuaginta ex Paterna, Domum Meam, liberis Vestris suffragiis, in hoc Throno Regnatricem sedisse: Memetipsum in hac Patria natum, educatum, à Vobis electum, regnare: optabam hoc monumentum gratitudinis, in mentibus Vestris relinquere, ne Beneficiorum, vicissim & Domus Mea amor, Mei q̃; memoria, simul Mecum emoreretur: sed ut etiam post Fata Mea, gratam recordationis memoriam, in cordibus Vestris possem continuare, inductis Vobis, per consilium assensumq̃; Menm, ad liberam Electionem, quam nonnisi Me vivente, liberam esse posse existimo.

Dumq̃; examino vires Meas, quâ ratione postremus Familia Jagellonica Hares, possem huic Reipublicae continuatum in Domo Mea Imperium compensare, nil efficacius invenio, hâc meâ propositione; super quam securè effari possum; Popule mi, quid amplius tibi facere potui, & non feci.

DEVM appello testem, nullum Me privatim bonum intendere: nam Ego per legem mortalitatis, omnia Mea & Domus-Mea Fata, Mecum traham; nec video, cur in hoc negotio, intentiones Meae haberentur.

berentur suspecta, in quibus Mei videor obli-visci; immò absq̃; reflexione Me expono variis Regnantium casibus, Polona Gentis virtuti, Meoq̃; in presenti actu Heroico amor, erga Regnum hoc, confusus.

Protestor, ante DEVM hoc genere cessionis nullum arcta Vestra libertati praeiudicium, aut fieri, aut Me facere, intendere: immò in conscientia existimo, nullo modo libertatibus Vestris melius provideri posse, nisi per Electionem Me vivente instituendam.

Quò verò certiores sitis, ex Mea parte polliceor, Me relicturum Vobis omnia requisita libera Electionis: Eum approbaturum, quem Vos elegeritis; dummodò sit Catholicus, antiquâ Principum Familiâ oriundus non Vasallus vicinorum Principum, aut recentem creatus Princeps, aut ob arbitrio & nutu alicuius Principis, minus Christiani, dependens; aut Turcicum bellum secum invehaturus. Deniq̃; ut sit Me longè annis inferior, & vegetior.

Atinus opto eligi aliquam ex his, qui in Persona bellum gesserunt contra Poloniam, ne per vim
& po-

Et potentiam; Tyrannico quodam modo occupare hoc Regnum intendat.

Minimè necessarium duco, huiusce Electionis recensere commoda; non latent pericula Interregnum; id solum repoco in memoriam, quod quantumvis saepenumero Respublica feliciter superaverit Interregna, nihilominus aeo presenti certò & evidenter ei foret succumbendum. Aetas illa Maiorum Nostrorum, simplicitatem, sinceritatem, amorem recti coluit; firmior erat unio animorum in Republica, non ita potens audentium ambitus. Ignoti eramus Principibus Externis; ignorarunt, in quos usus illis valere poterat Nostra Potentia, nullis promissis in partes Nostras inclinati, imò egestas & contempta ruditas Nostra, longè eos à Nobis, Nosq; ab illis avertēbant. Nullus tunc in Republica mercenarius miles, nulla seditiones militum audiebantur. Nullum suberat periculum, aut metus, ne Pars una, per potentiam alteri Regem imponeret; aut si id contigit, nil à finitimis, Partes metuebant. At hac temporum tempestate, omnia hac mala Patria imminent: utinam sim falsus Vates: certum tamen est, absq; hac Electione

Ectione cessurā Republicā in direptionē Gentium. Moschi Gentēs; Russorū, linguā & ritu sibi cognata, sese vindicabunt, Lithuaniam sibi destinabūt: finitimis patebant confinia Maioris Poloniae: de Prussia Sueci & Brandenburgici, aut pacifcentur, aut digladiabuntur. Inde Domus Austriaca, quamvis sanctissimas gerat intentiones, in tanta direptione, Extraneorumq; vicinitate, sibi non deerit. Vnusquisq; enim partem Poloniae, armis quasitam; quam totam, antiquis libertatibus contra Principes tutam, habere malet.

Quis tandem sponsor? num Exercitus Noster, alienius Principis non augebunt vires? an signa sua signis alicujus ex rapientibus Imperium, non sociabunt? Novo quoq; in Republica Kozacorum Statui, ut licuit Me vivente ad Remp: accessus, ita Interregni tempore omnia audere licebit.

Velitis itaq; considerare, non posse esse liberam Electionem, nisi Me vivente, nec Vos fallat nimis moris vetusti amor; dum Regna pœnè universi, novas indies veteribus surrogent consuetudines, recentesq; rationes inveniant, quibus novas pariant, partaq; fortunas tueantur. Amplectimini supremum hunc Patrem.

Paterni affectus Mei conatum; Vobis, Posteritati, quàm optimè consulite. Nec differatis hanc Electionem ad feliciora tempora; nam hac ipsa, in quam tot tantisq; votis ferimini, felicitas tēporum Vestrorum, dependet à presenti Electione multum ex præconcepta ambitione remittent illi, qui huic Regno suprema mala moliuntur; ubi adverterint adversus sua arma, Vos validis infuturū munitos consiliis. Concludo hunc supremū in Throno Vestro sermonem, Divinā exorans Maiestatē, ut eam in Vobis excitet mentē, quatenus præsens sincerus, & ab omnibus Meis privatis commodis purus amor, jaciatur in animis Vestris solidū erga Me perennaturæ gratitudinis fundamentū, & suggerat consilia, ex quibus publica felicitatis celsa aeternaq; moles assurgere possit. Certus sum deniq; quod ejusmodi Meus affectus idipsum magis firmabit, ut in obsequio & fide Mihi jurata, ad extremum vitæ Meæ terminum, exemplo Maiorum Vestrorum, constanter perseveretis.

Aperta hæc Regis intentio vix in aliquot Principibus orbi hætenus observata, ab Origine Du-

ne Ducum Regumq; Poloniæ inaudita, grandem in Proceribus utriusq; Gentis admirationem excitavit: rapuit obtutus omnium, privatis tenebris se involvens Serenitas, solis magnorumq; siderum naturam imitata; quæ tunc vel maximè observantur, cum aliquid in illis ex more mutatum est; tunc omnium vultus in cælo est. Sol spectatorem nisi cum deficit, non habet; nemo observat Lunam, nisi laborantē: tunc Urbes conclamant, tunc pro se quisq; non vanā trepidat superstitione. In mores vitæq; privati cuncte Rege, simul orbata Maieestas, simul Statûs Regij mutationē secuta est grandis in Regno confusio. Ivère in diversas sententias, discordes Civium animi, intestinis motibus tota concussa Polonia, Civiliū bellorum semina, in cognatas acies, domesticæq; prælia excreverunt, formidatumq; hostibus ensen, vidit & doluit Polonia,

In sua Civili conversū viscera dextrâ.

Domesticis in Polonia tumultibus, ad arma excitata Turcia: ita suis & alienis viribus in Patriæ ruinam laboratum. Suspiciabantur non

vanè universi in viduatam Principe Maieſtatem obtrudi *Condaum*. Iam jura libertatis, tacitis factionibus violari, ſerviles tegi fallacias; bellum in Imperium favorabile Gallis, jam prope excitari manifeſtè videbant. Electionem hanc vivente Principe, libertatibus ſuis, & à Maioribus recepto uſui, pernicioſam fore, iudicabant. Pars, Regni compètitores (Fæminæ Principes præſertim, fæminarumq; conſiliorum in Aula ſequaces) pleniffimis aſſentatione encomiis celebrant. At Exercitus, ſuis viribus ſtare Rempublicam, ſuis victoriis augeri, ſe Maieſtatis cuſtodes, ſuo arbitrio Principes ad Solium ſublimandos (Procerum, bellicus Ducum, inſtinctu) teſtabantur. Cuncti verò potiſſimā rationem adverſus Electionē prætendebant, metum publicum; ne *Conda*o abſolutū imperium factum, Genti Auſtriacæ hoſtile redderetur. Dum ita inteſtinis motibus tota concutitur Polonia; CORVINVS ſeu præſagā mali mente, ſeu in Patria perſpecta habens Civium ingenia, in varios diviſa ſenſus, ſibi quidem

dem in Moſchoria moriendum; dum bella conſultò pro enervatione Civium trabentur; Patria verò domeſtica & externa mala ingentia prædixit. Sc- *Iudicium Goſſerij de Electione.*
cutæ inde namq; ſeditiones militum, Civile bellum, clades Regionum geminatæ. At ubi hi omnes conatus pro inſtituenda *Condei* electione ad votum non cederent, obitus Reginae, & Regis abdicatio, extremum deniq; malorum, gravis belli Turcici tempeſtas, in *Podoliam, Woſyniam, Ruſſiam, Vkrainam* effuſa, nil niſi ſubverſionem Gentis, certumq; interitum Poloniae minabatur. Et hæc quidem humana volvebant conſilia, ignara quòd vagum Imperium fata deſtinarent **Genti**. SOBIESCIANÆ: ut jam tunc aucti Turcarum ſucceſſus, & altiùs elata potentia, graviore pondere olim ad Chocimum & Viennam victore gladio IOANNIS Tertij rueret, proſtigareturq;. Interea magnorum negotiorum curâ diſtracto Regno; clarus in exilio, carus amicis, deſideriis Civium revocabatur in Patriam, Patriæ indemnitati in carcere emoriens CORVI-

*Marschal
ei oratio
pro libe-
ratione
Corvini*

N V S. Equestris ordo solenni oratione, Regem Senatumq; per Marschalcum precatus est, ut quâ ratione **VINCENTIVS CORVINVS** delictum Patriæ, in Patriam revocaretur, inirent modos. Rex non difficulter & ipse Civis Emeriti fervendi cupidus; præbuit assensum. Quatuor Moschorum Generalissimi ad Czudnoviam & Połonkam capti, pro Eo uno restituendo, decreti. Scilicet: *Kniaz Osip Iwanowicz Sczerbaty*, Senatorii ordinis.

Kniaz Siemion Lukicz Sczerbaty Campi Dux

Kniaz Gregory Ofanasewicz Kozłowski Campi Dux.

Iwan Akinfieion Campi Dux.

Actum ea de re â Cancellario Magni Ducatus Lithuaniae cum *Zamiatnio Careo* Ablegato: sed cum is negaret â suo Principali, sibi datam potestatem, hâc de re quidquam statuendi, liberalis declaratio Magno Moschoviae Principi, in vim donationis, (salvo Iure & charactere **GOSIEVIANÆ** Legationis) per *Zamiatnium* scripta est: ac ipse **GOSIEVIVS**

in nu

in numerum Legatorum, lege adscitus. Legatis iniunctum, ut posteaquam inter Principes per Ablegatos de tempore & loco fuerit conclusum, eâ res deducerent, ut inter utramq; Gentem, ex tot cadibus nova indies nascentia bella tandem opprimerent, & cum publico bono, lites ad desideratam pacis tranquillitatem reducerent. Idem urgentissime instare iussi, ut **CORVINVS** ad initium tractatum statueretur, qui non modo militari, sed ad præsens Legatus, circumventus & captus, contra fidem jurejurando datam, contra Iura Gentium, iniuriosè, in præiudicium Reipublicæ, Moscuam deductus.

Cum reditu *Zamiatnii* meliora sperabantur: dum liberalitate Divinâ, adeo dives Polonorum Lithuanorumq; esset Victoria, ut de sua præda, pro unoquoq; Civium, aliquot Moschorum capita donarentur: ac insuper (insuetæ aliis annis) Ducalis Clementiæ indicia, libertatem præfagire viderentur. Nam cum *Zamiatnio* unus ex familiaribus **CORVINI**, cum literis, medicamentis, vino, pecunia, &c: rectâ eundem accedere, ac totos quindecim dies vivere & colloqui

colloqui liberè permissus. Regiæ literæ cum-
primis spem auxerunt.

IOANNES CASIMIRVS D G.

REX Polonia, Magnus Dux Lithuania &c.

Perillustris, Sincere Nobis Dilecte.

Æquè anteaetis annis, fidele consilium Sinceritatis Vestrae presentis estimabamus, ac nunc; quando Divina bonitas, amplissimè auxit res Nostras; externa & interna undiq; removit mala; spoliis, Victoriis, trophæis ditavit Nostra Regna, estimantes idem consilium Sinceritatis Vestrae, decrevimus cum Ordinibus Regni, in presentibus Comitibus, pacis artibus magis quàm belli; cum Moschorum pacisci. Designavimus Commissarios Nostros ad Tractatum pacis, includendo Sinceritatem Vestram. Què, quandoquidem presenti calamitati iniqua sors involvit, per convulsionem Iuris Gentium, urgemus restitutionem Sinceritatis Vestrae; inde facile estimaturi in vicino Principe, sincerum desiderium pacis sancienda. Non dubitabit itaq; Sinceritas Vestra esse Nobis cordi, totiç; Reipublica Sinceritatis Vestrae liberationem: quandoquidem omnes possibiles adhibemus
ratio.

rationes, exoptantes quàmprimum usui Nostro, Sinceritatis Vestrae presentiam. Quem interea benè valere cupimus. Dabantur Varavia XXV Iulij MDCLVI. Regni Nostri XIV Anno.

IOANNES CASIMIRVS REX.

Rebus sic in partem Nostram dispositis, iam proculdubiò currens autumnus carceris ærumnas terminasset, ni recens dybium Moschos, in novas furias egisset. Nonnulli Proceres Regni, cum numerosis Moschorum capitibus ad Czudnoviam captivatis, expediverunt Moscuam Adamum Myslischenki, dato mandato, ut de commutatione GOSIEVII quidem primariam curam gereret: veriùs, ut litrum pro Captivis, (quod ii portæsi carceris ærumnas, ultrò obtulisse ferebantur) ex thesauro Magni Ducis numerandum exigeret.

Smolensco Moscuam præmisit Captivorum aliquot, in Poloniam redituros, si litrum negaretur. Vbi Moscuam ventam est, promissâ comâ, vesteq; squalidâ, quæ immâni servitute carcerisq; pædore confusos testaretur, cum
suppli

*Mysli-
schenki
Venales
Moschos
proponit*

supplici libello humi coram Magno Duce, procubuerunt; tum ingentes Polonici carceris exponunt calamitates, obrui se laboribus, quotidie cadi, fame enecari; boum loco trahi à Captivis aratra; hisq; cruciatuum modis litrum à Se extorqueri, firmissimè asseverant. Longè disparem esse sortem suorum sociorum, qui apud Lithuanos Captivi aluntur liberaliter, reservati pro mutua Lithuanorum Captivorum commutatione. Suos itaq; subditos, in Tauricam Chersonesum Tartaris venundandos, nē litrum persolvatur: hos presenti calamitate, sublevaret Magnus Princeps, supplicant: Gens auri tenacissima, nec alienæ par cupiditati; insuper indignitate rei permota, non Ducem solū, sed Regem quoq; contumeliis dirisq; (quæ sola impotentis furoris arma sunt) impetere; Mysliszeviū verò conspectui Principis admoveri, & in Urbem etiam admitti, dedignata: sed hāc & illāc indignissimè, per præruptos montes flumini impendentes, & vicos, pertractum potius quàm deductum, in GOSIEVIANO carcere, præsentē Almazio Supremo Cancellario,

rio, Legationis summam proponere iussit. Postulabat quidem ille eliberari CORVINUM per commutationem Simeonis Szerbaty, nuper ad Połonkam capti, Nomine STEPHANI CZARNECKI; sed omne convertit studium ad litrum extorquendum. Tres dies hinc nundinis Polono Nomine indignis, speratæ Captivorum libertati perniciosis, impensū CORVINVS, cæteriq; Captivi, moniti à Moschis: suam rem geri: se quidem ad præsens litrum persoluturos: nihilominus suis captivis receptis, erogatum aurum in triplo à Polonis extorsuros. Si qui in Tauricam venum deportarentur; scirent, vicissim se à Moschis in Persiam, aut ad Kalmykos, venum deportandos. Non paterentur itaq; in oculis suis se proponi venales, sed acerrimo sermone, Mysliszevium ab incepto deterrent. Quarto die, easdem nundinas iterantem sine fronte Mysliszevium; modestā & ad gravitatem compositā oratione perstrinxit CORVINVS: Constare sibi (ait) ex publicis privatisq; literis, cordi esse Sacra Regia Majestati, Senatuiq; suam liberta-

Moscho-
rum sen-
sus.

Gossevii
sensus.

Fervor
Captivo-
rum.

bertatem, cum exposcentibus Ordinibus, multoties flagitaretur, seu generalis omnium, seu particularis Captivorum commutatio. Diceret itaq; Hospes, aut mercator: publicane an privatâ auctoritate hinc appulerit? Sin privatâ: hanc publicæ postponi debere. Vbi amore Concivium, sociorumq; agendum: desisteret nundinis, aut praeferret auri Civium libertatem, monuit. Exceptus deinde cæterorum prudentibus, at simul ferocissimis orationibus, indignantium, se emeritos in Patria Cives, generosa stirpe oriundos, annis tribus, in alieno solo emori, plurimos clavissimorum Concivium, à Patria, & ab amicis exules, iam decimum sub alieno Principe agere annum, multos in carcere nasci, ibidem educari, ibidem aquê Parentes ac liberos, inter mutuos singultus miserè emori. Hunc verò advenisse, sui sanguinis mercandi causâ; permittereq; Generalissimum Illustrissimo sanguine ortum, quindecennali expeditione bellicâ, plurimisq; Victoriis celebrem; profusis opibus, ac demùm ipsâ libertate, post tot bella victoriis coronata, tot trophaea Martiâ virtute erecta, gloriamq; orbi notam, vitam deniq; tot mortibus

bus pro salute Patriæ toties objectam, infamî servitute terminare. Nec erubescere se ipsos, tot in Patria, Nobilitate, ac rerum gestarum gloriâ cuiq; pares, multis superiores. Quò Concives vendidisset &c. &c. Hic jam pudor avaritiam vicit. Accerrimas Captivorum querelas & indignationes, solo silentio, (quo suam impudentiam, crudelemq; auri famem liquidò testaretur) excepit inurbanus ille mercator. Adeò fervidi indignantium Captivorum spiritus, mirum in modum Cancellario, cæterisq; Moschis placuerunt, protestantibus, multa inde Captivis bona promanatura. Adducti insuper Moschi ex Polonia reduces, ibidemq; Tykocini, Kowliæ, Petricoviæ, fame, laboribus, minis, promissionem litri, à se extortam exprobrârunt eidem Internuntio. Quandoquidem Moschi commutationem nullam admittebant; Legationis ius, belli iure abrogatum CORVINO asseriebant; Szeremethium vicissim numero Legatorum suorum inscribebant, omni spe libertatis destitutus, apud avaros Concives commutatio-

Gossevii
apud Cæ-
patrio-
tas Polo-
nos Ve-
nalem
querit li-
bertatē

Ccz

nem

nem & libertatem venalem quæsiturus C O R-
V I N V S, *Myſiſzewio* ſeptuaginta millia flore-
norum pro Moſchoviticiſ Captivis refundenda,
pollicitus eſt, dummodo iſ pro omnibus Ca-
ptivis. (quorum venalia nomina attulerat) ſu-
am urgeret commutationem. Sed mercator
ille alienas opes venum apportatas præten-
dens, Captivos in extremam coniecit deſpera-
tionem: nam altero die venit ad G O S I E V I-
V M, Magni Principis Cameræ Secretarius.
Convocatiſq; Captivis, depromptit è ſinu longam
paginam, ejuſmodi in illos edictum continentē.
*Quemadmodum Moſchorum Gentis Captivi in Po-
lonia, maximis laboribus premuntur, muro valloq;
erigendo, edificiis inſtaurandis adhibentur, fame ene-
cantur, trabendis aratris implicantur &c. Polonæ
verò Gentis Captivi vivunt in Domeniis Moſcho-
via, otioſi, liberali victu & amictu à Magno
Principe providentur: inſuper magnis muneribus
tum à Principe Domo, tum à populo donantur: id-
circo edicto præſenti vicem rependente, declaratur:
ab hinc anguſtiori carcere, omnes Captivos detinen-*
dos.

*Edictū
contra
Capti-
vos.*

*dos, omniſ viſitū tertiam partem dandam, eru-
endoq; ſali ad Kamam fluvium addicendos. Sin ve-
rò ab hinc quempiam Moſchum contigerit vendi ex
Polonia in Tauricam, inſallibiliter G O S I E V I-
V M cum cæteris Captivis Polonæ & Lithuanæ
Gentis, ultra mare Caſpium, Perſis, aut Kalmykiſ
venundandos, edixit.* Ad refrenandam qui-
dem Noſtratum avaritiam, edictum hoc pro-
mulgatum: nihilominuſ omnes Captivi in Vr-
be archioribus ergaſtulis incluſi, gravioribuſ
quàm antea premebantur exeeubiis: nuſquàm ad-
miſſi cleemoſynarij: victuſ conquirendi ratio a-
dempta: ex ærario Principis ſolitæ pro Captivis
numerari impenſæ, ad tertiam uſq; partem di-
minutæ: complures ſali erundo ad Kamam,
& in Sibiriam, Tobolſcum, Aſtrachaniam,
Tierkum ablegati; nonnulli in via fame extir-
cti, pleriq; deſperatione acti, ejuſ Nationiſ &
ritu, & iterato baptiſmo ſuſcepto, intolerabi-
lem liberis mentibuſ Captivitatem, perenni
ſervitute commutârunt. Idem edictum pro-
mulgatum & executioni datū Tobolſci, in Si-
biri-

biria Kazaniæ, Astrachaniæ. Hæc mala, quæ crudelis. Concivium Nostrorum avaritia in Nos congeffit, tulimus fortiter, quamdiu hostilis elementia rigorem edicti non temperavit. Promulgato edicto omnes excedere cubiculo iussi; solus ille Secretarius formato ad condolentiam vultu, allocutus est CORVINVM, duro simul & culto stylo. Dolere (aiebat) se esse destinatum denuntiando tristi novo, nihilominus parendo voluntati Magni Principis, significare; Eum esse destinatum in Tauricam Chersonesum, Hanc Tartarorum iam promissum pro eliberando Szeremethio, nuper à Polonis in Tauricam abducti permissum. CORVINVS tristi ac inopinato nuntio minimè consternatus, ac in repentinis casibus extemporaneus, respondit: gratulari Sibi eam commutationem, quandoquidem Se tanto tempore, humido loco inclusum, arceri hominum visu & colloquio, destitui usu aura libera, usu equi & armorum, in publicum non prodire, nec præfigi Sibi terminum, quanto adhuc tempore sit torquendus, nec modum edici, quo vetus possit libertas amissa inveniri

Gosiewi-
ni in
Tauri-
cam de-
portan-
dus decla-
ratur pro
Szereme-
thio re-
speran-
do.

niri. Litrum illis more Patrio, nullum acceptare volentibus, commutationem Suae personæ pro quatuor Generalibus Campi Marschalcis non admittentibus, (nam impares eos omnes CORVINO Moschi declarârunt) et à pace abhorrentibus, Se cogi nihil hîc præter mortem sperare, & ipsâ morte gravio rem captivitatem justinere. In Taurica verò quisq; promisso litro Captivus, usu equi & armorum, hominumq; conversatione fruitur: quò placet excurrere finitur: tandem apportato litro, sine mora Patria & amicis restituitur. Insuper quandoquidem Sacra Regia Maiestas quatuor Campi Marschaleos Moschos, Suae Consorti condonavit, quàmprimùm quatuor prædicti, in Tauricam deportabuntur, illicò Tartaris pro uno, libentiissimè quatuor personas Officio Sibi pares, acceptantibus, Se liberum fore, respondit. Miratus ille extemporaneum responsum, erectis oculis obmutuit. Compertum tamen postea est, Moschos ejusmodi commutationem Szeremethij in Taurica attentasse: sed posteaquam MECHMET GIEGEV Sothan Han ob amicitiae iara cum Regno Poloniæ in-

Respondit
Gosiewi

ita & fideliter servata, assensum negasset, minis adoriri Captivum censuerunt Moschi.

Alter Secretarius eodem die Nomine Principis denuntiavit, liberam transmissionem literarum in Patriam per Myslszewium, propriis sigillis munitarum. Insuper concedi unius vel duorum è medio sui electorum missionem ad Regem Poloniae, pro impetranda Captivorum commutatione, abolitâ litri extorsione. Is demum sponse CORVINO caterisq; redire Moscuam teneretur.

Quamquam Myslszewio inter salutandum (Moschis fraudem non sentientibus) porrectæ iam fuerant schedulæ secretæ Regi Poloniae deferendæ, nihilominus publicè aliæ datæ literæ. De legendis è medio Captivorum, ablegandisq; in Patriam, diu dissentientibus animis deliberatum. Niewiaromscius hanc missionem ad se devolvendam (sponse Pristaro) sibi persuadens, elabi è diuturno carcere, non dissimulanter nitebatur: nonnulli ad se munus illud trahebant; omnes (prout in posterum ipsi passi sunt) non redituri. CORVINVS cum pruden-

Mitten
di in Pa-
loniam
duos è su-
is Corvi-
no factis
potestas.

Privata
studia eo
quirè de
libera-
tis.

prudentioribus: missionem in Patriam, libens omnibus precabatur; Suam sponsonem, Sibi exitiosam, negabat. Hinc Niewiaromscius Vatinianum contra GOSIEVIVM concepit odium, quasi is libertatem suam, malis licet quæsitam artibus, præpediret. Actis itaq; gratiis Magno Principi per eundem Secretarium, pro clementissima indulgentia, respondit. Quandoquidem Sibi nec litro, nec commutatione quatuor Generalissimorum præviâ, spes libertatis affulgeat, nec reditura pacis appareant indicia, nihil Sibi restare in Patriam scribendum; præter Sibi Suisq; luctuosum vale; aut de commutatione seu abolendo litro per aliquem ex suis agendum; maxime verò cum eâ de re, jam multoties scripserit Fratri Suo C H R I S T O. P H O R O P A C M. D. L. Cancellario, cujus auctoritatem pluris apud Regem & Rempublicam aestimari, quam omnium à se hinc ablegandorum, facile constat. Homini morbis & ærumnis, tum dubiâ expectatione pacis afflicto, hinc restat mortem præstolari. Quam indubiè secuturam præoccupando, Se literis ex Clementia Principis permissis,

Dd

anne.

Gosievij
responsu.

*Desperata
liberata
testamentum
transmittit.*

annexurum transmissurumq; in Patriam, supremam mentis tabulam. Verbis rem, scilicet testamentum sigillo munitum (non tamen prius aperiendum, nisi, dum constaret Eum vitâ excessisse) transmissit. Plurimas deinde schedulas Sacrae Regiae Majestati, alias Cancellario clam deportandas, familiari suo redeunti, credidit: fraus ut coram Moschis celaretur, ceptarum succo, secretum literarum occultatum, chartaq; serico aut pellibus involvendis (ut munditiei conservandae deservire viderentur) adhibitæ. Ac imprimis Regi Poloniae his verbis valedictoriae inscriptæ.

Serenissime ac Potentissime REX

Domine mi Clementissime.

*Reddita mihi sunt: literæ Majestatis Vestrae, quibus post præstitam Paternam mei sollicitudinem, innue-
re Majestas Vestra dignatur, Se fidele consilium meum ratione pacis incunde, etiam secundissimis suis rebus admittere, jamq; in præteritis Comitibus arripuisse: ac tandem pro ea restituenda utriq; Genti, Commissarios suos destinare; Me humillimum Suum*
Subditi

Subditi, eorum numero inscribere; demum omnes alias meae liberationis rationes, non intermittendas, adhibere pollicetur, per quas Majestatis Vestrae obsequio restituar. Sed ne iudicium Majestatis Vestrae fallam, scriptum ratione commutationis, (qualis hic affectatur,) transmittito. Quoad meam personam, superaddo: quandoquidem sic fata destinaverunt, hic pro Dignitate Majestatis Vestrae mori, sum paratus. Ut verò non tam intuitu viginti aliquot annorum, in obsequio Regiae Domus, ac toleratarum tot calamitatum, duplicatis carceris ac mortis arumnis, sed benignissimam Suam commiseratione, Majestas Vestra commota, Consorti & liberis Meis Clementissimus vivere Tutor, eisdemq; a superveniente invidia, post fata Mea, Dominus, Patronus, & Protector sit; similiter ut eorum omnium, qui sub regimine & signis Meis, vitam & obsequium Sacrae Regiae Majestati Vestrae dicaverant; maxime verò illorum, qui mecum pari calamitate involuti premuntur, dignetur recordari. Majestas Vestra, humillimè supplico. Procumbensq; coram Majestate Vestra, Regalem exosculor dexteram.
Mosca 30 Sept: 1661

Dd2

Sacra

*Sacra Regia Majestatis Vestra
Domini mei Clementissimi
Humillimus Subditus &
Obsequentissimus Servitor
VINCENTIVS CORVINVS
GOSIEWSKI.*

Clandestinas verò Præcautiones hasce transmisit in Patriam.

Si me idoneum suo obsequio Sacra Regia Majestas censet, dignetur injungere, ante praliminaria obstinatissimè urgeri meam eliberationem, nec prius ipsa praliminaria inchoari, nisi restituar: nam explorare Moschi intendunt, quantum terrarū illis decessura sit Respublica pro Me restituendo Patria.

Quamprimū autē nil decedi subintellegerint, me nullatenus sistent: Tractatus solvent.

Commutatio Captivorum cobibenda, antequam restituar: nam Moschi suos Officiales bellicos (quorum sunt egeni) recuperare student, Suos Captivos ceteros minus curant. Ni itaq; suorum Officiorum causa, me restituant, nullus alius valebit respectus.

Hoc

Hoc nū profuerit: Generales Moschoritici, arctissimè detinendi: hāc insuper declaratione adjecit: morituros in Polonia etiam pace partā, si me hūc mori contigerit.

Si Szeremethium pro Me requirent, declarandum; eum posse restitui, si quatuor Moschorum Generalissimi apud Vos Captivi, Tartaris resignentur. Eligant itaq; restitutionem qua placet, vel unius Szeremethij, vel quatuor Generalissimorum.

Moschi sua Gentis Captivos, partim promissis, partim litro recuperare intendunt. Idcirco decreta est, ex toto Imperio contributio pro suis redimendis. Postquā verò omnes suos eliberaverint, in duplo vel triplo aucto pretio, ne Polonæ Gentis Captivos vendant; videte.

Maximæ Pacis.

Nisi una materia concludatur, de alia vetanda colloquia: nunquam ultimam declarationem aperiant Commissarij, nisi prius Moschorum exploraverint. Id Nobis in Vilnensi Tractatu nocuit: cū enim Electionem Magni Ducis in Regem Polonia, Comitiorum decreto sancitam, manifestè vidissent, non
confi.

considerando conditionem restitutionis bello ablatorū, imō timori Nostro, adscribendo, pertinaciter inhaerunt Berezyna terminis.

Secrete conferentie utrinq; obrogandae: nam omnia plena sunt proditione. Minima quaeque hūc perscribuntur.

Obstinationibus Moschorum primis, minime cedendum: hūc enim ratione explorant nostrorum facilitatem, quae si cesserit Moschis ex voto, eadem obstinatione cetera extorquebunt.

Sub tempus Commissionis, nullatenus a bello desistendum; armistitia neganda: nam hoc concesso, in infinitum distrabent Tractatus; & Principis mandatum expectari causantes, contrahent Copias.

Verbis, promissis, legatiunculis, etiam juramentis, ne credite: imō contrarium sentiendum: quod magis jurant, magis moliuntur pernicioosa consilia.

Ablegatorum curam commendo: ne prater publicas personas, cum illis instituant privati colloquia; sub prae-textu enim mercatura, secretiora Moschis produntur.

Millies prae-moneo. Promissis non credite. Clem.

mentia officia vilipenduntur: Vestra officia reputantur pro metu.

Maximæ Belli.

Ex Anglia & Germania sperantur suppetiae. Avulsionem Tartarorum magnis muneribus attentat. Kozacos similiter incitant ad seditiones.

Nullū medium, sed extrema tentanda ad vincendum hostem: quandoquidem semper in adversis Patria Nostra rebus, simulationem, non amicitiam experti sumus. Idem etiam nūm queritur.

In Vkrainam Kurakinus, Softykorvius, Labanow, expediuntur. In Lithuaniam Dołgoruki, Chovan-ski, in Nostra Patria fructum belli quaesituri. Opprimendi quamprimum: his fractis, securus patebit via Moscuam usque: nulli enim alij Exercitus, prater mancipia Procerum, quibus quanquam falsū obtruditur libertas, certio-rem apud nos quarent.

Belli sedem in hostico figite; quamdiu enim non premuntur, pacis abhorrent consilia. Hic in consilio Bellum Offensivum decretum est.

Omnis Vestra felicitas consistit in hoc, si Moscua Exercitus adzoveantur. Idcirco inter Occā &

Wol.

Wolgam, conservationi copiarum omnia in integro relinquentia. Vltra Occam & Wolgam Tartaris permittenda, ut suos Tartaros è Moschorum iugo vindicent. Versus portum Archangeli quâqua versus cadibus & incendiis vastanda: nam inde opes ac peditatus, Principi & Proceribus proveniunt.

Mancipiis Procerum libertas concedenda: hac ratione odia inter Proceres, quæ innata & exasperata fervent, excitabuntur.

Robusti tenendi, imbelles dimittendi ad evitandam famem.

Populatione agrorum, bellum non conficietis; nam inclusi presidii, bellum dissipabunt. Expedit itaque sedem belli figere; fortalitia expugnare, expugnatis imponere presidia.

Defectus Moschorum.

Premoneo, maximâ fame Moschos laborare: nam populus quâvis abundet annonâ, odio tamen Nobilitatis, Oppidis eam suppeditare negligit.

Fremit populus ob bellum iniuste susceptum, & tam longè protractum: ob consumptos bello villanos ad Konotopum, Biasiam, Czudnoviam, Połonkam.

kam. Desiderio libertatis preestolantur nostros Exercitus: passim audiuntur detestari chordas Moschorum vitas.

Idcirco in Nomine DEI, serio redintegrate bellum: infallibiliter, more Sibi usitato, Principes suos vinctos Vobis tradent.

Res evidens, fugam hic parari: nam in Niżni Nowogrod Ducale erigitur Palatium; ubi nunquam Magni Moschoviae Principes habitârunt. eodem convehitur annona.

Si celeritate usi fueritis, plura meliora quàm sperare potestis, in tumultuante populo efficietis.

Sat sapienti. &c.

C A P V T VII.

Clades Moschorum ad Kuszliki. Confederatio Exercituum Regni & Magni Ducatus Lithuaniae. Occasio libertatis GOSIEVIANÆ.

Postquam Exercitus Regni arma & imperia Ducum exuisset, soli Lithuani contra Moschos in armis erant; hi Duce MICHAEL PAC Generali castrorum Lithuaniae Metato-

Ec

re,

re, illi *Chowanſcio* tot cladibus infracto Duce, non longè Polociâ ad ripas Dunæ caſtris poſitis, de ponte flumini imponendo, crebris & cruentis litibus decertabant. . . Varſaviæ ſolenni conſilio, generalis per Lithuaniam expeditio indiſta. Plurimi huic bello adjungendum *CZARNECCIVM* cum ſuis Copiis quæ à confæderatione immunes ſupererant, ſentiebant. Cancellarius Lithuanie *GOŚIEWIANIS* præcautionibus inſiſtens, Regiæ Perſonæ dignitatem & præſentiam, ad promovendum Lithuanie bellum, accendendosque in ſuſcepta expeditione Lithuanorum animos, perneceſſariam aſſeverabat. Itum in ejus ſen-

*Expedi-
tio Regis
Polonia
in Li-
thuaniam.*

tentiam. Rex in Lithuaniam proſectus, dum caſtra Lithuanorum erat ingreſſurus, *CZARNECCIVS* ſimul cum Polonis Regias partes ſequentibus, & Prætorianis, Regiam extra Regnum magnificè ſtipabat Majeſtatem. Cùm in proximo caſtra eſſent, nuntiatum eſt, Lithuanorum animos eâdem lue, quâ & Polonorum infectos, Ducum non ferre imperium.

Contra:

Contra Duces, Cancellarios, omnemq; Magiſtratum, fremere univerſos; imperij militaris dignitatem à *SAPIEHA* & *PACIO* ad *Zeronscium* translatum: non Tribunos jam, non Caſtrorum Præfectum jus ſuū obtinere: vigilias, ſtationes, & ſi quæ alia præſens uſus indixerat, ipſosmet ſuo magis impetu, quàm conſilio diſponere. Inſuper *Chowanſcium*, (cùm cognoviſſet in caſtris Lithuanorum omnia tumultu, ſeditione, diſcordiis & diſordine geri) noſtra mala in ſuas fortunas verſurum, ſeditioſis inhiare. Malorū cauſam eſſe non ſoluta ſtipendia militi: qui ne venalis videretur, ob formatam Electionem *Condeanum* vivente Rege, juribus Patriæ præjudicioſâ, iugū Ducū excuſſit.

*Confede-
ratio Li-
thuanica*

Quonam modo, ſeditione jam pæne lapſas res opprimeret *Chowanſcius*, tum inquietiſſimis intra ſe rationibus, tum collato cum Præſectis Militiæ conſilio, laborabat. At ſemel irata Moſchoviæ Fortuna, aliàs in belli evētibz leviffima, tenuit quam coeperat, in Moſchovitis premendis conſtantiam; nilq; tale me-

*Clades
Moſcho-
rum,*

Ec2

tuen-

tuentis *Chowanſcij* eodem furore, quo aliorum paulò antè belli Generalium, deluſit rationes, evertit conſilia, ſuperba oppreſſit molimina. Nam ſignis cum *Zeronſcio* collatis ad Kuſzliki *Chowanſcius*, memorabili clade, & quæ ſpem Martis Moſchovitici ad extremam deſperationem præcipitavit, ibidem deletus eſt. Petrus *Chowanſki*, Filius ſimul & Collega ſui Generaliſſimi, captus: præda opulentiffima lecta, caſtra direpta: *Chowanſcius* vix tribus quatuorve è leviori comitatu ſtipatus aſſectis, Polociam evaſit. *Naszkokinus* poſtquàm ſe cladi ſubduxiffet, per ſylvas quarto die Polociam pervenit. Actæ DEO, per decantationem Hymni, gratiæ: Regi advenienti in caſtra, victricibus fulgentibus inſignibus ordinatæ obviam proceſſere Legionibus: ſub hoc tamen genere militaris officij, glifcentis ſeditionis latitantes igniculi non obſcurè apparebant: nam Cancellarij, qui hucufq; Regem comitabantur ingreſſu victricium caſtrorum prohibiti. Felix hæc, & quæ univerſam priſtinæ felicitati Lithuaniam reſtituit

tuit, Victoria, ſeſto tormentorum ſono circum jacentem latè implevit viciniam. Signa centum triginta de hoſtibus capta, pedibus Regiſ ſubjecta ſolenne epulum Triumphatori Principi exhibitum. Moſcæ verò adeò ſoleni trepidatione pallori & pavori eſt litatum, ac ſi jam Poloniæ Rex, Urbis portas Victor ingrederetur. Nihilominus Moſchis propitia Numina, extramum averterunt inde exitium, unde ingens clades imminebat. Quippe Militi, ut arma, foris nobis quàm domi, utiliora potentioraq; in opulentiffimas Moſchoviæ ditiones promoverentur, nullatenus perſuaderi potuit. Prædâ actâ è territoriis, Pleſcovienſi & Magnæ Novagardiæ in profundiori Moſchovia, Kobryniam Miles regredi decrevit.

Rex novâ auctus victoriâ, in Oppido Głębokie Moſchoviticum Ablegatum audivit: at is jam liber metu, non pacem ſed mediationem Cæſaream opponebat. Hæc eadem victoria parens erat illius felicitatis, quæ Vilnam Magni Lithaniæ Ducatûs, jam inde à G R-

DL

Lithua-
ni Ko-
bryniam
regredi-
untur.

Rex
Vilnam
recupe-
rat.

DIMINO Primo illius Conditore splendidam ac Civibus numerosam Metropolim, Moschovitico jugo vindicaram, pristinae libertati restituit. Sex illa annorum, mensium trium, dierum viginti quatuor, servitutem, sub Principe Moschoviae perpeffa, hanc demum diem anxiiis desideriis expectabat, quâ victoriosus Rex, illam avito iure suam, à Moscho iniquo bello occupatam, novis victoriae titulis propriam efficeret. Favere desideriis Civitatis, gemitibusq; Captivorum Civium, Superi: post varios enim assultus, promiscuasq; Polonorum Moschorumq; cædes, tandem per deditiorem, Captivatumq; à suis Governatorem, Arx, & Vrbs in manus sui Principis devenere, die secundâ Decembris, Anno millesimo sexcentesimo sexagesimo primo. Lugubris hinc in præsens tristium, lætorum olim, occurrebat imago: ob innumeras pæne ruinas, Vilna Vilna *quesita in media*. Iacebant magna mole dirutæ ædes, ædibusq; oppressi cum suis facultatibus Cives, vindicem gladium implorare videbantur: *Exoriare aliquis nostris*

nostris ex ossibus ultor. Exusta mænia, direptæ, tot Ducum laboribus collectæ ad splendorem Civitatis opes, *squalentia liquit Fana decor:* magnæ deniq; Urbis, nil visebatur, nisi magna vestigia; omnia tamen in victoria habita.

ZERONSCIVS Confæderationis (uti vocant) Marschalcus, qui suam ætatem armis propè excoluerat, non jam Militibus, sed Ducibus belli par, etiam aliis exercendis, ad arma cogendis, in aciem producendis, à **VINCENTIO CORVINO** Duce absolutissimo, artis bellicæ prima rudimenta se didicisse profitebatur, usq; adeò gratè studioseque; ut Eum non secus ac Parentem, singulari veneratione, æquè liberum ac Captivum recoleret. Idcirco Rege consulto, suavitè Militi ineundam Legationem ad Magnum Moschoviae Ducem, quâ Generalis sui hucusq; Captivi repeteretur libertas: facile persuasum ambizioso populo, utrumq; decorum fore, & Legationem ad Externum Principem iniri Exercitus nomine: & ad sua postulata magnum Nomen liberum posse

pronum

*Legatio
ab Exercitu
ad
M. Moschoviae
Ducem
pro liberando
Gostevio*

pronuntiari. VLADISLAVS SOKO-
 LOWSKI huic muneri idoneus à ZERON-
 SCIO delectus, Moscuæ non impigrè rem-
 egit. Literas primum Magno Duci inscriptas,
 in Cancellaria deposuit: (nam per modum
 supplicis libelli excipi hanc Legationem Mo-
 schis placuit, audientiae gloriâ inter pares
 Solio reservatâ.) Tum colloquium cum Pro-
 ceribus super eliberatione CORVINI, cõ-
 mutationeq; Captivorum Lithuanorum, absque
 omni litro, institutum. Cunctabundos Moschos
 compellavit: *rem geri cum Exercitu armis poti-
 ùs, quàm tractandis colloquiis assueto. Pacem itaque
 an bellum Moschi vellent? requisivit. Pacis con-
 silia probantibus, hanc nullatenus coalituram, re-
 spondit, ni ante omnia restituatur, destinatus pa-
 ci conficienda omnium votis CORVINVS.
 Si bellum? se eò usq; pro libertate ejus decertaturos,
 donec utralibet pars intereat.* Admissus ad
 CORVINVM, in cujus obsequio tenerior
 educatus: exceptusq; cum compluribus *Prista-
 vis liberaliori convivio, eadem Moschis impe-*
 riosè

riosè repetebat. Interea postquàm inibi, dex-
 trè ingentem literarum fasciculum sedili sub-
 jecisset, (re indicatâ) discessit. Diù su-
 per eliberatione CORVINI deliberatum
 in Senatu, tum vindictam carceris perpessi
 metuente; tum ambigente, ratamne eam com-
 mutationem Rex esset habiturus. THEODO-
 RVS RTISCZEW Marschalcus Ducalis
 Curiae, post mediam noctem (omnia enim
 consilia, convivias, colloquia, noctu plerùmque
 peraguntur Moscuæ) insperatè invisens COR-
 VINVM, idem proposuit dubium, simul quòd
 Plefcoviensium & Nowogradensium agri, lon-
 gè latèq; fumarent incendiis, & inter ipsa pa-
 cis consilia, bello à Lithuanis premi Moscho-
 viam querebatur & exprobat: num non pos-
 set cum ZERONSCIO concludi armisti-
 tium? pro quo arte aut auro comparando, jam
 miserant Moschi Internuntium. Tandem al-
 terâ nocte, apud se CORVINVM & Ab-
 legatum, benè sperare iussit.

Subsequentibus diebus in Aula DOŁGO-
 FF RVKII

R VKII, Patronus domûs in præsentia RTI-
SCZBVII, STRESZNIOVII, AL-
MAZII, exorsus est orationem ad COR-
VINVM, jam serâ nocte hoc ordine. Pri-
mum omnium loquacissimè simul fastuosissimèq; ex-
tollebat sui Principis vires, potentiam, opes: tum
fidem Procerum populiq; erga Principem. Quibus
artibus res Moschoriticas, extra metum omnium
Exteriorum stare invincibiles, jactabundus exponebat.
Principem suum Clementissimum, quanquam is
validis confidat artibus, neminem metuat, imò o-
mnibus Vicinis metuendus existat; nihilominus uti
debet Principem Christianum, ait non abnuere pa-
cis consilia, interventione Subditorum. Quod ut
luculentius tum Polchia Regno, tum ceteris Vici-
nis testetur, insistendo Regia declarationi ratione
quatuor Campi Marschalcorum, CORVINVM
liberum pronuntiare edixit, non tamen prius Smo-
lensco dimittendum, nisi prædicti quatuor Mobilo-
viam sistantur. Quod verò incolumis servatus sis,
quod liber, honorificè, non obstrictus iuramento,
non infectus veneno, more Turcarum (inquit) sis
abitum.

Prima
declara-
tio liber-
tatis 27.
Ianua-
rii 1672.
6

abiturus, Ducalis Clementiâ, æternum eris exem-
plar. Hæc ab eo ad CORVINVM adje-
cta clausula, qui lætum nuntium nutu magis &
submissâ inclinatione, quam verbis excepit;
absentiq; Principi, tanquam præsentī (morem
Gentis imitatus) egit gratias. Admissis in
conclave cæteris Concaptivis, eadem gratia
commutationis denunciata. Per annos tres,
falsis super sua libertate rumoribus per Mo-
schos sparsis, indurati Captivi, vix quisq; satis
credere, se vera audivisse; potiùsq; vana somnij
ludibria, quam veros libertatis nuntios se intueri
putabant. Quò celerius finem malis suis
imponeret CORVINVS, mensem & diem
commutationis præfigi postulavit. Hæc no-
cte primum, non velut Captivus, sed Socius &
Amicus, (cujusvis enim Captivi apud Mo-
schos fors contempta & infima est) cum Pro-
ceribus, solenni cænæ à Patrono domûs in-
structæ admissus: quâ in longam noctem pro-
tractâ, ab eodem in conclave uxoris deductus
(id apud Moschos magni honoris & amicitiae

Cenâ ex
cipitur a.
pud Doct.
horukrû.

est indicium) eam splendide vestitam, more illius Gentis, inter salutandum deosculatus, caliculo vini adusti, & linteolo acu picto, ab ea donatus, ante auroram domum rediit.

*Secunda
declara-
tio.*

Ibidem post, secuta efficacior à Principe declaratio: diesq; deducendis Captivis utrinq; ad confinia, decima septima Martij dicta. Iterum epulo exceptus, deductus ad conclave, antè dicto modo salutavit matronam, ejusq; nulum: quibus apparata munuscula crySTALLINA auro inclusa dedit; & vicissim à matronis pileum Moschoviticum eleganter acu pictum accepit.

Moschis magnâ hilaritate gestientibus, eò quòd Lithuani, apud Polonos & Tartaros receptum litri usum detestarentur, SOKOLOWSKIVS datâ valedictione CORVINNO, Moscuâ dimissus. Dono accepit à Principe aliquot Captivos, & quidem ex familiaribus CORVINI, duos. Præter publicè scriptas, porrecta SOKOLOVIO clàm scheda: alias LIPNICIVS & SVCHO-
DOL-

DOLSCIVS globulis inclusas; IOAN-
NES DOMASZEWSKI vino adusto im-
mersas, cerâ & plumbo involutas, in Patriam
deportârunt.

*Varis
artibus
schedula
mittun-
tur in
Patriam*

Libertatis declarationem
Sibi datam, ut quàmprimùm ad ZERON-
SCIVM perscriberet CORVINVS, in-
fusus, adjectis rationibus, quarum maxima fuit:
*ne inter Gentes brevi amicas futuras, sanguis in-
noxius funderetur, bellaq; gererentur*

nullos habitura triumphos:

sic enim inclinatis ad pacem Moschis, per no-
vas offensas recrudescerent animi: conveniens itaque
esse, ut armistitio quàmprimùm factò, unusquisque
se ad sua recipiat, & tam commutationi Captivo-
rum, quàm ulterioribus pacis consiliis pacatus relin-
quatur locus. Hæc monita suspectam redde-
bant Moschorum declarationem: idcirco hæc
Præcautiones Regi Poloniæ, & Cancellario,
aliasq; ZERONSCIO transmissit.

*Ablegatus Moschorum Nestreiom in Poloniam, Præcau-
& alius ad Exercitum Lithuanicum, proximis tiones in
diebus expeditur. His injunctum est, ut impetum Patriam
belli*

belli Poloni sistant, eò usq; donec Legati (jam in Tauricam expediti) Principes Tartarorum, largitionibus corrumpant; ut inde vacui bello, facilius clades acceptas, Nobis rependere possint.

Meam libertatem cunctantur metu vindicta, neve Nostri à Me de statu rerum Moschoviticarum, de belli & pacis rationibus edocti, gravius illis incumbant.

Armistitia nulla admittite.

Legationes dolosas verbis duntaxat inanibus expedit.

Ne socios belli à Nobis arvellant, provide.

Promissis, quàmvis millies iurent, (nisi sint extremè pressi) non credite.

Libertatem Meam ante Tractatus urgete: hac enim Vestris rebus, & informationi, plurimum deserviet.

Captivos Moschoviticae Gentis, anticipativè non dimittatis, moniti indiscretionè: hos verò, qui pro Mea commutatione sunt destinati, diligenter cavete, ne Graci, Armeni, Polocenses & Smolèscenses, clandestinè auferant: pollicentur enim hanc in re su-

am

am operam Principi.

Predicti Graci &c. omnes Praecautiones hanc perferant.

Armistitium negate: bello extorquebitis gloriosam & opulentam pacem.

Quamdiu bellum in hosticum non proferetis, pacem nullam sperate.

In consilio Moschorum, bellum decernitur; cuius belli etsi nullum aliud pramium foret, hoc sufficere credunt, si diuturno bello, Nos imbelles, fractos & exhaustos, bello Moschovia inferendo impares, reliquerint: sua verò intacta conservaverint.

In eliberandis Captivis, quàm sint pertinaces, hinc patet, quòd etiam nunc in Sibiriam debebantur.

Obviate ne Captivi vendantur.

Si post cladem ad Konotopum, Polonkam, Czuduviam, Kuzliki, bellum intulissetis, Moscuæ pramium Victoriae Vestrae fuisset.

Credite, ac si Me jurantem super hac omnia audiretis.

Adjaro Vos, ne hac & alia divulgetis, foret enim id Mibi, Meisq; capitale.

Pluri

Plurimæ aliæ præcautiones, variis artibus (non absq; discrimine vitæ) transmissæ in Poloniam; quas recensere cùm longum esset, consulens brevitati, omitto. Pro corona hujus capitis, siquidem toties Magni Principis fecimus mentionem, facturum me rem non ingrati postérité existimavi; si Personæ Ducalis dignitatem, potestatem &c. & moderni Principis ALEXII dotes & attributa quædam breviter perstrinxero. Vires, potentiam, alibi innui. Populos quales suo imperio habeat subiectos, infra attingam.

*Prin-
ceps M. o
/chevis*

est

*Lex vi.
us.*

Imperium illud (quàmvis inter Coronationis ritum, aliqua appareant vestigia liberæ Electionis,) nihilominus est hæreditariæ successionis atq; Monarchicum. Solus ipse Princeps arbiter est pacis & belli, vitæ & mortis. Leges hucusq; nullæ scriptæ habebantur, ac quàmvis sub præfenti Principe aliquæ sint conscriptæ, ipse tamen eas immutat pro libitu Clero & Regno imponit leges, indicit sacra.

Principis potestas, Divinæ vicaria in terris,

ris, summâ veneratione recognoscitur. coliturq; : Communis opinio est, Principem pro omnibus orare, sufficereq; ejus solius orationem pro omnibus subditis.

*Dei Vi-
carius.*

Omnia præmia, & poenæ, edicta, sancita, edicuntur Nômine Magni Principis, etiam in remotissimis regionibus. Il qui castigantur, Magnum Ducem inelamant.

*Vbiq;
præfens*

In bellis nunquam accingit frameam, sed longus ordo armigerorum (*Rinda* dicitur) antefert suam pharetram, arcum, sagittas, frameam, clavam, vexilla &c. &c. Hæc ratione innuunt, quòd Princeps neminem metuat; Subditum verò unumquemq; pro Principe occumbere oporteat. Locus ejus residentie Moscua est; hinc aliò non facilè movetur; ad bella rariùs procedit; & non nisi validis copiis præmissis.

*Inermis
in bellis*

Epulo excipi, aut muneribus donari Principē, rem indignam judicant omnes: donare, vestire, alere, Principis virtutes sunt.

Liberalis.

Nomen Principis Sanctum est; nemini li-

Gg

cet

cet eo insignire infantem. In foro audiveris populum, in Nomen Principis jurare; eleemosynas peti, faciliusq; obtineri, quàm si DEI Nomine petantur.

*Domus
Regnat-
rix.
Vxor.
Filie.*

Ducissam (quàmvis rarissimè compareat) intueri, nec licitum nec securum. Filiae Ducales, ne claritudinem Regnatricis Domus in subditorum domos ferant, nemini nubunt; neminem vident; à nemine videntur, si parem sexum excipias.

Vxor Principi non petitur ex alieno Regno, sed ex subditis legitur.

Tributa

Monopolia & tributa pro suo quidem beneplacito, tamen prævio consilio & consensu Procerum, Princeps instituit. Salis, vini aduisti, pellium omnis generis, Magni Ducis monopolia sunt. Tributum penditur quotannis, ita ut appretiatis omnibus, è cuiusvis bonis mobilibus & immobilibus, quinta pars ad Fiscum Ducalem referatur. *Pietina* hoc tributum nuncupatur: nec exigitur nisi gravi bello. Præterea ex adaequatione equorum, hyeme magnum pondus

pondus argenti colligitur. Ex solo vino cremato, crediderim in Fiscum redigi ex toto Imperio, ad minimum decem milliones: cum me præsentem, pro quarta parte anni allata sint ex Magna Novagardia 50000 *Rubellorum*. Portorium Archangeli & Astrachanicum, ob continua cum exteris commercia, ingentem thesaurum ærario Ducali inferunt. Præterea pelles Ducales, aliæq; merces omnis generis, ad portus devehuntur.

*Rubl
valet
quinq;
florenos.*

Hinc solus Princeps opulentus est, cæteri egeni: solus Princeps liber, cæteri se vilissima ejus mancipia profitentur. Ejus potestatis sunt subditi, æquè ac omnes fortunæ subditorum.

Auri & argenti fodinæ, non habentur in tota Moschovia; sed externa moneta transformatur in Moschovitica, (est autem oblonga, signata equite cataphrasto) ne exportetur extra dominium.

Moneta

Principis moderni ALEXII MICHAYLOWICZ etiamnum in pueritia sceptrorum

Gg²

capax

capax indoles, corporisq; ad regnandum natī
Majestas emicuit, eademq; per plures annos ad
graviorem ætatem provecta, formatam à natu-
ra, avitis sceptris manum admovit. E vivis e-
nim cedente Patre MICHAEL FIE-
DOROWICZ anno ætatis suæ decimo sex-
to, hæreditarios Imperij fasces occupavit. Ma-
gna, ab eximia munificentia & pietate in cæ-
lites, Nomina promeritus, *Blahoczeſtin Poſtnik,*
Miſtoſennik, Mutebnik &c. id est Clemens, Je-
innans, Pius, Eleemofynarius, appellabatur.

Anno millesimo sexcentesimo quadragesimo
quinto in mare habuit adire Bremitam quem-
dam, annis triginta in solitudine deliteſcen-
tem: inde post multa cum eo colloquia Moscuam
redux, retulit Majestatem atrâ melancholiæ ne-
bulâ confusâ. Eam mutationem Principis aliis
mirantibus, aliis perspicaci suspitione interiora
animi perscrutantibus, nil propalare voluit ex
his, quæ ab homine solitario acceperat: nisi
quod illi quædam eventura prædixerit.

Est Princeps cum primis pietati deditus,
duris

duris jeuniis se macerare, festosq; dies in Ec-
clesia, etiam nocturnis vigiliis ducere solitus.
Quotannis ad sepulchrum S E R G I I, in
Templo Sanctissimæ Trinitatis, duodecimo ab
Urbe miliaris situm, pedestrem in Octobri pe-
grinationem suscipit. Crebrò sub seram no-
ctem publicos carceres adit in Persona, ibi-
demq; propriâ manu numerosum aurum in e-
leemofynas profundit. Aeris alieni reos, &
ob hunc solum reatum carceribus inclusos li-
berat planè innumeros, integris aut mediis
debitis in se transcriptis. In Polonæ & Li-
thuanæ Gentis Captivos perquam clementē se &
munificum exhibuit: quin & de Majestate Duca-
li remittens, adiit eorum sæpenumero carce-
rem in persona; ibidemq; post liberalia dona,
alios libertate donabat, alios magnifico epulo
consolabatur. Clementiam (quæ propria Prin-
cipum virtus est) cum lacte illi naturæ instil-
lasse videtur: nihilominus omnibus amabilis e-
jus moderatio animi, perversis Procerum ra-
tionibus (ut communiter Principum genii

male-

Pietas
M. Du-
cis Ale-
xij.

Anno
1645. 13
Iulij.

consiliis malefuadorum in deterius trahuntur)
 corrumpitur. Populos deditioe acceptos
 Dubrownæ, & Vitebsci; & contra fidem da-
 tam, Moscuam abductos, Patriarcha & Proce-
 res è vivis tollendos destinaverant, edictum-
 que à Principe extorserant Anno millesimo
 sexcentesimo quinquagesimo quinto, Martiæ
 eorum in obsidione tolerata infensi virtuti,
 suæ inter oppugnandum ignaviæ. Sed cum id
 interventione Ducissæ M A R I Æ, piissimæ Prin-
 cipis, innotuisset Principi, immutatum decre-
 tum; necisq; author *Mitofanfcus*, convulsâ bar-
 bâ & capillo, castigatus. Sic bonarum artium
Principes, quandoq; sordidis ministrorum sedantur
artibus.

Vino omniq; potu abstinet.

Consilia.

Consilia seriò, solidè, pro dignitate &
 commodo suæ personæ & Gentis, (cum sit
 Princeps suæ Patriæ amantissimus) instituit.

Legatio
et.

Legationes longinquiores ad Exteros, quas-
 dam causâ promovendæ gloriæ, sui Gentisq;
 Moschorum Nominis; quasdam quòd ejus ne-
 goti.

gotiis expedirent, plurimas ac splendidas in-
 struxit. Præter Polonos, Svecos, Tartarosq;
 confines, Romam, Viennam, Constantinopo-
 lim, in Hispaniam, Galliam, Venetias, Flo-
 rentiam, in Angliam, Daniam, Hollandiam, ad
 Magnum in Asia Tartariæ Sinarum Kitaïque
 Pelingam Imperatorem, Legatos quos par est,
 cultu splendidissimos, expedit.

Instituta, nullo personarum discrimine, poenâ
 & præmio ab eo colitur religiosissimè: cum me-
 ritò retrahi oporteat ad servitutem; ut metu cœr-
 ceantur, quos, beneficia non mutavissent. Nullum
 benè meritum videris, etiam vilissimum quem-
 que, absq; debito virtuti præmio; ut & rarò
 neminem fontem impunè discessisse. *Woi-*
wodas biennales tantum in præidiis esse voluit,
 ut aliis emeritis munus Administrationis con-
 tingeret. Ingenii capacitatem, quâ omnes tum
 belli tum pacis artes, apprimè complexus est,
 anteahti anni probârunt; cum potentissimis eo-
 demq; anno contra Polonos, Lithuanos Sue-
 cos, Tartaros, Kozacos, Kalmycos, suosque re-
 belles

Instituta.

Tantus

Peritia
belli &
Statu

belles Beszkircenses, bellum gesserit: hisq; copiis deletis, alias suffecerit: cum decennali bello decertaverit, non intra suam Patriam, sed in hostico: cum in externo solo firmaverit praesidia, cum vicinorum consilia perspecta & explorata (imò prodigaliter emptâ fide) possederit.

Guber.
matio.

Gubernandæ Reipublicæ firmandæq; potentiae formam, à Turcis derivavit: totam potentiam in peditatu, contra subitanè effrenem populum, reponit. In hunc usum, viginti Legiones Prætorianorum peditum, (*Prykazy* vocantur) corporis sui custodes in Vrbe, instruxit: cum à Patre non nisi quatuor accepisset. Eorumque vi, stipendiis, & muneribus emptâ, utitur ad retinendam, prout in rebellionē, populi fidem. Chinesium exemplo confinia Tartarica, vallo ad ducenta miliaria deducto munivit: quo Tartaricæ incursiones, dato campanarum signo, per vulgi concursum arcentur; armaq; procul habentur ab Vrbe ejusmodi Præsidio; quæ Patrum memoriâ cervi-

cibus

cibus impendebant.

Populo sub gravi pœna interdixit usu tabaci: ebriosos, mimos, & scurras, otiosum scilicet & vitiosum hominum genus (quibus prout invitium ætas, primas hodie in Aulis admissiones concedere assolet) & animo & aulâ proscripsit; barbarum illum in populo morem, quo cultris sese confodiebant, sustulit; gravi interdicto securitatem publicam in Vrbe, noctu incedentibus providit.

Famam honoremq; Regum Sacrosanctum esse voluit: hinc belli etiam tempore, contra hostes Reges populum certare conviciis, sub pœna chordarum prohibuit.

Filius suus ALEXIVS ALEXIEIEWICZ, & post THEODORVS ALEXIEIEWICZ, contra veterum Principum morem, literis Latinis, Polonicis, Germanicis, antequàm populo præsentarentur, imbuti. Prior præsentatus solenniter ætatis anno decimo quinto. Anno millesimo sexcentesimo sexagesimo septimo. Alter millesimo sexcentesi-

Hh

mo

mo septuagesimo quarto. primâ Septembris. ætatis decimo quarto, antehâc populo incogniti. De SIMEONE supra innui. Eorum itaq; ac totius Gentis usui, donari fecit Moschovitico idiomate, ex Latinis & Germanicis complures libros politicos, ac de re militari. Vsum linguæ Latinæ Kioviâ Moscuam transebat: sed renitenti populo per supplicem libellum (seu quia plerumq; preces ejus populi in furias & arma desinunt: seu ne literis excultus populus, politici Dominijs genus ambiat, atq; ad libertatem, quæ literatarum mentium corona est, per proculcata Monarchiæ jura eniteretur) facile præbuit assensum. Multi privatim Latinam addiscunt linguam, publico bono servituri.

Aucupii supra modum deditus. In hunc usum ingenti sumptu aucupia ex Persia, Anglia, Sibiria, advehuntur. Canum venatione minus impensè delectatur. Aucupiorum Præfectos quadraginta instruxit, eorumq; auctoritatem, parem intimis cubiculariis esse voluit.

Cum

Cum verò in Regno suo ab omnibus metuitur, ipse quoq; metu non caret; hinc plurimos inter populum, inter peditatum, ac inter ipsos Proceres, alit exploratores. Hâc arte supprimuntur exterminanturq; seditiones. Extorsit id, Gentis vitium, rerum novandarum avidissimæ.

Quales verò populos sibi habeat subiectos, alibi innuam.

Obiit tandem Anno millesimo sexcentesimo septuagesimo sexto. Die nonâ Februarii.

C A P V T VIII.

CORVINVS Moscuâ liber in Patria recipitur.

ANNI hujus initium, VINCENTIO CORVINO libertatem; exitus stupendum orbi, dolendum Patriæ, feræ memorandum posteritati, exitium tulit: cum servatam inter tot ærumnas ac calamitates in terra aliena, in medio hostium, vitam, in Terra sua, domi, in corde Patriæ abstulisset. Trahebant jam ad feralem terminum brevi rumpendavi-

Hh2

tæ

tæ stamina, tacita fata, ubi vindicata è turpi servitutē libertas, aureum neo-natæ felicitatis filum ordiri videbatur. Nam præterquàm quòd jam quatuor Procerum conviviis, interfuit **CORVINVS**, quòd Austriacos Legatos convenire, eorum proposita audire de mediatione; atq; ibidem epulari concessum; præter solennem libertatis declarationem; Epiphaniæ insuper die, pompæ sacrae videndæ causâ, super mœnia Castelli *Kremlgorod*, deductus, prætereuntem Principem è proximo venerari, permissus est. Eo die post solis occasum, mos est consecrari solenniter flumen (*Jordan* dicitur ille mos.) Quadratum itaq; ex asscribis super glaciem, securitatis & ostentationis gratiâ erigitur theatrum. Quingenti Prætoriani pedites, veste rubrâ remotiùs à theatro in quadrum dispositi, singuli gerebant accensas faces. Ad alteram ripam fluminis, peditatus sub signis collocatus; & decimo cuiq; fax data. Profundiori nocte movit è Cathedrali Ecclesia, processio hoc ordine. Portabantur

bantur ingentia vasa argentea, sacrato flumine implenda pro Principis usu: sequebantur pueri, cruces & labariola ferentes; quos Clerus numeroso agmine, splendido apparatu subsecutus. Principem anteibant Proceres, aureâ veste insignes. tum ipse Princeps coronâ capite, sceptrum manu gerens, magnæ Pars maxima Solennitatis comparuit. Ponè **MILOSLAWSCIVS**. Sequebatur ingens numerus Aulæ promiscuè gradientis, inter quos equus Principis ductus, tum carpentum egregiè veluto rubro intratum, quod unus itidem equus Turcicus trahebat: cuius caput superbum ac decorum pennæ reddebant Struthionis. Postquàm sacris flumen imbutum est, eodem ordine redibat Ecclesiastica pompa. Principi transeunti **CORVINVS** appropinquavit. Eam iussu Principis **ALMAZIVS** Cancellarius, formato ad humanitatem vultu hisce verbis compellat. *DEI Gratia Magnus Dominus, CAR, & Magnus Princeps ALEXIVS MICHAŁOWICZ &c. &c. te VIN-*

**VINCENTI CORVINE GOSIE-
WSKI** &c. querit, uti valeat. Humili submis-
sione, pro sua præsenti fortunâ egit grati-
as, Seque liberaliter Ejus gratiâ provisum vivere,
licet debili valetudine, respondit. **MILOSŁA-
WSCIVS** quoq; per quempiam Ducalem Auli-
cum, (quos omnes habebat ad nutum obse-
quentissimos) de valetudine, & num Medici
eum crebro adirent, eiq; obsequerentur, requisivit.
Actæ gratiæ; crebrior Medicorum cura expe-
tita. Eâdem nocte ad Cancellariam vocatus
Samuel Medicus, cui **GOSIEVIANÆ** va-
letudinis seria cura injuncta. Tot igitur Ma-
gni Ducis, Procerum, populiq; favores incre-
dulos Captivos, jam majori spe libertatis ale-
bant. Sed & alia accelerandæ libertatis, a-
lieno casu, divinitus allapso occasio.

Postquàm militare imperium, belliq; Impe-
ratorum autoritas ad **ZERONSCIVM**
devenisset, atq; solutus imperio Miles, otio
marcescere cœpisset, ferro & igni omnia va-
stant. **MICHAEL PAC & STEPHA-
NVS**

NVS CZARNECKI, Moschorum ditio-
ni subjectum Branscensem agrum invasere.
Aliâ parte Tartari Siewscum circa & Kara-
czoviam populabundis agminibus effusi, ingen-
ti collectâ prædâ in Tauricam abigendâ. Tre-
pidatum est in Vrbe: sed quia id bellum cum
hyeme solutum iri sperabatur, minùs Vrbi,
(quam semper impensius tueri mos est) me-
tuebatur. Emisæ Moseuâ equitum aliquot tur-
mæ ad explorandum; mandatumq; cunctis eti-
am externæ nationis militibus, ut ad pri-
mum belli signum omnes equum conscendere
parati essent. **WOROTYNSKI** contra
Tartaros Dux destinatus. Provincia hæc **RO-
MADANOWSCIO** fuerat demandata,
sed is decubuit, animo potiùs quam corpore
infirmus. Prædâ gravis (nam 50000 homi-
num abducta censebantur) redibat in Tauri-
cam Tartaricus miles: cùmq; liberius præ-
das agit, villas exurit, ab insequentibus Mo-
schis circumvenitur, cæditur, militibus aliis
caelis, aliis quâ datâ viâ in fugam dispersis,

*Michał
Pac Sto-
phanus
Czarne-
cki in
Moscho-
viam ir-
rumpunt*

*Tartari
invadunt
Moscho-
viam*

*Kniaź
Szyrym
captus
Moscho-
viam*

Kniaź

Kniaz Szysz Hanorum Krymensium stirpe pro-
genitus, vivus in potestatem Moschorum ve-
nit, Moscuamq; deducitur Illuc ē melancho-
lia ortā febris correptus, ejusdem Samuelis Me-
dicī Angli curæ committitur: sed potentior
erat vis morbi, quā ut artibus Medici supe-
raretur. Moritur ergo is magnæ spei Ca-
ptivus, cujus commutatione SZEREME-
THIVM ē Taurica infallibiliter repetendum
Moschi sibi persuaferant, & Captivus promi-
ferat. Mortis culpa, ā MIŁOSŁAW-
SCIO tota in Medicum devoluta: Medicus
verò indignabundus, suam prostitui operam,
lædi reputationem, questus: Moschorum morem
in tractandis, includendiq; minis salubri loco Ca-
ptivis, incusabat, atq; idem primo verè eventurum
GOSIEVIO, cūm aperientibus sese venis ter-
ra, apertum iri omnes in eo morbos, eoq; ipso ac-
celerandam mortem, spopondit. Consternatus hac
Medici sententiā MIŁOSŁAWSCIVS,
cādē ipsā horā, dictum Medici ad Magnum
Principem & Senatum detulit. In Senatu
perpen-

Notain-
gens mo-
mentum
accelera-
te liber-
tatis,

perpensum est, eo moriente, mori oportere in Po-
lonia (prout ipsemet CORVINVS Moschis de-
claraverat) aut enecandos veneno quatuor Genera-
les. Accelerandam itaq; ejus libertatem, ante veris
initium, excludendumq; extra fines, quamdiu adhuc
viveret, censuerunt.

Dum hæc aguntur, Sueticus Legatus, eādē
ferè pompā, quā Cæsareani (nisi quod recen-
tibus adhuc, necdumq; sopitis odiis restrictā
solennitate) Moscuæ excipitur: ad quam com-
modè videndam ā DOŁGORVKIO invi-
tatus GOSIEVIVS, ex ejus palatio spe-
ctabat, simul & epulabatur. Hæc ergo erat
Majestas ingressus Suetici Legati. Austriaci
duobus Careis carpentis, rubro serico instra-
tis extra Urbem egressi. Postquā in cam-
pis dextræ datæ, redibat in Urbem Moscho-
rum numerosissimus Equitatus. Hunc secuti
duodecim Suetici Cursores: Magister Aulæ e-
ques argenteum Scipionem manu præferebat,
(quem tamen postero die in Castello erige-
re prohibitus est) quem comitatus alius duode-
ci-

Suetici
ingressus
16. Febr.

cim similium Curforum ordo. Tum quinquaginta Nobiles Suctici, omnes *Careis* candidi-equis vecti. Deniq; serico rubro instrata omnia dis quatuor carpenta, Austriacorum duo; Succorum & *Pristavorum* simul, uno ordine trahebantur; ne quisquam antecedere vel subsequi (& hâc ratione quidem, aut aliis præcellere, aut contemni) videretur. Turba claudebat agmen.

*Dolgorkius apu-
lo & ora-
tione ex-
spit Go.
sivium.*

DOŁGORVKIVS prandium â Magno Principe submissum, (usitatum, imò magni honoris est Moscæ, â Principe donari convivio) simul & fastuosam instruxit orationem. *Invincibiles vires sui Principis depradicabat; ejusq; clementiam erga deditos, Captivos, & similia.* Homo rancus (& ut veriùs dicam, solus in sua Gente Orator & miles) obruebat aures. Fessus tandem, longâ plenâq; fastûs oratione, ab assidente CORVINO, cur sileat, seu quid ad dicta responderet? requisivit. Eo agnoscente præsentem suam sortem, & rerum ignorantiam excusante, subridens, altâ voce sub-

subjunxit: Fore tempus quo ille loquetur, silebit *Moschoria*. Inerat omni ejus fortunâ, æqua magnitudinis, apud Hostem opinio. Eo die ad unam partem mensæ omnes GOSIRVIANI, sedecim Personæ, ex adverso autem Moschi accumbere, Moschorum more epulari, omne genus vini permixtim bibere, sumus coacti. Postquàm epulæ mensæq; jam maturâ nocte remotæ, deductus â Patrono domûs in conclave sæminarum CORVINVS, jam teritiò Matronas salutavit, osculumque dedit. Cæteri unusquisq; vino adusto, è manibus Matronæ hausto, absq; osculo recesserunt. Aliam deinde familiariùs exorsus est Moschus orationem, quâ CORVINVM cum omnibus quidem suis deductum iri Smolenscum, sed reliquis detentis, illum, tribus quatuorve in comitatam datis, rectâ in Poloniam iturum, non expectatâ commutatione, per modum secreti denuntiavit. Eadem declaratio sequentibus diebus solenniter in Aula RTISCZEVII per prædictos Procures promulgata. Adjecta simul Ducalis

*Postre-
ma decla-
ratio per
Procures*

Clementia depradicatio, (similis illi, quam supra retuli) eum non obstrictū juramento, non infectum veneno dimittentis. Memorem tanti beneficij esse, & ut PETRVS CHOWANSKI, prater quatuor Generales, toties à Rege Polonia declaratos, dimittatur, in vim gratitudinis procurare debere. Ibidem denuntiatur, ATHANASIVM NASCZOKIN, magni Legati nomine in Poloniam iturum.

Excubi-
arum ser-
vor desit

Per Vr-
bem com-
meare
permissi

Hic jam desit excubiarum fervor: excubabatur quidem, sed jam ille pristinus rigor in admittendis extraneis clanguit. Decem diebus ante discessum, postquam annos tres, menses sex, & Vrbe & omni cœtu hominum caruissemus, permissi sumus per Urbem uno vel altero excubitore comite, securitatis Nostræ causâ, liberè spatiari: ita tamen in Vrbe hostili, restituta libertas movebat pedes, ut oculos & animos in solam Patriam converteret. Tenax nimirum Natalis soli amor, nihil extra Patriam vel videre poterat, vel audire, quo retineretur: inter pretiosissima oculorū illicia, optabat vel
fumū

Fumum de Patriis posse videre facis.

Sueticus Legatus cuidam è Polonicis Captivis secretò apud se demonstravit Legationis instrumentum: fuisse sibi à Corona Suetica adjunctam curam GOSIEVIANÆ libertatis. Hanc quandoquidem Divino beneficio, suorumque curâ jam adeptus esset, gratulatus libertatem, suum propensum animum ejus officiis declaravit.

Corona
Suetica
studium
proclibe-
rando
Gosievio

Decimâ quintâ Martii, actum est in consilio Moschorum, num ex dignitate Principis foret; quamvis magni Nominis Generalem, Captivum tamen, ad conspectum ejus & osculum dextrâ admitti. Plerisq; negantibus, DOŁGORV. K I I sententia (maximè quòd Princeps quoq; videre hominem, hucusq; apud Se hospitem, & vix sibi cognitum, multis tamen hominibus deprædicatum, desideraret) assensientis: id non tantum expedire, sed ex omni ratione requiri, placuit. Finito consilio, ex Cancellaria deductus est ad palatium, sex Officialibus Con-

Gosievio
us in com-
spectum
Magni
Principis
primum ad-
mittitur

atq;

Liber
pronun-
tiatur.

Can-

Cancellarius oblongam prælegit chartam in hæc verba. *DEI* Gratiâ Magnus Princeps Car, & Magnus Dux *ALEXIVS MICHAELOWICZ*, totius Magnæ, Minoris, Albaque Russia Monarcha: aliorumque multorum Regnorum, terrarum Orientalium, Occidentalium, Septentrionalium Dominus, Hæres, Successor &c. &c. &c. Tibi *VINCENTICORVINE* &c. &c. facit denuntiari. De te eliberando scripsisse Regem Polonia, literis allatis Magno Principi Domino Nostro Clementissimo, per Internuntium suum millesimo sexcentesimo quinquagesimo nono, ut Tu, tanquam Legatus jure gentium liber, dimittereris. Ad hæc Magnum Principem Dominum Nostrium Clementissimum rescripsisse, Te jure belli captum, non Legatum detineri. Scripsisse & aliis literis, eodem anno, idem postulatam. Suum verò Magnum Principem ac Dominum nequicquam à proposito discessisse. Denique scripsisse in vim pensionis suæ, salvo jure Tuæ Legationis, quatuor Campi Marschalcos Gentis Nostræ, Se velle dimittere. Accessisse Exercitus Lithuanici supplicationem pro
tua

tra eliberatione. Annuit itaque *IOANNIS CASIMIRI* Fratris sui postulatis, & militari supplicationi, Teque liberum pronuntiat. Tu verò jam nullibi in ditionibus Moschorum præpeditus, magnis itineribus perges Varjaviam: indeque quamprimum quatuor Campi Marschalcos, Ducem *OSIPIW ANOWICZ SZERBATT*: Ducem *GREGORIUM KOZŁOWSKI*; Ducem *SIMEONEM SZERBATT*; *IOANNEM AKINFIEW*, remitti Moscuam: ac his superaddi *PETRUM CHOWANSKI*, procurabis. *ATHANASIVS NASCZOKIN* Plenipotentarius Legatus ad Aulam Polonicam, Te sequetur; cui præstari liberum ac securum passum; ceteris quoque Captivis commutandis delegari Commissarios, facies. Post hæc admissus cum sex focis ad osculum Ducalis dextræ, domum deductus est, Moschis passim libertatem gratulantibus: & num jam se liberum esse crederet? sciscitantibus. Is verò, ut firmiorem dictis fidem præstare, Moschos monebat, (non quòd plenè crederet) tunc primum credi.

credidisse se in libertate constitutum, cum data per
Proceres declarationes, conspectu & osculo dextra
Magni Principis, sunt confirmata, respondebat.

Gossevis

more

Moscuâ.

Gens fallax aliàs, promissi fidem præstitit.
Decimâ septimâ Martii Moscuâ movit COR-
VINVS. Quadringenti Captivi Moscuâ, de
domo illa servitutis educti. Currus & qua-
drigæ CORVINO, cæteris verò singulis ve-
ctores, duoq; pedites, Smolenscum devehen-
dis dati. Eodem vespere ad valedicendum
DOLGORVKIO & RTISCZEVIO
(nam uno ab Vrbe milliari, in villa Ducali
Werebeïow, mirum in modum loco amæno
sita, pernoctatum) revocatus, integrâ nocte
comessari coactus est. Nunc in villa primùm
cæteris Captivis adire CORVINVM licuit.
Prope omnes contingendæ dexteræ sui libera-
toris cupidi, adiære. Nec unâ die terminata
læticia, sed per totum iter, gratissimis sermo-
nibus, revocabant memoriam adeptæ liber-
tatis.

Decimâ octavâ Martii conspectui Urbis,
ex amæ-

ex amænissimo monte Poklonna, situm ejus
incomparabilem, speculatus, omnium præ li-
bertate gestientibus animis, valedixit COR-
VINVS.

Moscuâ, sex aut septem milliarium ambitu
vasta, generaliter in quatuor partes dividitur:
scilicet Kremlgorod: estq; Castellum apprimè
munitum, triplici muro & fossis, Ducali Resi-
dentia, & Patriarchali, præter quinquaginta Ec-
clesias, multorumq; Procerum domos, desti-
natum. Kitaygorod: estq; Civitas cincta mu-
ro, continens forum, officinas omnium mer-
catorum, Procerum, Nobilium, mercatorum
domos, præter Ecclesias & plurima Monaste-
ria. Bielgorod: estq; Civitas magnitudine supe-
rans utraq; nã suo ambitu, prædictas comple-
ctitur; cingitur albo muro & turribus. Zem-
lany-gorod omnes prædictas Civitates, intra
suam ovalem circumferentiam concludit: val-
lo ab extra munitur; estq; mansio ut plurimùm
peditatui Prætorio destinata. Ecclesiarum
tholi pinnæq; complures deauratæ solido au-

Moscuâ
amplitud
do.

Ej, p. 12.
dor é lom
ginq.

Kk

ro

ro: (uti sunt Soborna Cathedralis; Błahowieszczenia, Annuntiationis; Iwan Wieliki, turris Sancti Ioannis) omnes verò aliæ, albâ laminâ contectæ, de longinquo intuentibus, magnificum exhibent spectaculum. Cum enim Ecclesiæ quingentæ (â nonnullis mille) numerentur, singulis verò quinq; communiter tholi parvi sint superimpositi, splendorem reperiunt. Hæc legationi, facillè assentior: *Intuentibus (inquit) è longinquo Moscoviam, videtur representari Hierosolyma: ubi verò, in his ventum est, reperitur esse Bethleem, quod vocabulum in Germania significat Civitatem paupertatis: humilibus enim & fordibus impletur casis. Habet & alios extra mœnia plurimos vicos, aulas, villas Principis, mirum in modum situ amæno, Werebeïow, Kōlomensk, Siemionowsk. Monasteria item aliquot muro & turribus, per modum Castellorum, cincta, & defensionem idonea. uti sunt Dewiczy, Spasow, Alexieïow. Vectorum villæ quàm plurimæ; adeò ut numerentur Moscovæ vectorum 5000.* (crede-

In Viaggi di Moscovia lib. 2.

(crederem in toto Regno.) Unusquisq; tunc pro singulis equis è thesauro numerabat stipendium decem aureorum pro anno. Inquem usum singuli villani contribuant tres *Kopiikas*. Obligantur verò ad omnes vecturas in publicis negotiis præstandas. Diebus singulis ante Cancellariam centum vectores cum curribus & equis excubant, ad repentinos casus. Si pluribus sit opus, mirum dictu, quantâ promptitudine & obedientiâ, equos subministrant, aut ipsi iter conficiunt. Similes villæ vectorum, ferè omnibus Oppidis notabilioribus adjacent, commutationi equorum deservientes. *Cursores* verò ad prodigium celeriter conficiunt iter. Vilnâ ducenta millia conficiebantur novem diebus: contigit uni, octo diebus prædictum iter confecisse, idcirco præmio donatus, cæteri verberibus affecti. Cursori publico è via deflectere pro uno quadrante, crimen inexpiabile. Adjacent quoque Urbi, villæ, *Pańska sloboda*, Polonorum colonia: item *Kukuy*, non inelegans, sed muniri non

Vestres publicæ.

Kk2

per.

permiffa Germanorum colonia: à nonnullis dicitur *Krasna Sloboda*: de hac aliqua subiicienda.

Kukuy. IWAN WASILEWICZ Car, in Suos crudelis, idcirco ab illis metuens: in alienigenas benignus, postquam ex Germania, Anglia, Livonia, ad incolendam Moscuam complures evocasset, qui praesidium illi domi & foris mercede facerent, Urbem incolere, ac intra mœnia è cocto lapide domos erigere permisit. Totâ Vrbe præter Principis palatium, Moschis tantum unicam domum è muro incolentibus, advenas (Ethnici omnes extranei apud vulgus tunc audiebant) murum inhabitare, torvis oculis intuebantur Moschi. Proceres inito consilio cum Patriarcha, edicunt: *Quandoquidem Germani suas devotiones intra Urbis mœnia decantant: illicitis diebus carne vescuntur, imaginibus sacris & Crucibus, per contemptum, non exhibent cultum, Moschos ad suum obsequium, & esum carniū cogunt: Idcirco Patriarcha iudicans id perniciosum legibus Religionis, Germanos extra mœnia Civitatis præsentis edicto migrare iubet. Magnus*

Edicta Patriarchæ

gnus verò Dux, extra mœnia concedit agrum, domibus & Ecclesiæ erigenda commodum: domus verò in Vrbe intra sex menses vendi iubentur. Proscripti Vrbe, & ne vel vestigia sui incolatūs superessent, domus proscriptorum vili pretio non tam venditæ, quàm amissæ. Exinde gravissimis conviciis *Szysz na Kukuy*, etiamnum vexantur. Princeps, penes quem hodie summa Imperij est, relaxavit decretum; plurimis extraneis concessio in Vrbe incolatu: immò magnis promissis hucusq; ex Germania, Anglia, Suecia, Scotia, Hollandia, incolæ evocabantur: *Difficilis è Moschovia dimissio.* at in Urbem receptis reditus in Patriam difficile anteactis temporibus concedebatur: sed & hic rigor præsentis ævo remissus, plurimis hinc inde liberè se transferentibus.

Abrahamus Lesle Scotus natione, emeritus in Moschovia Colonellus, cum suis in Patriam reditum apparabat; qui cum in Moschovia rationibus nullis, nullis precibus & pretio potuisset retineri, sequenti captus stratagemmate, mutare consilium, vitæq; reliquum in Moscho-

Moschovia agere, est coactus. Citatus ad Patriarchale Tribunal, ob confractas sacras à sua uxore imagines; poenâ capitis cum tota familia damnatur. Producuntur liberi, uxor, & ipse *Abrahamus*, scelus conjugis capitali supplicio sublaturus; nî ritu Græco & iterato baptismo, crimen tollere eligeret. Vicit priorem Patriæ repetendæ sententiam, conjugis carissimorumq; pignorum amor, mortisq; præsentissimæ metus: suscepta Græco-Russica sacra, iteratus baptismus, lustralibusq; aquis extincta flagrantissima videndæ Patriæ desideria, demersa spes reditûs, & velut ex obliviosa Lethe, affinium, cognatorum, vicinorumq; perennis infusa oblivio. Simili formidine poenæ, ad Græco-Ruthena sacra suscipienda, est impulsus etiam *Leo Lacefinius* Medicus, Romanus genere; qui ob suspectam cum Russâ fœmina consuetudinem, à Patriarcha, tanquam ethnicus ad poenam exustionis; solenni decreto vocabatur, nî ritu Græco baptizaretur. Mansit in Moschovia, iterato baptismo: nihilominus ritum

Gentis

Gentis detestabatur, nec aliud sibi placere aiebat, nisi quod in hac Fide, omnia bona opera, omnes preces (præter ieiunia cruda) solo signo Sanctæ Crucis concluderentur. Nullæ enim preces habentur præscriptæ, Crucis verò signum, continuo ferè usu, in consuetudinem plerisq; venit.

His artibus, plerimè rebus Moschoviticis idonei, in perpetuam trahebantur servitutem. Incolunt hanc villam Germanicam militum Officiales, Medici, mercatores, opifices; indeque non nisi de licentia Principis, aut Supremi Ministri Statûs, ad portum Archangeli, aut Plefcoviam commeant. Ibidem ad portam excubare solent Moschi, arcendorum causâ inde ebriosorum hominum: veriùs internorum moliminum metu.

Sunt & alij plures vici extra mœnia. Hos inhabitant Ministri Ducalis culinæ, illos Ministri Stabuli, Hortulani, Provisores fructuum Ducalis mensæ. Non fructus priùs venûlli in foro exponuntur, quàm Principi fue-

fine

runt præsentati. Qui primus ex suo horto primitias fructuum Principi obtulerit, pretium à suis vicinis persolvendum accipit, cæteri poenâ redigendæ ad Fiscum Ducalem pecuniæ ex fructibus perceptæ, mulctantur.

Cæterum quibus civibus, quo genere populi Moscua inhabitetur, breviter edoceo. Non vacat hic describere dissitas moribusq; diversas illas nationes, in tam vastum Ducatus Moschovitici corpus esse collectas; quibus pro Deo, pellis equina aut urforum, arbore suspensa, Ethnicâ superstitione colitur: in cibum crudas carnes aliq; à quibus humanus abhorreret animus, barbara proponit consuetudo. Sola Moscua, sedes memoranda Captivitatis Nostræ, historiæ præsentis objectum esto.

Moschorum populus subjectissimum se suo Principi, nec aliam in terris recognoscere Potestatem, nullius Procerum se metuere servitutem, fastuosè magis quàm verè gloriatur. Instar vilissimorum quidem mancipiorum, obsequium Principi, coactam venerationem Proceri-

*Gens
Moscho-
rum.*

ceribus se debere profitentur; servilia tamen jam ingenia adeò prona sunt in seditionem & tumultum, ut poena ohordarum, non remedium ejusmodi intestinorum malorum, sed alimentum videatur. Legatio Hallsatica ait: *Moschorum Gentem in libertate esse pessimam, in servitute optimam*: nihilominus quâdocunq; convulso Domini freno, servitus in vim apertam furoremq; prorumpit, non tam contra Principem, quàm contra Proceres debacchatur. Anno millesimo sexcentesimo quadragesimo septimo. Magnus Princeps ALEXIVS MICHAÏLOWICZ, ex consilio BORYSSII MOROZOW, (qui tunc primis, in aula novi Principis, officiis potiebatur) non de suprema, sed media Nobilitate, Filiam ELIÆ MIŁOSŁAWSKI Ducalis thalami consortem legit. Brevi post, BORYSSII cum minore natu filia celebrantur nuptiæ. MIŁOSŁAWSKIYS tantâ tamque vicinâ Principi affinitate sublimis, jam ex Nobili Senator, ex privato vastissimi Septemtrionis Gu-

*libro 5.
Cap. 18.*

LI

berna-

bernator, ex inope Theſaurarius, in Caſtel-
lum migravit: ubi dejectâ vetuſtiſſimâ domo,
dignum affinitate Principis, dignum ſuo nomi-
ne crexit palatium. Aulæ officiis adhibuit ſo-
os affines, homines novos, avidos, rapaces:
inter multos alios, rapinis aliisq; ſceleribus no-

Tumul. *ſus origo* ratos Leontium Pleſzeior, Czysztor, Tychonow,
& Trokanitor; hi Magiſtratus, ut ſpolia ade-
pti, ignari ſumma ſcelera incipi cum pramio, per-
agi cum periculo, populum monetâ, militem ſti-
pendiis, pretio ſalis fraudabant univerſos. Cõ-
poſuit quidem gregatim populus ſupplicem li-
bellum; ſed acceſſus Principis etiam redeun-
tis ab Eccleſia, per Proceres negabatur. Tan-
dem redeunti aliquando ab Eccleſia *Wſtrecen-*
ſkoy Monaftery, numerofa occurrit multitudo,
vinoq; furorem & audaciam acuente, ſuppli-
cem libellum Principi non tam porrigit, quàm
intrudit. Equi Ducalis frenum violenter arri-
pitur, in media via ſtare jobetur Princeps,
querelaſq; quas ira conceperat, furor eloque-
retur, audire. Toto tumultu Pleſzeiorum ty-
rannis

rannis ſonat, confuſisq; frendentis populi cla-
moribus, Pleſzeiorum tyrannis accusatur. Mo-
deſtis verbis ac Clementiâ, tumultuantis po-
puli ſopivit non extinxit furorem Princeps:
nam cum nonnulli Procerum, populum pla-
gis & equis in gyros actum, lapſu & ſangui-
ne ſædâſſent, ſopita flamma iterum in aper-
tum erupit incendium. Furibunda plebs â ver-
bis & contumeliis, ad ea, quæ impotens fu-
ror ſubminiſtravit, arma ſe convertit. Cal-
cati pedibus lapides, manibus plebis in capi-
ta Magnatum jaciuntur: poſt gravia verborum
tonitrua, ejuſmodi ſecutam tempeſtatem Pro-
ceres fugâ evitant, atq; in Caſtellum ſe reci-
piunt: fugientes ſequitur populi furor, que-
rulusq; cum lacrymis clamor: unus omnium fu-
roribus deſtinatus, ab omnibus reus accusatur,
ad poenâſq; vocatur Pleſzeiorum. Tumultus
in populo ſeditionesq; non rarò ad ſolam ma-
gni pacificatoris Perſonam quieſcere ceſſareq;
compertum eſt.

Magno in populo cum ſepè coorta eſt

Ll2

6. Iulij.
Ingens
tumultus
Moſene.

Virgil:
libro 1.
Sedi. *Æneid.*

*Seditio, servitq; animis ignobile vulgus,
Iamq; faces & saxa volant, furor arma ministrat:
Tum pietate gravem ac meritis, si forte virum quem
Conspexerè, silent; erectisq; auribus adstant:*

Ille regit dictis animos, & pectora mulcet.

At conceptus in pectoribus Plebis Moschoviticæ furor, nec ipsius Magni Principis Personâ & verbis, (qui desuper populum alloquebatur) sedari, componiq; ad quietem potuit: ab ipsis undis flammæ concipere videbantur, pacatissimis Principis verbis, irritabantur magis quàm sedabantur seditiosi animi, tantâ pertinaciâ, ut nihil aliud nisi cædes Procerum ore sonare pectoribusq; omniû spirare viderentur. Domus *Morozerovi* diruta, opes, & Icones sacræ direptæ: servitia de superiori fastigio præcipitata. Opes tantæ populo cesserunt in direptionem, ut pileus plenus margaritis, triginta imperialibus; par zebellinarû pelliû medio imperiali venderetur: sericum telaq; aurea, passim inter populum divideretur. (exercent enim Proceres per sua mancipia mercaturam.)

Idem

Idem evenit plerisq; Proceribus, in quos tumultuantem plebem, publicum aut privatum odium, commovit. Supremus Cancellarius delituerat inter subera & lardum, sed à propriis mancipiis proditus, inventus, occisus. Furere in populo seditione, oritur in Urbe variis locis incendium: quo absumuntur omnia, quæcunq; albo muro *Belgorod* continetur. Vastam aliàs incendium in summam fere extendit vinum adustam, fractis doliis, populatrice flammâ correptum: hoc demùm suo genio commodissimum nactus vehiculum ignis, in Urbem & Castellum (nemine impetum insolentis flammæ continente; nemine propria tuente, sed omnibus seditioni intentis) instar rapidissimi torrentisolvebatur. Prodit interim è Castello Princeps: *НИКИТА РОМАНОВ* Patruelis Ducalis, Vir magni Nominis, plebi gratissimus, moribus acceptissimus, ad componendos effrenes in populo motus, à Principe expeditus. Hic magnâ exceptus veneratione, tandem interrupto tumultu,

denun-

denuntiat: Magno Principi precipuam curam esse suorum subditorum; atq; ubi paululum animi resedissent, administrationem iustitiæ de fontibus, & quæ statim tribui possent, concessurum, edixit. A populo inclamante Magno Principi, & Duci NIKITÆ, uti Patri suo, longævus annos, expetebantur prædicti fontes ad manus, omnium malorum authores. Discordi populo & gravioris motus timore annuit Dux NIKITA, adjecitq; juramentum, neminem fontium, præter *Pleszeiorium*, in Castello reperi. Qui deditus, priusquam in conspectum populi, & locum supplicio destinatum adduceretur, continuis baculorum ictibus est occisus. Tractum demum per lutum, calcatumq; cadaver, donec busto caput abreptum est: deniq; ab uno monacho affirmante, excommunicati hominis cadavere, sedatum iri flammæ Urbem hucusq; absumentes, in media incendia projectum. Vidisses sensim flammæ sedari, cum consumptione cadaveris. *Petrus Tichonov* duodecim inde milliaribus in Monaste-

rio

rio Sanctæ Trinitatis repertus; insu Principis, octavâ Iulii Moscuam adductus, absq; ulla mora capite plectitur. Restabat MOROZOVIVS implacabili furore unicè ad pœnas expetitus: sed quod fugâ sibi consulisset, pœna mortis in eum lata, & ab omnibus approbata. Prodiit tandem in publicum fastigium *Eobne* Magnus Princeps: unde *Se velle populo impertiri gratias, tanquam universalis Pater omnium & Patriæ, professus est.* Acclamante populo longævus annos, factoque silentio, Princeps vultu composito, se resolvit in lacrymas. Petiit deinde veniam MOROZOVIO, quem educatorem, tutorem, secundumq; Parentem nominabat. Populus manipulatim habito consilio, altâ voce proclamavit: *DEVS conservet Majestatem Vestram incolumem & longævam, fiat voluntas Tua.* Actis gratiis, firmatisq; promissis, reditum est in Castellum; publicumq; epulum à Patriarcha & à MIŁOSŁAWSCIO populo exhibitum.

Alter tumultus millesimo sexcentesimo sexage-

*Alter
tumultus
Anno
1662. 6.
Augusti.*

xagesimo secundo longè sævior, seiori quoq;
populi insolentiâ & rerum eventu, sopitus
est. Præfenserat jam Princeps, sub simulata
pace gliscentis seditionis latitare igniculos,
in magna paulò post erupturos incendia: id-
circo extra Urbem Kolomensci, venationum
prætextu, uno ab Vrbe milliari, septem mil-
lium peditum præsidio validus, cum Proceri-
bus commorabatur. In Vrbe octodecim mil-
lia sumunt arma: ex his decem armatorum
millia, pro ferendo sibi succursu, intra Urbem
relinquunt: sed hi projectis armis, ad expilan-
dos thesauros Procerum & mercatorum ma-
nus & animos converterunt. Octo verò mil-
lia inermes Kolomenscum processere. *Suppli-*
catum se Magno Principi venisse, arroganter ajunt.
Principis in publicum prodeuntis, primus fe-
rociâ, prehensâ manu, imperiosè petebat tradi
populo Mitoslavscium, Rtiszervium, Chytrom,
Sireszniow, Woratynski. Causam requirenti
Principi, hanc edisserit: quòd eorum ductu &
consilio pax Polonica non coalescât, quòd moneta
cuprea

cuprea invaluerit &c. &c. Indignabundo, vul-
tumq; vertente Principe, equites Poloni &
Lithuani à fronte in seditiosos inveci, pedi-
tatus ex insidiis, prælongis latiq; securibus
(*Bardysze* vocantur) undiq; rebelles inermes
à lateribus adoritur: non arma, non consilium,
non fugæ locus supererat: pauci strictis præ-
grandibus cultris, defensionem moliti, in flu-
men Moscuam sese præcipitârunt. E tanto
numero seditiosorum, seu securibus præcisi,
seu vorticibus hausti, ad septem millia peri-
re. Ab altera parte nonnulli desiderati, non-
nulli cultris læsi. Mox ubi Urbem immanis
cladis nuntius clamor attigit, decem millia re-
sidui accurrunt: sed tantâ strage sociorum
consternati, arma & seditionem deponunt:
capita sibi præcidi ultrò petunt supplices, seditio-
nis authores duos produnt. Ex his pluri-
mi acti in cruces, in flumen demersi, manus &
pedes præcisi, in Sibiriam missi: omnes deniq;
alii chordis cæsi, ferroq; ignito in facie no-
tati, mercedem seditionis, infamiam, infami

*Seditio-
rum
glades.*

Mm

stigma.

stigmatē in seditiosis vultibus exaratum, per Vrbes pagosq; circumlatam, etiam post sua fata superstitem mortualibus sarcophagis intulerunt.

Authores verò seditionum, quàm facile reperiantur, Moschorum Annales, & retroacti anni edocuerunt.

Anno millesimo quingentesimo nonagesimo septimo. *Borysius Godunow* Comes stabilis, stirpem Ducalem clàm sustulit veneno; imperiique dignitatem ad se traxit.

Anno millesimo sexcentesimo quinto, *Demetrius* dum appropinquat finibus Moschoviae ex Polonia, absens à populo Magnus Dux proclamatus. Quis verò ille *Demetrius* fuerit, varii Gentium sunt sensus.

Anno millesimo sexcentesimo sexto, *Basilus Szuyiski* in cædem *Demetrii* conspiravit, Imperiique insignia rapuit.

Anno millesimo sexcentesimo decimo. Totius populi consensu, *Szuyscius* in monasterium detruditur, Polonisq; deditur: nihilominus cum

cum duo apud Polonos comparuissent *Demetrii*, uterq; pro legitimo Principe à Moschis acceptus. Alibi in Moschovia complures *Demetrii* suos sequaces habuere.

Anno 1613. VLADISLAO Poloniae Principi, Magno Moschoviae Duci rebelles, succederunt MICHAËLEM FIEDOROWICZ.

Anno 1643. *Timoszek Ankudinow*, postquam conjugem, suorum scelerum indicem, domumq; exuisset, fugit in Poloniam, & filium se *Basilii Szuyiski* deprædicat. Ibi à mercatoribus, deinde Ablegatis Moschis agnitus, ad *Chmielnicium* Kozacorum Generalem, Anno 1646. profugit. Illic quoq; agnitus, in Turciam profectus, Mahometismum amplexus est 1648. Inde in Italiam, deinde in Transylvaniam, & Sueciam, (ubi dum apud Reginam per Legatos Moschoviae expetitur) in Livoniam, in Flandriam; Wittembergiam profugus, Lutheranismum professus est. Deniq; in Hallsatia examinatus, Moschovitico Legato traditus, Moscuam deductus, quàmvis objecta sibi for-

titer negaret, ac intrepidus mortem subiret, in quatuor partes dissectus, canibus in escam eiicitur.

Anno 1654. *Solomiej*, cum Magnus Princeps in Lithuaniam movisset, hæreditatem Moschoviæ usurpare cœperat. Anno 1669. *Sienko Razin* Astrachaniæ Regnum, & quicquid Wolgæ validum adjacet, occupaverat.

Anno 1674, in *Vkraina* quispiam filium se Magni Ducis *Simeonem* jactabat, de quo supra. Sed hæc omnia in primordiis oppressa.

Explorato ejusmodi gentis genio, Senatus Moschoviticus, indeq; Principibus imminere metum, ubi ipsimet maximè metuuntur, optimè *Urbanæ* providit servituti: populum omnem in Vrbe degere statuit, ne in villas dilapsus, coetus & secretas consultationes iniret. Nemini ab Vrbe in suam villam proficisci licet, nisi prius facultatem, designatosq; dies proreditu acceperit. Cæterum ne quid intestini motus oriatur, metu, poenarum acerbitate, & per accuratos viarum exploratores providetur.

Cur Mo
schi in
Vrbepri
maria
sui terri
torij vi
vant? nō
in villis.

detur.

Contra calumniatores, in causa criminali, hic modus inventus. Primus accusator chordis ^{Calu-} ceditur: at hoc persistente in sua delatione, ^{mmato-} ceditur accusatus. Is verò, si triplicem chor- ^{ru, xna,} darum poenam toleraverit, negando crimen, (quod frequentissimè usavenit) accusator reus calumniæ, acerrimè chordis castigatur. Et ne his quidem modis, sufficienter calumniis provisum est.

Cuprea moneta præteritis annis ibi invalua- ^{Moneta} erat: ejus eudendæ domi, privatim in antris, ^{olandeffi} & sylvarum latebris, plurimi usum contraxe- ^{na,} rant. Sancita igitur poena, & executioni mandata, ut fontibus in guttur plumbum liquefactum infunderetur. Credisne cohibitam licentiam? minimè.

Chordarum poena (vulgò *Knut*) diu notaq; exercetur, dicerem crudelem, nî ab ipsismet Proceribus audivissem, suæ Gentis insolentiam detestantibus, alio modo nequaquam coërceri posse. Virgis autem (*Botagi* dicuntur) ^{Pœnæ genero.}

cuntur popularibus) quocunq; te verteris, Aulicos Principis & cubicularios (quàmvis ad ejus obsequii gloriam non nisi magna nomina, idq; ob merita parentum admittantur) in palatio; ad Ecclesias Clerum; in Cancellariis, in omnibus excubiis, in foro, in ædibus privatorum, publicè & privatim, tergo nudato, cædi videbis. Excubat in Castello ad puteum quendam publicum centurio: hûc adducti cæduntur continuò ferè ii, quicunq; intra Castellumuros, ausi fuerint verbum aliquod minus honestum proferre. Tantus in rudi illo populo Majestatis amor. Quàmvis pœna hæc gravis sit, nihilominus pro levi apud Moschos æstimatur. *Knut* cùm sit quandoq; ferreis filis intertextus, utcunq; maiori colitur metu. Sibiriam maximè metuunt, quòd opibus exuti, ab uxore & amicis avulsi, rariùs revocandi in Patriam, ad perpetuos labores damnentur. Tabaci usus interdictus. Videres indies plurimos, præcis naribus, dirissimè castigari virgis, chordis, in Sibiriam dampari & deportari.

Idem

Ducalis
Residen-
tia Ho-
nos.

Idem evenire solet, clanculùm vendentibus vinum crematum: nihilominus quia plerumque prævalent illicita, effusius ruunt in vetitum nefas.

Gentem ebrietati cumprimis deditam, & vitiosam, Græcorum more, vocat Iovius.

Legatio Hælfatica & *Iacobus Daniae* Legatus vocat pertinaces, indomitos, perversos, impudentes, inclinatos ad omnia mala, utentes vi, loco *In Vi-* rationis. *Carolus de Tallerand*, Principem de Car- *aggidi* les, Gallicum Legatum, ex decreto Patriarchæ in Si- *Moscho-* biriam missum ibiq; per annos tres detentum, didi- *dia lib: 3.* cisse quatuor libros *Aeneidos* memoriter exactissimè. *Cap: 17.* Similiter *Cæsareum* Legatum detentum, eadem Le- *Dea ego non mi-* gatio memorat lib: 3. Cap: 17. Nocturnis erro- *ror in tam vasti* nibus, grassatoribus, aut qui in publicis plateis *Domini reperi-* crapulâ & ebrietate pressi, decumbunt; guttu- *bonos & malos* ra præcidere est solenne. Contra nocturno *vi & ratione* latrones (*Tatie* dicuntur) provisum est, dis- *prou ratio St-* positis per principales plateas excubiis: si- *tus iubet nica-* mul edicto cautum, ne quisquam absq; lumi- *tes.* ne noctu compareat: sed tam vastam Urbem, *Latro-* *nes noi-* *sturni.*

omni-

omnibus etiam per abstrusissimos angulos latitantibus latrociniis, purgare, arduum & negotiosæ plenum opus alex est. Per bacchanales ferias, me tunc Moseus degente, unâ nocte octoginta cadavera reperta sunt.

Furta. Inter tot vitia, furtum omnium maximè punitur. Verùm etiam hunc rigorem, Gentis genius traxit in vitium: cùm re aliquâ clam injeatâ alicui, facti ignari accusantur furti, puniuntur ut fures.

Ex Legatione Halatica. Debitis exsolvendis impares, coguntur filios suos oppignorare: filius pro anno decem imperialibus, filia octo, aestimatur. Castigantur quoque singulis diebus debitores, ab ortu solis usq; ad signum campanarum. Inter nobiliores verò, ob debitum à Domino contractum, *Major Domus* castigatur; ut per irrogationem ignominia, (quæ servo irrogata, derivatur in Dominum) ad persolvendum debitum, Dominus inducatur.

Lit. Lis inter Magnates, supremo decreto dirimitur, quando citatus traditur permissui, deduci-

ducitur in domum injuriati, vel in carcerem: ille tamen nullam in caput ejus habet potestatem (& frequenter evenit, ut reus deductus ad suum adversarium, eiq; traditus, protestetur, se quidem obsequi mandato Magni Principis, nihilominus æmulum sibi genere & meritis imparem recognoscere) imò tenetur ex nunc ream dimittere, contentus hoc solo traditionis honore.

De amicitia publica & privata, Legatio Halatica sic differit. *Dirigunt ad utile proprium, non commune, nec ad virtutem cultum amicitia, quâ violare vel metu soluti, vel oblata in turbida occasione, non intermittunt. Fraude ac perjurio petitur decus virtutis.* Inter privatos quoq; (etiam uterinos fratres) rarò videris sinceram coli amicitiam: in adversis pavidì, inter secunda non Divini humanive juris memores: cunctis in adulationes & fraudes promptum ingenium.

Viri sunt de natura fortes, sed timidi; ideoq; in propugnandis arcibus quàm campo potentiores. Bono illis firmoq; temperamen-

Na

to

Livius.

Tacitus

to constans foret valetudo; nî otio & diurno somno affectioni scorbuticæ redderetur obnoxia.

*Ratio
Vitus.*

Transmarina, præter vestitum minûs appetunt, modico eq; crudo victu contenti. Pisces recentes, rarò etiam Procerum mensis apponuntur, foetidi dummodò non falsi in deliciis habentur. Cepis & allio plurimùm delectantur. Olera per hortum deambulando cruda comedere, etiam Proceribus non postrema, inter hortenses delicias, voluptas est. Bello autem Polonico, seu mitiori cœlo, seu clementioribus accolarum ingeniis, magnâ ex parte, illa cum qua venerant, feritas cicurata est. Futuri quoque luxûs (prout olim ex Asiatico bello, inter spolia Romam commigrâsse feruntur, sic Moscuae, Polonico bello) iacta sunt femina.

*Livius
Dec. 4.*

Hæc vitia aliâq; non univærsæ genti, Regnoque Moschorum tribuenda; Moscua ut plurimùm iis laborat; ejus insolentia præ cunctis aliis Provinciis, usq; ad servilia deprimitur.

Hinc

Hinc ille incomparabilis amor obsequiî: hinc ordo rerum nullibi major: hinc denique Majestatis securitas. Id ego ab A L M A Z I O Supremo Cancellario didici: nempe Regnans id

Nî faciat, maria ac terras cœlumque profundum, Quippe ferant rapidi secum, vertantq; per auras, *Virgil.
1. Aen.*

Qualis Princeps ejusmodi Regnum, & quântâ prudentiâ gubernet, supra innui. Quales autem antiquitûs imperaverunt, breviter describere, ratio Statûs Moschovitici videtur exigere.

Vetustior Moschoviæ Ducatus, Equite nudo, in ceris gentilibus, utebatur. I W A N W A S I L E W I C Z novis auctus. Regnis, novos quoque sumpsit spiritus. Genealogiam suam ab Imperatoribus Romanis deducit, Aquilam bicipiti rostro pro armis assumit: apud populares C A R, scilicet Rex, à Germanis Moscuae advenis, Cæsar. proclamatur: magnitudo rerum gestarum, facilè persuadebat regales illi cum diademate titulos non gravatè concedendos: sed cûm intellexisset

Nnz

se tan-

*Andr
Fredro
in Fra-
gment.*

se tanti Septemtrionis Dominum postponendum Sueciæ Regibus, suam ipse ambitionem (quæ sic se elevando deprimeret) detestatus, à Regalibus titulis, ad Imperatorios (*ut semper ambitio inquieta est, nescitque fastus stare loco*) animum princepsq; curas convertit. Diadema, Aquilam, & tot nomina ipso pænè timenda sono, etiamnū in diplomatibus ac literis, quæ ad Principes Externos inscribuntur, assumens.

I W A N W A S I L E W I C Z

Anno millesimo quingentesimo quadragesimo, multa suscepit bella contra vicinos Livones, Plescovienses: Magno Ducatui Lithuanie detraxit Magnam Novagardiam, Plescoviam, Polociam, Smolensciam: Tartarorum Astrachaniam & Kazaniam integra Regna, victor suo subjecit Dominio. Septem Ducalis tori con-

*Henri-
cus Sp̃.
danus in
annalib.
& Le-
gatio.
Halsati*
fortes successivè, contra Patrias leges uxoris Princeps admisit, ex quibus tres tantum filios suscepit: maximus natus IOANNES, minimus DEMETRIVS, pulchra Patris Soboles, si mens quoq; recta fuisset: ille à Pa-

tre

tre ictu scipionis, hic iussu *Borissii Godunov* occisi. Medius THEODORVS, duorum fratrum funera paulò post suo coronaturus, ad Paternam coronam brevemq; imperii successionem supervixit. Moritur I W A N Anno 1584. 28. Martij, ætatis 56. morte miserabili: cujus tyrannidem etiamnum non sine horrore memorare potest Moschovia: furore & crudelitate nomen apud posteritatem promeritus, dicitur *Car I W A N Sierdzity.*

F I E D O R I W A N O W I C Z

Hic annos dantaxat non animum parem Imperio attulit, atq; ita, quam propriis non poterat, alienis viribus, gravem Reipublicæ molem levaturus, in Supremum Statūs Ministrum, Regniq; Governatorem, assumpsit *Borissii Godunov* Ducissæ fratrem, supremum Cancellariū; virū fraudulentū, ignavo Principi cum universa sua stirpe perniciosum, & ut plerumq;

Nulla fides Regni sociis, omnisq; Potestas

Impatiens q̃a consortis.

Hinc & *Godunum* loci impatiens fortuna secundi.

Acer

Acer & indomitus fastus, ad totius imperii fa-
sces Principi suo rapiendos impulerunt. In-
dies igitur opibus, clientelis, valgiq; favore
potentior, pergit

Lucanus
libro 5.

*Successus urgere suos, instare favori
Plebis, & impellens quidquid sibi summa petenti
Obstaret, gaudensq; viam fecisse ruinâ.*

Primum ambitiosæ crudelitatis virus, in Do-
mum Regnatricem effudit, Principem D E M E-
T R I V M annorum novem interim, T H E O-
D O R V M quoque veneno tolli iussit. Ne
verò his facinoribus populi odia vindictamq;
contra se excitaret; clàm incendit Urbem, ut
nususquisq; ad propria tuenda conversus patrata
scelera simul cum damno extingueret. Obi-
it T H E O D O R V S 1594, Regni sui 12.
Anno.

B O R Y S G O D V N O W

Regnum hærede viduatum omnium suffragiis
defertur B O R Y S S I O: sed is specie reni-
tentis, in monasterium profugus, exuit suam
magnitudinem: se experiendo didicisse iactans,
quan-

quantum illa bona occultarum sollicitudinum
tegerent: *quàm q̃ arduum, quàm subjectum Fortune, Tacitus.*
regendi onus. Suos lacertos, ejusmodi polo
sustentando non esse pares, excusat. Inte-
reâ per amicos, suarumq; partium sequaces,
tacitam ambitionem tam strenuè promovit, ut
accurrenti ad monasterium ac lacrymanti po-
pulo, tanquam lacrymis victus, in id præbere
assensum coactus videretur, quod ardentissimè
cupiebat. Hic Princeps munivit Moscuam,
Mozayscum, Wiazmam, recentemq; prædam de
Lithuanis raptam, Smolenscum, tot bellorum
causam, incomparabili sumptu, cinxit muro: cu-
jus fundam Lithuani, Moschi muros, perenni
bellorum feriè repetere non desistunt.

Regnante B O R Y S S I O, seu *Hrysko V.*
trepiey, Iaroslaviâ oriundus, monachus, (uti Mo-
schi asserunt) profugus in Poloniam; seu non *Deme-*
fictus *Demetrius* in aula Ducis W I S N I E *trii ind-*
W I E C C I I, ignominiosè tractatus, suam pri-
stinam sortem lacrymans commemorabat. Quis
esset? feriò quæsitus; *Demetrium se Moscho-via*
hare-

*heredem, nutricis virtuoso dolo morti creptum, denuntiavit. Dicta probavit; cum Crucem adamantinam in sacro fonte sibi appensam; tum brachio inustam aquilam (quâ chordis cæsum, notatum asserunt Moschi) monstrâisset. Ab hinc Regali honore educatur, tantoq; nomini & educationi parem gravitatem & mores, pro futuris mox opibus induit. Palatinum Sendomiriensem MNISZEK, Virum opibus potentem accedit, Filiam ejus in consortem tori & sceptri destinat, si ejus opibus & consilio, Polonorumq; armis ad avitum thronum eveheretur. SIGISMUNDI Tertii permissu legit Exercitum quatuor ferè (nonnullis decem) millium. His viribus armisq; potens movet in Moschoviam, proximas aggreditur & occupat Civitates, deditione plura fortalitia integrasq; accipit Provincias. Alliciebâtur ignari fama nominis *Demetrii*, qui pròptos Moschorum animos ad nova & mira flexit. Maximis demùm suis successibus, seu in subitanam mortem, seu ad sumendum venenum ex desperatione, BORYSSIVM compulit. Obiit BORYSSIVS Anno 1605, Apr. 13.*

296
R Y S S I V M compulit. Obiit BORYSSIVS Anno 1605, Apr. 13.

FIEDOR BORYSOWICZ

Ab obitu *Boryssii* Procerum votis suffectus quidem est in Principatum *Fiedor Borysowicz*, nihilominus cum indies *Demetrii* augerentur vires & Fortuna, à Senatu populoq; in foro proclamatur. *Concedat Deus prosperitatem Demetrio, legitimo heredi Russiae, contra omnes suos hostes.* Veluti signo undiq; dato, omni portâ in Castellum ruunt; electum Ducem captivant; *Demetrium* per Legatos ad Solium invitant: hic antequàm Moscuam (iam sibi ferè deditam subiret, invalidum THEODO. R V M, cum sua Matre, mors fato propera, vel *Demetrii* venenum absumpsit.

D E M E T R I V S

Iam spem ingentem potiundi Moschovitici Imperii, pænè in immensum provehentibus Polonorum, Lithuanorum, Moschorum, Kozacorû Copiis, tot viribus validus, tot manibus suæ gloriæ militantibus potens, tot deniq; popu-

Oo

lis

lis pro sua salute excubantibus securus *Demetrius* in conspectum Moscuæ decimâ sextâ Iulii pervenit. Matrem suam sibi occurrentem *Demetrius*, eâ, quâ par est filiali submissione, maternoq; nomini debitâ reverentiâ, equo delapsus, veneratus est. Hæc quâvis se fortè cædes filii non latebat, nihilominus vel metu, vel desiderio pristinæ felicitatis dissimulavit imposturam. Coronatus *Demetrius* 29. Iulii.

Haftenus quidem per felices successus composita à D E M E T R I O fabula, eundem ad sceptrâ & imperialem usque coronam evehebat: at ubi supremum optatæ felicitatis apicem attigisset, cum quò ulterius pergeret, non haberet, retro cedere coepit: ita profectò quisquis medium defugit iter, stabili nunquam tramite currit. In meta gloriæ & votorum suorum quiescente D E M E T R I O, vertit Fortuna rotam, cum qua res D E M E T R I I versæ, & eversæ; fortunati successus in tristes funestosq; se coeperunt evolvere; Corona D E M E T R I I in profundissimam confu-

*Seneca
in octavo.*

confusionem depressit Moschos: erubescere coeperunt purpuram in Principe, quam eidem paulò antè victi victori imposuerant: felicitas sui Principis illis aperuit oculos, quos operuerat propria calamitas: pudere demum eos coepit, quòd à moribus antiquis degeneraverint, & Ducale solium, domi natis, vel è medio sui lectis Principibus inhabitatum, alieno ex orbe petito Monarchæ, hostium artibus infecto, subjecerint. Gliscentes occultè seditionis igniculos in flammam apertam protrudebat, ipse diversus à veterum Principum institutis D E M E T R I I genius: quòd extra Patriam desponsaret sibi consortem; quòd mores & consuetudines Polonicas Moschovitici præponeret, quòd thesaurum Ducalem prodigaliter (plerumq; in Polonos) erogaret, quòd armillas & monilia, sponsæ, Regi; Poloniæ, extra Patriam miserit, pretii incomparabilis: quòd Præfecturas Polonis concesserit; carne vitulina vesceretur; balnei quotidiano usu abstineret: usitatum apud Moschos cultum Iconibus

*Cause
cædis De
metrii.*

Oo2

non

non exhiberet; canes sequi se in Ecclesiam
fineret. Ex his omnibus ceu ex maligno fo-
mite, suscitabatur flamma in incendium, for-
tunam, honorem, vitamq; DEMETRII con-
sumpturum. Ad hæc subibat animos impostu-
ræ non vana suspicio. Exaggerabat occultè,
deplorabatq; ruinam Patriæ WASILWA-
NOWICZ SZVYSKI, cæteri; Proceres,
sed prodita conjuratio, in caput versa conju-
ratorum: ipse SZVYSCIVS seditioforum
Primipilus, verberibus castigatur, ad extre-
mum fatali decreto reus mortis edicitur. Pro-
xima jam executio in loco supplicii plecten-
dum constituerat, at DEMETRIVS nom-
inùs se fortem in puniendo, quàm in parcèn-
do, subjecto populo exhibiturus, donavit cle-
menter fonti vitam, quam iustè, sibi salubri-
ter, auferre poterat. Dum hæc in Moschovia
geruntur. MARINA MNISZKOWNA
Palatini Sendomiriensis filia, splendido Polo-
norum stipata comitatu, pervenit Moscuam 8.
Maii. Nuptiæ Ducales celebrantur. Lata o-

Nuptiæ
1606
Maii 17.

omnia

omnia; nil præter geniales plausus, in Ducali
auditur curia, nil nisi quod Imperialis Hyme-
næi ferentatem ostendet, conspicitur. At
longè alia rerum facies in Vrbe: dum enim
Princeps velut in altissima pace, ignarus quid
fata pararent, obruit se mero, pleriq; facto
concurso in villa, ejuratoq; Principe, SZVY-
SCIO jurant fidem & obsequium. Ultimo
nuptiarum die ad signum campanæ, (*Nabat*
dicitur) tota Vrbs ad arma concurrit. In-
vadunt Castellum, & præsidium Polonicum
somno vinoq; sepultum. Cædes immanisq;
in semivivos laniena exercetur.

- - - *Crudelis ubique*

Luctus, ubiq; pavor, & plurima mortis imago.

*Vir. 1 r.
Æneid.*

Postquàm Polonorum ferocissimi, per acies ce-
cidissent, penetrant in conclave DEMETRII,
quæ de fenestra jã jam se præcipitantè retrahunt.
Eâdem horâ Mater DEMETRII, sub oscu-
lo Crucis (id juramenti loco apud Moschos
habetur) examinata, negavit legitimum à se
coli DEMETRIVM. Nec mora crudelissi-
mè

mè occiditur impostor. Poloni quique animosiores mille septingenti cecidere: Ducissa in Monasterium detrusa: Ducis tamen WISNIEWICII Aula non minus generose, quam strenuè se tumultuanti plebi opposuit. Legati Poloniae Regis, OLESNICKI & ALEXANDER CORVINVS GOSIEWSKI contra jura Gentium detenti biennio. Cadaver DEMETRII fune tractum per plateas, fannis, convitiis ludibriisque promiscui sexus plebi expositum in medio foro, tum ignobili sepultura obruitur, iterumque erutum igni, in cineres consumendum, iniicitur. Hoc demùm tam celeri, tamque infelici exitu, tanta potentiâ quæsitum, per tot clades inventum imperium DEMETRII terminatum: ita profectò.

Lucan.
libro 10.

*In se magna ruunt. Latet hunc Numina rebus
Crescendi posuere modum: summissæ negatum
Stare diu.*

WASIL IWANOWICZ SZVYSKI.
Sublato per seditionem Principe, Caput seditionis.

tionis coronatur. 1. Junii 1606. Ad initium ejus Regni Kniaz GREGORIVS SZACHOWSKI (uti Moschi affirmant) raptis inter tumultum & cædem DEMETRII, decem equis Ducalibus, profugus in Poloniam, DEMETRII nomen, Personam, & titulos assumit, adversusque Moschoviam, numerosum æquè ac potentem colligit exercitum: fecuti sunt ejus auspiciis, viri magni nominis in Moschoviâ, Dux WISNIEWICKI, SAPIEHA ceterique. Infestis: Polonorum, Lithuanorum, Moschorum, & Kozacorum Zaporohensium & Donensium copiis, in profundiora Moschoviæ penetrans, ipsam metropolitanam illius Urbem intestinis à semetipsa jam penè oppressam claudibus, biennali premit obsidione. Duo tum in Moschovia distinctis locis comparuerunt Demetrii, quorum alter Ducalem annulum, argumento fugæ monstrabat; alter quidpiam è Ducali supellectile, prædæ ostentabat. Uterque studia Moschorum ad se, vi & artificiosâ imposturâ

posturâ trahebat. Primum tamen omnibus potentior arma Polonorum fecerunt (uti innui) hic exercitus Moschoviæ profligavit, Moscuam, validâ strinxit obsidione. Quisquis verò ille fuerit, seu idem ille *Demetrius*, seu alius impostor, ita egit Personam *Demetrii*, ut fidiſſimi amici, hac de re, nil certi hucusq; referre potuerint. At in Polonia SIGISMUNDVS REX ob communem Regum causam, ob Legatorum captivationem, ob violatum jus hospitii, iuraq; Gentium, bellum in Moschoviam decrevit. Ipse Smolenscum cinxit obsidione. STANISLAVM-ZOLKIEWSKI Exercitum Ducem in penitiorum Moschoviam expedit, qui octoginta milia Moschorum ad Kłuszynum fudit, ibidemque Sueticum Generalem, Pontum de la Gardie, profligatum captivavit: Moscuamq; Victor aggressus est. Moscuæ in foro, primùm populus, mox in palatio Proceres SZYSCIVM infortunatum esse Principem conclamant: in campum prodeunt: Proceres, Nobilitas, Populus, con-

concludunt deferere Principem suum in pace, & in adversis præliorum exitiosum. Cuncti deinde per delegatos SZYSCIO denuntiant, tot populorum nomine: eum esse Principem infelicem: sceptrum resignare iubent, ipsumque in monasterium detrudunt. Ita per seditionem querentibus Imperia, aut tenentibus, nihil medium inter præcipitia & summa est. ZOLKIEVVS postquàm in conspectum Moscuæ Victorem produxit Exercitum, maior in Vrbe metus: oppressa tumultuantium dubitatio, nonnullis jam pro VLADISLAO, quibusdam pro *Demetrio*, Vrbi adsidente, quibusdam pro *Galicino* Electionem trahentibus. Omnes concludunt deditorem Urbis tolerabilibus mediis, Electionem VLADISLAI Poloniæ Principis, petendumq; à Victore subsidium contra *Demetrianos*, Urbem jam biennio oppugnantes. Victor, VLADISLAO fidem juratam coram se dare obsidem, diadema, Castellumq; iubet: tum deditis fert opem. Et quia nusquam ibi, pax consistere posset, ubi

Pp SZY:

SZVYSCIVS esset, hunc sibi ante omnia dedi oportere declaravit. Poloni, hucusq; signa *Demetrii* secuti, (præviâ cautione, exultationis stipendiorum, sub *Demetrio* emeritorum, à Rege & Republica) deserto *Demetrio*, sub Regimen **ZOLKIEVII** concesserunt.

V L A D I S L A V S

Decimum quintum ætatis annum agentem **VLADISLAVM**, Magnus Dux Mosch: **SZVYSCIVS**, **FILORET** Patriarcha duoq; *Szajscii* fratres, Captivi, Victorem, totaq; Moschovia Principem adoravit: Urbem, Castellum, diademata, Thesaurum Ducalem, Arma, Sigillum, omnesq; publicas opes, **ZOLKIEVIVS** in deditionem accepit; ac ne per vim imposita imperia exnerent Victi, pro præsidio Castelli, primum mille, monitus deinde ab ipsismet Moschis de periculo seditionis, sensim sex millia intromisit. Iuramentum in Nomen **VLADISLAI**, in persona excepit: moneta in vulgus sparsa: apud remotissimas gentes *Kosmykorum*, *Kazanensium*, *Sibi-*

Sibirienſium, *Aſtrachaniæ*, *Czeremiſſiorum*, ad mare Caspium & Septentrionale ſitas, **VLADISLAI** colebatur Nomen. **ALEXANDRVM CORVINVM GOSIEWSKI** Moscuæ præfecit **ZOLKIEVIVS**; ipſe, primum caſtra Regia ad Smolenſcum Victor, mox Varſaviam, (jam quoq; capto Smolenſco) triumphaliter ingreſſus, Moschorum Principes **SIGISMVND** & **VLADISLAO** in publicis Comitibus Captivos præſentavit.

Anno 1611. 26. Ian. Populus Moschoviæ militarem licentiam Poloni militis **GOSIEVIO** expoſuit: Sacrarum Iconum contemptum, filiarum uxorūq; ſuarum prostitutionem: incuſabant tributum alendo militi impositum: petebant deniq; in omnium præſentium malorum remedium, celere adventum **VLADISLAI** electi Magni Ducis. Poena itaq; in fontes lata, & Electi Ducis adventum acceleraturum ſe ſpopondit **CORVINVS**. Jam verò militem ſuum excubare diligentius, dum Moschos ſenſim inſoleſcere videt: populumq; armorum uſu, abſtinere iubet.

Pp2 Cum.

Cumq; ingentia illa tumultus & conventicula, apertius augent, Urbem diversis locis clam incendit, divertendo Moschorum animos à publicis ad privata tuenda. Sed postquam communè incendium animos incolarum invasisset, Urbem totam exussit, excursionemq; validam faciendam excidit. Ducenda millia promiscui vulgi, in Urbe tunc perisse feruntur. Urbs tota præter Castellum, & unam vetustissimam Sanctæ Trinitatis Ecclesiam, in cineres abiit. Ex Castello, Ducalis, Patriarchalis, & Ecclesiasticus, privatorumq; thesaurus à milite directus, pretii incredibilis, usq; adeo opulentus, ut nauseans opes peditum vulgus, bombardas grossissimis gemmis oneratas, exoneraret in aërem: diademata, sceptrum, unicornum auro & adamantibus vestita, partim Ducibus, partim militi præsidario, partim seditioso, cesserunt in spoliis.

MICHAYLO FIEDOROWICZ

Propriis malis totq; cladibus ad saniores jam mentem Moschi impellebantur: quare unanimi

consensu MICHAELI FIEDOROWICZ Theodoro Nikitcz Filoretto (qui deinde Patriarchale Solium adeptus est) genitum, sexennem, Magnam Moschoviam Ducem dixerunt. Anno 1613. Ejus auspiciis Moscuæ cincta obsidione, sed egregie defensa ab ALEXANDRO CORVINO GOSIEWSKI annis sex. IOANNES CAROLVS CHODKIEWICZ, IOANNES ZBOROWSKI geminatis Moschorum cladibus, solverunt obsidionem. Hucusq; CORVINVS fortiter Proregis sanctus officio, successorem accepit (Polonæ Gentis eas honoris vices alternas esse cum Lithuanis volente) IOANNEM STRVVS. Iterum sub eo Moscuæ cingitur obsidione, famæq; adacta paciscitur deditionem. Potitos quoq; se dicunt Moschi tunc Smolensco, sed intra tres menses, iterum resignare ob inopiam commensu coactos: nam Georgius Suliszow cinctis obsidione Moschis Smolensci, opem laturus, in via profligatus: Demetrius Czerkaski cum exercitu Moscu-

Moscuam usq; evasit, Polonis undiq; instantibus: ipseq; VLADISLAVS Moscuam oppugnavit 1618: portam Orbacensem perfregit. Defensa tamen Vrbs operâ Germanici præsidii. Tandem Moschovia tot fessa malis, inducias 27. annorum ad Troycam accepit. SZVYSCIVS Magnus Dux Captivus obiit in Polonia. *Filoret* Patriarcha, duoq; *Szyyscii* 1619. libertatem sunt consecuti. Vixit MICHAEL Pacificus, suæ Genti gratus Princeps, nisi quod arbitrio Patriarchæ, suscepit celebrem illam Smolensci obsidionem 1632. occasionem ingentis gloriæ VLADISLAV IV Pol: Regi: ubi 170000. Moschorum victi, residui edomiti, signa, arma, opes publicas & privatas, Victori in spoliis reliquerunt. Obiit MICHAEL 1645 Iulii 12. ætatis 49. Regni 43.

ALEXIVS MICHAYŁOWICZ

Eodem anno Patri successor ALEXIVS tranquillum cum sceptro accepit Regnum: eòq; maiora pacis præsidia firmabantur, cum a Patre supremâ voluntate ad colendam cum Polonis

lonis pacem obligaretur. Anno tamen 1654. atrox bellum intulit Poloniæ & Lithuaniam, dum illæ multiplici bello distraherentur. Majorum suorum prudentiam, fortitudinem, potentiam, superavit. Nationibus externis, tum fortitudinis, tum prudentiæ, omnisq; ingenii probandi exercitium, Moscuæ præbuit: sed simul in omni arte, Moschos olim rudes, militiæ omniumq; bonarum artium ignaros, excoluit. Quicquid deniq; Moscuæ exuit ferociæ, huic debet Principi. Non defuere tamē rerū vicissitudines, & clades ingentes sub ejus Domino: pestes enim antehac inauditas perpessa Moschovia, Princeps Civili tumultu petitus, orbatus filiis ALEXIO magnæ indolis, & in spem Regnorum Polonici, ac Moschovitici educato, & SIMEONE minorenni. *Tanti consistit bello Poloniam læcessere Gentem. De quo fusi timè actum supra.*

Hæc ex occasione Urbis Moscuæ, a nobis ferè quadriennio inhabitatæ, dicta sufficiant.

Moscuâ evoluti, Kubinskum pervenimus, illic

311
tria au
millia
hic Secretarius Magni Principis Camerae, vi-
aticum liberale attulit. Insuper sericum vi-
ride, aliudq; sericum argenteo filo intertex-
tum, Persicum opus. Colonellis, aliisq; omni-
bus sedecim Concaptivis, collaudatâ eorum
constantia, munera liberaliter data. O-
mnium maximum munus, libertatem, etiamnum
declaratam accepit CORVINVS. Quâ læ-
tus, munerum quoq; gratus, latorem munifi-
cè donatum dimisit. Literas verò idiomatè &
stylo Genti illi accommodato, valedicturus Ma-
gno Principi, ejusmodi inscripsit.

DEI Gratia Magno Principi, Car, & Magno
Duci ALEXIO MICHAËLOWICZ,
totius Magnæ, Minoris, & Albæ Russæ Monar-
chæ, aliorumq; plurium Regnorum & Terrarum
Orientalium, Occidentalium, & Septentrionalium
Heredi, Successori, Principi, Domino, &c. &c.
Sacra Carea Majestas.

Non longè antèhac Majestatis Vestra Captivus,
nunc ejusdem clementiâ liber VINCENTIVS
CORVINVS GOSIEWSKI, humiles re-
pendo

312
pendo gratias pro omnibus mihi præstitis beneficiis,
quòd me Majestas Vestra quadriennio liberaliter vi-
ctu & amictu, donis insuper providere, medicis
suis curam meâ valetudinis demandare, medica-
menta è pharmacopolio Ducali largiri, per Simeo-
nem Lukianowicz Stresznior Senatorem suum, me
agrum Captivum invisere; deniq; libertate donare,
in Patriam dimittere, conspectu suo non denegato:
per Secretarium suum de valetudine meâ inquirere,
auream mihi vestem & viaticum largiri dignata est.
Quòd verò pristinum meum Pacis conficienda studi-
um, grato animo acceptet Majestas Vestra, meq; ad per-
ficiendum opus; cum Georgio Dolgoruki, cum Atha-
nasio Nasczokin, apud Sacram Regiam Majestatem
Dominum Meum Clementissimum Legato, ad ami-
citiam ineundam hortetur, libens Majestati Vestra
obsequar. DEVM interea precor (absq; cujus ad-
jutorio, omne consilium vanum, omnis potentia
debilis) ut tantum virium mihi suppeditet, & in-
genii, quatenus Vestrarum Majestatum ad pacem in-
clinatos animos, labore meo, ad tam pium opus per-
ficiendum inducam. Ut verò Majestates Vestra san-

Qq

gui.

guinem Christianum sistant, Ethnicorum potentiam
malis utriusq; Gentis auctam diminuunt, obsequia
Mea Majestatibus Vestris deoroveo, quantum per ra-
tiones virium & possibilitatis licebit. Quicquid
Vestris terrenis Majestatibus defuerit, Divina Ma-
jestas suppleat, tam pias, orbi Christiano proficuas
Majestatum Vestrarum intentiones, Suo cumulatura
auxilio. Quam precor, ne prius me sinat mori,
nisi videro utriq; Imperio restitutam pacem; inter
Vos Magnos Principes, Vestraq; Regna veterem a-
micitiam; hostium communium confusionem, & a-
micarum Gentium inde solatium. Id dum animi-
tus apprecor, Majestatis Vestrae deosculor manum.

Majestatis Vestrae

Kubinsk 20. Martii.

1662.

Humilis Servitor

VINCENTIVS CORVINVS
GOSIEWSKI.

Mozaysci commutatis vectoribus, Wiazmam
perventum. Omnium bellorum & diuturni car-
ceris asperitatibus infractus, parum absuit,
quin

quin in ipso portu libertatis, grandi ægritu-
dinis procellâ impetitus, vitæ fortunarumq; fec-
cerit naufragium CORVINVS. Aliquantû sopito
morbo, Dorohobuzum lectulo delatus: eo malo
iterum recrudescente, extremè periclitatus est.
Æquè Moschis ac Concaptivis de ejus vita
solicitis, commodior visa navigatio secundo
Boristhene, ob evitandas infinitorum pontium
incommoditates. Urgebat Kniaz Nikita Ivano-
wicz O D O I E W S K I per Internuntios
Smolensco missos, iter ejus accelerari, cum jam
verni dies infirmo periculum, à Medico præ-
dictum, minari viderentur. Duo itaq; ma-
gna navigia ad iter navale instruuntur. Cæ-
teri Captivi, pariter & Moschi, *Pristavi*, excu-
bitores, sedecim magnis navigiis Smolenscum
4. Aprilis appulerunt. Quum plerumq; meti-
culosa sit calamitas, timebamus ne Smolensci
novum aliquod emergens cursum itineris no-
stri remoraretur, sed cum miles protensis in
muro signis, populusq; ad ripam Boristhenis
numerosus confluxisset, ut sibi liceret reducere,

Moschi
urgent
libera-
tionem.

Smolen-
sci hono-
rifice ex-
cipitur.

Qq2

corā

coram intueri & adorare: cum æquè à populo ac milite præfidiario haberentur honores; cum ab *Odowscio* cæterisq; Legatis, Ducalis rheda mitteretur; deniq; intra mænia honorificè deduceretur à Colonellis, tum demùm verè se liberum esse agnovit. Excubiæ adhibitæ, obsequii magis, quàm vigiliarum causâ. stâ A-

*A Lega-
tis Mo-
sch: homo
vixit sa-
lutatur.*

prilis in eadem Ducali rheda Legatorum Aulam invecus, in arêa ab A L M A Z I O Cancellario omnium Legatorum nomine salutatus: mox in atrio à N A S C Z O K I N O simili salutatione exceptus: in sala à P R O Z O R O W S C I O dextrâ datâ: honorat9, ante conclave à Legationis Principe O D O I E W S C I O humaniter acceptus, in conclave deducitur:

*Morgen-
tis.*

*Liberta-
tem con-
sequitur*

hic habito primum colloquia de accelerando Legatorum congressu, de commutatione Captivorum, de Austriacorum mediatione, supremum ei libertatis decus, tot suspiriis desideratum. (ejusq; usui, seu equos, seu navigia vellet, jam esse omnia in promptu) denuntiatur. Comites libertatis dati quinq; præterea gregarii duodecim, vilioribus obse-

quiis

quis destinati. Pro omnibus, quod Nationis Moschoviticæ Captivos remissurus esset, scripto cautum. Vice Colonellus honoris causâ, & 30. pedites Moschi, remigesq; dati usque Mohiloviam: iidem ut integrè Smolenscum remeare possent, similiter scripto cautum. Reliqui commutationem expectare iussi.

Sextâ Aprilis è porta Smolenscensi solvit: ipsoq; die Paschali 9. Apr: Orsam delatus, Salvatorem resurgentem, Captivorumq; liberatorem, adoravit. Die Lunæ Kopyfian pervenit. Dum R A D I V I L I A N V S peditatus, populusq; sub signis prodiret, signa & arma flecteret, mœnia oppidi ignibus coruscarent, (in re quidem levi, sed apud se non nisi Principi exhiberi consuecta) Moschi magni Nominis & honoris Virum admirabantur, quem apud se hospitem non adeò æstimabant. Russe oppida bellâ pertæsa, C O R V I N V M ut pacis authorem cum ingenti plausu intuebantur, simul & spe haud dubiâ, si Hostis bella gerere coget, Ei victorias notis itineribus de-

*Accessus
in Patri-
am*

stina

stinabant. Sibi salutem cum eo rediisse, & ceu salutare fidus illuxisse gratulabantur, in illo turbulento intestinorum per Rempublicam motuum statu; in illa gravissima militaris confederationis tempestate. Vnam credo fuisse omnium vocem

Claudia.
no l. 2.
in Rus-
sum.

*Te nobis trepida ceu fidus dulce carina
Ostendere poli: tantis qua lassa procellis
Tunditur, excusso trahitur dum ceca Magistro
Tu sola pericli*

Turris ades, clypeusq; truncem porrectus in hostem.
Szkloviam accedendi erat animus; sed quod illuc Moschi venales Captivi clam deportati essent, ne hæ præpedirentur nundinæ, illa est prætergressus, nil sibi esse emendū, apud illos mercatores, inquit, cum Sacra Regie Majestatis curâ, & Hostium beneficio, donatam acceperit libertatem. Imposito tamen aresto (quod jam Regio, & Exercitus nomine factum est) 200000 Imperialium, in Lithuaniam comite MICHAEL B P A C Fratre suo, profectus est. In itinere die-rum plurimorum verbis & lætitiæ materiem sup-pedi-

peditabant præteritæ calamitates: etenim

*Qua fuit durum pati
Meminisse dulce est.*

*Sensus
in Her-
cule Fu-
rentes*

Liber jam inde, præteritas calamitates in præsentis lætitiæ materiam vertit, renatæque libertati, parem animum, vultumq; induit hilariorē, nihilominus præfagam malorum mentem, ubiq; gerere visus. Minisci, Novogro-deci, Słonimi, Zyrowiciis, à populo extra mœ-nia prodeunte, oratione & admiratione exceptus, à Clero cum decantatione Hymni in Ecclesias ubiq; deductus, ubiq; gratum se & liberalem præbebat gratulantibus.

Kobrynæ ubi famâ vulgatum est, publico privatoq; omnium voto desideratum redire Ducem (cum stupore præsentis ibidem Internuntii Moschovitici) tormentorum fono, lætisq; inter valgis militare circulis, domus implebantur. Magistratus autem militaris cum ZERONSCIO, tanto hospiti obviam expediendos censuit Legatos, invitandumq; ad se. Duodecim Proceres Legationis, officio, nobilita-

bilitatē, & militiā insignes expediti. His accessit ingens numerus, gestientium intueri reducem illum Civem, pro quo liberando Romanorum Imperator, Poloniae, Galliae, Sueciae, Reges, Senatus, Equestris & militaris Ordo, tantoperē defudārent. Ab hinc frequentes militum ē stativis prodeuntium turmae, tanquam postliminio redditum, latis pro praesenti fortuna animis, Kobriniam circumfusi deducebant. In cuius conspectum ubi ventum est, ZERONSCIVS, Consiliariorum aliorumq; (quos in oppido continuo residere oportebat) quadringentorum equitum cinctus coronā, splendidissimē obviam medio processit miliari. Totidem ferē ā parte CORVINI stabant. Vtriq; gratulatio proluxior animis quā verbis constabat: nam obortae utrique lacrymae, verba praepedivēre: interim dextris datis, in oppidum itum. Ternis vicibus, omnia quotquot in Castello erant tormenta, detonuerunt. Peditatus extra oppidum pares exhibebat honores. Cānae, applausui militari, fre

frequentiq; tormentorum ac tubarum sono, nox data. Luce ortā in frequentissimam militum adveniēns coronam, alter alterius conspectu, mutuo paullisper conticuēre. Tum primus CORVINVS, orsus est orationem: *Quo fato in hostium manus inciderit, duriq; carceris pro Patria toleratas arumnas, exposuit. Hinc deinde per armatam Legationem, ab Exercitu Moscuam expeditam, magna ex parte vindicatum se agnoscens, censuit inter victoriarum rerumq; ab eis gestarum gloriam, id non ultimum laudis fore, apud posteritatem exemplum, quod Dux cesserit Exercitui ab hoste, in praeium fortitudinis: quod Ducem suum belli casibus oppressum, carceris arumnis enervatum, ab amicis desperatum, victoriosā ope sublevārint; Captivorum spolio (quos sanguine suo conquiſſerant) commutārint &c. &c.* Non dissimili facundiā ALBERTVS CIECHANOWIECKI, Exercitūs nomine plurimas res ab eo pro Patria gloriosē gestas, recensuit: simul Vercense praelium, minori numero, majori fortitudine absolutum: ipsum deniq; carcerem, eodēq; depradi-

Oratio
ad milites.

dicavit; ut merito, inter victoriarum gloriae trophaea, recenseri debeat. Adjecit absentis in Patria desiderium, in carcere, boni publici studium, cum discrimine vita, &c. Actis Ei denique gratiis, Patria & Exercitus nomine, in Ecclesiam itum. Vbi inter repetitos tormentorum applausus, à Militari populo decantatum, *Te Deum laudamus*: veterem victoriarum gloriam repetere, non carceris ærumnas eo die recensere, inter tot applausus audivisses **CORVINVM**. Triplex deinde epulum exhibuit militi, tantâ liberalitate, ut in amplissimo horto, inter plantas, plurimis instructis mensis, accumberent quotquot vellent. Cæteris inter hortos decumbentibus, vinum ad satietatem apponebatur.

*Varsovi-
um in-
gressus.*

Iam crebrius ab Regia allatae literæ, monebant, maturaret suum adventum. Modicâ itaque sibi concessâ Wołczyni quiete, Varsoviæ profectus. Apparabatur quidem ab Amicis in Aula, ingressui ejus pompa, sed cum se morbis fractum sentiret, pertæsus tot officiorum inter

inter pompam ingressus præstandorum, studium amicorum eo die elusit. Nihilominus postridie, ipso die Pentecostes, Regiam Majestatem, in suburbano Varsoviensi palatio aditurus, veluti quispiam Externus ingrediens meritis exceptus honoribus. In Curiam ubi frequenti Senatu perventum est, Sacrae Regiae Majestati in publico, brevi, & concisâ oratione, primum non gloriosam magis, quam divitem Superam benignitate, victoriam gratulatus: (cum pro se eliberando exspoliis suis quinque Moschorum Generalissimos, liberaliter Moschis condonârit) tum pro Paterna suæ libertatis cura, actis gratiis, carceris tolerati obsequium dedicavit, eamque ipsam libertatem, quam Paterno Ejus beneficio se debere recognoscebat, ac residuum vite, Regiis obsequiis obstrinxit. Par magnitudini Regiæ, victoriisq; oratio, clementer à Principe audita: accepta merita: dati pro commutatione captivi, iam omnes apud privatos Cives, venales. Deinde indicto de industria conventu, frequenti Senatu auditus, nunquam inutile boni Civis operam esse,

Rr2

& ne

& ne compedibus quidem magnanimos passus impediri, demonstravit, cum arcana quæq; Moschorum explorata, in Senatu aperiret.

Exceptæ deinde, tum Domesticorum, tum Externorum Principum gratulationes, & quidē literæ LEOPOLDI Augusti Imperatoris, LVDOVICI Galliae Regis, FRIDERICI VILHELM I Marchionis Brandenburgici, Sacri Romani Imperii Electoris, IACOBI Curlandiae & Semigalliae Ducis.

Iam verò in Patria omnium Principum, Procerum, praesentium & absentium susceptus gratulationibus, omnium voto in praesentium malorum, seditionumq; remedium, destinatus, Vilnam concessit. *Nec degeneravit* (uti de Magno BOHEMVND O è Turcico carce-

P. Æ. re, magno auri pondere redempto, scribit Hilin-
milis storicus) à Pristina animi indole; casuumq; belli-
Vener. corum non ignarus, fortune vires ingentes esse; e-
sis de bel. am rerum temporumq; communium inclinationem
lo saoro. afferre: ac pro libidine, quem visum fuerit extolle-
 re, premereq; mentem hominis, vimq; animi sua-
 for.

sortis esse: summos Viros neq; frangi adversis, neq; tumescere secundis: & quò plura maioraq; experimenta virtutis in utraq; fortuna dederat, eò sensibus mortalium eras admirabilior.

C A P V T IX.

VINCENTIVSCORVINVS GOSIEWSKI Seditioni Militari sedanda immisce-
 tur, & interimitur.

Reducis è Moschovia VINCENTII GOSIEWSKI illibata fides & authoritas, omnium in Republica voto, praesentibus malis interponenda iudicabatur quidem; sed adversa ejus valetudo, tot malis fracta, aliud sentire cogebat. Firmior tamen erat Regalis obsequii & boni publici amor, quàm ut vel toleratis in carcere ærumnis, vel diuturnis morbis superare-
 tur. Sequitur igitur, quò se occultus factorum ordo, quò Majestatis nutus, Civiumq; vocabat salus. Vix exactis duobus mensibus Varsoviae, (qui publicis consiliis, privatis congratulationibus

nibus, medendæq; valetudini impensi) Vilnam proficiscitur. Ibi creatus Commissionis Marschalci, huc omnes convertit curas, ut Patriæ exitialem Militum seditioforum nexum resolveret: reductoq; milite ad obsequium, hostes Reipublicæ (si qui pacem aspernarentur) bello adortus, ad pacem ineundam sub clypeo flecteret. Iam suum Exercitum novo augere peditatu: Equitatum mille equitibus hastatis, cuius Gentium formidabile ac invictum robur, deligere constituit. Inprimis verò Militem donis, dignaq; Duce munificentia sensim ad obsequium revocabat.

Verùm utrarò iniqua Fortuna, maximis vir-
tutibus parcit, ita piis ej9 conatibus, simulque
vitæ, jam cum ferali exitu, adversa propè
instabant fata. Cùm *Niewiarowski* unus è Con-
captivis ejus Moscuæ, qui fermè in deliriũ actus
Smolensci, quòd cum Duce sibi per Moschos non
liceret in Patriam regressus; Moscuam se redi-
turum, ritu Græco lustrandum, omnia publica
& privata Patriæ proditurum, & se periturum

(ina-

(inani certē conatu, ob restrictam tunc
CORVINI potestatem,) lymphato similis
debacchabatur. nunc, (prout & pleriq; alii,)
Smolensco dimissus, ubi omnium primum feditio-
nis confederationi militari nomen animumque
inscripisset, in Deputatorum militum circu-
lo, communi suffragio, *Director* feditiosorum
electus, in caput ejo cōjurasset: Præfectus etiam
militiæ, qui tunc Exercitui feditioso præerat (nā
Zeromskius cum omnibus gubernationis peritis,
Vilnam concesserat) milites quoq; Vilnam de-
putati, æquē ac in castris residui, divisi in fa-
ctiones, firmi consilii expertes, tanquam in di-
verso æstu, extremis fluctibus iactarentur.

Constabat CORVINO, jam excitari contra se tumultum, ideòq; huc ad Supremum Cancellarium, Leopolim, manu propriâ scripsit, Vilnâ die s. Oct: 1662 *Hinc incessanter Kobryniam; inde diversâ Vilnam veniant litera. manu propria scripta.* Quae hinc, plerumq; ad incitandum, inde modestius, hinc falsa multa, quasi à nobis queratur Commissionis solutio, inde urgetur conclusio. *Unn verba*

Origo
seditionis
1714 1715

*Literæ
Gosse vid
manu pro
pria scrip
te,*

verbo inter tot sensus de necessitate sequentur inconvenientia. Spes boni in ambiguo. Causa malorum omnium, Director cum aliquot afeclis, cui compositis rebus, nulla spes praeordinandi Republicae: omne in turbido consilium. Veluti ob bona sibi eripienda infensus, & iratus, literis ad Exercitum datis, nostra

Presaga facta criminari non desistit. Hic mensis aliquid demonstrabit, utinam non extremum! quando innocens cum fonte, sine discrimine patitur. Tunc fortè agnosceremus mala, quando modus reparandi deerit. Fiat quod Divina Majestati placet. Ego paratus sum fieri victima pro bono publico, nihilominus publicae res, proximum spectant interitum. Ago quantum possum. Doleo, quòd me implicaverim praesentibus malis. Utinam me absente continuassent dementias, quas me absente inchoarunt.

Nec vanum id erat CORVINI praesagium: nā Praefectus militiae (cum sint diversae Ducis ac militis artes) nec compescere, nec dissimulare armati populi fremitus gnarus, impulsus epistolis à Directore missis, Wolpam castra movit. Hic cincta Ecclesia peditatu, Militem ad secre-

secretum juramento firmandum cogit. CORVINVM proditionis, correspondentiae cum Rege, Aula, Extraneis, venundati Smolensci, reum incusat: literas Directoris Vilnā allatas pro documento monstrat: invitandum ad castra censet. Consistentibus, nec pensantibus qui, & à quo rationem essent exacturi, porrexit scriptum, quo comprehensio violenta CORVINI includebatur: id nonnulli consuetā insolentiā militari abrepti, nonnulli coacti subscripserunt. Incessis primū viis, ne nuntius praeveniret; 800 equites Vilnam mittit. Qui demandatū sub noctē prosequētes iter, citato cursu ponē sequētia urgebāt fata, quò celerius Ducis ruinæ instarent. Vnum jam Vilnā militare supererat: proinde subsistere miles iubetur: huic hactenus ignaro, quò iret, quem peteret, post praestitum corporale juramentū, de tenēdo secreto, scriptū cōjurationis aperitur. CORVINVS factorum integritate tutus, metu vacuus, suo ordinario securus praesidio, non vanos rumores contemnebat: cum nil opinionis, omnia

conscientiæ causâ faceret. Interea præmissæ ad
 Directorē Vilnā literæ, denuntiabant: 1^{mo}. Mit-
Ex lite- ti Equitatum Vilnam. 2do: Committi rem ejus iudicio
ris substi- ad his verbis: si tibi videbitur. 3tio. Rationes & mo-
tuti dos, quibus aggredi opus deberet submissis miles, ab illo
Directo- rem. suggeri oportere. 4to. Si fortē rem ad effectum de-
 duci non videretur, sub sigillo secreti conservandam.
 5to. Non temerē procederet, monebatur, ne & sua,
 & Exercitūs hoc facto laderetur conscientia. Lectæ
 in conclavi literæ noctu, approbatæ, perinde
 quasi citatus, aut jure & legitimē convictus esset,
 ferale decretum dictum. Signo interim Vilnā
Goservio recepto, Miles movet: diluculo invadit Urbem
compre- C O R V I N I palatium petit & obsidet,
benditur per submissos in cubiculum, ad castra abdu-
à sedatio- cendum invitat quiescentem adhuc: violenter
so milite è cubiculo productum, Z E R O N S C I V M
 25. Nov: verò è medio templo raptum (frustra recla-
 mantibus Monachis, immunitatesq; Ecclesiasti-
 cas & excommunicationes opponentibus) Wol-
 pam abducunt. Ac ut magis consideres in-
 fanos; non deerant inter furentes milites, qui
 iacta-

iactarent: malè provisum esse huic Reip: in qua
 sapientes & potentes pollerent vitâ & regimi-
 ne. Non latebat (uti memoravi) C O R V I-
 N V M, has, quibus tenebatur, sibi strui insidias, sed
 conscia mens recti, fatis sic volentibus, nul-
 las circum se habebat excubias; hinc reputantibus
 haud prosperū vulgi favorem, breves & infastos
 populi armati amores, monentibusq; de pericu-
 lo respondebat: ire ad Exercitum rationemq; fa-
 ctorum suorum reddere, sibi esse constitutum. Si
 à milite deduci, DEO sic volente, (uti jam præ-
 monebant amici) in castra contigerit, diluere se vel-
 le omnia obicienda. Sed discretam hominis &
 rationabilem intentionem, prævertit malè poti
 convivii impetus: quippe inter illas epulas alla-
 to nuntio rerum Vilnæ gestarum, ob metum
 aliquando vindictæ intentandæ, conclusum est:
 C O R V I N V M humanam victimam fore.
 De convivio sese proripientes noctu, in pro-
 ximum pagum desertum divertunt malè poti
 Hic quod densæ noctis tenebræ omnem
 præriperent visum, accensus manipulus fi-

gnum commilitonibus ebriis (qui è convivio errabundi per campos redibant) extensam. Ibiq; schedula his verbis inscripta Ioanni Nowoszynski. Accepi adduci Vilnâ Captivos, quod verò bucusque vivi adducantur, tibi do mandatum ut predictos Captivos, absq; ulla mora, sub pœna tui capitis, facias mori.

Crudeliter primùm ZERONSCIVS interemptus. Aberat tunc à castris CORVINVS sex miliaribus, in Patria hostilibus cinctus excubiis. Hūc efferato animo cum asseclis ebriis Nowoszynski advenit; Ducēq; ocyns ad castra primùm properare, mox in campis Ostrinensibus, rhedâ descendere iubet: illūq; decretū mortis pronūtiat. Ille *Sua in Patriam merita, communesq; cum Exercitu pro ea exanthlato labores & sumptus, aliam postulare mercedem; aut si quid culpæ contra se compertum est, perducere in castra, iudicio damnari publico, vel absolvi petit.* Nowoszynski *DEVM vindicem fore, Ejus sanguinis, se pœna capitis cogi, ad exequendum decretum, respondit.* Iterum CORVINVS

Grega-

Cades
Gosiewit
29. Nov.
1662.

Gregarium quemq; militem, nunquā à se absq; prævio iudicio damnatum memorabat; præstarent milites Duci suo, ut non decederet iniudicatus. Cū etiam id negaretur; conscientiam liceret sibi confessione expiari, petiit. Data potestas confessionis ibidem in agro peragendæ. Post absolutionem petenti P. Samueli Kuderowski *Sce: IESV*, num ignosceret inimicis? respondit: ignoscere se omnibus, æquē parricidis, ac parricidii authoribus. Iterum petenti num ignosceret? eo modo se ignoscere, quo Salvator in Cruce pendens, Iudæ traditori suo ignovit, ingeminavit. Moræ impatientes lictores illi, pios actus elicienti, auriculæ dextræ glandem è sclopeto allidunt. Vnicus ille ictus tot calamitatibus pro Patria toleratis infractum virum prostravit: nihilominus tanti ruina Ducis non stitit impetum sanguinariæ crudelitatis, in omne nefas effrenatæ: sanguine viso generosæ solent mitescere feræ, sciunt parcere subiectis.

*Corpora magnanimo satis est prostrasse leoni,
Ira suum finem cum jacet hostis, habet.*

At

At illos immanes animos (quod ignobilibus solenne belluis) innocuus sanguis efferavit, crudelibus cruoreque innoxio infectis manibus scrutabantur artus, cordisque palpitationem, num obtuso halitu animam non occultaret? alterâ itaq; cordi admoto sclopeto, tertiâq; subtus umbilicum trajectus glande. Insolenti clamore dilaniandum corpus, frangisq; discerpendum ab omnibus ebriis petebatur, ne patrati criminis superessent vestigia: sed, licet ægrè, ab ea infania discessum. Multis deinde conviciis exanime cadaver, nocte integrâ in diversorio impetitur: postridie Vilnam devehî ægrè permissum est. Quo eodem tempore Præfectus Militiæ literas revocatorias ad *Nowoszyńscium* expediverat; sed scena peracta est prius, quàm ille crapulam edormivisset. Exanimis itaq; Dux Vilnâ plastro invecus, à consternato populo, pro tunc absq; ulla pompâ delatus ad Basilicam D. Casimiri. Ibidem incorruptus diu, cultui honorifico publicè exhibitus: tandem sarcophago inclusus, funebri pompæ reser-

servatus.

Is fuit exitus VINCENTII CORVINI GOSIEWSKI: nascendi gloriâ (etenim Romanos Consules, Hungariæ Reges, in serie Avorum recensibat) animi magnitudine, (nil enim humile, abjectum, animo & verbisolvebat) gestis magistratibus, belli & pacis gloriâ, Viri inæstimabilis. Proprio ductu cum hostibus Kozacis conflixit ad Dimir, Irpien: ad Pultoviam, Prostkî, Filipow, Radziwiliszki, Wolmir, Caunam, Verki, cum Moschis & Suecis. Alienis autem auspiciis ad Łoiow, Pińsk, Moryz, Bialocerkwiam, Mohiloviam. Ex his ad Filipoviam & Verki, adversam sibi fortunam expertus, belli & pacis artibus, quantum valeret, demonstravit: cum tenui Reip: ærario, decem millium Exercitum conscripsisset, cum hinc Moschis Lithuaniam, inde Livoniam & Prussiam Suecis occupantibus, Samogitiam illæsam conservaverit: cum ad littus Curonicum in Samogitia, hætenus non practicato exemplo, ex Hollandia bellica requisita exposuerit:

ibi-

*Breve
Elogiū*

ibidem novum Samogitis portum, Castello imponendo erecturus. Cum in acie formanda, in oculis totius Poloniæ ad Varsaviam, ex-temporaneum, cum in præliis semper se præ-sentissimum & animosissimum, præstiterit. Artes pacis & consilii, in sistendis victricibus Moschorum armis, avertendis Sueticis, in colenda externorum Principum amicitia, in affabilitate, civilitate, quàm propè calleret, novit Patria & ipse invidus fatebitur livor. In consilio promptum, in sententia dicenda ex-temporaneum & succinctum; in adinveniendis rationibus, rerumq; gerendarum mediis, facundum: Humanum, Civilem erga omnes quidem, at maximè erga extraneos, bellicæ aut Oeconomicæ Architecturæ peritos, vidimus. Ad nullâ rem ardentius quàm ad liberalitatis decus anhelabat: libertas illi toto pretiosior orbe. Vultus illi omnisq; sensuum symetria ad venerationem & gravitatem composita: cum tamen parem fortunæ, corporis præferret Majestatem arrogantia vitium effugit. Austeritas semper

altif.

altissimo nixa consilio, neminem iratus punivit, ne punivisse doleret, cum furor recessisset. Publicum bonum totum quodam modo illum occupaverat, adeò, ut per suam ruinam Patriam stare oportere dictitaret. Pace partâ de consensu Reip: Quarcianum militem, ne iuventus otio torpesceret, in Lithuania instituendum censebat: qui repentinis Lithuaniae casibus, Tartaricis arcendis in Vkrainam excursionibus, armorumq; publico exercitio deserviret. In castris, vigiliis & labore cum ultimis militum certabat, nec quicquam in Exercitu, præter honorem & militare imperium habebat. Maximis honoribus eminens, animum illibatum avaritiâ, & rigidæ integritatis gessit.

Moscua tres illos annos pietati & eruditioni concessit. Sacramentis crebrius usus. Fasciculû myrrhæ, aliâq; pia opuscula, quotidiano suo usui addixit. Diu noctuq; lectioni librorum invigilabat. Magnorum Principum exëplo, assuetâ gladio manû, calamo admovit ad conscribendos libellos: quorum unus prostat in typis.

Tt

Reli.

Reliquū vitæ tēp⁹, Moscuæ Architecturæ bellicæ & Oeconomicae, conquirendo clandestino literarum commercio, ac præcautionibus in Patriam clām deportandis, impendit. In-
tegro illo triennio, modico potu, ad sitim duntaxat extinguendam, non ad voluptatem usus, cæteris liberale epulam exhibere solebat.

Livius de Cato-
Vim verò animi ingeniiq; tantam in eo fuisse, constat, ut *quantumvis infimo loco natus fuisset, fortunam sibi parasset.* Nulla ars liberalis, nulla scientia sacra, profanaq; Ei defuit. Iuris, Eloquentiæ, Mathematicæ, Architecturæ bellicæ & Oeconomicae, Philosophiæ quoq; & Theologiæ non ignarus, artes callebat. Linguas peregrinas præter Patriam, Latinam, Italicam, Germanicam, Moschoviticam scivit exactissimè: Gallicæ usum Moscuæ contraxit. Armorum, e-
quorum, picturæ, Architecturæ, Musicæ, omnifq; elegantiae, avidus spectator & auditor. Ad omnia hæc adco illi fuit ingenium versatile, & expeditum: ut natum ad id unum diceret, quòd cœpisset. Cæterum Fortunam

par-

partam cunctatione corrumpens, & celeritatem belli, nonnunquam extinxit consiliis. Cunctatione sibi noxius, quā bis ex libertate excidit.

Exercitum populumq; omnem, brevi (postquam innocentia Ejus prodiisset in apertum constitissetq; jam, nullum ab eo Patriæ periculum fuisse intentatum,) subiit virtutis, clarèque pro Patria gestorum memoria, boniq; amissi inane desiderium. Dignus CORVINI nomine: quod si primum ab eo inciperet, provexisset ille quantumvis exilia Stirpis suæ initia ad eam magnitudinem, quæ hodie orbis vastitatem implet: quod in vita fortia agendo & patiando, in morte strenuè occumbendo probavit. Dignus si Africani exemplo, ingratiæ Patriæ suos negavisset Cineres.

C A P V T X.

Captivati fontes, nexus militaris resolutus, deq; fontibus iudicium Anno 1663 & 4.

A Trox & immane, dignum quod æternā An-
Tt2 nali-

nalium memoriâ proscriberetur facinus, non Gē-
tem modò CORVINORVM, PACIORVMque,
sed infensissimos etiam CORVINO hostes diu al-
tissimâ admiratione suspēsos tenuit. Senatus mili-
tari tumultui suâ dignitatē expositâ; Cives, oppres-
sâ Rēp: *Miles longo Imperatorū sacramento imbu-
tus, arte & impulsu alieno, quàm suo ingenio traductus,*
Duces insolenter à milite plecti, ne iudicio quidē
prævio, ingemiscebat: nihilominus cedendum
tempori cuncti, moremque gerendum existima-
bant, sub armis invalido legum iuriumque præ-
sidio. Magistratus ille militaris, expeditis ad
Archiep: Gneznensem uti primum Principem,
ad Generalissimos Regni Exercituum, aliosque
Proceres, (quorum auctoritatem esse sumam in
Rep: & Regia constabat,) Legatis, suum faci-
nus non excusabat, sed suppressens errorem
extollebat: Proditoris morte Remp: ab interi-
tu vindicatam: secretissimas cum externis fa-
ctiones, Regi & Reip: hucusque ignotas, in Co-
mitiis demonstrandas, per se suppressas. Le-
gati nusquam scelesti facinoris patrono reper-
to,

to, rediēre. Ne unicum quidem Civem ita
in communi Patria, in æquali Rep: eminere,
ut legibus interrogari non possit: nec minimū
libertati præjudicari, potentissimum quemque,
posse dicere causam, unanimiter rescripserunt.
Archiepiscopus insuper, postquam præcipitem
furorem incusasset; precabatur à DEO in suo
rescripto, ut innocuus ille cruor, electuarii lo-
co, medendis Patriæ vulneribus deserviret,
nihilominus vindictam (iusti Abel sanguine
implorante) Patriæ imminere vaticinatus.

*Tunc
primum
causæ
dis con-
quiritur.*

Tunc primum causæ cædis dudum peractæ,
conquiri cœperunt. Infamiâ intactum, invidiâ
quâ possunt urgent. Gestis honores curæque;
CORVINO pro crimine: toleratus carcer,
exanthlati labores pro simulatione censeban-
tur: *ob virtutes certissimum exitium.* Literæ
per ordinariam postam ab Aula, arithmetico
Charactere ad GOSIEVIVM scriptæ, et-
iam tunc necdum ab illis animis intellectæ,
manifesti criminis & prodicionis loco, palam
à Substituto, militi in castris: & Vilnæ à Directo-

Conven-
tum uni-
versalē
ordinib9
M.D.L.
inducunt
Olitam:
& quā
intentio-
ne.

re ostentantur: in his Patriam vendi, Smolen-
sco Moschis decedi (cum tamen Smolenscum
armis & præsidio firmissimo Moschorum etiam
nunc infideatur) corpus sibi a Moschis reddi-
tum, animum ipsos habere: in his Suecorum
arma introduci: per Suecicam potentiam, li-
bertatem suam & Regnum Gallis venundari;
Exercitūs salutem periclitari, prædicant. In-
dicto universali Procerum, Nobilitatis, Exer-
citūs conventu Olitam, omnes ad juramen-
tum seditiosæ confæderationis adigere nitun-
tur, cujus sancitis, atq; armis impotenter
sumptis, vindicta sibi impendens cōerceri,
Majestas Principis, legum vis convelli, atroci-
tas patratae cædis approbari posse, putabatur.
Nobilitatem, militemq; G O S I E V I A N V M,
sciscitantem de causa novæ (uti vocabant)
confæderationis, ad Senatum, Senatus verò se
inscium professus, ad seditiosos remisit. Iam
tunc non obscurè, pænitebat insaniae. Seditio-
sæ factionis militaris capita, vicissim in se cul-
pam cædis, factæ coniiciebant. Indignati
nam-

namq; G O S I E V I A N I se infciis, se in-
consultis, nonnullis ad subscribendum decre-
tum coactis, absq; iudicio, foro incompeten-
ti, sibi ereptum præstantissimum Ducem, arma
corripiebant. Vix manibus inter Exercitum
temperatum. Nec ullam aliam rationem pro
sui defensione opponebant seditiosi, nisi illos
Characteres toto illo conventu sibi ignotos &
inexplicabiles. Nullaq; re ibi gestā, præter
novas introductas subscriptiones, colendumq;
fædus cum Exercitu Regni sancitum, in stativa
miles dimissus. Dextra ala Brestiam & in
Polesiam, sinistra verò (si sunt G O S I E V I-
A N I) in Samogitiam deductæ. Ipse Præfe-
ctus Militiæ, Szadoviæ in Samogitia, Artiglie-
riæ & peditatūs præsidio securus, sibi sedē præ-
fixit: munitioneq; ibidē crexit: ad Exercitū Re-
gni Legatos firmandi fæderis causā expeditis,
indeq; missos solenniter excepit. Scilicet
hæc scelerum quærebantur præsidia, quamdiu
difficillimis Patriæ temporibus, Regis & Reip:
conniventiā, a suo crimine non absolverentur

Gosieviani
anorum
ardor pro
vindicta.
da cæde
sui Du-
cis.

Iuri

*Fraus
parrici-
darum.*

Iuri quoq; parando, calumniosè formare proditorias nomine GOSIEVII, & annulo signare destinârunt. In hunc usum *Samuelem Westanski* (cui GOSIEUIVS annulum commiserat, fidelèq; ejus operâ Moscæ, & in Patria expertus est multis annis) & ipsum reum proditoris incusando, ubiq; conquirebant. Verùm ille monitus CORVINI interitu, Rigam, Regiomontum, & Leopolim profugus, Regalis obsequii gloriam & securitatem nactus est. Verùm literæ illæ characteresq; obscuri, deinde explicati, majorem, quàm dici potest, in GOSIEVIANIS ardorem pro vindicanda cæde sui Ducis concitârunt: parricidæ verò (ut plerumq; scelesti facinora cognatione quadam inter se connectuntur) non ad pœnitentiam, sed ad nova majora scelera audenda pro veteris criminis defensione processerunt. Moschorû quēpiā Captivū, promissâ libertate & præmio decē aureorum: insuper (nî faceret, quæ suadebantur) minis coactum, venundati Smolensci, auriq; deportati Rigam, testem in iudi-

cio

cio futurum, reservabant.

Tot tantaq; scelera, simul sævire in vitam famamq; demortui, longius ultor non patiebatur DEVS. CHRISTOPHORVS PAC Magni Ducatûs Lithuanie Cancellarius, MICHAEL PAC Castrorum Generalis Metator, Fratris sui ulturi cædem, famamq; tanti Ducis mendacibus probris fere oppressam, vindicaturi, Patriam demùm præsentis malo, confederatorumq; oppressione liberaturi, frænandam furiosorum illorum omnem rabiem, vindicandumq; immane facinus decreverunt. Cancellarius consilii sui amplitudine, Metator verò mediis immixtus periculis, opus aggreditur. Duodecim legit socios, quibus prævio juramento aperit rem, ipso initio arduam, eventum dubiam, periculo gravem. Non defuit proditor in tam exili numero: eodem die per schedulas nonnulli præmoniti: sed piis manibus, Gentiq; superstiti propitia Numina, utrinq; sustulerunt metum, postquam MICHAEL PAC in circulo *militari proposuisset:*

Vu

inactari

iactari à nonnullis de industria, contra se rumores, quibus in diversa agere concitium, ac demum in mutuas cades armare possint commilitonum animos. Satis sit semel creditum, cum quandoq; fraus fidem sibi in parvis praestruit, ut cum mercede magna fallat. Sat sanguini & cadibus datum, quae non aliunde ortae in tanta mala degenerarunt, nisi ex narrantium & credentium temeritate. Distis data fides, suspiciones utcuque sublatae, nihilominus PACIANI inceptis desistere coacti, Vilnâ excesserunt.

Conventu Vilnae soluto, Magistratus Militaris Szadoviam ubi pervenit fortalitium maturari iussit: quod & seditionum praesidium & omnium quotquot jam suspicio notabat GOSIEVIANI sanguinis vindices, mox foret carcer. Haec effecerunt, ut generosi militum quicq; iurati, seu in ipso fortalitio, seu in militari circulo, authores caedis in potestatem redigendos, in ipsâ conjuratione, clam susciperent. Fortè in villa natali epulo, à quopiam Officialium, Praefectus militum exceptus com-

commorabatur inde redentem pars equitum à PACIO expedita, confosso primùm equo captivarunt. Conditionem temporis, vel hinc aestimare licet, quod patrati facinoris omnium mens conscia, neq; fugientem tueretur, nec quisquam propugnaret captivum, unoquoq; amicorum latebras sibi quaerente quo privatae salutis amore trahebatur, aut culpam caedis Gosievianae à se amoveret. Legati quoq; militares Polonici in densiores sylvas cum caeteris fontibus profugi, latitabant. At in oppido MATHIAS GOSIEWSKI nuntio rei gestae in villa accepto Artilleriam occupavit. Officiales & peditatum ad arma coactum, fidem Regiam iuramento firmare iussit. Mosehus ille hucusq; ignotus sua sponte adiit CASTRORVM MENTATOREM commentum aureos, promissa & minas hucusq; secretas aperuit. Nec more, pro Directore expeditus levior equitatus. Iam & is conscius sibi, dum in Prussiam apparat fugâ, inter latebras comprehenditur. Tum capita seditionum

d'itionum conquesta quosdam ipsimet compli-
ces vel qui contagione insanierunt, in docu-
mentum fidei tradidère. Omnes pariter uti &
cædis ministri, VINDICE VINCENTIO, reti-
bus quæ texuerunt diuersis locis impliciti, in
bello seruatas animas, in carcere Mariemburgi
reseruabant iudicio & pœnæ. Communi nem-
pe seditionum (quæ sibi confæderationum vel
sacri nexûs anteaactis sæculis usurpauerant vo-
cabulum) exitu, ut earum authores, vel atroci
aliquo euentu terminauerint vitam, vel tenui
penu, ij qui Regum & Regnorum partiebantur
reditus, dein supervixerint inglorij. Regnante
SIGISMUNDO III rebus gloriosissimè gestis,
urbe Moscuâ potiti, gazâ opulentissimâ Prin-
cipum Moschouiae direptâ; nacti inter se diver-
sos Ductores, totâ corruperant victoriâ. Nâ
victam urbem victæ genti reliquerunt in præ-
dam, ipsi iterum iterumq; excessère: atq; fixâ
sede, (unusquisq; Ducum instar) cum suo ex-
ercitu pars Leopoli, pars Bresciæ, pars Grod-

na

na confederunt. Nec sufficebat, magno illi Regi eripuif-
se fructum victoriæ; prodidisse Moscuam; captum duo-
rum annorum spacio, & tot cladium precio Smolenscū
deseruisse; præsidio & comœatu destituisse, ut ex tanta
præda ægrè sit retentum: sed insuper in bona mentis Re-
galis, & feudalibus inuolârunt: Telonia reipub: occuparūt:
vias publicas & aditus Ciuitatum infederunt: Curia &
bona nobilium inuasa: Ductoribus eorum fastu & luxu
omnia implentibus, ut contumaciter Regibus æquiparari
contenderent. Consuebat indies multitudo, ad tam cer-
tum & sine sudore ditandi ex alieno modum: ut nec nu-
merus certus, uniuscuiusq; exercitus recenseri, nec quâ-
titas stipendiorum constare, nec prætensionum modus
definiri potuerit: modo hæc, modo alia, indies tamen
plura à Repub: extorquentibus. Sæuiebantq; in Patriam
veluti in aliquo captiuo regno, spolia adepti, adeo ut
Respub: extremis suis malis adacta, cogetetur ijs exol-
uere summam aureorum, quantam externi nusquam in
Polonia contrahi potuisse existimabant. Idem multisies
contigit eidem Reip: ab ijs quos pro retinenda Liuania
conseripserat. Postquam eam Prouinciâ expulsi essent, tor-
rentis instar, inde ad expilandam Samogitiâ, deinde
Lituaniam excedebant. Renocati quandoq; ingenti pro-
positâ mercede, mox leuen ob causam inde excessuri.
Deniq; illud opulentum Reip: patrimonium, tanto san-

guine

*Ex lite-
ris Si-
gis. III
Regis ad
Ioan. Ca-
r. l. Clod-
kiewicz.*

*ex lite-
ris eius-
dem Re-
gis ad e-
undem*

*Piasceki.
in anna-
libus*

*Heindë-
steinus
lib. 12.*

guine & opibus nostris partum, hostibus in spoliis exposuerunt. Genti quæq; æterna labe irrogata. Quanta admiratione posteris legimus, proficiscenti VLADISLAO ad capeffendum Moschouicæ Principatû, propriam ipsiusmet cohortem, denegasse obsequium, nec secutam abeuntem Principem, in flariis mansisse. Pacis gloriosæ & cum summo emolumento prætermittis occasiones super Orbis, cum post Moschouiticas Cannas ad Konotopem, Czudnouiam, Kuzl ki &c. &c. vincere, non verò uti victoriâ nos sciuisse proclamauit. Sed cum Gentem nostram bellicæ gloriæ non poeniteat, nec nos Reip: damna, nostræ ignauie: nec hostes partas ex nobis prædas suæ virtuti debent, nisi prædæ sit seditionibus. Alia nunc mens est Genti nostræ, cuius miles, gaudet quidem fructui sibi fuisse robustiore statu Remp: nunc verò gloriam, à se defensæ, sibi vendicat, cum undiq; bellis pressam, sine stipendijs, per tot annos contra Moschos, Suecos, Turcas, Tartaros, etiamnum feliciter tuctur. Deo, esse cordi Regum & Regnorum causam credamus. Nam nec diuturna unquam illa militaris magistratûs potestas, extitit, nec stabiles opes cum vita: quippe præcipiti lapsu, pleriq; ad incerta redactos & SIGISMUNDANO sæculo audiuius, & nostro uidimus. ZERONSCIVS, certè & hic Præfectus (à quo digressi sumus) d'gni meliori fato: & quidem ZERONSCIVS eò infelicio, quod in sequentibus comitijs, declaratû sit Caput eius inuidicabile. Undiq; tam ad MICHAELEM PAC GOSIEV laus

348
N V S miles, redibatq; paulatim amor obsequii. Nex9 resoluti instrumentû Jacobum Terbozianu: latâ Personâ & habitu vectoris, ad Regē solvendi nex9, redituri ad obsequiû militis, nūti9 expeditur. Adhibiti ad consilium gratulabantur: si quibus temporum momenta, secretum communicare vetabant, dolebant, occasionem sibi præceptam ad præstandum pijs manibus obsequium. Imbelles verò, lividi, rei9; necis, quem vivum privatim oderant, dum sibi metunt, publicè mixis laudibus extollunt. Pleriq; sacris illis, an sacrilegis nexibus se explicatos gratulantur: cuncti generoso spiritu opibusq; valentes, soluti sedizioso imperio, jam inde futuri liberi, PAVLVM SAPIBHA & MICHAELM PAC sibi redditos, militiæ Imperatores, lætis animis exceperunt.

Ab Exercitu Legati ad Regem profecti, silem & obsequium dedicant: pugnanda cum hostibus, Regis & Reip: se quesituros libertatem: asperissima quæq; laborem, periculumq; deposcebant; ut quod ab authoribus factum est, oblitterarent; quandoquid.

*Gosievius
anus m.
les resolu-
vit milita-
torem se-
ditione.*

*Legatio
ab Exer-
citu ad
Regem.*

doquidem quidquid vixerant in Nexu, id omne in suam ignominiam versum, execrarentur. Cæterum ne aliquot Personarum insolentia toti Genti adscriberetur, publico scripto typis vulgato, sunt protestati: suâ quemq; infaniâ furere.

Partâ libertate, redditoq; Regi Exercitu, restitutâ legum dignitate, exusto publicè Nexu, restabat non levis difficultas; unde promenda essent militi stipendia, arario ad præsens tenuit? Quo sponsore miles, ea sibi certo solutum iri crederet? Non alia visa certior ratio, quàm si primariâ authoritate, non ludificari se miles comprobaretur. Boni publici cupidus GEORGIVS BIALŁOZOR Vilnensis Præsul, castra in-
Stipendia promissa. vectus, militem primùm oratione delinivit, tum stipendiorum exolutionem intra annum promissam, (ad præsens verò sexcentorum florenorum millium donativum à Rege pollicitus) juramento comprobavit. Faustis acclamationibus, tormentorum, tubarum, lituorumq; sono, gestientium animis, actæ Regi, Præsuliq; gratiæ:

tiæ; devota obsequia: idē Ductoribus clamore ex-templò ominati felix faustumq; imperium. Hæc acta sunt in Samogitia.

Hoc modo VINCENTII CORVINI inclyta virtus in postremo vitæ termino, magnitudine Nominis, amplitudine clarè factorū, immane illud seditionis monstrum obruit & oppressit.

Interea Leopoli, Exercitus Regni, incomparabilem Regis sui solertiam, miris eludebat artibus. Iam ille vocabulo Sacer Nexus, re ipsâ rebellis, Lithuanorum adhuc auctus fædere, Leopolim iturus ad arma concurrebat. Rex quanquam Majestate, consilio, Ducum experientiâ, militumq; robore, esset superior: nihilominus ut sine sanguine, vinceret metu rebelles, Tartarorum arma ad confinia Vkrainæ & Podoliæ evocata, ostentavit. Sed posteaquàm allatum est, Lithuanorum Exercitum ingens seditiosi belli subsidium decessisse, publicè in templis privatimq; manibus CORVINI, suo sanguine restinguentis Civile incendium

*Nexus
Regni
resolutus*

dium, habebatur honos. Exercitus ille G O S I E V I A N V S omni fortunâ Duci & Patriæ fidus, extollebatur; commune P A C I O R V M Nomen, tum maximè M I C H A E L P A C, author tantæ felicitatis, in publico per sacra profanaq; ora, honorificè dilatus, Castrorum Metator appellari desiit; sed cunctis, (qui tunc â Rege deferri poterant) honoribus auctus est. Palatinatus Smolenscensis, & in Exercitu Imperatoriâ potestas data. Rex productis in aciem copiis, datâ veniâ, sine cædib; & sanguine, armorum & animorum simul civilium, de seditionis victor evasit.

Positis undiq; Civilibus armis, I O A N N E S C A S I M I R V S, domi exitiosa Polonorum arma recenter expertus, adversus Moschoviæ M. Ducem copias movit in Vkrainâ illâ nimirû rebellionis Patriam, Officinam cladium, Regnum Schismatis; quo stante sui juris, Regis autoritas stare non poterat; eratque alienæ potestatis, Poloniae tranquillitas. Toties rebelles Kozacorum animos, Regali obtu-

Rex Poloniæ movet in Vkrainâ & in Moschoviâ.

obtinus Majestate devictos flexit in subjectionem. Hucusq; Vkrainâ exules Cives, in Patriam reduxit: auctus deinde Kozacorum & Tartarorum subsidiis, antiquis Regibus indomitum Boristhenem edomuit. Oppida Woronkow, Baryszpol, Ostrz, Sosnica, Dewica, Krolewicé; dextrâ parte per Legatos I O A N N E M S O B I E S K I: cui assiscebant Principes Tartarorum, & P A V L V M T E T E R A, vi & clementiâ, in deditionem accepit: nonnulla contumaciora diripi permisit, non tam ira & odio, motus, quàm ut miles cœrcitus in tot integrè Captivatis oppidis, aliquo loco fructum victoriæ perciperet. Lithuani parte sinistra adventabant, longè lateq; Rossaviam, Swinisco, Branisco, igni ferroq; vastantes. Supremo loco Rex, Moschorum ingressus terras, locis infinitas, multitudine populorum innumerabiles: collatisq; ad Karaczeviam feliciter contra Prozorowscium; ad Nowogrodecum Severiæ contra Romadanowscium signis, excisis extemporaneis hostium fortalitiis, Bolchoviam usq; infesta

Boristhenem traiecit ad Ryzow.

Res gestæ.

Ww

pro-

promovit arma. M. Moschorum Princeps Exercitum omnem per Civitates dimittit, ut se ipsos muris, & muros se ipsis tutarentur: cæterum populationum damno fervare univèrsa, statuit, quamdiu Exercitus contraheret. Rex ubi animadvertit dissipatum bellum, hostes cædibus & incendiis ad pugnam eliciebat, nec pacis prætermittebat media. *Samuelem*

Węstawski Notarium & Cubicularium suum, Moscuam expedit Ablegatum, cumque jam imminente eum vere hyemis resolutione, periculosum esset in hostico versare arma, Moschi quoq; simul Legatos oblicerent, & validis copiis instarent, hinc *Czerkascius*, inde in Alba Russia jam igne & ferro grassaretur *Chowanjsius*, è paludosis illis & sylvestribus Provinciis, Polonicus miles in Vkrainam retrò, Lithuanicus non sine gravi equorum inter sylvas & paludes strage, in Albam Russiam, reductus. Rex, maximum celeritatis impedimentum Lithuanis, & ipse non sine gravi fastidio superatis sylvis, Mohiloviam, deinde Vilnam concessit.

cessit. Hinc ultra Boristhenem Vkraina rediit ad ingenium, ubique Nostri ejectis præfidiis.

Omnia damna nostra numerosis Moschorum cladibus affatim persolvit *Chowanjsius*. Nam cum Lithuani Hyberno, Vernoq; tempore domi feriantur, ille ferox, & antea acti de-

coris avidus, Lithuaniam invasurus, ad *Witebscum* confedit. Martiæ suæ fortunæ & virtuti confusus MICHAEL PAC, castris *Chowanjsii* duorum millium opposuit castra.

Primum ille negabat sibi licere absq; consensu Principis, (dum positis utrinq; armis, in faciem pacis per Legatos venit) manus conferere; sed postquam per transfugam rescivisset, moveri retrò Lithuanorum castra, magno impetu advolat insperatus: egregiè decertantibus Lithuanis, accurrit peditatus (qui jam retrò præcesserat) perfractisq; Moschorum alis, *Chowanjsius* vinci assuetus, aciem, peditatum, castra, impedimenta q; deseruit. Peditatus omnis in campis circumventus, inter necione deletus; eques tum in acie, tum in fu-

*Michaël
Pac pro-
figet
Chowan-
jsium ad
Witeb-
scum.*

ga cæsus, ipse Dux fugiendi peritissimus Vitebscum evasit. Signa capta triginta septem, tormenta ænea quinque, castra demum, & Suburbia Witebscensia direpta: lætis animis, quod adversa hyemis, expeditione prospera pensavissent.

1864.

Rex natalem suum Vilnæ celebravit, lætitiâ Majestatis, recente victoria & triumpho promovente.

*Tractatus sub
eclypeo.*

Inter Moschoviam & Lithuaniam, pacis tractatus, cruentus sese obtulit. *Dolgorukius* non tam paci conficiendæ idoneus, quam bello resuscitando, vir fastuosissimè loquax, Legationi adhibitus, nil aliud nisi vires, potentiam, opes, fortunam, suorum extollit. Polonorum obtulit senescentem cum viribus Majestatem: omnem eorum ferociam in verbis, non in factis esse: eamque in Comitibus magis, quam in bellis apparere. Iam maria, terras, inani sono verborum implevit. Ex Anglia succursum adduci: peditum innumerabilem vim ex Sibiria cum *Kassimoviensi* Regulo adventare, à quibus nil facti tecti sit (paulò post Kassimoviensis

sis adduxit duo tantum millia.) Ex *Astrachania* Regno, Victores fugâ, *Parthorumque* more pugnantes populos *Kalmykos*, æquè viros ac feminas, Gentem armis validam adventare, vaniloquus iactabat. Scire se insuper quantum in Polonia discordiarum. Contra: Principi suo, immotam pacem ubique, & unum id bellum esse. *Czerkascius* interea septuaginta millibus Moschorum ferox, tormentis centum septuaginta (terrore tamen magis bellum gesturus, quam cupiditate proferendi Imperii, aut dignum ob præmium) *Szkloviam* aggreditur: illam dum frustra oppugnat, brevi Moscam revocatur, copiis iisdem *Dolgorukius* ex Legato, belli Dux, constituitur.

MICHAEL PAC non numero sed animo par, cum quinque millibus suorum ad *Mohiloviam* confedit: indeque totius *Lithuaniae* salutem, contra advenientes Moschos & *Szkloviam* oppugnantes, propugnavit. Totis quidem viribus decertatum non est, sed creberrimis per varia stratagemmata cladibus, hostis ab oppugnanda *Szklovia* submotus, *Kopy-*
siam

*Michaël
Pac Mo-
schorum
potentia
resistit.*

fiam cinxit obsidione. Illūc Campi Marschal-
cus Lithuaniae, per medias Moschorum statio-
nes, peditatum & commeatum nocturno tem-
pore introduxit, ipseque ad suos evasit. *Dof-*

*Literas
interoc-
ptas Mo-
schis mit-
tit ne au-
deat vi-
tentia-
re assul-
tum.*

gorukius vanā ostentatione armorum ad Kopyfi-
am nil proficiens; insuper mandatum M. Du-
cis Moschoviae interceptum, missum sibi ab
oppidanis accepit, in quo assultus cum iactu-
ra hominum ei interdicebatur: Tārtarorum
quoque ex Vkraina confluentium P A C I O in
succursum, de industria sparso rumore, terri-
tus; jamque milite & equis imminutis, campo
diffidens, intra vallum diruti oppidi Dubro-
wna, castra sua contraxit; nec ullā re clarē
gestā, cladibus attritus, equis ut plurimum pri-
vatus (nam furto ē pascuis sublatorum equo-
rum hinnitu, provocatus numerosissimus grex
equorum, prædatores, Szklōviam usque sequeba-
tur) mense Novembri, retrō, Smolenscum ver-
sus movit.

Pari furore Moschi ē Russia Polocensi, Vil-
nae Samogitiæque minitabantur excidium. Sci-
licet

licet ut militem ad propria tuenda Mohiloviā
distraherent: sed mira DEI providentia, ā
C Z A R N I A W S C I O primum equitatus,
deinde peditatus ad Łufzki deletus est: re-
liqui Dunæ vorticibus impulsī, hausti que per er-
rorem ā suis met; ex adverso littore tormen-
torum ictibus, luſtantes cum aquis occubue-
re.

Posito undique bello, Provinciæ feroci im-
positis Białocerkwiæ, Korsuni, Czehryni, præ-
sidiis: profligatis ad Białocerkwiam rebellibus,
edomitis rebellium oppidis ā C Z A R N E C-
C I O Palatino Russiæ, generalia Regni & M.
D. L. Comitia, Varsaviam indicta. Septuagin-
ta hostium signa capta C Z A R N E C C I V S;
P A C I V S septuaginta duo per Legatos, Re-
gi in Comitibus publicè in Senatu pro Majesta-
te sedenti, præsentârunt: erant fanè gloriosa
illa Regni Poloniæ consilia, quæ tot in hostico
lectis laureis coronata, tot trophæis, ad parem
maximis imperiis gloriā sublimabantur.

Hucusque, in Castro Margemburgensi Captivi
autho

*Comitia
Regni
Pol. 26.
Novembr:
1664.*

authores GOSIEVIANÆ cædis, sub ar-
cta conservati custodia, compedibus vincti,
Varfaviam in locum iudicii, & supplicii addu-
cuntur. . . *Nomoszyński* in Moschoviam profu-
gus, ibidem meritis sceleri suo invenit pœnas,
nam catenis vinctus, primùm in carcerem
Smolensci coniectus, deinde ad solvendas in
Patria pœnas redditus, diu in carcere conser-
vatus: complures in Valachiam vel in mona-
stera profugerunt: cæteri, quorum approbati-
one, CORVINVS sublatus est, ad Comi-
tia ducenti septuaginta citati.

*Iudiciū
de fontibus.*

Iudicium in generalibus Regni Comitibus
(non quòd dubium scelus esset, sed quò lucu-
lentiùs CORVINI integritas & gloria pa-
teret orbi) publicè institutum, arrectis omni-
bus Ordinibus, Externorumq; Legatis, quanta
pietas Poloniæ, quæ fides amicis CORVI-
NI, quæ fiducia fontibus superviveret.

Magna CORVINI merita & illi in Se-
natu recitabant, dignaq; meliori fato & grati-
tudine apud Concives, confessi sunt. Omni-

um factorum Ejus conscios se fuisse, Moscuæ
& in Patria, agnoscebant: detestabantur necis
atrocitatem: culpam tamen unusquisq; à se in
alium, quàm longissimè mutuò retorquebant.

Rex in præsentia frequentissimi Senatûs,
concessis omnibus juris beneficiis, auditoque
scrutinio, quinquaginta octo Iudicum senten-
tiis, haud aliàs intentiore populo super even-
tu causæ, pronuntiavit decretum contra fon-
tes, in pœnam infamiæ, amissionis vitæ, & bo-
norum ad Fiscum redigendorum. Quinq; cæ-
dis authores & duos cædis ministros pœnâ ca-
pitis, damnavit: residui cædis conscii perpe-
tuâ infamiâ notati. Postquàm præviâ executi-
one in foro Varfaviensi, cædis suæ extitisset
vindex CORVINVS, (quanquam omnem
funeris pompam, testamento Moscuæ scripto
abdicaverit) funebris triumphus eidem decre-
tus est, peractusq; Vilnæ in monumento Majo-
rum, omnibus sacris profanisq; congestis ho-
noribus 12. Febr: in Basilica D. Casimiri: am-
plissima celsoq; fastigio moles erecta, tholum

Basilicæ attingebat, quam è virgine cera quâ quâ versûs frequens cingebat lumen. Complura militaria signa, hostibus, variis bellis crepta, cingebant molem, aderant circumlata omnibus bellis CORVINORVM Gentis insignia. Iam peractis sacris, elatoq; funere, imperatoricæ in Exercitu potestatis insigne, Clava, gladius, hasta, à circumstantibus, fastigio allisa & confracta: alteram armatus eques, intra Basilicam solutis equo habenis, portæ: tertiamq; è publico foro eques decurrens, pari impetu, muro Basilicæ allisit, in frustra; redegit hastam. Murales machinæ, & peditatus, festivâ explosione detonnerunt. Equorum militaris pompa, Equitum instructus ordo, supremum CORVINO præstiterunt obsequium. Oratione sacrâ profanâq;, pietas, belli gloria, in Rempublicam merita, recensita. Non defuit officio Univerſitas Vilnensis, quæ se obstrictam ejus beneficiis gerens, funebrem Panegyrim sparsit in populum. CHRISTOPHORVS PACM. D. Lith: Cancellarius ad perren-

rennem memoriam Herois meritissimi, in loco cædis, marmorcam posuit columnam. Pro qua exornanda certaverunt scriptis, viri elevati ingenii: sed nos pro coronide hujus operis VICTORIS & VICTI gesta, nostro elogio ad memoriam scribamus posteritati.

C A P V T . XI.

Elogium Historicum, Natales, honores, gesta in Patria & extra illam, calamitates & obitum VINCENTII CORVINI GOSIEWSKI complectens.

D. O. M.

Subsiste Viator.

VINCENTIVM CORVINVM GOSIEWSKI

Supremum M. D. L. Thesaurarium,

Fortunæ exemplum,

Sui sæculi Bellisarium:

C O R V I N O R V M

in Rep: Romana Consulum,

in Hungaria Regum,

Xx2

in

in Lithuania Senatoriam,
intuere progeniem.

Pater Ei

ALEXANDER CORVINVS GOSIEWSKI

Palatinus Smolenscensis,

septem Moschoviæ Ducum, Exercituumq; victoriis,

Vrbis Moscuae excidio & gubernatione,

Sueticis insuper trophæis celeberrimus;

Mater EVA PACOWNA,

Illustrissimâ in Italia olim,

nunc in Lithuania, oriunda profapiâ,

Omnem CORVINORVM, & PACIORVM

cum sanguine in Eum transfuderunt

prudentiam, fortitudinem, magnanimitatem.

Auspicia sui Nominis

ex victoria ad Zelburgum de Succis parta,

antèquàm nasceretur, fortitus,

prævio quasi omine;

quòd Victoriæ filius, D. VINCENTIO Tutelari,

multorum hostium futurus esset

VICTOR VINCENTIVS.

Annorum quatuordecim, exterarum adiit nationes.

VR.

VRBANO VIII, FERDINANDO III

Italiæ Germaniæq; Principibus,

ob indolem gratissimus.

Inde, è natali scilicet CORVINORVM solo,

post fata Patris redux in Patriam,

intumescens Rheni cohibetur undis.

Quasi eò reditum prohibere conarentur,

ubi cum hæreditate Civium erant odia possidenda.

In Patria florentissimam VLADISLAI Aulam,

Ipsè gloriâ, favore Principis, opibus florentissimus

Dapifer Lithvaniæ incoluit.

IOANNI CASIMIRO Succiae Regi

non minùs adipiscendi Poloniæ Regni,

quàm Frater ejus CHRISTOPHORVS, in Galliâ Legatus

è carcere Gallico, Eadem libertatis,

quàm deniq; Pater utriusq;

SIGISMUNDO III, VLADISLAO IV,

obtinendi Moschoviæ sceptri

Author fuit.

Vidisses Gentem CORVINORVM

Avita olim sua decora; nunc IAGELLONIIS deferre,

scilicet & libertatem, & Regna.

ad

Ad Łoiow promotâ strenuè de rebellibus Victoriâ;
 ad Mozyr, Bobroyšk, Pinsk,
 auxiliariâ Duci suo iunctâ manu,
 ad Irpien cæsis decem rebellium millibus:
 ad Dimir profligatis triginta Kozacorum millibus:
 ad Białocerkwiam gloriofè cum Tartaris compositâ pace:
 privatis suis opibus ibidem in obsequio Reip: exutus,
 cum ingentem nonnisi gloriæ meritorumq;
 coacervâſſet theſaurum,
 Magni Ducatus Lithuanix agere iuſſus eſt Theſaurariũ.
 Sumptâ deinde M. D. L. clavâ,
 multa raraq; Ducum, ad Mohiloviam, Vilnam,
 (excidiĩ ejus tempore) præbuit exempla:
 ſimul ingentem fatorum in ſe concitavit invidiam.

Primũ

Libertate exutus, Suecorum Regi traditus,
 Digna tanto Victore præda.
 Sic namq; Poloniæ fata ferebant,
 ut Captivus Dux ſolveret nexum
 Suecorum & Moſchorum contra Poloniam,
 & direptores Poloniæ olim ſocios,
 in mutuam armaret direptionem.

Liber

Liber jam inde,
 lætus malis ſuis, major & clarior in reſtaurando bello,
 damnifq; ſuis redditus terribilior:
 proprio ære inexpugnabilem, ſuoq; Nominĩ
 omni fortunâ fidum contraxit Exercitum:
 cujus virtute
 ad Proſtki nobilem copiarum Sueticarum,
 & Brandenburgicarum edidit ſtragem:
 Birze totamq; Samogitiam Suecis eripuit;
 & Balthici ſupremo prohibuit dominio
 Brandenburgico pacem ineundam cum Regno Poloniæ,
 perſuaſit armatus.
 Arces Livoniæ, Moſchorum armis impervias,
 Wendâ, Wolmir, Rombork, Armeth, Helmeth, Felin,
 Treydan, Oberpal, attribuit Lithuanix.
 Contra Moſchorum potentiam, ſuo ævo inſuperabilem
 (alter Fabius) cunctando reſtituit rem.
 Ad Caunam belli Dux de Moſchis Victor,
 ad Werki pro pace ſancienda,
 cum magno Moſchoviæ Duce Cõmiſſarius,
 poſt acerrimum ſex horarum cum mille equitibus
 contra 30000. certamen,

Bello

Bello aliàs & Legatione felix, circumventus,
 Captivus Dux & Legatus,
 Moscuâ, asservandus in malorum remedium, deducitur.
 In Moschovia

Paternos exegit annos tres, menses sex:
 diversâ sorte, æquali merito,
 ille Prorex, hic Captivus.

Intercè Moschi, memorandas, ad Konotop, Połonkam,
 Basiâ, Druck, Kufzliki, accepere â Polonis clades,
 dum sibi ingentes Provincias
 datum iri pro eo pollicentur.

Tum velut jam moniti Superis arbitris,
 velut quadriennali ejus carcere, sibi esset satisfactum,
 velut suorum Majorum Manibus,
 ab ejus Patre cæforum esset parentatum;
 repentinâ animorum mutatione,
 in Captivi conversi misericordiam,
 non sine metu & cunctatione,
 Liberum pronuntiaverunt.

Pretium libertatis, non lytrum,
 nam Heros tantæ gloriæ tantiq; Nominis,
 etiam Moschorum iudicio, omne excessit pretium,
 sed

sed quinq; Moschorum Generalissimi Duces,
 Principes Boiary fuere.

Prodeunti è Moschovia
 ruebant in occursum, Patria, Exercitus, Amici, Affines;
 plausus ubiq; ubiq; seditiosis comes invidia:
 imò,

si dimittentium hostium, & acceptantium
 seditiosorum spectes animos,
 Hosti avido ad detinendum, quàm seditiosis in Patria,
 desideratior hospes.

Hostes eum dimiserant;
 quia ferè moribundum, â suis met desperatum,
 diutius detinere non poterant:
 seditiosi acceptârunt triumphaliter,
 quia Patriâ arcere non licuit.
 Hostes magnitudinem ejus admirati,
 ne sibi noceret, stringendum carcere,
 seditiosi, ne seditioni obesset
 vitâ exuendum censuerunt.

Ab hoste adempta libertas, sed non vitâ:
 â concivibus utrumq;.
 Multorum Victor Exercituum, â Civico Exercitu,
 Yy â cō

à concivibus, à plebe armata, rebelli tumultu,
 Civis inclytus, Senator integerrimus,
 Dux Patriæ fidissimus,
 Patriæ concidit Victima.
 Causa cædis,
 res atrox, mira, & inaudita:
 non nisi post peractam cædem,
 ab ipsismet parricidis, quæsitæ; nec inventa.
 Major quippe Ejus erat virtutis & animi Majestas,
 quàm ut reatui cuiquam subjaceret.
 Pretium Viri obitus ostendit:
 cùm foris, externorum judicio,
 dignior vitâ Heros, pro suis meritis censeretur,
 domi, omnium, atq; adeò ipforummet parricidarum
 votis, resuscitandus optaretur.
 Mors Ejus nulli, nisi hostibus Patriæ extitit proficua:
 cùm Gentem CORVINORVM,
 excidiis Moscæ & Livoniæ natam,
 in Eo ruere, sibi gratularentur.
 Patria tantum facinus abominata,
 Vindicans ejus sanguinem,
 pro Eo,

quem

quem cōmutatione quinq; Ducū Principumq; redemerat,
 quinq; seditionis reos, Comitiali decreto,
 capite plecti jussit:

pro Eo,

cujus merita & famam, cordi habuerat,
 reliquos cædis complices, infames pronuntiavit.

Habes ô Patria in VINCENTIO CORVINO

Tui ævi Scipionem Africanum,
 etiam funeri suo exilium indicentem,
 ne in ingrata Patria moreretur, sepelireturque.

Repræsentâstis ô Parricidæ,
 novum in Lithuania Belisarium:
 excessistis in cultissima Patria barbaricam tyrannidē.

Abi Viator,

ac illud sæpius ingemina:

*Infelices illi animi magni,
 qui labentibus jam Monarchis nascuntur.*

Quia.

aut ad munera non adhibentur,

aut ruina obistere nequeunt;

aut eidem implicari,

Miserè unâ corruunt, sine H.

Yyz

*Sæpe
 dra in
 symbolis*

CA.

CAPVT XII.

COROLLARIUM HISTORIÆ
 seu ÆTAS REGNORVM Polonia, M. D.
 Lithuania, & Moschoria, per annos distincta.

*In Moscoria
 Hist:* **H**Abent etiam Regna suas ætates temporū-
 que vicissitudines, habent natalem, quā o-
 riuntur, habent supremam quā occidunt & de-
 ficiunt, diem. Hinc, *quemadmodum ex solis Co-
 losso Rhodio, multa statua fusa sunt, ita ex Ro-
 mano Imperio multa fundata Regna.* Proscripti
 olim Romā populi, multis incognitis Gentibus
 è Septentrione, vel à mari Caspio, vel Mæoti
 Palude devolutis, nomina dedere & originem:
 Gotthi, Vandali, Venedi, Sclavi, Hunni, Ala-
 ni, Longobardi, Regnorum extitère progeni-
 tores. Certitudo tamen temporum & originis
 in ambiguo, apud gentes illas, quibus major
 ad præsens cura, armis propagandi imperii,
 quàm calamo proferendæ ad posteros, rerum
 gestarum memoriæ.

Ex ea ratione Moschorum quoq; origo &
 Nomen, antiquis scriptoribus, fuit incogni-

tum; idcirco non abs re videtur annexere,
 quando, & quā ratione M. Moschoviæ Duces,
 ad tantam amplitudinem, quantam nunc vide-
 mus, sint evecti. Iam primum omnium con-
 stat, Moschos à Monarchis Kioviensibus, qui-
 bus olim parebant, Imperium Russiæ derivasse,
 (verane successionē, an simulatā? causas procul
 habeo) ex quo *Svatoflaus* Kioviæ *Iedynon-tadea*,
 (id est Monarcha) à *Gedimino* M. Lithu: Duce
 Regno pulsus, Karaczeviam, Branscum, Wolodi-
 miriam profugit: indeq; successores ejus, seu in
 vetustam coloniam, seu recentē à se conditam
 (obscuram tamen, Tartaris ignobiliter servi-
 entem) Moscuam transtulerunt domicilium.
 Multā deinde annorum serie exactā, Nomen
 primum, deinde Monarchia Moschorum cre-
 scere cœpit, maximè CASIMIRI III Pol:
 Regis conniventia. Senio ipse gravis, intentusq;
 evehendis filiis suis in Regnorum fastigia,
 VLADISLAO in Bohemicum, CASIMI-
 RO seu IOANNE ALBERTO in Hun-
 garicum, residuis in Polonicum, eripi sibi passus
 Ma-

Magnam Novagardiam (quæ VITOLDO centum millia aureorum tributum nomine quotannis pendebat) cæterofq; Principatus à IOANNE BASILIDE Moschoviæ Duce, recenter libero à Tartarico iugo, ac deinceps crescentem potentiam IOANNIS dissimulavit. Quâ ille cum suis posteris innixus, CASIMIRO ipsi, filiis, eorumq; successoribus gravis esse cœpit: sensimq; suos fines & potentiam, in tantum auxerunt Moschi, ut Supremus Turcarum Wezyrius, STEPHANO Regi Pol: suscepti belli Moschovitici precatus felicem exitum, non dissimulante coram Legato passus sit, post Cæsaris Turcarum potentiam, primam M. Ducis Moschoviæ se agnoscere.

Placet itaq; per annos ætatem Regnorû recēdere; eorûq; incunabula, incrementa, cognatasq; Regnis crescendi & decrescendi vices, (quibus Poloniae Lithuaniae, Moschoviæ Principatus exagitati,) è variis Authorib; subnectere. quos vel maximè in illo plusquam triennali otio Moschovitico, inter lectionē aliorû complurium librorû evol-

Heindl.
Stein.

evolui Duce & auspice ipso CORVINO, cui meritò & hoc ipsum opusculum meum debeo. Anno. POLONI LECHO suam debent originem. . . 550.
LITVANI PALÆMONEM suum Conditozem recognoscunt . . . 900.

Russia Kyg, Sczek, Korew, Libedam, colit Conditozes . . . 861.

Romulum & Remum, angustus non capiebat ager: quid mirum si uno compendio seculorum, nata, hæc tria vastissima Regna, per multas ætates, usq; ad extremum certabunt.

POLONI sub MIECZYŃSKO Christiani . . . 964.

LITVANI sub MENDOGO Cruciferis rei Christianæ ministris, quib; Samogitiâ cedere coacti . . . 1230.

sed MENDOGVS ob ereptam sibi Samogitiâ intuitu administrati Christianismi & Coronationis, redijt ad suos ritus; documentum præbens posteris, coactam religionem non fore stabilem.

Itaq; sub IAGELLONE secuta universalis Litvanie conversio . . . 1386.

Ruf.

RVSSI sub WOŁODIMIRO Christiani . . . 971.

*Aemula Regna in aeternas itura similtates, iam
tunc quo magis inter se diffiderent, diversos ritus
& mores assumpserunt.*

CRACOVIA condita à Craco. Vrbs muro
cincta 1496. Arx à IAGELLONE hucusq; li-
gnea lapide cocto munita 1393. Palatium SI-
GISMVNDVS I. condidit. SIGISM. III re-
stauravit & ornauit.

VILNA condita à GEDIMINO 1306. muro
cincta sub ALEXANDRO . . . 1506.

KIOVIÆ fundamenta jecit KYG circa annum. 806.

MOSCV & SMOLENSCV muro cinctum . . . 1600.

Corona Pol: BOLESŁAO collata ab OTTONE
III Rom: Imp: . . . 1001.

VLADISŁAVS ŁOKIETEK, Coronam GNIEZ-
NA transfert CRACOVIAM . . . 1320.

LVDOVICVS in Hungariam 1372. IAGEL-
LO inde reportat Cracoviam . . . 1412.

Corona Lituaniæ, cum baptismo collata Men-
dago ab INNOCENTIO IV. . . 1230.

Vitol.

VITOLDO à SIGISMVNDI Imperatore . . . 1429.

DANIEL Ruffiæ Rex coronatur Drohiczyni
ab Opifone & Prandota Crac: Ep: . . . 1246.

IWAN WASILEWICZ M. Dux Mosc: Coronā
& Titulos Regales petit à MAXIMILIANO
Imp. in præmium rupti foederis cum SIGIS: I
R. P. . . . 1513.

BASILIVS IWANOWICZ petit Coronam à
CLEMENTE VII. obstat SIG: AVGV: . . . 1552.

Academiæ Crac: iecit fundamenta CASIMI-
RVS MAGNVS approbante VRBANO V. ubi
nunc Ciuitas Iudæorum . . . 1361.

IAGELLO transtulit intra Urbis mænia . . . 1400.

Academia Vilnensis à VALERIANO PROTA. 1570.

SOWICZ SZVSZKOWSKI sub SIGISM: AV.

GVSTO inducta: à STEPHANO REGE Priuile-
gio donata & à Successoribus confirmata, ap-
probante GREGORIO XIII. . . 1579.

DANIEL Ruffiæ Rex & ritum & linguam la-
tinam exterminare conatur. . . 1250.

*Mirum illas duas gentes innotuisse
Zz. Orbi,*

Orbi, eruditione; hanc velle clarescere barbarie.
Kiouia totiusq; Monarchiæ Russiæ diuisio, in
uarios Principatus inter filios WOŁODIMIRI. 1000.

Quibus dissentientibus,
BOLESLAVS CHROBRI; R. Pol. Kiouiam
Victor ingrediens, Portam auream scidit gla-
dio in signum Victoriæ.

*Scilicet hac clau Regibus, non Urbium solùm aurea,
sed Regnorum porta ferrea spontè patefcunt.*

BOLESLAVS quoq; AVDAX Victor Kiouia 1060.
ingressus, eandem portam geminatis vicibus
scidit. Fortunata audacia; nisi Victorem gladium à
porta Kiouensi, in cades suorum, deinde STANIS-
LAI Epi: Crac: convertisset.

*Hinc Chrobreo gladio Victore, conquistata Corona;
nimium Audaci gladio adempta* 1061.

Adempto per summos Pontifices, Diademate,
Polonia diuisa post mortem BOLESLAI
KRZYWOVSTY, in Principatus CRACOVIAE 1140
Poznaniae: Sendom: Siradiae, Lanciciae, Cui-
uia, Masouiae, Plociae, &c. omnem sui formi-
dinem amisit. Tunc

Tunc nobis Boleslai perire labores

Ruperunt nostrum regna subacta iugum.

Kiouia templum Sophiæ condidit Iaroslans Mo. 1034.
narcha, & laminis deauratas contextit.

*Pium & splendidum opus, dum culmine gerit delu-
brum, barbaras gentes allexit in pradam. Splendor
namq; deaurati Capitoli enocauit usq; ex Africa &
Septemtrione predatores.*

Lituani olim incogniti Russos edomant 1201.

Lituani graues vicini, Polonis in uarios prin-
cipatus diuisis Opator, Sendomiriam, invadunt
1242. Cuiaviam 1243 Lublinum 1273. 1282 Ducem
Masouiae captiuant 1262. Mendogus Masouiam,
Plociam, Prussiam, spoliat 1260 Lanciciam 1278.
Witencs Ducem Lancicia profligat & cadit 1294.
Dobrzynia populatur. Siradiam, Kalissiam, &c. tunc 1307.
exitibus inter se certarunt odijs hac duo Regna, in
unam compagem arctius coalitura.

In remedium tot malorum Gedimini M. Ducis
Lit. filia expetita dataq; in connubium Casimi-

ro Magnō Regi P. *Vladislao* eius; patre super- 1325.
stite. Felix connubium, cui innexa 25000. ca-
pitiuorum dotis nomine, simul gratulati sunt & Spon-
sis felix faustumq; imperium, & sibi libertatem.
Iagello ex Lituania vocatus ad Regnum Pol. ba 1386.
 ptizatus & coronatus foedus Lituanum cum Po-
 lonis instituit 1401. & 1413.

Idem foedus, *Vladislauus III* filius *Iagellonis*
 confirmat, quod tamen sub *Casimiro III* parum 1438.
 abfuit, quin abrupteretur multoties à Litua-
 nis repetentibus *Podoliam* & *Wolyniam*.
 Idem foedus confirmant *Ioann. Albertus* & *Ale-*
xander M. D. L. 1499.

Terra Belzensis Regno adscribitur 1462.
Drohiciensis iuri polonico adjicitur 1516. *Bielscē-*
s 1547. *Kiouia Podolia Wolynia* per pacta unio-
 nis, regno incorporatur; 1569.
Iagello & Vitoldus 140. millia *Cruciferorū* profligāt
 ad *Grünevaldum* 1410.
Obijt Vladislauus Iagello Anno 1434. Regni 48. etatis 80.

Russia interim à Polonorum armis li-
 bera

bera diuisa in Principatus (quamvis hi omnes
 utcunq; parebant supremo *Kiouia* Monarchæ &
 Polonorum Principum bellis auxiliarij immisce-
 bantur) internis tamen grauiter laborabat dis-
 sidijs, eò facilius exceptura, suum per Tartaros
 exterminium.

Pereunt plerumq; felicia Regna, virium & ma-
gnitudinis sua diuisione & Roma facile patet Alarico,
Attila; Totila; dum Bizantinus diuisum imperium
cum Roma Caesar habet. Tu quoq; Palaologe, diuide
in Bizantij; Trapezunti, & Peloponesi orientale
imperium, cum domo Lascari & Angela: ipse in tuis
posteris, per turrim Angeli amissurus vitam cum
imperio: illi tua fata sequentur. Constantinopolim
capit Mahometes 29. maj 1453.

Trapezuntum 1450. *Peloponesum* 1470.
 Idem *Casam* in *Taurica Chersoneso* vulgò *Krym* ca-
 pit 1475.

Ægypti Mamaluchorum subuertit imperium *Se-*
limus, ipsumq; Tomymbecum suspendi iubet in porta
Cairi. 1517.

Vladislaus ad Warnam casus 1444. Solymanus Budam occupat 1541. Viennam obsidet 1541. Rhodū capit 1522. Selimus II Regnum Cypri 1570. eius clades ad Naupactum 1571. Ad Russos redeo.

Tartari ex Asia primum effusi inuadunt Po- 1211.
loncos: ij nunc sunt campi deserti inter Vkra-
nam & Tauricem alluanturque fluminibus
Wolgā Tanai Boristhenē, Hypani vul-
gō Boh, & Tyrā, Dniestr. Hinc Russi à Polowcis in
societatem communis belli inuitati, profugan-
tur à Tart. primum dein à Polowcis.

Inde victores Tartari impune populantur Kiou-
am, uniuersamq; Albam, Rubram, Nigram Rus-
siam (quo colore vexillorum ituri ad bellum
distinguebantur) illaq; inundato populorum
à Mari Caspio devoluta, involuit Poloniam, Hun-
gariam, Morauiam, Silesiam.

Polonis ad Chmielnik magno bello non praelio vi-
ctis; (namq; censentur nouem sacci auricula-
rum repleti) Cracouia ternis vicibus capta.

Lublinam, Sandomiria, Masouia Lancicia cum
exter.

exterminio expilata 1212. 1240. 124. 1242. 1260.
1267. 1287. &c. &c.

Witoldus ad Azonum superato Tanai victor con- 1397.
fligit cum Tamerlane, ad Worsktam vincitur sic fa-
tis volentibus ut uterq; magnus bellator, euaderet & 1399.
victor & victus

Tamerlanes natus Sarmaandia, dicitur ex
utero matris manum plenam sanguine protulif-
se. Duces suos Kaydan, Peta, Perepet cum 500000.
militum, (nonnulli tradunt 1200000.) in bel-
la produxit: Bajazethem Turc. Imperatorem ca-
ptiuauit, aureisq; compedibus uinctum 1399.
in cauea ferrea circumdaxit: equum ascen-
surus scabelli loco usus. Hungariam triennio
insedit. Obijt Sarmaandia.

Tartari à Vitoldo suos Principes accipiunt - 1419.

Moritur Vitoldus Trocis sepelitur Vilna - 1430.
ci Bona Sfortia Regina Pol. Vilna posuit eius-
modi marmoream Epitaphium Alexandro Vitoldo
Magno Duci Lituaniae optimè de sua Patria merito

posuit

posuit Bona Sfortia sed incendio Moschouitico lapis corruptus

Casimirus III. Principes Tartarorum venerantur. Ab eodem *Adzygery* in Principem Tartarorum inauguratur praesentibus legatis Tart. & *Radzimirio* in Tauricanum principatum deducitur 1441.

Russia dum premitur bello Tartarico

Gediminus M. D. Litu. 70. Principes Russiae profligat ad *Wolodimiriam*, *Euck*, *Chełm*, *Belz* capit, 1303.

ipsamq; *Kiouiam* caput Monarchiae: *Swatostlao* Monarcha profugiente *Wolodimiriam* in *Moschouiam* usq;. Hinc apud Moschos nobilitatis *Wolodimirica* nunc cum primis celebre nomen. Scilicet inter Polonos & Russos, tertius diremit ueterem partium fortunam. Ite nunc opulenti *Kiouia* Duces extra portas auro testas; imò extra fines totius Vestri imperij; cum Princeps armis quam auro validior, Vestra deaurata subit moenia

Casimirus Magnus Pol. Rex capit *Leopolim*, *Przemysl*,

mysl, *Trębowl* 1340.
Lituanis quoq; eripit *Brestiam*, *Euck*, *Chełm*, 1366.
Belz, *Kiouia* permanente sub potestate Lituanorum.

Kiouia à Tartarorum Principe *Ediga* ultimò 1416. capta & exusta sub *Iagellone*, ut nunquam postea restitui potuerit suo splendori.

Kiouiam in potestate Lituanorum *Olelkowicij* Ducis inter se partiuntur. 1455.

Olelkowicij pro Ducatu *Kiouiensis* datur ducatus *Kopylensis* & *Slucensis*. 1455.

Kiouia in formam Palatinatus redacta à *Casimiro III.* primusq; Palatinus creatus *Gastol.* 1455.
Sic illa uastae *Septemtrionis* Domina, effecta alieni dominij tenuis portio.

Per pacta unionis, cum M. D. L. cessit in ius Regni, 1569.

Grandis precij inferitur unio *Coronae Polonicae*, cum omnem gazam Ducum Litu.; vetustas Domos, & *Kiouiam*, *Podoliam*, *Wolyniam*, *Bractauiam*, *Czer-nibouiam*, *Podlachiam*, Prouincias Regni instar, in splendorem *Coronae Pol.* contraxit.

Exindequè *Polonae* gentis legati, cum *Lituanis*
Aaa Mos-

Moscuam adire coeperunt primi *Raphaël Lesczynski* & *Ioannes Krozoszynski* 1569.

Kiouia nostro ævo per rebelles *Kozacos* dedita *M. Mosc:* Duci, nunc à *Moschis* possidetur. 1655.

Russi Papam pro Capite Ecclesiæ agnoscunt sub *Casimiro III.* 1476:

Russorum unitorum legatio *Romam* sub *Sigismundo III.* 1595.

Russia totius Pontificem se gerens *Harasimus* à *Svitrigellone* Duce exurit. Et qui *Russis* lumen se inferre iactabat, ipse factus, magna lux mundi. 1433.

Isidorus Metropolitā *Kiou:* cum *Sbigneo* Ep: *Crac:* simul creati Cardinales *Roma* 1439.

Idem *Moscuæ* captivatus, profugit. Scilicet in tam profundo *Septentrione*, ubi nox mentis prævalet, *Sicra Purpura* non resplenduit. 1440.

Mutato, euerloq; primum per *Polonos*, deinde *Tartaros* deniq; per *Lituanos*, Monarchiæ *Kiou:* ensis statu, *Moscouiæ* quoq; Duces, *Tartarorum* tributarij vixere. Longè post *Ivan Wasilewicz* excusso *Tartarorum* iugo se legitimum successorem totius *Russicæ* Monarchiæ, nonnunquam *Augusti* & *Iulij* Cæsarum hæredem proclamabat.

bat. *Martinus Cromerus* eam partem *Russicæ* parvam & obscuram, quam *Moscuæ* fluvius alluit, affirmat paruisse *Ioanni* cuidam *Danielis* filio, cuius operâ ac successorum eius, ad eam devenit vastitatem quam nunc conspiciamus, his successibus.

Olgerdus M. Lituanie Dux *Demetrio Semeczka* *Mosc:* Duci bellum denuntianti in æstatem, prior bellum ante Pascha intulit, *Moscuæ* copias admonit, ovumq; paschale ex pacto Duci tradidit: portæ verò hastam illisit. 1328.

Moschi *Neibausum* in *Linonia* dum oppugnant, occiso *M. Duce* diffugiunt. 1381.

Moschi *Tartarorum* iugum excutiunt. 1427.

Magnâ *Novagardiâ* potiuntur quæ *Vitoldo* pendebat tributum nomine centum millia aureorū annuatim. 1478.

Tueriam de *Lituanis* capiunt. 1485.

Moschorum potentia crescit *Casimiro III.* dissimulante. 1490.

Seueriæ Duces offensi compressione digiti à *Regio* ianitore, ab *Alexandro* deficiunt ad *Ioannē Wasilewicz.* 1491.

Aaaz

Alexander

Alexander M. Dux Litu: in spem pacis, filiam-
Ioannis Helenam ducit. 1494.

Sed spem fortuna elusit. Nam cum credit se per co-
nubium pacem patriæ intulisse, causas æternorum
belloꝝ, intulit.

Iuangorod in finibus Liunia ex opposito Narua
struunt. 1492.

M. Dux Mosc: Duces Mozaysci, Biala, Wiaz-
ma, Ossemiëtozycenses, Branski, Czernibouia, Staro-
dubenses, Rylscenses, Putiwlia, Rezania, Toropet,
& Lituanis auellit, & genero suo Alexandro bel-
lum indicit. 1499.

Moschi ad Wedrussam Ducem Constant: in Ostrog
captiunt. 1499.

à Pletembergio Magistro Cruciferorum 130. mil.
ad Pskow profligantur. 1500.

Iwan Wasilewicz ambit eligi in M. Ducem Lit.
post obitum Alexandri. 1506.

Basilus Iwanowicz occupat & munit Iezierz-
szcze, Wielizelc Plescoutiam capit Lituanis sub- 1506.

iectam: diadema & titulos Regales totius Rus- 1509.

sie petit à Maximiliano Imp: in præmium ru- 1513.

pti foederis cum Sigism: I. Rege Pol. Idem
quid

quid agendum sit cum Rege Pol. mox capien-
do, consulit Maximilianum. 1514.

Const: Dux in Ostrog redux è Mosc: 1507. Mos-
chos profligat, idem ad Kropiwnam victor 1508.
80. millibus Moscorum. 8. Sept. 1514.

Moschi oppugnant Smolenscum 1499. 1500. 1501.

1502. tandem potiuntur prodicione - 30. Iulij. 1514.

Moschi dum obsident Polociam, coelitus apparē-
te S. Casmiro Lituanum Dunam superant, & Mos- 1518.

chos profligant Duce Gastoldo
S. Casmirus nascitur Crac: 1458. 3. Oct. moritur
1484. Vilna. In Regnum Hung: vocatus 1472. in
numerus SS. velatus 1521.

M. Dux Mosch: Kazaniam expugnat. 1522.

Astrachania Regno potitur Basilus.

Ditatus opibus aliena potentia, Russos & Tartaros 1554.

quasi terram & inferos contra Reges Pol. armauit.

Ita Roma crescit Alba ruinis: deinde euerfione Car-

thaginis, deniq; spolijs Asiaticis: potentia & luxu spar-

sit per Orbem.

tantâ validus potent à Basilus à Clemente VI

petit insignia Regni: sed obstante Sigism: August:

non impetrat. Idem titulum Car usurpat, Sigism: 1532.

negat 1549. 1551. 1553. &c. Mos-

Moschorum & Suecorum bellum biennale 1555.
 & idem *Basilus Lioniam* deditam *Sigismundo* 1556.
Augusto invadit, *Derpatum* expugnat, monet-
 q; *Augustum* ne se immisceat rebus *Liui*: *Sigis-* 1558.
mundo Augusto stante pro *Liunia*, *Basilus Po-*
lociam intercipit 1562.
Moschi ad Czafski victi. 1567.
 Validissima sed irrita expeditio *Sigismundi Au-*
gusti ad *Radoszkowice*, ideoq; dicta bellū gallinacū 1568.
Basilus Duci Holsatiae & Piltinensi Magno ad
 se confugienti auxiliatur, eum Regem *Liuo-*
niae creaturus. Cumq; videt *Liiones* ad eum
 conuolare, ipsemet pro se *Lioniam* occupat, 1569.
 cum exterminio *Liunica* nobilitatis in *Ascka-*
rad & Venda &c. & arcium demolitione qua-
 rum nunc plurima extant rudera.

Tartari urbem Moscuam totam incendunt, prae-
 ter *Kremlgorod* hinc sequenti anno superbè 1571.
 per legatos tributum postulantes 300 capite
 percuti iussit securi. Principes verò legatio-
 nis, labijs naso & auribus truncatos, donatos. 1572.
 q; securi, dimisit. Tanti ille cladem & ignomi-

niam sua gentis aestimabat, ut à uiolendis legatis,
qui iure gentium sancti sunt, non temperauerit.
Moschi Turcas à coniungendo per fossam Wol-
gā & Tanai cum clade rejiciunt. Validissima 1559
 sed irrita *Moschorum* expeditio in *Tauricam* 1689.
Krimeam

Stephanus Rex Polociam expugnat 1579.
Luki, Toropez, Wieliz, Nowel, Vsiwat, Plesconi- 1580.
am obsidet, *Lioniam* liberat 1582.
Stephanus coronatus 1575. s. Martij bellum gerit
 contra *Gedanenses* 1577. *Ketlerum Ducem Curlan-*
diae inuestiuit, *Dzisa* 1579. *Riga Lioniam* or-
 dinat 1582. à *Zborouijs* impetitur 1584. *Rigensum*
insolentiam cōercendam destinat 1586. iudicia tri-
 bunalia instituit 1578. movitur *Grodna* 1586.
Demetrius M. Dux Moscos coronatus & occi-
 sus à *Moschis*. Mox alter *Demetrius*; an idem 1607.
incertum Moscuam obsidet biennio

Sigismundus III. ob communem Regum causā,
 ob iura gentium violata legatos caesos, mag-
 na parte detentos bellum *Moschis* intulit 1609.
Smolenscum expugnauit 13 Iunij 1611.
Stanislaus Zolkienjski 80. mil. *Moschorū & Suecorū*
 12. millia profligauit

profligavit ad *Kluszynum*. *Moscuam* urbem in ditionem accepit. *Moschos* cōegit ad fidē coram se præstandam *Vladislao* Pol. Principi electo *M. Mojs*: Duci. Idem *Szurysium* *M. Mosch*: 1610. Ducem in comitijs *Varjavia* victum produxit: 1611. *Moschi* rebelles *Vladislao*, dum *Moscuam* recuperant pro *Michaële* *Fiedorowicz*, tota *Moschonia* à *Polonis* victorijs peragrata, usq; ad *Auream* anum 1612. *Vladislaus* Princeps *Moscu*: 1613. am obsidet. Iam verò *Rex Smolensci* obsidionem victor soluit. 1618. 1634.

ALEXIVS MICHAËLOWICZ *Kozacos*, rebelles in clientelam suscipit. *Kiouiam*, *Vkrainam*, *Czernihouiam*, *Smolenscum*, *Dabrownam*, *Mohiouiam*, *Borysow*, *Poſock*, *Witebsk*, ditione capit, religionis & sui honoris prætectu, ut *DEVM* hominesq; in partem victorioso præda vocasse uideretur. 1634. *Vilnam*, *Caunam*, *Grodnam*, victor occupat. 1635. *Moschi* ad *Brestiam* victi à *Paulo Sapieba*: ad *Wierzechowice* victores, utrobiq; pro victoria stante desperatione 1635. *Rigam* *Liunum* irritò eventu obsidet *Alexius*. 1636. ad *Werki* *Moschi* victores 1638. 21 Oct. sed dū for.

fortunæ & suæ potentiae præfidunt, ad *Konotop* cæduntur.

Ad *Czudnow* deditio *Szeremethii* *Stanislao* *Potocki* & *Geor. Lubomirski*. Ad *Poſonkã* & *Basiam* cæsi à *Paulo Sapieba* & *Steph. Czarniecki* 1660. ad *Kuszliki* à *Zeronscio*. 1659. 1660.

Armistitium coaluit post bellum annorum 13. 1661. *Sienko* *Razin* rebellis *Astrachaniam* *Moschis* eripuit, mox captus, manibus, pedibus, & capite truncatus *Moscuæ*, dulce *Moschi*s exhibuit spectaculum palo suffixus. 1667.

Unio *M. D. Litu*: cum *Regno* *Pol.* coaluit ad *miten*. te *Sigismundo* *Augusto* *Lublino*. 1670.

Nuntiorum *Terrestrium* ordo, (*Patrio* nomine *Poselska izba*) sumpsit initia sub *Casimiro* III. *Wislicia*, potestas ad præsidium libertatis nata. 1569. 1468.

Tribunalis semina jacta in comitijs à *Stephano* *Bathorio* *Rege* *Polonia*. 1577.

Artis *tormentariæ* & *pulveris* *pyrij* usq; inventy. 1376.

Ars *Typographica* adinventy. 1440.

Ars *conficiendi* *serici* ex *bombycibus* à duob; *monachis* ex *Indijs* illata. 1565.

Mirum tam atrociter naturam conspirasse in excidium generis humani, ut prius formarverit artes, in

eius perniciem, quàm in culturam ingeniorum & corporis ornamenta.

Artis musicæ incrementa promota à Guidone Aretino.

1024.

Sal primum Bochnæ reperitur.

1252.

Indiarum prima detectio authore Columbo 1462. 1492.

America Vesputio 1492. Alvaro Capraro Brasilia detecta.

1500.

Acus nautica adinventæ.

1283.

Hollandi in Nova Zemla lustrant mare glaciale versus Chinam, sed glacies eos reuerti cogerunt. Nam 30. Augu: glacie constricti commorati sunt in eo mari ad 1. Iunij: solis cursum intra duos menses & dies 20. nusquam conspicientes. Inde binis scaphis residuis, nexi reversi sunt in Hollandiam.

1597.

Liunia quamvis nunc alienas auxit opes, nihilominus cum nostro sanguine parta sit, ac diu defensa, præstat attingere, quâ ratione in nostras devenit manus & contra Moschos propugnata. In *Liuniam* Christianismus inuectus per *Luhecenses* & *Meinhardum* Epif: *Kirzholmiam*, *Rigaq;* condita

1200.

Cruciferi

Cruciferi *Theuthonici* ab Archiepo *Rig:* in *Liuniam* introducti: iidem Cruciferi Archiepisco. 1234. *pis Liuniam* eripiunt, defensi à *Rigensibus* sequentibus annis. Cruciferi *Liunici* ab obedientia Magistri *Prus.* pecuniâ se redimunt. 1513. *Pletenberg* inductus ab *Alexandro* Rege *Pol.* spe communis belli suscipit expeditionem contra *Moschos*, eorumq; 130000 profligat ad *Pskow*, suorum 12000. *Moschi Liuniam* invadunt, *Derpatum* 1500. expugnant. *Liunia* in comitijs *Auguste Vinde.* 1558. licorum à *Ferdinando I.* per *Georgium Ziberg* in suo miserabili statu implorat opem contra 1559. *Moschos*. Idem actum *Spiræ*. Cumq; *Ferd:* nomine *S. R. I.* obtulisset 100. aureorum mil. 1560. lia in subsidium, *Liunes* potius nihil, quàm *Krācius* tantillum accipere maluerunt, protestatique sunt. *Sigismundi Augusti* expeditio in *Liuniam* cū 110 mil. pro *Vilhelmo Brand.* suo sororio Archiepiscopo *Rigensi* incarcerato contra *Firstembergium* magistrum ordinis *Theuthonici*. Primumq; foedus ad *Posvolum* cum *Liunia*. 1557. *Firstemberg Felini* expugnatus, captus, *Moscuæ* interiit. Inde *Liunijs* implorantibus opem, *Lit:* 1558.

Bbbz

uani

uani soli suscipiunt defensionem *Liuania* contra *Moschos*, tuenturq; usq; ad tempora *Stephani*. 1558.
Liuania à Principibus S. R. I. deserta, suscepta in clientelam *Sigismundi Augusti* quatenus Magni Ducis *Litvania*. 1560.

Livonum tertium foedus cum *Sigisf. Aug.* firmatum subscriptione Senatorum *Litv.* 36. Marchalcorum 7. Notariorum 4. cuius vigore ordo Cruciferorum sublatus; sigillum & privilegia Cæsarum, ipso consentiente Cæsare resignata *Nicolao Radziwił* Nigro in Archiuo M. D. L. *David Chytræus*.
reservanda in arce *Rigenfi*. Postridieq; *Gothardus Kethler* in foro *Rigenfi* creatus *Livonia* Gubernator, deposito Magistri Insigni. Stemma 1567.
Livonia *Sigismundus Augustus* esse iussit Gryphem album in area rubra gladium vibrantē, pectore complexum literas S & A Regij nominis sibi implexas, Coronatas conservaturus apud posteros sui memoriam, & *Ioannis Chodkiewicz*, Administratoris *Livonia*; quo ministro in tales leges convenēre. Atq; eius parens *Hieronymus* à *Rom*: Cæsare titulum Comitis S. R. I. collatum & Gryphem pro insigni gerebat. *Sigismundus*

gismundus Augustus *Gothardum Ketler Vilna* cre. 1568. avit *Curlandia* Ducem.

Stephanus Dziŋa 1579. *Vladislaus IV. Iacobū Vilna* 1639. *Fridericum Casimirum Ioannes III.*
Reualia cum *Esthonia* prodita *Erico Regi Suecia* à Duce *Meckelburgensi Wilhelmo* Coadiuto. 1567.
re Archiep. Rigenfis; qui pro hac proditione *Lucas Vilna* sub custodia habitūs; ad instantiam Prin. *Gornieki* cipum S. R. I. dimissus.

Ad *Basilium M. Mosch.* Ducem confugit *Alsatie* Dux & *Piltinensis* Administrator *Magnus* inductus spe connubij cum sorore *Basilij*, & spe Regni *Liuania* ad instar Ducis *Prussie* à *Pol.* 1569.
Rege creati. *Livones* læti, quasi veteri Rep. ad *Magnum* confluunt, sed per quem libertatem sperant, per eundem nanciscuntur servitium & ex-*Heindē* cidium *Vendæ, Ascheradi, Pernavia &c.* *stein*
Magnus Vendam Reualiam sui iuris facit. 1570.

Sigismundus Augustus natus 1520. *Crac.* 1. *Augu.*
Coronatus in *M.* Ducem *Litv.* *Vilna* 1529. in *Regem Pol.* 1530. Ad *Remp.* admoventur 1538. *Litvaniam* administrare incipit 1541. *Elisabetham Austriacam* ducit 1543. *Barbaram Radziwiliam* 1546. *Bbbj* *Coro.*

Coronatà 1551. Quarcianum militem instituit 1551. Vpitemsem Districtum erigit 1542. Moritur Kmyszyni 1572. 12. Iulij. Primus Regum literas & diplomata propriâ manu subscribere cepit. Cùm antea subscriptione Notarij & sigillo Regio tantùm signarentur.

Stephani Regis contra Moschos expeditio pro vindicanda Livonia viribus Regni & Litvania: 1679. quam vindicatam prudentissimus Rex qualiter in Ordinem redegerit, dignus scitu Heindensteinius. Stephanus Rex obiit Grodne 12. Dec: 1586. Sigismundi III. expeditio in Livoniam contra Carolum Sudermanie. - 1600.

Ioanne Zamoyski in Livonia 1660. & abhinc 1601. iterum devoluta defensio Livonia ad Litvanos. Ioannes Carolus Chodkiewicz per plurimos felices conflictus administrat Livoniam, ad Kirchelmum 14. millia Suecorum profligat. - 1605. Gustavus Adolphus Rigâ potitus per Civium prodicionem. 27. Sept. 1621.

Fusio rem rerum variarum Elenchum per annos distinctum connotandi esset animus; sed quia pleræq; excedunt brevitatis compendium, & propo-

propositum opusculi nostri, studio supersedeo. Smolenscum paulisper cum Lectore diuertemus. Vel potius, Heus tu Smolenscum? sepulchrum dealbatum, quid superbis turribus, & muro enormi, cùm sis magnorum bellorum causa & elades gentium? citaris ad cognitionem nostram. Smolenscenses Duces progenitos se esse à Włodimiro Kiovia universaq; Russia Monarcha terebant, uti & omnes alij Russia Principes scilicet Pereaslavia, Magna Novagardia, Pleseovia, Czernihovia, Starodubi, Severia, Mscistavia, Wiazma, Mozaysci, Tveria, Rezanja, Susdalia, Polocia, Witebscia, Orlucenses ijq; multifariam diuisi in Hory, Sokolnia, Lubecz, Podberezie, cæteri; plurimi, quos vel vetustas obliteravit, vel domiciliorum vix restant rudera. Ad eundem Włodimirum Magni quoq; Moschovia Duces se revocant Swatoslaum Kioviâ profugum in suam trahentes lineam: & exinde successionem hæreditariam Smolenscia & Kiovia sibi vendicare, contendunt. Omnibusq; in illa Prouincia Privilegijs hunc titulum præfigunt. Ex patrimonio Magni Principis ac Domini &c. &c. Smolenscensi, datur in feudum

dum ager denominatus *N N. Kuźma, Iwani, vel Mikita Hryszkonis filio &c &c. Smolenscum itaq;* 1396.
Vitoldus M. Dux Litvæ & Vasilonis Duce Smolenscensi capit. Qui ad Sigismundum Imperatorem profugus perijt in Hungaria.

Georgius Vasilonis frater Smolenscum occupat: Vitoldus eodem anno reconperat. 1403.

Roboribus munitum Smolenscum sub Litvanis, Moschi oppugnant, Litvani strenuè defendunt 1502.
 1499. 1500. 1501.

Ivan Wasilewicz M. Mosch: Dux per proditiōē Glinſci; capit 30. Iulij. 1514.

Boris Godienow lapidibus sectis & muro munit. 1600.
Sigismundus III. capit à viva forza 13. Iunij. 1611.

Vladislaus IV. de Sebehino oppugnatore victor, eundem obsidet, & ad deditiōem armorū cogit. 1634.
 1634.

Alexius Michajłowicz Smolensco potitus deditiōe Principatus tot gentium armis, nunquam extremè adomitus, nunc tandem Moschorum servit imperio. Sed nos à conspectu Moschorum, ipsiusq; Smolensci iam tandem oculis ac mente recedamus. Cum verò & in Patria & in Moschorum.

Iam satis invalidos calamo lassavimus artus,

Et manus officium longius agere negat,

Tu Lector benevole,

Felle (disas) quem sua terra tenet.

F I N I S

Ovidius

Ovidius

PROCESSVS IVDICIARIVS, In causa cadis *VINCENTII CORVINI* *GOSIEWSKI.*

ANte omnia auditi Legati ab Exercitu. Hi crimen horrendum, velatum titulo suæ Communitatis, contra Ducem magnorum meritum; simul ejus magnitudinem recensuerunt: utq; in fontes inquireretur, & severè animadverteretur, supplicârunt.

Tam Instigator M. D. Lith: rem exorsus enumeravit magnitudinē, virtutes, merita *CORVINI* contra Directorem circuli, quem fuisse cōcitatore omnium seditionum, probavit ejusmet manu scriptis & sigillo signatis literis. Lectæ publicè literæ ad Præfectum, quem Substitutum vocabant *ZERONSCII*, & ad Exercitum scriptæ: in quibus innuit, venditum esse Smolenscum; septuaginta naves Rigam transmis-
 sas cum auro & gemmis: frivole agere *GOSIEVIVM* cum Exercitu, Nexum seditionis militaris ab eo dissolvi. Aliæ literæ innuebant cum Externis literarum commercium,
 scilicet

Forma
 totius
 processus
 iudicialis.

scilicet cum Suecis; eorum copias adduci ad Patriam opprimendam, Gallis libertatem vendi. Tertiae literae post captivationem G O S I E V I I scriptae, praeconeabant, ne admitteretur in castra Episcopus Vilnensis, homo infensus seditioni & sacro nexui. Tandem aliis literis, post peractam caedem scriptis, nuntiat à se diligenter conquiri documenta contra G O S I E V I V M, nec posse se conquirere, fatetur: hinc inconsultò actum esse arguit, quòd scripta ejus simul non sint intercepta. Praecavet denique aliis literis, P A C I V M moliri, resolutionem Nexûs. Monet ne se Praefectus obruat potu nimio: Exercitum & potentiam manu teneat: cum Exercitu Regni sedizioso, conjunctionem armorum & animorum firmet per Legatos: commercium literarum omnibus praescindat: suis rebus attendat, easq; in futurum firmet. Lecta insuper copia literarum Praefecti militaris (quorum authenticum eadem die, ipsemet fato suo Director ille produxit) quae probabant militem Vilnam

Vilnam missum, ab ejus consensu dependisse: quandoquidem noctu ad eum transmissae literae, & illius ab Vrbe expectabatur consensus in campis: illo consentiente, iubente per internuntios, in forum factam irruptionem. Literae hae Praefecti fusillimè scriptae, hae quinque continebant pancta. Primò. *Mitto ad te directe equitatum pro comprehendendo ZERONSCIO &c.* 2dò. *Pro G O S I E V I O, si tibi videbitur.* 3tiò. *Inibis modos, & aperies ei, quibus hoc opus aggredi debeat.* 4tò. *Si tibi non videbitur, non secuto effectu, obligaris ad secretum.* 5tò. *Ac in his eâ ratione procedas, ne & tuam & totius Exercitus ledas conscientiam.*

Ex scriptis & supra dictis, idem Instigator, eum esse perduellionis, Directorem circuli deduxit.

Instigator autem Regni, ex iisdem dictis probavit, fontes nec locum standi habere, nec vocem justificativam: unicum restare ad delibendum, quo genere mortis pro tam atroci crimine, essent interimendi, adductis exemplis poena

pœnarum contra seditiosos, tam in Patria, quam extra eam practicatorum.

17. Dec.
Ratio-
nes eius
pro sua
defensio-
ne.

A parte citati responsum. Merito Republicam indolere fatis GOSIEVII: citatum verò non fuisse authorem ejus interitus, his probavit rationibus. Quòd nec ratione ullâ, nec se motore, exacerbatae mentes Exercitus contra GOSIEVIVM: quidquid verò actum est, id proprio motu egisse Exercitum & Præfectum. In cujus rei fidem produxit Kobrinense decretum, in quo exprimitur, displicuisse Exercitui, datam directionem commissionis GOSIEVIO Vilnæ.

Produxit literas Præfecti ad se scriptas in quibus objurgatur ob neglectum literarum commercium; pluraque se scire aliunde de rebus Vilnæ gestis, quam ab illo.

Militem nullatenus se iubente aut consentiente, irruiſſe Vilnam affirmabat: nihilominus non negabat duos ad se delegatos vespere venisse, nil tamen voluisse sibi tunc præsentibus aliis & videntibus aperire, donec mediâ nocte

Est scilicet eisdem munitos suum cubiculum introiſſe: tum excepto juramento super non evulgando secreto, rem eventuram summo manè aperuisse. Territum se & attonitum, invitum insuper, permisisse totum illorummet arbitrio, illorum consilium nec laudasse, nec reprehendisse præ metu: literisq; Præfecti pro tunc non lectis, maſtum se obdormivisse agebat: interea factam in Urbem irruptionem. Captivationem GOSIEVII, per literas Præfecto se exprobrasse. Sed is ibidem publicè negavit, se ullas vidisse ab illo hac de re literas, imò testes adduxit, ab eo factum captivationis summoperè collaudatum: literasq; illi non noctu, sed vesperi oblatas, lectas, approbatas.

Intulit Instigator, sibi minimè esse satisfactum: immo propriis literis, insuper testimoniis Præfecti & concaptivorum, ad oculum convictum esse citatum: utq; causam perductionis GOSIEVIO & Cancellario producerent, probarent, quam in suis scriptis & di-

FFF

ctis

Etis antehac injuriosè divulgaverunt, iterum iterumq; requirebat. Naves illas fuisse mercatorum Rigensium, non Moschoviticarum deduxit. Eisdem revisas ab ipsismet militibus, demonstrasse merces canabi, lini, non gemmas. Smolenscum vi captum ante annos decem, etiam nunc post fata GOSIEVII, infideri forti praesidio, nec egere Moschos ejus mercaturâ; cum suâ praesident potentiae.

Suecos (quos iactabant adduci contra se opprimendos) nullibi comparuisse hucusque. Hinc constat mera ejus haec commenta ad concitanda odia fuisse adinventâ. Nihil ad hæc: solummodò literas illas de nocte latas se non legisse, & totum arbitrio armatorum permisisse respondebat citatus. Reliquas omnes objectiones & scripta, solâ negatione & retorsione in Praefectum Militiæ eludebat.

Talia ad sui defensionem Directore allegante, Praefectumq; Militiæ, omnium quæ sibi obiciebantur reum incusante, non potuit suprema de fontis capite ferri sententia; quin Praefectus

*Aff. cõ.
tra Prae-
fectum
militiæ.*

fectus militiæ audiretur. *Itaque à parte lesa hæc ei objecta.*

Primò. Conjuratio per vim cum Exercitu instituta.

Secundò. Proceres Militiæ ad subscribendum decretum coacti.

Tertiò. Literæ datæ Novosynscio, quibus cædes GOSIEVII imperabatur.

Quartò. Violatum jus postæ.

Quintò. Exercitus deductus in bona cæsi.

Sextò. Ibidem habita consilia, innovatæ conjurationes; erectum fortalitium.

Septimò. Arrogatum jus Regibus proprium, convocandi Proceres & Nobilitatem.

Octavò. Lectum insuper decretum mortis post cædem scriptum, in hæc verba: *compertâ manifestâ proditiõne tam transmissis navibus Rigam, quàm in correspondendo cum Aula & Supremo Cancellario &c.* Hinc arrogatum jus proprium officio Thesaurarii, revidendi merces, transmittendi impediendiq; naves Dunâ Rigam, indeq; defluentes. Deduxit idem Instigator naves

Fffz

illas

illas fuisse Rigensium, quibus ex vi pactorum Olivenfium, transitus liber: qua de re Gubernatoris Suetici ibidem præsentatæ literæ. Deinde naves illas deportasse merces canabi, lini, nilq; aliud præterea: cum tamen adversarii calumniatores sparsissent (ad excitanda odia) septuaginta illis navibus, deportatam à Moschis pecuniam & gemmas, aliquando tormenta bellica, quandoq; salem, & his similia deliria confingebant. Insuper publici ærarii debitum eas persolvisse, in cuius rei fidem, lectæ literæ passus, à G O S I E V I O datæ Rigensibus, quæ specificè mercatores, merces deportandas, & telonium persolvendum recensebant. Hic calumniæ exaggeratæ, tyrannis, mortis ferries recensita, illata illi homini, cui debebamus tot res gloriosè gestas; cujus prudentiâ res restitutæ &c. &c.

*Ratio.
res Præ-
fecti mi-
litia.*

A parte Præfecti responsum

Imò. Quidquid actum est, id se egisse ex mandato totius Exercitus: idcirco omnes literæ à se

à se subscriptæ *Nomine Exercitus*, ubi omnium vox libera, omnium regimen; se verò similem idolo fuisse.

Secundò. Seditiones nullas per se concitatas asleverabat, nec scivisse quidnam rerum Vlnæ gereretur. Vlnæ seditionem ortâ & in castra allatâ: se verò præstolando exolutionem stipendiorum, liberaliter cum commilitonibus bibisse.

Tertiò. Idcirco cum cogeretur ab Exercitu, expedire Equitatum pro captivando G O S I E V I O, rem totam permisisse arbitrio Directoris circuli militaris, illis verbis: *si videbitur. Cave ne ladas tuam, & Exercitus consentiam.*

Quartò. Constare & inde aiebat, ex mente communis totius missum equitatum: quod si proprio misisset arbitrio, potuisset Exercitus inire rationes eliberandi G O S I E V I I.

Quintò. Negabat se dedisse vel minimum mandatum ad peragendam eandem.

Sextò. Imò scripsisse literas securitatis, quæ

non suâ culpâ, post peractam cædem, allatæ.

Septimò. Ratione navium, similiter omnia per negationem expediebat.

Octavò. Decretum mortis negabat se subscripsisse, nisi ultimo loco, idq; à tota communitate coactum.

Nonò. Testimoniis militum & fontium objecit invaliditatem; eum quisq; reus à se avertendo culpam, in eum coniiciat.

Decimò. Querebatur, documenta sibi ablata, per quæ posset deducere suam innocentiam.

Vndecimò. Amnestiam (uti vocant) Comitiorum anni 1662 Exercitui concessam, pro sua defensione trahebat.

Duodecimò. Poscebat scrutinium, non Varaviae, non inter fontes, non ex carcere peragendum; illud allegans: *neminem captivabimus, nisi iure victum.*

E contra Instigatoris officium

*Contra
eundem
Præfectum*

Ad primum produxit manifestationes factas ab Exercitu contra Præfectum ratione vis sibi illatæ.

Ad

Ad 2dum. 3. & 4. Literas Præfecti protulit, missionem militum omnibus insciis; infestas vias præfidiis; sparsum variò Exercitum, ne quid pro cantela vel defensione cæsi attentaret.

Ad 6tum. & 7. Exposcebat (prout & antè hac) ut prodicionem, quam toties in suis literis jaclabat, deduceret.

Ad 11mum. Amnestiam in Comitibus concessâ esse factorum ante Comitia, non faciendorum. Insuper criminales actiones, expressè in illa exclusas.

Ad 12mum. In tam evidentibus documentis, nullum requiri scrutinium. Insuper requisivit, ubinam vellet scrutinium institui? hîc adesse per Legatos Exercitum: hîc omnes cædis complices: hîc scripta omnia &c.

Instigátor Regni legē Patriâ produxit circa restitutionē famæ; utq; ei satisfaceret, poscebat; dum prodicionē toties scriptis & dictis vulgatâ, deducere renuunt: interest quippe ut per eâ honoris cæsi & superstitum, Posteritatifq; consulatur.

Subiunxit alius; ex dictis inferri utrumque

inno-

innocentem, crimen mutuò retorqueri, cùm unus asserat se ab Exercitu, alter Vilnâ abfuisse, hic Exercitum non concitâsse, ille mandatum cædi peragendæ non dedisse, hic Vilnâ scriptas literas cædis, ille equitatum non misisse: uterq; factum vel mutuò, vel in communitatem retorqueat; nihilominus, ex una parte scribitur, *Smolenscum venditum, innuit molimina, sat sapienti &c.* Ex altera, *mitto equitatum, si videbitur tibi: compertâ manifestâ proditiōe &c.* Nullum itaq; restare dubium, nullum locum scrutinio; suis rationibus & scriptis, fontes mutuò convinci.

24. Dec. Prævio juramento à parte læsa, super statuendis incorruptis testibus, deducebatur scrutinium.

30. Dec. Tum quò ampliora fontibus beneficia concederetur; tum in gratiam plurium recter ad comitia confluentium, ab Instigatore M. D. L. nuper productæ rationes, hodie contra fontem utrumque ornatissimâ eloquentiâ iteratæ. Quas oppugnavit fusissimè Director mili-

militaris circuli negando objecta, retorquendo crimen in alios, literas Vilnâ scriptas, se subscripsisse, non tanquam privatum, sed tanquam Directorem, in quibus tamen tangitur honor GOSIEVIL; se tamen mente diversum sensisse: privato suo nomine nil, nisi coactum scripsisse vel dixisse, imò se commilitonem, concaptivum, ubiq; conscium integritatis GOSIEVIANÆ, non potuisse atomum etiam ei obijcere, testatus: qui biennio decubuit æger, nil unquam tractavit, nil transegit cum Moschis; cujus facta, dicta, intentiones, rectitudinem & integritatem ubiq; spirabant.

— Instigator contra.

Conscius rectitudinis GOSIEVIANÆ, & concaptivus, obligabaris negare subscriptionem, tuâq; hac negatione & testimonio tanquam Director, malefanos dirigere: conscius rectè factorum ejus, tueri integritatem, non verò annuere insanientibus, apponere manum, subscribendo condemnationem cæsi, confirmare insanorum iudicium.

Ggg

Itc.

Iterum Director. Se Nomini & Honori
G O S I E V I I semper fuisse addictum: se
ejus beneficiarium ob ingentes ejus virtutes,
dotes, gratias, famam, & similia iactabat; idcir-
cò damnabat semetipsum, uxorem, filios, to-
tamq; domū mille periuriis. Post multa, facto ju-
ramento, cum aliis viginti, evasione poscebat.

Reliqui tres incarcerati, ministri cædis, &
instrumenta seditionum, facile convicti: cum
pro sua defensione solam negationem, amne-
stiam, libertatem, illamq; legem, *Neminem ca-
ptivabimus nisi Iure victum*, adducerent.

31. Dec. Semotis arbitris, in Senatu le-
ctum Scrutinium partis utriusque, secutæ lu-
dicum quinquaginta octo sententiæ, inq; se-
ram noctem protractæ. Tandem, haud aliàs
intentioe populo, super eventu causæ; à Re-
ge, (postquam citatos fuisset rationibus &
literis convinci; tum literas eorundem manu
& sigillis munitas, vidit negari; jamque omnia
beneficia iuris, quæcunque indulgeri poterant,
indulgit) parti læsæ victoria iuris eo die est
adiu-

adiudicata & promulgata. V Quâ præviâ, Rex
frequentissimo Senatu 2 Ian: per Marschal-
cum Curiae Regni, ob conjurationem initam contra *Decretū*
Senatorem, Supremum Thesaurarium & Exercitus
Ducem, Commissionis Marschalcum: ob irruptionem
factam modo guerrico in Civitatem metropolitanam:
ob violatam securitatem publicam Cōmissionis & po-
ste, ob captivationem eademq; predicti Senatoris: ob
usurpatas universales scribendi literas ad Palatinatus,
ob initas Legationes, quibus atrocis facti improbitatem
comprobabant: ob proditiōis notam scriptis & dictis
irrogatam, (ad quam probandam nullatenus elici potu-
erunt) ob erectū fortalitium Szadowia &c &c. De-
cretum infamiae, amissionis vite, & bonorum ad fi-
scum redigendorum, pronuntiavit. Tres quidem
cædis authores capite plecti, in quatuor partes dis-
secari, edixit; duos cædis ministros, in pœnam ca-
pitis condemnavit. Cateri cædis conscij perpetuā
infamiā aliisque pœnis Civilibus notati. In pro-
fugos pœna capitis & infamiae edita.

3. Ianuarij in foro Varfaviensi executio *Executio decre-
ti,*
secuta: scripta quoque omnia, quibus illi glo-
riam

riam C O R V I N I magnaue alia
Nomina læserunt, carnificis manu publicè ex-
usta, ut posterì.

Discant iustitiam moniti, & non temnere Reges.



- | | | |
|----------------------------------|------------------------|---------------------------------|
| 28. antecedere | Legem | peditatum |
| 29. De la Isola | | del Isola |
| 44. rei ferendæ | | rei gerendæ |
| 75. observamus | | observavimus |
| 126. secreto consilio | | secretum consilium |
| 138. Moscho | | Moschi |
| 152. nec | | nec |
| 153. De la umbres | Legem | Del umbres |
| 158. vetustissimorum familiarium | | vetustissima-
rum familiarum |
| 159. conservatur | | conservari dicitur |
| 166. æquorum vi | L. aquarum vel æquorum | |
| 171. tinas | L. | tonnas |
| 182. quos hac tenus | L. | habenis |
| 182. ut quid interiora | | quid inter se loqv |
| 201. Fæminæ Principes | | fæminæ Principis |
| 207. reservati | | reservari |
| 207. hos præfenti | | hâc præfenti |
| 230. propè | L. | probè. |
| 233. is validis | | ijs validis |
| 246. Pelingam | | Pekingam |
| 246. quos par est | | quo par est |
| 253. allapso | | allapfa |
| 158. solenniter | L. | solenniter |

274. equis in gyros actu

276. continetur L.

302. in Moschoria L.

79. seiori L.

310. Tanti consistit L.

321. audivisses L.

335. propè L.

364. Rheni L.

393. 13000 profl. L.

gyrū actis
continentur.

Moschoriam

seiori

constitit

vidisses

probè

Eni

130000.



Hist. Polon.
6. spec.

